

Pesalem Njabuku

Pesalem ɳabuku kêtû Bibolo ɳabuku mecŋa to ɳawê dabuŋ. Lau sêga-wêwaga sêga wê tau gêdêŋ ɳasawa baliŋjanô. Lau sejoŋ wê to mec tau sa ma lau Israel sêjam wê to teteŋ mec tau gêdêŋ tan sêlic nêŋ om naŋ. Gêdêŋ ɳasawa teŋ lau sêkêŋ Pesalem ɳabuku kêsêp Bibolo gêwiŋ Bibolo ɳabuku ɳagêdô.

Lau sêga wê tonec kêpi biŋ tokainj-tokainj. Wê ɳagêdô wê lambiŋja, ɳagêdô wê tanam sakiŋ Anôtôŋa, ɳagêdô wê mecŋa. Lau teteŋ Anôtô gebe ênam êsêac sa to taê walô êsêac ma ênam êsêac kësi. Lau ɳagêdô teteŋ eŋ gebe êsuc nêŋ sec ôkwi. Wê ɳagêdô gêjam dange Anôtô gebe gêjam mec nê lau. ɳagêdô teteŋ eŋ gebe êmêtôc nê launêŋ ɳacio. Mec tonaj ɳagêdô gêjac lau tagenj-tagenj ɳawae ma ɳagêdô gêjac lau tapaÔŋgeŋ ɳawae. Wê ɳagêdô geoc ɳac tagenj nê ɳalêlôm lasê ma ɳagêdô kêtôc gêŋwapac to biŋ, tan Anôtônê lau samob sêôc to sêsaâ sêmoa naŋ.

Apômtau Jesu keteŋ Pesalem kêtû nê mec amboac tonajgeŋ. Lau teto-Binlênsêm-Wakucwaga sêkôc ɳalô dabuŋ sa anŋa Pesalem ma teto kêsêp nêŋ papia. Lau Buŋa ɳamataŋa e mêŋgêdêŋ galocŋa tetoc buku tonec sa kêtû nêŋ buku mecŋa to nêŋ lêŋ ɳagôliŋ.

Pesalem 150 tonaj sêwa kêkôc kêtû ɳasêbu lemenjteŋ me buku lemenjteŋ amboac tonec gebe

Buku kêtû ɳamataŋa Pesalem 1-41

Buku kêtû luagêcŋa Pesalem 42-72

Buku kêtû têlêacña Pesalem 73–89

Buku kêtû aclêja Pesalem 90–106

Buku kêtû lemenjeñja Pesalem 107–150

1

BUKU KÊTU NAMATANJA

Lau gêdêj to lau sec

- ¹ Aweŋ êôc ɳac, taŋ êsa nê lêŋ êtôm lau,
taŋ sêkac tauŋ su aŋga Anôtônê naŋ, nêŋ mêtê
atom,
ma êsa lau sec nêŋ lêŋ
to êŋgôŋ lau-susuwaga ɳalêlôm atom.
- ² ɳac amboac tonanj têtac gêwiŋ Apômtaunê biŋsu
ma taê gêjam ênê biŋsu ɳam kêtôm bêc to
gelenjeŋ.
- ³ Eŋ kêtom ka sêse kêkô butali, taŋ gêjam ɳanô
kêtôm ɳanocgeŋ naŋ.
ɳalaŋ oc êmêlinj atom, ma gêŋ samob, taŋ eŋ
gêgôm naŋ, oc êtap ɳanô sa.
- ⁴ Lau taŋ sêkac tauŋ su aŋga Anôtônê naŋ, amboac
tonanj atom.
Êsêac têtôm ɳapaôma, taŋ mu kelelo sa.
- ⁵ Amboac tonanj lau-sêkac-tauŋ-suwaga oc sêkô
ɳajaŋa êndéŋ noc mêtôcña atom,
ma lau sec sêkô gôlôac ɳalêlôm atom amboac
tonanj,
- ⁶ gebe Apômtau kêjala lau gêdêj nêŋ lêŋ.
mago lau-sêkac-tauŋ-suwaga nêŋ lêŋ oc ênaŋa.

2

Anôtô agêc ɳac, taŋ geŋ oso eŋ naŋ

- 1** Lau samuc sêli aweŋ sa kêtua sâgenja,
 ma tentenlatui sêkic biŋ ɳaôma-ɳaôma nec ɳam
 amboac ondoc.
- 2** Kiŋ nomŋa sêkac tauŋ sa,
 ma gôlinwaga sêkic biŋ sêwiŋ tauŋ sebe senseŋ
 Anôtô agêc nê ɳac, tanj geŋ oso eŋ naŋ.
- 3** Êsêac sêsôm gebe “Tamô êsêacnêŋ lakô êngic
 ma tambalinj êsêacnêŋ lêpoa, tanj kêgi aêac auc,
 nan siŋ.”
- 4** Apômtau, tanj gêngôŋ lêpôŋ aŋga undambê naŋ,
 kaômac
 ma kêsu êsêac susu.
- 5** Go kêsôm biŋ gêdêŋ êsêac totêtac ɳandaŋgeŋ
 ma eŋ têtac kêmoatiŋ tōŋ kêtakê êsêac gebe
- 6** “Aê tauc kakêŋ ɳoc kinj gêngôŋ ɳoc lôc dabuŋ
 Sion.”
- 7** “Aê gabe jasôm biŋ, tanj Apômtau taê gêjam naŋ,
 lasê acgom.
 Eŋ kêsôm gêdêŋ aê gebe ‘Aêŋoc latuc aôm, oc-
 salô tonec aê katu aôm tamam.
- 8** Oteŋ aê, go jakêŋ lau samuc têtu nêm gênlênsêm
 ma jakêŋ nom samucgeŋ êtu nêm gamêŋ.
- 9** Aôm oc ônam gôliŋ êsêac ɳa tôcki
 to olo êsêac êtôm selo kunom.’ ”
- 10** Amboac tonanj amac kiŋ nêm kauc êsamaŋ
 ma amac nom ɳagôlinwaga taêm ênam biŋ, tanj
 galêŋ biŋ amac naŋ.
- 11** Anam sakiŋ Apômtau toatêc eŋgeŋ,
 au taôm anêc eŋ akaiŋja toatênenpgeŋ.
- 12** Embe masi, oc têtac ɳandaŋ êsa
 ma amac anaŋa aŋga intêna,

gebe enj ñjac têtac dambê.

Aweñ êôc lau samob, tañ sê lamu engeñ nañ.

3

Mec bêbêcña gebe Anôtô ênam sa

¹ Ojae, o Apômtau, lau tañ sélêsu aê nañ, taêsam
 ñasecgoc,
 taêsam dêdi sêkô sebe senseñ aê.

² Lau taêsam sêsôm kêpi aê gebe
 “Anôtô oc anam enj sa teñ atom.”

³ O Apômtau, aôm kôtu lautuc gômôê aê aucgoc.
 Aôm kôtu aê waec to kôsa môkêcapac sa.

⁴ Gamôêc Apômtau ña aoc kapôenj,
 e kêkêñ taña ñoc tañi añga nê lôc dabuñ.

⁵ Aê kasa tauc sic ma gaêc bêc e kalinj tauc siñ.
 Gaêc e matoc jali kêsa gebe Apômtau gêjam aê
 sa.

⁶ Lausinj tañ topom-topom sêgi aê auc nañ,
 mago katêc êsêac atom.

⁷ O Apômtau, ôndi. O ñoc Anôtô, ônam aê sa.
 Aôm tonaj tec kôtap ñoc ñacio samob kêsêp
 alianô, ma kôtuc lau, tañ sêkac tauñ su añga
 aômnêm nañ, luñluñ kêsêlô.

⁸ Apômtau kêtû ênam aêac sa ñamôkê.
 Ônam mec nêm laumanj.

Dawidnê pesalem teñ. Gêc latu Absalom gêja su,
go gêga.

4

Mec êtulaña teñ gebe Anôtô ênam sa

¹ O Anôtô, taŋ kômasaŋ ηoc biŋ jagêdêŋ,
aê embe jamôēc, naŋ ôkêŋ taŋam aê.
Aê gamoa togêŋwapac, go aôm kôgaboac aê su.
Taêm labu aê ma ôkêŋ taŋam ηoc mec.

² O amac lau tembelem angeŋ,
abe aŋgôm aê waec êtu meloc e êndêŋ ondoc
acgom.
Amac abe taêm ênam biŋ dansaŋ,
tec abe asap gêŋ ηaóma tōŋ e êndêŋ ondocgenj.

³ Ajalamaŋ gebe Apômtau kêjaliŋ nê ηac mansaŋ aê
sa.
Embe jamôēc êndêŋ Apômtau, oc êkêŋ taŋa aê.

⁴ Embe têmtac ηandaŋ, naŋ aŋgôm taôm sec atom.
Taêm ênam biŋ tonan̄ ênêc lêlômgenj, amoa nêm
gamêŋ ma anam taôm tōŋ. ⁵ Ansun̄ da gêdêŋ
ma akêŋ matem Apômtau.

⁶ Lau taêsam sêšôm gebe
“Asa oc êmoasiŋ aêac.
O Apômtau, ôc lanjômanô ηaja sa
mêñépô aêac.”

⁷ Aôm kôkêŋ têtac ηajam kêsêp aêŋoc ηalêlôm,
kômoasiŋ aê kêlêlêc êsêac, tan̄ sêngôŋ gêŋmasê
ηaôgen̄ naŋ su.

⁸ Aê jasa tauc sic to janêc bêc tobiŋ malôgenj
gebe aôm taômgenj, o Apômtau, kôkêŋ aê gamoa
ηoc ηajam.
Dawidnê pesalem teŋ.

5

Mec teŋ kêtu Anôtô ejop aêacŋa

- ¹ O Apômtau, ôjô ñoc biŋ.
Wê taŋam ñoc olin.
- ² Ojae aêjoc kiŋ to ñoc Anôtô, ôjô ñoc taŋiboa
kapôéŋmaŋ,
gebe aêjoc mec êndêŋ aôm êwac.
- ³ O Apômtau, ôjô aê aoc êndêŋ bêbêc kanucgeŋ.
Kamasanj ñoc da gêdêŋ aôm gêdêŋ bêbêc
kanucgeŋ, ma tec matoc teŋ-teŋgeŋ aômja
gamoa.
- ⁴ Aôm kôtôm Anôtô, taŋ têtac gêwiŋ biŋ palinj-palinj
naŋ atom.
Ñac sec teŋ êtu nêm ñacleŋ atom.
- ⁵ Lanemtêna sêkô laŋômnêm atom.
Aôm kôkêŋ kisa gêdêŋ lau-sêgôm-secwaga
samob.
- ⁶ Aôm goseŋ dansanwaga samob su.
Apômtau gêjam laŋôanô ôkwi aŋga lau, taŋ sêwê
kaiŋ dec to biŋ-dansanwaga naŋ nêŋ.
- ⁷ Aôm gôlôc kêtu nêm têmtac gêwiŋ teŋgeŋja
gebe aê jasô nêm andu jana.
Aê jateŋ mec aŋga nêm lôm dabuŋ
ma jau tauc janêc gebe jatoc aôm sa.
- ⁸ O Apômtau, ônam gôliŋ aê êtôm nêm biŋgêdêŋ.
Ômansanj nêm intêna ênêc aê laŋôcnêm êtu ñoc
ñacioŋja,
- ⁹ gebe biŋjanô gêc êsêac aweŋsuŋ atom.
Ac taêŋ gêjam biŋ sesen gêŋ suŋageŋ.
Êsêacnêŋ koclabenj kêtôm sêawa gêŋja.
Imbeleŋ geno biŋ e ñawasi laŋgwagenj.

10 O Anôtô, ôkêñ ñagêjô êndêñ êsêac
gebe nêñ dib êtu lakô êndêñ tauñ.

Ôtiñ êsêac su aña lañômñemña êtu nêñ biñ alôb-
alôb taêsamña
gebe sêli tauñ sa gêdêñ aôm.

11 Mago lau samob, tañ sê lamu aôm nañ, têntac
ñajam êsa.

Ôtu lautuc êsêac,
tañ têntac gêwiñ aôm nañ,
gebe sêmoa toôliñ êpigen.

12 O Apômtau, aôm gôjam mec ñac gêdêñ,
ma nêm moasiñ kêkwa eñ auc amboac lautuc.
Dawidnê pesalem teñ.

6

Mec gebe Anôtô ênam sa êndêñ têm wapacña

1 O Apômtau, têmtac ñandañ ênac aê atom.
Têmtac êmoatinj tôñ ma ôsôm aê atom.

2 O Apômtau, taêm labu aê gebe aoc kêtû dambê.
O Apômtau, ômoasiñ aê gebe katakê e katuc uñ
tagen.

3 Aê katuc ñatutuc ñasec.
O Apômtau, aôm gobé ônac jaê aê e êndêñ on-
docgeñ.

4 O Apômtau, ôkac taôm ôkwi ômu ômôêñ ma ônam
aê sa.

Ônam aê sa êtu nêm moasiñja,

5 gebe lau, tañ sêmac êndu su sêja nañ, taêñ gêjam
aôm atom.
Asa oc êngôm waem êsa aña lamboam.

- 6** Aê kasê aoc jamêc-jamêc e tekoc gêbac,
 ma gaêc bêc gajac matocsulu sasa gêdêŋ
 gêbêc balinj gebe matocsulu kêsunj laplap
 lanjwageŋ.
- 7** Aê kataŋ ŋanô e matocdêbu kêtinj ma galic gamêŋ
 sapu
 kêtu ŋoc ŋacjo sêlêsu aêŋa.
- 8** Amac secwaga samob aêc su anja aêŋoc,
 gebe Apômtau kêkêŋ taŋa ŋoc taŋiboa kapôdêŋ.
- 9** Aê kataŋ e Apômtau kêkêŋ taŋagoc.
 Apômtau kêkôc ŋoc mec sagac.
- 10** Aêŋoc ŋacjo samob oc selendec sec e nêŋ meloco
 êsa,
 go têtaŋ tauŋ su sebenj e sêc tomajenget sêna.
 Dawidnê pesalem teŋ. Pesalem dambu tauŋja
 kêtu ŋamataŋa.

7

Apômtau kêmêtôc lau jagêdêŋ ŋawê

- 1** O Apômtau, ŋoc Anôtô, aê gaê lamu aômgeŋ.
 Ôjanjo aê su anja lau samob, taŋ sêjanda aê
 naŋ nêŋ, ma ônam aê sa.
- 2** Embe masi, go ŋacjo sêmônij aê êŋgic to sênsaic aê
 amboac lewe
 gebe ŋoc ŋac-ênam-aê-sawaga masi.
- 3** O Apômtau, ŋoc Anôtô, aê embe jaŋgôm gêŋ keso
 teŋ
 êndêŋ ŋac teŋ,
- 4** ma embe jatu kasec ŋac, taŋ jagêc amoatob
 biŋmalôgeŋ tauŋ naŋ,

ma embe janam êsêac, taŋ sêkêŋ kisa aê ɳaôma
naŋ, sa atom,

⁵ go ɳacjo êjanda aê e naê aê tōŋ ma êka aê tōŋ tamin
nom
to êngôm aê waec êtu meloc.

⁶ O Apômtau, ôndi totêmtac ɳandaŋgeŋ ma ôndi sa
mêŋonseŋ lau, taŋ sêlêsu aê naŋ, nêŋ ɳaôndu
su.

Aôm taŋ kômêtôc biŋ naŋ, matam jali êsa gebe
ômoasiŋ aê.

⁷ Ôkac tenteŋlatu samob sa wactetoc aôm sa acgom,
gocgo wêc ômu ôpi ôwac nêm lôlôc êtiam.

⁸ Apômtau kêmêtôc lau samob nêŋ biŋ.

O Apômtau, ômêtôc ɳoc biŋ êtôm nêm biŋgêdêŋ
ma ômoasiŋ aê êtu ɳoc biŋ masiŋa.

⁹ Ôkêŋ lau, taŋ sêkac tauŋ su aŋga aômnêm naŋ, nêŋ
biŋ alôb-alôb ênac pep,

ma ôpuc ɳac gêdêŋ tōŋ êkô ɳajaŋa.

O Anôtô gêdêŋ,
aôm kôjala ɳoc ɳalêlôm e gôbi lêtêŋ.

¹⁰ Anôtô kêkam aêŋoc lautuc ɳagabiŋ.

Eŋ gêjam lau, taŋ taêŋ gêjam biŋgêdêŋ naŋ sa.

¹¹ Anôtô kêmêtôc biŋ jagêdêŋ

ma Anôtô tonau kêkêŋ ɳagêjô kêtôm bêcgeŋ.

¹² Nac teŋ embe ênam tau ôkwi atom, oc Apômtau
êuc nê siŋ ɳamata êsa êtu eŋja.

Eŋ êkêkam nê sôb êkanôŋ eŋ.

¹³ Eŋ êkêŋ nê sôb-enseŋ-lauŋa nadiŋgeŋ eŋ
to ênam jalana tamiŋ nê sôb.

¹⁴ Alicgac me, binj alôb-alôb gêjam ɻjac sec auc. Eŋ taê gêŋ wapacŋa.

Ma embe êkôc, oc talic gêŋ tau gebe biŋdansaŋ.

¹⁵ Eŋ kêkwê sê e ɻjalêlôm gêjac tau Jaê,
mago tau oc nau tau êsêp nê gêŋ, taŋ kêkwê naŋ.

¹⁶ Gêŋwapac taŋ taê gêjam naŋ, oc êŋgôndiŋ eŋ tau,
ma nê gêŋ alôb-alôb oc êtap eŋ tau môkêdaŋgam sa.

¹⁷ Aê aoc êôc Apômtau êtu nê biŋ gêdêŋja,
ma jaŋga wê êpi Lôlôc ɻNatau Apômtaunê ɻnaâ.

Dawidnê wê teŋ, gêjam gêdêŋ Apômtau kêtu ɻjac Benjaminŋa Kus nê biŋja.

8

Tatoc Anôtô sa gebe gêgôm aêac waŋ kêsa

¹ O Apômtau, aêacma ɻNatau, nêm ɻnaâ ɻjawae kêsa gêjam nom aucgoc.

Êsêac sêlambinj aômnêm ɻawasi e jagêdêŋ undambê.

² ɻNopalê to ɻnapalêo dedec aweŋ sêlambinj aôm sêwiŋ.
Aôm gôboa gamêŋ ɻajaŋa sa

êpuc nêm ɻjacjo su
ma nêm soŋo-soŋo to lau-sêli-aweŋ-sawaga sênam tauŋ ôkwi.

³ Aê embe jalic undambê, taŋ lêmamlatu kêkêŋ,
ma embe jalic ajôŋ to utitalata, taŋ kômasanŋ naŋ,

⁴ (oc taêc ênam tauç gebe) ɻNamalac tau oc amboac asagenj, tec taêm gêjam eŋ,

ma ñamalac latu oc amboac asagenj, tec gôjam jaom ej nec.

⁵ Aôm kôkêj ej kêdabiñ gebe êtôm aôm,
ma gôjam gêlôj ej ña wae to ñawasi.

⁶ Aôm kôkêj ej gêjam gôlin gêj, tanj lêmam gôgôm nanj,
ma kôkêj gêj samob kêsô ej ñalabu.

⁷ Kôkêj domba to bulimakao
ma kôkêj bôc salenja gêwiñ.

⁸ Aôm kôkêj moc, tanj sêmoa umboñ ñalabu ma i, tanj sêmoa gwêclêlôm,
to gêj mateñ jali gwêcña samob, tanj sêsa nêj lêj gêdêj-gêdêñgeñ nañ.

⁹ O Apômtau, aêacma Ñatau,
nêm ñaê ñawae kêsa gêjam nom aucgoc.
Dawidnê pesalem teñ.

9

Tanam dañge Anôtô gebe ej kêmêtôc lau jagêdêñgeñ

¹ Aê gabe aoc êôc Apômtau toñoc ñalêlôm samuc.
Aê gabe jasôm aômnêm gêjsêga, tanj gôgôm nañ samob ñawae lasê.

² Aê gabe têtac ñajam ma aoc êôc aôm toôndugeñ.
O Lôlôc Ñatau, aê gabe jañga wê êpi aômnêm ñaê,

³ gebe aôm kôkêj aêñoc ñacio sênu tauñ su sêmu sêso sêja.

Aôm kôtiñ êsêac e sêka ejkainj ôkwi ma sêjanja,

⁴ gebe aôm kômasañ aêñoc biñ to kômêtôc jagêdêj.
Aôm-kômêtêc-gêdêñwaga gôngôj lêpôj tau ñaô.

- 5** Aôm goec biŋ lau samuc to goseŋ alôb-alôbwaga su.
 Aôm goseŋ êsêacnêŋ ɳaê su gêjaŋa samucgenj.
- 6** Aôm golo ɳacjo popoc e gacgenj maleŋmê balinŋenj sêja.
 Aôm goseŋ malac gêwinj e ɳaê samob gêjaŋa.
- 7** Apômtau oc êngôŋ nê lêpôŋ endenj tōŋgenj.
 Enj ketoc lêpôŋ kékô gebe êmêtôc biŋ.
- 8** Nac tagenj tonanj tec kêmêtôc lau nomŋa nêŋ biŋ jagêdêŋ
 ma kékêŋ ɳagêjô gêdêŋ tentenlatu gêjô gêŋ, tanj sêgôm naŋ.
- 9** Apômtau kêtua lau, tanj sêôc gêŋwapac naŋ, nêŋ tuŋtêna.
 Enj kêtua tuŋtêna gebe êsêac sêŋgôŋ ɳalêlôm êndêŋ tanj gêŋwapac êngôm êsêac naŋ.
- 10** Amboac tonanj êsêac, tanj sêjala aômnêm ɳaê naŋ, sêkêŋ mateŋ aôm.
 Aôm Apômtau tec gôwi êsêac, tanj sesom aôm naŋ, siŋ atom.
- 11** Awem êôc Apômtau, tanj gêŋgôŋ nê lêpôŋ gêŋgôŋ Sion naŋ,
 asôm ênê gêjsêga lasê êndêŋ tentenlatu sêŋô,
12 gebe enj taê gêjam gebe êkac êsêacnêŋ kamocgôc.
 Enj kêlinj môêc, tanj lau ɳasec sêmôêc gêdêŋ enj naŋ, siŋ atom.
- 13** O Apômtau, tanj kôkô aê auc gêdêŋ jamac êndu ɳasacgêdô naŋ, taêm labu aê.

Ôlic aêmamaŋ gebe ηoc ηacjo sêgôm aê kwalec-goc.

¹⁴ Aê gabe jasôm aômnêm gêj towae lasê samob.
Jakô Sion latuo nê sacgêdô ma aoc êôc aôm toôndu, gebe gôjam aê sa.

¹⁵ Lau samuc nêj sê, taŋ sêkwê kêtû aêŋa naŋ, êsêac tauŋ sêu tauŋ sêsêp.

Tauŋ eŋkaiŋ gêwê uc, taŋ sêkic kelecgeŋ naŋ.

¹⁶ Apômtau kêmêtôc biŋ gêwa tau sagac.
Nac alôb-alôb gêwê tau lêma ηalakô.

¹⁷ Lau alôb-alôbwaga sêsêp lamboam sêja,
ma lau samuc samob, taŋ sêlinj Anôtô siŋ naŋ,
amboac tonanjeŋ.

¹⁸ Anôtô oc êliŋ lau ηalélôm sawa siŋ ηapanj atom-anô,
ma lau ηasec sênsaê gêj, taŋ sêkêj mateŋ naŋ,
elêmê atomanô.

¹⁹ O Apômtau, ôndi sa. Ôkêŋ ηamalac sêngôm gêŋ palinj atom.

Ôkêŋ lau samuc têtap nêj ηagêjô sa aŋga aômnêm.

²⁰ O Apômtau, ôŋgôm êsêac têtakê.
Ôkêŋ lau samuc sêjala tauŋ gebe êsêac lau ηaômá.
Dawidnê pesalem teŋ.

10

Mec Anôtô êmêtôc naêndêŋya

¹ O Apômtau, amboac ondoc kôkac taôm su wackôkô jaêcgeŋ.

Amboac ondoc kôsiŋ taôm gêdêŋ têm gêŋwapacŋa.

² Lau alôb-alôb tetoc tauŋ sa ma sêjanda lau ŋasec.
Biŋ tanŋ êsêac taêŋ gêjam naŋ, êtap êsêac tauŋ sa acgommaŋ.

³ Nac alôb-alôb kékeli tau kêtû nê kauc secŋa
ma ŋac, tanŋ gêjam bôlêŋ ŋaôli ôkwi naŋ, kêsôm
biŋ meloc kêpi Anôtô e gêwi eŋ sin.

⁴ Nac alôb-alôb nê biŋ gêjac kolec tau gebe Anôtô
êkêŋ ŋagêjô atom.

Eŋ ketoc tau sa ma taê gêjam gebe Anôtô gêmoa
atom.

⁵ Eŋ gêgôm nê gêŋ kêmoatinŋ en e gêmoa ŋajam geden
tôngeŋ. Aômnêm lêŋ mêtôcŋa gêjac jaê eŋ.
Eŋ kêteŋ pêlê nê soŋo-soŋo samob.

⁶ Eŋ taê gêjam gêŋ tau gebe “Aê oc jambeŋ teŋ
atomanô,
ma gêŋwapac oc êtap aê sa atomanô amboac
tonanjeŋ.”

⁷ Ènê awasun kapuc boa ŋanô ma biŋdansaŋ to
ŋaclai gêjam auc.
Gêŋwapac to gêŋ alôb-alôb gêšac imbêla
ŋatêpôeŋ.

⁸ Eŋ gêdib lau gêŋgôŋ gamêŋ gasaŋ e gêjac ŋac, tanŋ
tobiŋmê naŋ êndu.
Eŋ mata geso lau, tanŋ sêpô lêna kêtû gêŋ
ŋagêdôŋa naŋ.

⁹ Eŋ gê lamu gamêŋ ma gêdib lau amboac lewe
gêdib gêŋ gêmoa gamêŋdani.
Eŋ gêdib gebe êkatôm ŋac ŋasec tôŋ.

Enj kêkatôm ñac ñasec
gebe ênsaic enj naêşêp nê uclêlôm.

- 10** Enj kêgalab gewec-gewec
e kêtap lau ñasec sêpô lêna tauñja sa.
- 11** Enj taê gêjam gêc nê ñalêlôm gebe “Anôtô kêlinj siñ.
Anôtô gêsañ lañôanô auc e gêlic sapu.”
- 12** O Apômtau, ôndi sa. O Anôtô, ôc lêmam sa.
Ôlinj lau ñasec siñ atom.
- 13** Ñac alôb-alôb oc êsôm biñ meloc-meloc êpi Anôtô
êtu asageñja.
Ma amboac ondoc taê ênam ênêc nê ñalêlôm
gebe “Aôm oc ôkêñj ñagêjô êndêñj aê atom
nec.”
- 14** Mago aôm tec gôlic gêngac. Aôm gôlic gêñwapac to
lau-sêpô-lêna wagagac,
ma aôm lêmam ônam gôlinj.
Aôm taômgenj, tec ñac kêpô lênañja mata kêsap aôm.
Aôm gôjam mosêbu sa.
- 15** Ônac ñac alôb-alôb to ñac, tañ kêkac tau su aنجa
Anôtônê nañj, lêma tulu.
Ôkêñj ñagêjô êpi eñ ejô nê gêñ samob e toma-
lagerj.
- 16** Apômtau kêtu kinj êñgôñ teñgeñ ma teñgeñ.
Lau samuc maleñmê aنجa ênê gamêñ sugac.
- 17** O Apômtau, aôm kôjala lau ñasec têntac kêkac êsêac
aômñja.

Aôm gôê taŋam êsêac to kôpuc êsêacnêŋ ɻalêlôm
 tōŋ,
¹⁸ gebe ômêtôc mosêbu to lau sêŋgôŋ jageoŋa nêŋ
 biŋ êtu katô
 e ɻamalac nomŋa têtakê lau teŋ êtiam atom.

11

Lau geden nêŋ lamu

- ¹ Apômtau kêtu ɻoc lamu. Ma amboac ondoc asôm
 gêdêŋ aê gebe
 “Ôec ôpi lôc ôna amboac moc.
- ² Gôlicgac me, dedec-Anôtôwaga sêkac tikoc talam
 ma sêjô sôb e jadiŋgeŋ,
 sebe sêpô lau-ɻalêlôm-gêdêŋwaga êndêŋ gamêŋ
 ɻakesec.
- ³ Embe senseŋ mêtê ɻanombaŋ, naŋ geden ɻamalac
 tōŋ naŋ su
 ɻac gêdêŋ oc êsôm ɻabiŋ amboac ondocgeŋ.”
- ⁴ Apômtau gêmoa nê lôm dabuŋ ɻalêlôm.
 Ènê lêpôŋ kêkô undambê.
 Eŋ mata geso lau gamêŋ samobŋa
 ma gêlic gêŋ, taŋ êsêac sêgôm naŋ.
- ⁵ Apômtau kêsaâ ɻac gêdêŋ to ɻac, taŋ gedec en naŋ
 kêtômgeŋ.
 Ma nê ɻalêlôm kêmoatiŋ tōŋ kêtu ɻac, taŋ
 gêgôm nê gêŋ togôliŋmê naŋŋa.
- ⁶ Eŋ kêkêŋ ja to talao gêjac lau sec amboac kom
 gêjac
 ma kêsakiŋ mu ɻandaŋ kêtu nêŋ gêŋ êlau
 êsêacŋa.

7 Apômtau eŋ ɳac gêdêŋ ma têtac gêwiŋ biŋgêdêŋ.
 Lau taŋ sêgôm ɳanô kêsa naŋ, oc sêmoa eŋ
 laŋônêmja.
 Dawidnê teŋ.

12

Mec Apômtau ênam aêac saŋa

- 1** O Apômtau, ônam aêac sa gebe lau mansaŋ têtaŋ
 su
 ma lau wapac maleŋmê e gamêŋ kêta êŋ.
2 Sêšôm biŋ geo gelom-gelom tau.
 Ac sêšôm nêŋ biŋ aweŋsuŋ geno-genogeŋ ma
 nêŋ ɳalêlôm gêja lulu.
- 3** Ojae, Apômtau enseŋ gêdôŋôlic samob, taŋ seno-
 seno biŋgeŋ,
 to aweŋsuŋ, taŋ sêboa tauŋboa naŋ, acgom-
 maŋ.
4 Lau tonaj tec sêšôm gebe “Tauŋma imbeleŋ kêpuc
 aêac tôŋ to gêdôŋôlic gêjac aêac sa.
 Asa gebe ênam gôliŋ aêac.”
- 5** Apômtau kêsôm gebe “Aê gabe japuc tauc jandi
 êtu lau, taŋ sêkôninj ȇsêac sêŋgôŋ jageo to lau
 ɳagêbôc seŋ oliŋ tauŋ elêmê naŋŋa.
 Aê gabe janam lau, taŋ sêkêŋ mateŋgeŋ gebe
 janam ȇsêac saŋa naŋ sa.”
- 6** Apômtaunê biŋ ɳalô ɳakêŋkêŋ
 kêtôm labi naŋ sêjam e ɳakep masi amboac
 kwalamwaô.
- 7** O Apômtau, ônam jaom lau ɳasec ma ôpuc aêac tôŋ
 êndêŋ lau tònê êtôm têm samob,

⁸ gebe lau geo oc dêndi sêôŋ to sêmboa tauŋ e sênsinj
aêac auc,
gebe sec gêjam sêga anŋa ñamalacnêŋ.
Dawidnê pesalem.

13

Mec Apômtau ênam aêac saŋa

- ¹ O Apômtau, gobe ôliŋ aê siŋ samucgenj e êndêŋ ondoc acgom.
Ma gobe ôsiŋ lanjôm aê e êndêŋ ondocgenj.
- ² Aêŋoc katuc oc êôc ñandaŋ
ma ñoc ñalêlôm ñawapac êtôm eleŋ to êmbêc
e êndêŋ ondocgenj ma ñoc ñacjo etoc tau sa
êndêŋ aê e êndêŋ ondocgenj.
- ³ O Apômtau, ñoc Anôtô, ôlic aê ma ôkêŋ taŋam
aêma.
Ôkêŋ matocanô ñawa êsa gebe gêmac enseŋ aê
atôm.
- ⁴ Ma ñoc ñacjo etoc tau sa ma êsôm gebe “Aê kaku
enj tulu,”
ma ñoc soŋo-soŋo têtu samuc êtu aê kaku saŋa
atom.
- ⁵ Mago aê taêc kêka aôm têmtac gêwinj tengeŋŋa.
Ñoc ñalêlôm êtu samuc gebe gôjam aê kësi.
- ⁶ Aê janam wê êndêŋ Apômtau
gebe enj kêmoasiŋ aê ñanô.
Dawidnê pesalem.

14

Namalacnêŋ sec (Pes 53:1-6)

¹ Lau meloc tec nêj ɻalêlôm kêsôm gêdêj tauj gebe
“Anôtô tej gêmoa atomanô.”

Êsêac sêgôm gêj sec to alôb-alôb ma nêj tej
gêgôm gêj ɻajam tej atom.

² Apômtau kêtû kênij ɻamalac laturj aŋga undambê
gebe oc êtap ɻac tokauc tej, taŋ kêtêc Anôtô
naŋ, sa gêmoa me masi.

³ Mago êsêac samob sêkac tauj su. Samob têtu
secnageŋ.

Êsêacnêj tej gêgôm gêj ɻajam tej atom, masi
samucgeŋ.

⁴ “Lau secwaga samob nêj kauc gêbôc me. Êsêac
têdaŋgôŋ ɻoc lau amboac seŋ mo
ma êsêac awen gêjac Apômtau atom.”

⁵ Mago êsêac oc têtakê ɻasec
gebe Anôtô gêmoa gêwinj lau gêdêj nêj gôlôac.

⁶ Amac abe akô biŋ, taŋ ɻac ɻalêlôm sawa kêkêŋ
mata naŋ, auc.

Mago Apômtau tau kêtû ênê lamu.

⁷ Ojae, moasiŋ ênam Israel saŋa mêmêsa aŋga Sion
ecmaŋ.

Êndêj taŋ Apômtau êmoasiŋ nê lau êtiam naŋ,
Jakob oc êtu samuc ma Israel oc têtac ɻajam
êsa.

Dawidnê pesalem.

15

Lau, taŋ sêŋgôŋ Anôtônê lôc dabuŋ naŋ

¹ O Apômtau, asa oc êtu ɻacleŋ aômnêm bec.

Ma asa oc êngôj aômnêm lôc dabuŋ.

² Nac tagen̄, taŋ kēsa nê lêŋ tolaŋônêm sawagen̄ ma
gêgôm gêŋ gêdêŋ-gêdêŋgeŋ naŋ,
ma kêsôm biŋjanô tau, taŋ gêc nê ɣalêlôm naŋ
lasê.

³ Nac tagen̄, taŋ biŋ gêga kêsa awasun̄ atom naŋ.
Nac taŋ gêgôm gwadê sec to kêsac nê ɣac jaban̄
eŋja atom naŋ.

⁴ Nac tagen̄, taŋ gêlic lau alôb-alôb amboac gêŋ
ɣaôm̄a
ma etoc lau, taŋ têtêc Anôtô naŋ sa.

Nac tagen̄, taŋ êngôm biŋ naŋ kêtôc lêma kêpi naŋ,
ɣanô  sa
ma biŋ tau embe êkêŋ ɣandaŋ êndêŋ eŋ, oc
ênam nê ɣalêlôm ôkwi atom.

⁵ Nac tagen̄, taŋ kêkêŋ nê mone gêdêŋ lau ma taê
kêka gebe mone êsu ɣalatu kapôêŋya atom
naŋ,
ma kêtô palê gêdêŋ biŋ kana-kanaŋa ma
kêgôliŋ bam ɣac tobiŋm  atom.

Nac teŋ embe nê lêŋ amboac tonan̄,
oc nê ɣalêlôm ɣawiwic atomanô.

Dawidn  pesalem.

16

Anôtô kêtô nê lau nêŋ awamata

¹ O Anôtô, ojop a 
gebe a  ga  lamu a m.

² A  kasôm gêdêŋ Apômtau gebe “Noc ɣatau a m.
Noc gêŋ ɣajam ɣam a m ta mgen̄.”

³ Lau dabuŋ nomŋa  s ac lau ɣanj .

Êsêac sêjac aê matocanô ñajam.

- 4** Lau taŋ sêjaliŋ anôtôi jaba sa naŋ, oc sêôc gêŋwapac taêsam.
Aê jakêŋ da decŋa êndêŋ êsêac atom, ma êsêacnêŋ ñaâe êsa aocsuŋ atom.

5 Apômtau kêtû ñoc gêŋlênsêm ma ñoc gêŋ, taŋ gawê kain naŋ.

- Aôm gojob ñoc lêŋlênsêm ñapep.
6 Sêjac belo gamêŋ e katap ñoc gamêŋ ñajam sa.
Biŋjanô, aê galic ñoc gêŋlênsêm e gêjac mato-
canô ñajam.

7 Aê aoc gêjac Apômtau, gebe kêtû ñoc gêjam-sawaga
ñajam.

- Gêdêŋ gêbêc atêc kepen aê kêtû bin tonanŋa
gêwiŋ.
8 Aê kakêŋ Apômtau kékô laŋôcnêm-ŋageŋ gebe
matocanô êpi en endej tÔŋgeŋ.
En kékô ñoc anôŋa, tec aê oc jakô tengeŋ.

9 Amboac tonaj ñoc ñalêlôm ñajam to ñoc katuc kêtû
samuc,

- ma aê ôlic gêŋgôŋ ñajam.
10 Gebe aôm oc ôwi ñoc katuc sinj êndêŋ lamboam
atom.
Aôm oc ôkêŋ sê êŋgamiŋ nêm ñac mansaŋ ôli
tÔŋ atom.

11 Aôm kôtôc intêna jaŋgôŋ matoc jaliŋa gêdêŋ aê.
Aê jamoa aôm laŋômnêmja totêtac ñajam

- samucgeŋ ma jatap lêmam anôŋa ñamoasiŋ
sa endej tÔŋgeŋ.
Dawidnê mec teŋ.

17

Nac mansanj awa gêjac Apômtau

- 1 O Apômtau, biŋgêdêŋ ñatau, ôkêŋ taŋam ñoc taŋi.
Ôê taŋam ñoc mec gebe kasôm kêsa gêdôcôlic
dansaŋ atom.
- 2 Aôm taôm oc ômêtôc aêŋoc biŋ,
gebe aôm tec matamanô gôlic gêŋ gêdêŋ.
- 3 Embe ônsaê ñoc ñalêlôm me embe ôtuc kêniŋ êsêp
ñoc ñalêlôm êndêŋ êmbac me embe ômbêlêm
aê,
oc ôtap aê taêc gêjam biŋ geo teŋ sa atom ma
aocsuŋ kasôm biŋ keso teŋ atom.
- 4 Namalac embe sêŋgôm nêŋ gêŋ oc sêŋgôm, mago
aê kasa ñaclainêŋ lêŋ atom
gebe aôm awamsuŋ gêjac jao.
- 5 Ockaiŋ kêpuc aôm waŋam.
Aê kasêlêŋ kaku-kaku atom.
- 6 O Anôtô, aê aoc gêjac aôm, gebe aôm kôkêŋ taŋam
aê.
Ôê taŋam aê ma ôŋô ñoc biŋmaŋ.
- 7 Oc nêm têmtac gêwiŋ teŋgeŋja lasê.
Aôm gôjam lau, taŋ sêc nêŋ ñacio su wacsê lamu
nêm anôŋa naŋ kêsi.
- 8 Ojop aê êtôm aôm taôm gojob nêm matamanô.
Ôŋgandê aê jaŋgôŋ nêm magêm ñaajuŋlabu.
- 9 Ojop aê êndêŋ lau sec, taŋ têtu kasec aê naŋ,
to êndêŋ ñoc ñacio, taŋ sêgi aê auc e tapi-
tapigen sebe senseŋ aêŋa naŋ.

10 Êsêacnêŋ ɬalêlôm ɬadani e taêŋ walô aê atom
ma sêboa tauŋ sa ɬa aweŋsunŋen.

11 Aê embe jamoa ɬasawa teŋ, oc sêwa aê auc.
Êsêacnêŋ ɬalêlôm taêŋ gêjam tageŋ tonec gebe
sêncac aê piŋpaŋ e jansambi sa janêc.

12 Êsêac têtôm lewe, taŋ kesegen gwadaŋa gêmoa
naŋ.
Ac têtôm lewe ɬalatu, taŋ sacgeŋ-sacgeŋ gêmoa
gamêŋdani ɬalêlôm gêdib nê gwada gêmoa
naŋ.

13 O Apômtau, ôndi naôndac ɬoc ɬacjo ma ôku êsêac
tulu.
Ôc nêm siŋ sa ma ônam katuc kêsi aŋga lau
secwaga nêŋ.

14 O Apômtau, taôm lêmam ônam aê sa aŋga
ɬamalacnêŋ
to lau nom tonecŋa, taŋ taêŋ kêka nêŋ gêŋ
nomŋageŋ naŋ nêŋ.

Gêŋ taŋ gôjac tôŋ gêc naŋ, ôkêŋ êndêŋ êsêac e êpô
êsêac ôkwi laŋgwageŋ.

Tauŋ sêniŋ e êtôm êsêac ma sêkêŋ ɬagêdô êndêŋ
nêŋ latuŋi.

15 Mago aê oc jalic aôm laŋômanô gebe aê gagôm
keso teŋ atom.

Embe matoc êpoa êtiam, naŋ jalic aôm enden
tôŋgeŋ e tekoc êsa laŋgwageŋ.

Dawidnê mec teŋ.

18

Dawidnê wê kêku ɬacjo tuluŋa

1 O Apômtau, aê têtac gêwiŋ aôm,

taŋ kôtu ɳoc ɳaclai naŋ.

² Apômtau kêtû ɳoc lamuanô to kêtû ɳoc tuŋtêna ma
kêtû ɳoc gêjamsawaga.

ɳoc Anôtô kêtû ɳoc lôm, taŋ gaê lamu naŋ, eŋ
kêtû ɳoc lautuc to kêtû ɳoc moasiŋ ɳabulakôp
ma kêtû ɳoc lêmôp ɳajaŋa sec naŋ.

³ Aê aoc gêjac Apômtau ma eŋ ênam aê kêsi aŋga ɳoc
ɳacjonêŋ.

Talanem Apômtau.

⁴ Gêmacanô ɳadembom gêñôm aê auc
to gêŋ gebe enseŋ aêŋa kêtakê aê.

⁵ Lamboam ɳa-uc kêkic aê auc.

Gêmac ɳalakô mêtikêtap aê sa.

⁶ Gamoa e katuc uŋ tageŋ ma aoc gêjac Apômtau.
Gamôêc gêdêŋ ɳoc Anôtô gebe ênam aê sa.

Eŋ gêngôŋ nê gamêŋ dabuŋ ɳalêlôm e gêŋô ɳoc
môêc.

Ma gê taŋa aêŋoc tanjiboa, taŋ kataŋ gaŋgôŋ eŋ
laŋônêmŋa naŋ.

⁷ Go ôjô gêjam to nom ɳawiwiç kêsa to kôtêŋ-
kôtêŋgeŋ ma lôc ɳam kêtênenp e kôjô-kôjôgeŋ,
gebe eŋ totêtac ɳandan gêmoa.

⁸ Jadauŋ kêsa eŋ lusuawa to ja ɳawaô kêsa eŋ awa-
sûŋ

ma ɳamôsi kêpêlaŋ aŋga ênê kêsa gêja-gêja.

⁹ Eŋ kewê undambê sêlilip kêsêp gêmêŋ.
Ma tao majan gêc eŋ akain ɳalabu.

¹⁰ Eŋ mêtigêlôb gêngôŋ kerub ɳaô
to mu ɳamagê kêpuc eŋ tôŋ mêtikelelo gêmoa.

¹¹ Eŋ kékwa tau auc ɳa gêsuŋbôm.

Kom ɳamajan to tao tokatap-tokatap kēkōm
ênen̄ bec auc.

¹² Tao kēkōm ênen̄ ɳawasi auc,
mago kompoc to jawaô mēŋkêlêpanj kêsa.

¹³ Go Apômtau kēkēn̄ nê wapap kêtanj aŋga un-dambê.

Ma Lôlôc Natau kēkēn̄ nê awa kompoc to jawaô kêsa.

¹⁴ En̄ kēpê nê ɳacjo ɳa sôb e sêc sêjam gamênj aucgenj sêja.

En̄ kêpalip ôsic e kêjanda êsêac êlinj-êlinj.

¹⁵ Gêgôm e gwêc ɳagêdimbob gêôc tau sa kêtuj awê ma nom ɳataoŋ kêwaka tau sa.

Gebe aôm Apômtau gôjam wambanj e atêm bu gwec-gwecgenj.

¹⁶ En̄ kêmêtôc lêma aŋga lôlôc mēŋkêkam aê tôŋ, ma gê aê sa aŋga ɳasamac kapôeŋ ɳalêlôm.

¹⁷ En̄ kêjanjo aê su aŋga ɳoc ɳacjo ɳaclai nê to aŋga ɳoc gobi, tanj nêŋ ɳaclai kêlêlêc aê su nanj nêŋ.

¹⁸ Èsêac sebo sêsa dêdêŋ aê gêdêŋ ɳoc bêc wapacnja, mago Apômtau kêpuc aê tôŋ.

¹⁹ En̄ kêkam aê sa jakakô gamêŋ kwalam.
En̄ kêsaic aê sa kasa gaja gebe têtac gêwiŋ aêgac.

²⁰ Apômtau kêmoasiŋ aê kêtuj laŋôcnêm sawanja.
En̄ gêjam aê sa kêtuj lemoc selecŋja.

²¹ Gebe aê kasa Apômtaunê lêŋ ɳapep ma kakac tauc su aŋga ɳoc Anôtônen̄ ɳaucnjaŋenj atom.

²² Ènê ɳagôliŋ samob gesenj ɳoc intêna auc

ma kamasuc ênê biñsu teñ atom.

23 Aê kasa ñoc lêj ñapep e ej gêlic aê ñajam
ma gajob tauc ñapep gêdêj gêñensej aêña
samob.

24 Amboac tonaq Apômtau kêmoasiñ aê kêtú gamoa
ñajêñja,
kêtú aê lemoc selecñja, tec ej mataanô gêlic aê
jagêdêj.

25 Aôm oc ôwa taôm sa êndêj ñac ñajam gebe aôm ñac
gabêjam.

Aôm oc ôwa taôm sa êndêj ñac biñjanôja gebe
aôm ñac biñjanôja.

26 Aôm oc ôwa taôm sa êndêj ñac mansaq gebe aôm
ñac mansaq,
mago ñac keso-keso, tec oc ôtôc taôm êndêj ej
e êtakê.

27 Aôm kotoc lau mateñ jali sa ñapep
ma kôkoniñ lau matenj waô tôj.

28 Aôm kôtuñ ñoc ja kêpô gamêj ñajam.

Apômtau, ñoc Anôtô, gêgôm ñoc ñakesec ñawê
kêsa.

29 Biñjanô, aôm embe ôwiñ aê oc jalêti lañôc êlac
ñoc ñacjogeñ jana.

Noc Anôtô embe êwiñ aê oc jamboan janjêli
(ñoc ñacionêj) tuñbôm.

30 Anôtô tonaq tec gêjam gôlinj gêñ samob toma-
lagenj.

Apômtaunê biñ ñakêñkêj. Ej kêtú lau samob,
tañ sê lamu ej nañ, nêñ lautuc.

31 Gebe anôtô teñ oc êmoa ondoc, Apômtau ej
taugenjgoc.

Ma lamuanô tau teŋ oc êmoa ondoc, aêacnêŋ
Anôtô taugenjoc.

32 Anôtô tau tonan̄ tec kêjandiŋ aê tōŋ ɳaclai
to gêjam ɳoc intêna gebe ockain̄ êndiŋ gêŋ teŋ
atom.

33 Nac tonan̄ kékêŋ aê kasêlêŋ ɳagaô katôm isom.
En̄ ketoc aê kakô ɳoc lôc ɳamoatêc ɳaôgen̄.

34 En̄ kêdôn̄ lemoc siŋŋa,
tec lemoc jakêka talam ɳamadi ɳajaŋa.

35 Aôm gôsuŋ nêm lautuc êpiŋ aê aucŋa to nêm
anôŋa kêpuc aê tōŋ.

Aômnêm moasiŋ ketoc aê sa.

36 Aê kasêlêŋ e aôm kômasaŋ ockain̄ ɳamala ɳapep
gebe japô ocgêsu ôkwi atom.

37 Aê kajanda ɳoc ɳacjo e gaê êsêac tōŋ
ma paŋpaŋ jagaseŋ êsêac popoc.

38 Aê kamakin̄ êsêac e têtu motam su ma dêdi sa
kêtiam atom.

Êsêac sêc ockain̄ ɳalabu.

39 Aôm kôjandiŋ aê ɳa clai gebe janac siŋ ɳanô
biŋjanôgoc.

Aôm kôkôniŋ ɳoc ɳacjo tōŋ e ockain̄ kaka êsêac
tōŋ.

40 Aôm kôkêŋ aêŋoc ɳacjo sêc aê sêja.

Aê gasen̄ êsêac samob, taŋ sêkêŋ kisa gêdêŋ aê
naŋ su.

41 Êsêac sêmôêc, mago nêŋ ɳac-ênam-êsêac-sawaga
teŋ gêmoa atom.

Sêmôêc gêdêŋ Apômtau, mago eŋ kékêŋ tan̄a
êsêac atom.

42 Aê kadaba êsêac sa kêtôm mu kelelo kekop.

Aê kakip êsêac sa kêtôm sêpiŋ bôc-kêpêc sa aŋga malacluŋ ma sêbalinj sinj.

43 Aôm gôjam aê sa aŋga sinj tomôkê-tomôkê e kôkêŋ
aê katu lau samuc nêŋ gôlinjwaga.

Lau taŋ sêjam kauc aê naŋ, tec sêjam sakiŋ aê
sêmoa.

44 Lau jaba sêŋô aê ɻawaegenj ma taŋenj wamu
êndêŋ aê.

Êsêac latuŋi tetoc aê sa.

45 Lau jaba latuŋi katuŋ gêjaŋa
ma sêsuŋ tauŋ tênenp-tênenpgeŋ sêsa aŋga nêŋ
tuŋlêlôm sêmêŋ.

46 Apômtau gêmoa mata jali. Aoc êôc ɻoc lamu.
Aê jatoc ɻoc ɻacmoasiŋ Anôtô sa.

47 Anôtô tau tec kêpuc aê tôŋ e kakac ɻoc kamocgôc.
Eŋ kêkôniŋ malac-malac tôŋ sêso ɻoc gôlinj
ŋalabu.

48 Nac tonanj tec gêjam aê kêsi aŋga ɻoc ɻacjo, taŋ
ɻaclai sec naŋ, nêŋ to kêpuc aê sa jakatu ɻoc
gobi nêŋ ɻatau.

Nac tonanj tec gêjam aê kêsi aŋga ɻaclai sec nê.

49 O Apômtau, amboac tonanj jalambiŋ aôm aŋga
lau samuc ŋalêlôm
ma jaŋga wê Ʌpi aômñem ɻaê.

50 Aôm tonanj tec kotoc nêm kiŋ sa ɻanô ma kôtôc
nêm têmtac gêwiŋ teŋeŋja gêdêŋ nêm ɻac
goen oso enŋa
gêdêŋ aê Dawid to ɻoc gôlôac gedenj tôŋeŋ.

Apômtaunê sakiñwaga Dawid kêsôm biŋ tonec gêdêŋ Apômtau gêjam eŋ kêsi aŋga Saul lêma ma ênê njacio ḥagêdô nêŋ.

19

Anôtônê koleŋ to biŋsu

- 1 Undambê kêwaka Anôtônê wae sa
ma umboŋ gêjac eŋ lêma ḥakoleŋ ḥamiŋ.
- 2 Gelenŋja teŋ kêkêŋ biŋ tau ḥawae gêdêŋ gelenŋja
teŋ.
Ma gêbêcauc teŋ gêwa kauc sa gêdêŋ gêbêcauc
teŋ.
- 3 Sêšôm biŋ atom ma sêsam ḥalô teŋ lasê atom.
Lau sêŋô êsêac aweŋ atom.
- 4 Mago êsêac aweŋ kêsa
gêjam nom ḥagamêŋ samob auc.
Ma nêŋ biŋ kêsa e jagêdêŋ nom ḥamadiŋ.
Eŋ gê oc ḥabec teŋ aŋga tònê.
- 5 Oc tau tonaq kêtôm sagu togêlôngeŋ kêsa gêmêŋ
aŋga nê andu
ma kêlêti kêsa nê lêŋ kêtôm ḥaclai teŋ totêtac
ḥajamgeŋ.
- 6 Kêpi aŋga umboŋ ḥamadiŋ teŋ ma kêlêti e jakêsêp
ḥamadiŋ teŋ
ma gêŋ teŋ gêc ênê ḥandaŋ su atom.
- 7 Apômtaunê biŋsu mansaŋ kêlau katuŋ.
Apômtau gêwa nê biŋ sa jagêdêŋ ma kêkêŋ lau
meloc-meloc têtu lau tokauc.
- 8 Apômtaunê jatu e jakêtôm ma gêgôm nêŋ ḥalêlôm
e ḥajamanô.
Apômtaunê biŋsu e ḥakêŋkêŋ laŋgwagen, tec
kêpô aêac mateŋanô.

9 Tatêc Apômtau tonêj ηalêlôm ηawa ênêc endej tōngej.

Apômtaunê mêtôc tau ηanô ma jagêdêj samob.

10 Biñsu tau tonaj ηanô kêlêlêc gold, kêlêlêc gold,
tañ sêpac e ηanôgen kêjaliñ tau sa nañ su.

Biñsu tonaj ηakana ηajam kêlêlêc lêp to ηatêkwi,
tañ kêpoac ηaobo nañ su.

11 Biñsu tonaj kêtû nêm sakiñwaga nê puc.

Lau tañ sêmansañ nañ, oc têtap ηamoasin taêsam sa.

12 Ojae, asa oc taê ênam nê geo tomalagen samob.

Amboac tonaj ôsuc ηoc keso, tañ tauc gajam
kauc nañ okwi.

13 Ojop nêm sakiñwaga gebe etoc tau sa atom.

Biñ jatoc tauc saña ênam gôlinj aê atom.

Go jamoa lañôcnêm sawagej.

Jawê kainj biñ kapôej teñ atom.

14 Ôjô aocsuñ ηabin ηajam ma biñ, tañ ηoc ηalêlôm
taêc gêjam nañ, êndêj aôm êwac.

O Apômtau, ηoc lamu to kësiwaga ηanô aôm.

Dawidnê pesalem teñ.

20

Mec taku ηacio tuluña

1 Apômtau êkêj taña aôm êndêj bêc gêñwapacñja.
Jakobnê Anôtô nê ηaê êtu lautuc aôm.

2 Eñ ênam aôm sa aŋga gamêj dabuñ
to êpuc aôm tōj aŋga Sion.

3 Eñ taê ênam aômnêm da samob.
Ma nêm daja ênac eñ mataanô ηajam.

- ⁴ Enj êkêñ gêñ, tanj nêm ñalêlôm taê kêka nañ, ñanô êsa.
 Enj êkêñ aôm ôngôm gêñ samob, tanj taêm gajam nañ, e ônac dabiñ.
- ⁵ Embe ôku nêm ñacio tulu, aêac oc ôlinj api toôndugeñ, oc andain obokêam asam aêacma Anôtônê ñaê.
 Apômtau êkêñ gêñ samob, tanj koteñ nañ, ñanô êsa.
- ⁶ Galoc tec kajala gebe Apômtau gêjam nê ñac, tanj señ oso ej nañ sa.
 Enj kékêñ tanja ej anja nê undambê dabunj. Nê anôñaaku ñacio tulu toñaclaigeñ.
- ⁷ Lau ônê ñai-ñai samob taêñ kêka nêñ kareta siñja to hos,
 mago aêac tec taêñ kêka aêacnêñ Apômtau Anôtô nê ñaclai.
- ⁸ Êsêac tê sêku sa sêsêp jasêc,
 mago aêac gacgeñ bônjdagî angeñ akô ñajaña.
- ⁹ O Apômtau, ôkêñ kiñ tau êku nê ñacio tulu.
 Ôkêñ tanjam aêacmêñma môêc.
 Dawidnê pesalem teñ.

21

Aweñ gêôc Anôtô kêtû kêku ñacio tuluña

- ¹ O Apômtau, kiñ têtac ñajam kêtû kôpuc ej tôñja ma ôli kêpi ñanô gebe aôm gôjam ej sa.
- ² Biñ tanj nê ñalêlôm taê gêjam nañ, gôgôm ñanô kasa
 to biñ, tanj gêdôôlic kêsôm lasê nañ, gôgôm kêtû tôñ.

- 3** Aôm gôdêŋ eŋ jakômoasin eŋ ɻjanôgeŋ.
 Aôm kôkêŋ eŋ kêkuc sunsuŋ gold ten.
- 4** En̄ keteŋ aôm gebe êmoa mata jali, tec gôgôm kêtû
 tôŋ,
 gebe gôjac têku ênê jala ma gêmoa e ɻêŋgeŋ su.
- 5** Aôm gôjam eŋ sa, tec nê-wae kêtû kapôeŋ.
 Aôm kôgêlôŋ eŋ ɻa ɻawasi to kôwaka eŋ sa.
- 6** Aôm kotoc eŋ sa kêtû moasin ɻamôkê ɻjanô.
 Aôm gômoa gôwiŋ eŋ, tec gêgôm eŋ têtac ɻajam
 kêsa.
- 7** Kin̄ taê kêka Apômtau
 ma Lôlôc ɻatau nê têtac gêwiŋ teŋgeŋja êpuc eŋ
 tôŋ ma êku atom.
- 8** O kin̄, lêmam oc ôlô nêm ɻacjo samob tôŋ.
 Nêm anôŋa oc êtap samob, taŋ sêkêŋ kisa aôm
 naŋ sa.
- 9** Aôm embe ojoc taôm lasê,-oc ôndamba êsêac êtôm
 ja geŋ oba.
 Apomtau têtac ɻandaŋ oc êndaŋgôŋ êsêac ma ja
 oc êniŋ êsêac su.
- 10** Kin̄ oc enseŋ êsêacnêŋ wakuc aŋga nom su
 ma oc enseŋ nêŋ gôlôac aŋga ɻamalac ɻalêlôm
 su.
- 11** Êsêac embe sêniŋ oliŋ sec êtu aômja me taêŋ
 ênam gebe sênsau sêôc aôm,
 oc sêngôm gênlêlôm elêmê.
- 12** En̄ oc êpê êsêac ɻa nê sôb
 ma êôc êsêac ôkwi e sêc.
- 13** O Apômtau, ômôeŋ tonêm ɻaclaigeŋ,
 ec aêac alanem to alambiŋ aômnêm ɻaclai.

Dawidnê pesalem teŋ.

22

Taŋiboa to wê lambinŋa teŋ

- 1 O ɳoc Anôtô, o ɳoc Anôtô, amboac ondoc gôwi aê sinj
ma kôkô jaēc ɳoc tanjî ônam aê saŋa.
- 2 O ɳoc Anôtô, aê aoc gêjac aôm gêdêŋ geleŋŋa,
mago gôjô aê aoc atom.
Ma gêdêŋ gêbêc, mago ɳoc ɳalêlôm kêtû malô atom.
- 3 Mago aôm ɳac dabuŋ.
Aôm gôngôŋ Israelnê wê lambinŋa ɳaô kêtû nêm lêpôŋ.
- 4 Aôm tonaj tec aêac tameŋmai sêkêŋ mateŋ.
Sêkêŋ mateŋ aôm, tec gôjam êsêac sa.
- 5 Êsêac sêmôêc gêdêŋ aôm ma gôjam êsêac kêsi.
Êsêac sêkêŋ mateŋ aôm e gôgôm êsêac majen kêsa atom.
- 6 Aê katôm ɳamalac atom, katôm moacêŋgic.
Lau sêsu aê susu ma ɳamalac laŋôn gelo aê.
- 7 Lau samob, taŋ sêlic aê naŋ, têtaŋ pêlê aê.
Sêŋala to têdaŋ gêsuŋ aê gebe
- 8 “ɳac tau tonaj gêsuŋ tau gêdêŋ Apômtau, tec Apômtau akôc eŋ samanj.
Apômtau têtaç gêwiŋ eŋ, tec ênam eŋ kêsimanj.”
- 9 Aôm tonaj tec kôkôc aê anŋa tinoc têtaclêlôm,
gojob aê ɳapep ma gainj tinocnê su tōŋ.
- 10 Tinoc kêkôc aê su ma aôm gôjam jaom aê ɳapanj.
Gêdêŋ aê katu awê naŋ, aôm kôtu aêŋoc Anôtô.
- 11 Ômoa jaēc aêma atom

gebe gêjwapac mêmkêdabiŋ ma gêjam-sawaga
teŋ gêmoa atom.

- 12** Bulimakao kapoac taêsam sêkôm aê auc.
 Bulimakao kapoac Basanŋa toŋaclai sêgi aê
 auc.
- 13** Gêj tau sêŋa awen gêdêŋ aê
 kêtôm lewe kêtaŋ gebe êkaku gêŋ popoc.
- 14** Aê gawê amboac labi.
 Aêŋoc ŋatêkwa samob kêsu.
 Aêŋoc ŋalêlôm kêtôm lêp
 ma gêwê gêc ŋoc wanjlêlôm.
- 15** Aêŋoc koclabeŋ ŋakelen kêsa amboac ku ŋasaboac
 ma imbeloc kêsap lôcboam tōŋ. Ma kôkoniŋ aê
 tōŋ gaêc gêmacanô ŋakekop ŋalêlôm.
- 16** Ojae, kêam sêgi aê aucgoc. Secwaga ton teŋ sêwa
 aê auc
 ma sêkim lemoc to octapa lasê.
- 17** Noc ŋatêkwa samob gêc awêgen.
 Êsêac mateŋ gê aê e gêjac mateŋanô ŋajam.
- 18** Êsêac sêjac sam ŋoc ŋakwê gêdêŋ tauŋ.
 Ma sépuc kapoac kêtu ŋoc ŋakwê balinŋa.
- 19** O Apômtau, ômoa jaêc aêma atom.
 O ŋoc ŋaclai, mêmônâm aê sa seben.
- 20** Ônam aê kêsi aŋga siŋ
 ma ônam aê sa aŋga kêamnêŋ gebe jamoa ma-
 toc jali.
- 21** Ônam aê sa aŋga lewe awasun
 ma ojop aê êndêŋ bôcgabuŋ ŋajabo.
- 22** Aê jasôm nêm ŋaê lasê êndêŋ ŋoc lasitêwai

ma jalanem aôm jakô gôlôac ɳalêlôm.

²³ Amac taŋ atêc Apômtau naŋ, alambin̄ eŋ.

Amac samob, taŋ aŋga Jakobnê gôlôac naŋ,
atoc eŋ sa.

Amac samob, taŋ nêm ɳam kêsêp Israel naŋ,
anac tênen̄eŋ eŋ.

²⁴ Gebe eŋ mataanô geo gala to gêjam dêmôê
ɳac ɳalêlôm sawa, taŋ kêpô lêna tau naŋ atom.

Eŋ gêsan laŋôanô auc gêdêŋ eŋ atom.

Apômtau kêkêŋ taŋa eŋ gêdêŋ taŋ gêmôêc
gêdêŋ eŋ naŋ.

²⁵ Aôm kôtu ɳoc lambin̄, taŋ kêsa gôlôac kapôêŋ
ɳalêlôm naŋ ɳamôkê.

ɳoc biŋ, taŋ gajac mata naŋ, gabe jaŋgôm êtu
tôŋ jakô lau, taŋ têtêc eŋ naŋ laŋôjnêm̄ja.

²⁶ Lau ɳalêlôm sawa oc sêniŋ gêŋ e êôc êsêac tôŋ.

Êsêac taŋ sesom Apômtau naŋ, oc awen̄ êôc eŋ.
Nêm ɳalêlôm êpi-êpi enden̄ tôngen̄.

²⁷ Nom ɳamadiŋ samob oc taêŋ ênam biŋ tonaq ma
sênam tauŋ okwi denden̄ Apômtau.

Lau tomôkê-tomôkê samob oc sêu tauŋ sênen̄c
eŋ laŋônêm̄ja.

²⁸ Gebe Apômtau eŋ kiŋ,
eŋ tec gêjam gôliŋ lau tomôkê-tomôkê samob.

²⁹ Lau towae samob aŋga nom oc sewec êndêŋ eŋ.

Samob taŋ têtu kekop naŋ, to êsêac taŋ lêŋ
tamac ênduŋa gêjac êsêac ɳawae naŋ, oc
sewec êndêŋ eŋ amboac tonaqeŋ.

³⁰ Lau samob, taŋ oco mêŋsêsa naŋ, oc sênam
sakiŋ eŋ.

Ma lau oc têtêku Apômtaunê miŋ êndêŋ nêŋ wakuc.

³¹ Èsêac oc sênac miŋ êndêŋ lau, taŋ tenenji sêkôc èsêac atom tageŋ naŋ,
gebe Apômtau gêjam èsêac sa. *

23

Apômtau kêtû ɳoc ɳacgejob

- ¹ Apômtau kêtû ɳoc ɳacgejob,
tec oc japô lêna gêŋ teŋ atom.
- ² Enj kêkêŋ aê kasa tauc sic gaêc gamêŋ wale-wale
to gêwê aê jakalêwaŋ tauc gaŋgôŋ bumata.
- ³ Enj kêlau ɳoc katuc
to gêwê aê kasa lêŋ ɳaŋêŋ kêtû ênê ɳaêŋa.
- ⁴ Ma embe jamoa ɳakêlêndiŋ sec ɳalabu, oc jatêc
gêŋwapac teŋ atom,
gebe aôm gôwiŋ aê. Nêm gunj to tôc gêjac aê
têtac tôŋ.
- ⁵ Aôm gono moasiŋ aê ma ɳoc ɳacjo sêlic.
Aôm goenj oso môkêcapac ɳa niptêkwi ma kôkêc
aêŋoc gêŋ janômŋa e mêŋgêc.
- ⁶ Biŋjanô, malô to moasiŋ êsap aê tôŋ êndêŋ bêc
samob, taŋ jamoa matoc jali naŋ,
ma jançgôŋ Apômtaunê andu totêm-totêm. *

24

Kin toŋjawasi

- ¹ Apômtau kêtû nom to gêŋ samob, taŋ gêjam auc
naŋ ɳatau.

* **22:31:** Dawidnê pesalem teŋ. * **23:6:** Dawidnê pesalem teŋ.

Lau tanj sêngôŋ nom tau e jagêdêŋ ñamadiŋ
naŋ, têtu nê gêŋ amboac tonaj.

² Enj kêsun nom tonaj sa kékô gwêc ñaô
ma kékŵe e ñajaŋa sec kékô bu ñaô.

³ Asa oc êpi Anôtônê lôc naêtôm.

Ma asa oc êtôm gebe êkô ênê gamêŋ dabuŋ.

⁴ Nac tanj lêma ñawasi ma ñalêlôm ñakêŋkêŋ
laŋwageŋ naŋ.

Nac tanj gêōc tau sa gêdêŋ gêŋdansaŋ atom naŋ,
to nac tanj kêtôc lêma kêtû geo teŋja atom
naŋ.

⁵ Enj oc akôc mec aŋga Apômtaunê.

Ma Anôtô, tanj gêjam eŋ kêsi naŋ, oc êwaka eŋ
sa.

⁶ Lau tanj sesom eŋ naŋ, nêŋ lêŋ amboac tonaj.

Êsêac tanj sesom Jakobnê Anôtô laŋôanô.

⁷ O sacgêdôac, asa lanjômanô sa ma katam
laŋwaanôac, alêc taôm su
gebe kiŋ toŋawasi êsô êwac.

⁸ Kiŋ toŋawasi tau asa.

Apômtau ñaclai to ñactêkwa, Apômtau ñactêkwa,
tanj gêjac siŋ naŋ.

⁹ O sacgêdôac, asa lanjômanô sa ma katam
laŋwaanôac, alêc taôm su
gebe kiŋ toŋawasi êsô êwac.

¹⁰ Kiŋ toŋawasi tau asa.

Lausinj undambêŋa nêŋ Apômtau, ñac tonaj
kêtû kiŋ toŋawasigoc. *

* **24:10:** Dawidnê pesalem teŋ.

25

Mec Anôtô ejop to êwê aêac ma êsuc nêj sec ôkwiña

- 1 O Apômtau, aê jansuŋ ɻoc katuc sa êndêŋ aôm.
- 2 O ɻoc Anôtô, aê kakêŋ gêwiŋ aôm. Ôkêŋ lau sêŋgôm aê majoc êsa atom
ma ôkêŋ ɻoc ɻacjo sêôc ôndu aê atom.
- 3 Samob taŋ sêkêŋ mateŋ aôm naŋ, sêŋgôm êsêac
majeŋ êsa atom.
Lau tagen, taŋ sêkac tauŋ su aŋga aômnêm naŋ,
go majeŋ êsa.
- 4 O Apômtau, ôwa nêm lêŋ sa êndêŋ aê.
Ôkêŋ aê jajala nêm intênamarŋ.
- 5 Ôndôŋ aê ma ôkêŋ aê jasêlêŋ jasa nêm biŋjanô
ŋaintêna, gebe aôm kôtu ɻoc Anôtô gêjam aê
saŋa.
Aê kakêŋ matoc aôm kêtôm bêcgeŋ.
- 6 O Apômtau, taêm ênam nêm taêm walô to nêm
têmtac gêwiŋ teŋgeŋja,
taŋ gêc gêdêŋ andanęŋ e mëŋgêdêŋ galoc naŋ.
- 7 Taêm ênam ɻoc sec to geo ɻapalêgeŋja atom.
O Apômtau, taêm ênam aê êtu têmtac gêwiŋ
teŋgeŋja to nêm moasiŋja.
- 8 Apômtau eŋ ɻajam to gêdêŋ.
Amboac tonan tec kêdôŋ lau sec sêsa lêŋ gêdêŋ.
- 9 Eŋ gêwê lau, taŋ sêkoniŋ tauŋ naŋ, sêsa nêŋ lêŋ
gêdêŋ
ma kêdôŋ nê lêŋ gêdêŋ lau, taŋ sêkoniŋ tauŋ
naŋ.
- 10 Apômtau gêwê lau, taŋ sêmasaŋ ênê poac to biŋsu
naŋ.

Sêsa ênê lêj têtac gêwiŋ teŋgeŋja to biŋjanôŋa.

11 O Apômtau, ôsuc ɻoc biŋ kapôēj naŋ ôkwi
êtu nêm ɻaēŋa.

12 Nac tanj kêtêc Apômtau naŋ, eŋ asa.
Apômtau oc êndôŋ lêj, tanj ɻac tau êjalin sa naŋ,
êndêŋ eŋ.

13 Eŋ tau oc êngôŋ tomoasiŋ
ma nê wakuc oc sêwê kaiŋ gamêŋ tau.

14 Lau tanj têtêc Apômtau naŋ, têtu ênê lau ôlin
andaŋ eŋja.
Ma eŋ gêwa nê poac sa gêdêŋ êsêac.

15 Matoc kêsap Apômtau tōj
gebe eŋ oc ênu ockain su aŋga lakô.

16 Ôkac taôm ôkwi êndêŋ aê ma taêm labu aê
gebe aê taucgeŋjanô gaŋgôŋ toŋoc ɻalêlôm
ɻawapacgeŋ.

17 Ôŋgôm ɻoc ɻalêlôm ɻawapac êtu gaô
ma ôngamboac aê su aŋga ɻoc ɻandaŋ.

18 Taêm ênam ɻoc ɻalêlôm ɻawapac to biŋ, tanj
kêlênsôŋ aê
ma ôsuc aêŋoc sec samob ôkwi.

19 Ôlic ɻoc ɻacjo samob, tanj sêjac aê ɻawae naŋ.
Êsêacnêŋ ɻalêlôm kêmoatiŋ tōj aêŋa.

20 Ônam gôliŋ katuc ma ônam aê sa.

Ôkêŋ lau sêŋgôm aê majoc êsa atom gebe aê
gaê lamu aôm.

21 O Apômtau, biŋgêdêŋ to gêŋ mansaŋ êkôm aê auc,
gebe aê kakêŋ matoc aôm ɻapanj.

22 O Anôtô, ônam Israel sa

an̄ga n̄ēj gēnjwapac samob ȳalēlōm. *

26

Nac mansaŋ teŋ n̄ē mec

- 1 O Apômtau, nêm mêtôc êwaka aê sa gebe gawê
biŋ ȳakaiŋ teŋ atom gebe aê kasa ȳoc lēŋ
laŋōcnêm sawageŋ
to taêc kêka aôm ȳanjēŋgeŋ.
- 2 O Apômtau, ônsaê aê ma ôjala aê.
Ômbêlêm ȳoc ȳalêlôm e ômbi lêtêŋ.
- 3 Gebe nêm têmtac gêwiŋ teŋgeŋja gêjac aê matoc
su gedeŋ tōŋgeŋ
ma kasa nêm lēŋ ȳaŋêŋ ȳapaŋ.
- 4 Aê gaŋgôŋ gawiŋ lau kesowaga atom.
Ma gajac biŋ ôkwi gêdêŋ kalomtêna atom.
- 5 Aê gadec secwaganêŋ sêkac tauŋ saŋa
to gajac jaê lau geowaga.
- 6 O Apômtau, aê kakwasin̄ lemoc ȳabiŋ masigeŋ.
Ma kasêlêŋ kagi nêm altar amboac tonanĝen̄
tec gamoa.
- 7 Gebe janam daŋge aôm ȳa aoc kapôeŋ
Ma jasôm aômnêm gêŋsêga samob ȳawae lasê.
- 8 O Apômtau, aê têtac gêwiŋ nêm andu ȳamala,
gamêŋ taŋ nêm ȳawasi gêjam auc naŋ.
- 9 Ôtiŋ ȳoc katuc siŋ êwiŋ lau secwaga nêŋ atom.
Ma ôlic ênaŋa êwiŋ lau-sêjac-ȳamalac-ȳenduwaga
nêŋ atom.
- 10 Lau tonan̄ lemeŋ siŋ-dec kêsap tōŋ.

* 25:22: Dawidnê teŋ.

Ma sêmêgôm awa ñalêsiña kêsêp lemenj anôja
e mêmögêc lañgwageñ.

11 Ma aê kasa ñoc lêj tobinj masigeñ.

O Apômtau, ônam aê kêsi to taêm labu aê.

12 Ockainj tec kaka gamêj ñatapa ñajam tôj.

Lau embe sêkac tauñ sa, oc sêlambiñ Apômtau.
*

27

Apômtau kêtû ñoc Ja to ñoc moasiñ

1 Apômtau kêtû ñoc ja to ñoc moasiñ, amboac tonaj
oc jatêc asa.

Apômtau kêtû katucnê lamu, amboac tonaj oc
jaê go asa.

2 Lau sec embe sênac aê gebe senseñ aê su,
go êsêac, tañ têtu ñoc soño-soño to ñoc ñacio
nanj, sêka selelec e sêu tauñ.

3 Siñwaga taêsam embe sêngi aê auc, oc ñoc ñalêlôm
ñatutuc atom.

Ma êsêac embe sênac siñ êndêj aê, oc têtac êpa
sugenj.

4 Aê kateñ gêj tagenj gêdêj Apômtau ma ñoc ñalêlôm
kêkac aê binj tagenj tonecña
gebe jañgôj Apômtaunê andu êtôm ñoc bêc
jamoa matoc jalinja samob

gebe jalic Apômtaunê ñajam
ma jatenj ej gebe êwê aê.

5 Gebe êndêj bêc ñawapacña ej oc êsiñ aê jañgôj ênê
bec ñalêlôm.

* **26:12:** Dawidnê teñ.

Ênê bec ɻagadê oc ênsaŋ aê auc. Eŋ êsuŋ aê sa najaka poc ɻajaŋa tôŋ.

6 Amboac tonaj tecbeloc aŋgeŋ êndêŋ ɻoc ɻacjo, taŋ sêgi aê auc naŋ.

Aê gabe jakêŋ da aŋga ênê bec ma jakêŋ toôndugeŋ. Aê jaŋga wê ma janam êndêŋ Apômtau.

7 O Apômtau, ôkêŋ taŋjam aê gebe aoc gêjac aôm kapôêŋ.

Taêm walô aê ma ôkêŋ taŋjam aêmaŋ.

8 Aôm kôsôm gebe “Ansom aê.”

“O Apômtau, amboac tonaj tec gabe jansom aôm.”

9 Ôsin laŋôm aê atom ma ôtiŋ nêm sakiŋwaga su totêmtac ɻandaŋja atom.

O ɻoc kêsiwaga Anôtô, aôm kôtu ɻoc gêjam-sa amboac tonaj ôtiŋ aê su to ônac kapoac aê atom.

10 Tinoc agêc tamoc sêwi aê siŋ su, mago Apômtau oc êkôc aê sa.

11 O Apômtau, ôtôc nêm intêna êndêŋ aê ma ôwê aê jasa gamêŋ tapa ɻajam.

Ôŋgôm êtu ɻoc ɻacjona.

12 Ôwi aê siŋ jandêŋ biŋ, taŋ ɻoc ɻacjo sêkic naŋ atom.

Gebe biŋ-gêgawaga dêdi sebe sênac aê ma sêjac têñêp gebe senseŋ aê su.

13 Aê kakêŋ gêwiŋ

gebe jalic Apômtaunê ɻajam aŋga gamêŋ sêŋgôŋ mateŋ jaliŋa.

14 Ôkêŋ matam Apômtau totêmtac êpa sugeŋ ma
tonêm ŋalêlôm samucgeŋ.
Ôkêŋ matam Apômtaugeŋ. *

28

Mec Apômtau ênam aéac saŋa

- 1 O Apômtau, aê aoc gêjac aôm gebe ŋoc lamu aôm.
Laŋôm elo ma ônam taôm tōŋ aê atom,
gebe aôm embe ênam taôm tōŋ aê,
aê oc jatôm lau, taŋ sêsêp sê sêja e laŋôŋmê
naŋ.
- 2 Embe jamôêc êndêŋ aôm ma jaôc lemoc sa êndêŋ
nêm lôm ŋagamêŋ dabuŋsêga,
naŋ ôkêŋ taŋjam ŋoc taŋiboa.
- 3 Ôtiŋ aê su jawiŋ lau, taŋ sêkac tauŋ su aŋga
Anôtônê naŋ, to lau alôb-alôbwaga atom.
Gebe lau tonaj nêŋ ŋalêlôm keso ma sêbanac
biŋ gêdêŋ nêŋ lau jabaŋ êsêacŋa.
- 4 Ôkêŋ ŋagêjô êndêŋ êsêac êtôm nêŋ gêŋ, taŋ sêgôm
to sêjac lau mateŋanô aucŋa naŋ.
Ôkêŋ ŋagêjô êndêŋ êsêac êtôm gêŋ, taŋ lemen
sêgôm naŋ, ôkêŋ gêŋ tau ŋagêjô êndêŋ êsêac.
- 5 Gebe êsêac mateŋ gêdij Apômtaunê gôliŋ to gêŋ,
taŋ lêma gêgôm naŋ atom.
Amboac tonaj oc enseŋ êsêac su e ênam êsêac
sa êtiam atom.
- 6 Aoc êôc Apômtau
gebe eŋ kékêŋ taŋa ŋoc taŋiboa kapôêŋ.
- 7 Apômtau kêtû ŋoc ŋaclai to ŋoc lautuc.
Noc ŋalêlôm kêsap engeŋ, tec gêjam aê sa.

* **27:14:** Dawid gêga.

Amboac tonaq̄ ηoc ηalêlôm gegeŋ̄ aê sa
samucgeŋ̄
gebe janq̄a wê danqeŋ̄a êpi eŋ̄.

- ⁸ Apômtau kêtū nê lau nêŋ̄ ηaclai
to kêtū nê ηac, taŋ̄ seŋ̄ oso eŋ̄ naŋ̄, nê lautuc.
⁹ Ônam nêm lau sa to ônam mec nêm gêŋlênsêmmaj̄
ma ojop to ôsip aêac sa enden̄ tōŋgen̄. *

29

Ôsic to wapap kêwaka Apômtaunê wae sa

- ¹ O lau undambêŋ̄a, awem êôc Apômtau
ma alanem ênê ηawasi to ηaclai.
² Awaka Apômtaunê ηâe ηawae sa.
Au taôm togêlôŋ̄ dabuŋ̄ anêc Apômtau
laŋônêm.
³ Èsêac sêŋô Apômtau awa aŋga gwêc.
Ma ênê awa kêdôŋ̄ tau gêšac gwêc.
⁴ Apômtau awa kêteŋ̄ toŋaclai.
Apômtau awa ηadindin̄ kaiŋ̄ teŋ̄.
⁵ Apômtau awa, wapap tau, gêjac kaseda.
Apômtau gêjac kaseda, taŋ̄ kêkô Lebanon naŋ̄
popocgoc.
⁶ Eŋ̄ gêgôm lôc Lebanon gêboaŋ̄ amboac bôclatu.
Ma Hermon amboac bulimakao ηalatu.
⁷ Apômtau awa kêkêŋ̄ jawaô kêbêlaŋ̄
sinsen̄-sinseŋ̄ kêsa makeŋ̄-makeŋ̄.
⁸ Apômtau awa kêlêndin̄ gamêŋsawa e kêtênen̄ lasê.

* **28:9:** Dawidnê teŋ̄.

Apômtau kêkôjôc gamêjsawa Kades.

⁹ Apômtau awa kêwiwic kamem to giŋ kalaka walôŋa e kêsêlô su.

Ma samob, tanj sêŋgôŋ nê andu naŋ, sêôc lambiŋ eŋ gebe ŋataugoc.

¹⁰ Apômtau gêjam gôlinj gwêc ŋagêdimbob.

Eŋ gêŋgôŋ nê lêpôŋ kiŋja geden tôngen.

¹¹ Apômtau êpuc nê lau tôngmaŋ.

Apômtau ênam mec nê lau ŋa biŋmalô. *

30

Mec daŋgeŋa teŋ

¹ O Apômtau, aê gabe aoc êôc aôm gebe gôjam aê kêsi.

Ma kôkêŋ aêŋoc ŋacjo têtu samuc kêtu aê ga-jaŋaŋa atom.

² O Apômtau ŋoc Anôtô, aê gamôêc gêdêŋ aôm gebe ônam aê sa.

Ma aôm kômoasîŋ aê, tec aê ŋajam kêsagoc.

³ Apômtau, aôm tec gôwê ŋoc katuc aŋga lamboam kêpi gêmêr.

Aôm gômôêc aê tông mêtükôkêŋ aê matoc jali kêsa kêtiam gebe jaêc su jasêp sêlêlôm jana atom.

⁴ Amac lau mansaŋwaga, awem êôc Apômtau.

Ma alanem ênê ŋaê dabuŋ.

⁵ Gebe eŋ têtac ŋandaŋ olaŋ-olaŋ atom.

Ma nê moasîŋ ênêc enden tôngen.

Êmbêc tataŋ taŋiboa
ma elen ôliŋ êpi-êpigel.

* **29:11:** Dawidnê pesalem teŋ.

- 6** Aê tec taêc gêjam e gwala kêpa su
gebe “Oc jaku atomanô.”
- 7** O ɻacmoasiŋ Apômtau, aôm kôwaka aê sa gaŋgôŋ
ŋoc malac ɻajaŋa.
Ma gôsaŋ laŋômanô auc gêdêŋ aê e katakê.
- 8** O Apômtau, gêdêŋ tonan aoc gêjac aôm
ma kataŋ gêdêŋ ŋoc Anôtô.
- 9** “Aê embe jamac êndu ma jasêp sê jana,
oc êmoasiŋ aôm amboac ondoc.
Kekop oc etoc aôm sa
ma êwaka nêm lêŋ to nêm biŋ ɻajêŋ sa êtôm
me.
- 10** O Apômtau, ôkêŋ taŋam aê to taêm walô aê.
O Apômtau, ôtu ŋoc ônam-aê-sawaga.”
- 11** Aôm gôjam ŋoc gêŋwapac ôkwi kêtû wê.
Aôm kôkac ŋoc abec su ma kôkêŋ têtac ɻajam aê
kajandiŋ.
- 12** Amboac tonan aê janam tauç tôŋ atom. Aê
jalambiŋ aôm.
O Apômtau, ŋoc Anôtô, aê gabe janam daŋge
aôm enden tôŋgeŋ. * naŋ.

31

Mec Anôtô ênam aêac sa êndêŋ noc gêŋwapacŋa

- 1** O Apômtau, aêŋoc lam u aôm. Ôwi aê siŋ amboac
ɻac gêbac atomanô.
Ônam aê sa êtu aômnêm biŋgêdêŋagenj.
- 2** Ôê taŋam aê
ma mêmônam aê sa sebenj.

* **30:12:** Dawidnê pesalem, taŋ gêga gêdêŋ sêjac kawi lôm dabunj

Ôtu ñoc poclabu ôngandê aê
ma ñoc tuñtêna gebe ôpiñ aê auc.

- 3 Aôm tec kôtu ñoc poclabu to tuñtênagoc.
Aôm oc ôkam to ôwê aê êtu nêm ñaêja.
- 4 Aôm oc wê aê sa ańga uc, tań êsêac sêkic kelecgen
kêtu aêja nań,
gebe aôm kôtu aêñoc lamu.
- 5 Aê jasakiń ñoc katuc êndêń aôm lêmam êwac.
O Apomtau, aôm Anôtô ñańeń, tec gôjam aê sa.
- 6 Aôm têmtac gedec êsêac, tań sêsap gwam ñaôma
tôj nań samucgenj,
mago aê matoc kêsap Apômtau tôj.
- 7 Aê oc têtac ñajam ma ôlic êpigeń êtu nêm têmtac
gêwinj teñgeńja
gebe aôm matam gê aê gêdêń gañgôń jageonja
ma kôjala ñoc katuc ôluń-ôluń ñam.
- 8 Aôm gôwi aê siń kêsép ñacionê lêma atom.
Aôm kôkêń aê ockaiń kaka gamêń ñatapa tôj.
- 9 O Apômtau, taém walô aê gebe gañgôń jageo.
Gêñwapac gêgôm aê matocanô ñatalô kêsa e
katuc to ôlic kêlênim tau.
- 10 Noc têm gamoa matoc jalińa samob kêtu
gêñwapacjageń gêja
ma katań tańiboa kêtôm ñoc jala samob.
Aê tekoc gêbac kêtu gamoa jageonja
ma ñoc ñatêkwa kêtu goloń su.
- 11 Noc ñacio samob têtań pêlê aê
ma ñoc lau, tań sackapoagêdô gêdêń tauń nań,
sêsu sam su aê.
Noc sêlêb embe sêlic aê, oc têtêc aê.

Lau teŋ embe tētap aê sa aŋga intêna, oc sêc aê.

¹² Êsêac sêliŋ aê siŋ amboac ɻac, taŋ gêmac êndu su naŋ.

Aê katôm ku ɻamoasagac.

¹³ Lau taêsam sêjac biŋ kesec-kesec gêdêŋ tauŋ. Gêŋ secsêga kêkôm aê auc.

Êsêac sêmasaŋ biŋ sêwiŋ tauŋ gebe senseŋ aê su janaŋa.

¹⁴ O Apômtau, mago aê tec kasap aôm tÔngeŋ.

Aê kasôm gebe “Noc Anôtô aôm.”

¹⁵ Aôm lêmam gôjam gôliŋ ɻoc lêŋ.

Amboac tonan ônam aê sa aŋga ɻoc ɻacjo to lau, taŋ sêlêsu aê naŋ.

¹⁶ Ôkêŋ lanômanô êpô nêm sakiŋwaga.

Onam aê sa êtu nêm têmtac gêwiŋ teŋgeŋja.

¹⁷ O Apômtau, ôwi aê siŋ amboac gêŋ gêbac atom gebe aoc gêjac aôm.

Ôkêŋ lau alôb-alôbwaga têtu gêŋ gêbacmaŋ ma toaweŋmêgeŋ sêsêp lamboam sêna.

¹⁸ Ômbôc gêdôŋôlic dansaŋ auc.

Êsêac tetoc tauŋ sa ma sêšom ɻac gêdêŋ nê bôlêŋ palin eŋ wae kêtu sec.

¹⁹ Aôm gôjac nêm moasiŋ sa gêjam sêga kêtu lau, taŋ têtêc aôm naŋja, ma kômoasiŋ lau, taŋ sê lamu aôm naŋ, ma lau samob sêlic gêdêŋ mateŋjanô.

²⁰ Aôm kôpiŋ êsêac auc ɻa lanômanô gêdêŋ ɻamalacnêŋ poac.

Aôm kôsiŋ êsêac ôkwi sêŋgôŋ bec teŋ gebe imbeleŋ ênac êsêac atom.

- 21** Aoc gêôc Apômtau,
gebe ej kêtôc nê têtac gêwiŋ teŋgeŋja gêdêŋ aê
gêdêŋ taŋ sêgi aê auc sebe sêku aê tulu naŋ.
- 22** Aê katêc tauc ḷanôgeŋ ma taêc gêjam gebe
“Aôm tec kôtiŋ aê su anga lanômnêmja.”
Mago aôm gôŋô aêŋoc taŋiboa kapôéŋ
gêdêŋ taŋ aoc gêjac aôm gebe ônam aê sa naŋ.
- 23** Amac akêŋ-gêwiŋwaga samob, têmtac êwiŋ
Apômtau.
Apômtau gejob lau-ŋaŋêŋwaga ma êkêŋ ḷagêjô
élêlêc su êndêŋ lau-tetoc-taŋ-sawaga.
- 24** Amac samob, taŋ asaê Apômtau amoam naŋ,
akô ḷajaŋa totêmtac êpa sugen. *

32

*Tamoatotêntac êpa sugen gebe Anôtô kêsuc nêŋ
sec okwi*

- 1** Aweŋ êôc ḷac, taŋ Anôtô kêsuc ênê sec ôkwi
to kêgadu ênê geo auc naŋ.
- 2** Aweŋ êôc ḷac, taŋ Anôtô taê gêjam ênê keso atom
ma biŋdansaŋ gêc ênê ḷalêlôm atom naŋ.
- 3** Gêdêŋ taŋ gajam tauc tōŋ naŋ, ḷoc ôlicwalô
gêbacnê
gebe kataŋ taŋiboa kêtom bêcgeŋ.
- 4** Gebe lêmam gêsac aê ma kôkônij aê kêtôm bêc to
gelengeŋ.
Noc ḷalêlôm ḷakeleŋ kêsa kêtôm oc kêpac
mêckelep e ḷakeleŋ kêsa.

* **31:24:** Dawidnê pesalem teŋ.

- 5** Amboac tonaj tec gaoc ηοc biŋ lasê gêdêŋ aôm
ma gasaŋ ηοc geo auc atom.
Aê kasôm gebe “Jaoc ηοc biŋ keso lasê êndêŋ
Apômtau,”
tec aôm kôsuc ηοc geo ηatôp ôkwi.
- 6** Amboac tonaj lau mansaŋ samob teteŋ êndêŋ
aôm,
êndêŋ têm sêpô lêna tauŋja.
Ec embe ηasamac sec ênsalê auc êmêŋ,
naŋ êtap êsêac sa atom.
- 7** Aôm kôtu ηοc gamêŋ jasiŋ taucŋa. Aôm gojob
gêdêŋ tanj gamoa jageo naŋ.
Nêm moasinj gôjam aê kêsina kêkôm aê auc.
- 8** “Aê gabe jandôŋ to jatôc intêna ôsaŋa êndêŋ aôm.
Aê matoc êndiŋ aôm ma jawa aôm.
- 9** Ôtôm hos me doŋki kaucmê atom.
Embe gôlinj to gôlinj ηamôkê êsêp awasuŋ atom,
oc tanj wamu aôm atom.” Apômtaunê biŋ
tonaj.
- 10** Nac alôb-alôb kêtap gêŋwapac taêsam sa.
Ma ηac, tanj mata kêsap Apômtau tôŋ naŋ,
Apômtaunê têtac gêwiŋ teŋgeŋja êkwa eŋ
auc.
- 11** O lau gêdêŋjac, ôlim êpi totêmtac ηajamgeŋ êtu
Apômtaunja.
Ma amac samob, tanj nêm ηalêlôm ηanêŋ naŋ,
atu samuc toôndugeŋ. *

* **32:11:** Dawid gêga. Pesalem dambu tauŋja kêtu luagêcŋa.

33

Lambin êndêj Anôtô, taŋ kékêj to gejob gêj samob naŋ

¹ O lau gêdêjac, atu samuc Apômtau toôndugeŋ.
Lambin gajac lau mansan ɳawae.

² Anam daŋe Apômtau ɳa gêj wêŋa.
Aôc eŋ sa ɳa gêj wêŋa, taŋ ɳagam lemenŋlu naŋ.

³ Aŋga wê wakuc teŋ epi eŋ.
Ansaic ɳagam êtaŋ toaligeŋ.

⁴ Gebe Apômtaunê biŋ biŋjanô.
Ma gêgôm nê gêj samob ɳaŋêŋgosu.

⁵ En têtac gêwiŋ biŋ gêdêj to biŋ ɳaŋêj.
Apômtaunê têtac gêwiŋ teŋgeŋja gêjam nom samuc auc.

⁶ Undambê ɳanô kêsa ɳa Apômtaunê biŋ.
Ma ɳagêlôŋ samob tonaq ɳanô kêsa ɳa ênê awajaô.

⁷ Eŋ gêjac gwêc sa kêpi tagen amboac kêsêp bulakôp.
Eŋ kékêj gwec ɳagêdimbob kêpoac ɳalapsamboam.

⁸ Nom samuc têtêc Apômtau
ma ɳamalac samob, taŋ sêŋgôŋ nom naŋ, sêuc labu eŋgeŋ.

⁹ Gebe eŋ kêsôm ma gêj ɳanô kêsa.
Eŋ kêjatu ma gêj tau jakêkô.

¹⁰ Apômtau gesen tentenŋlatunêŋ poac e ɳanô masi.
Eŋ kékô biŋ, taŋ lau samuc sêmasaŋ naŋ auc.

¹¹ Apômtaunê poac ênêc endeŋ tôngen.

Biŋ taŋ eŋ kêmasaŋ gêc nê ɳalêlôm naŋ, oc elom gôlôac to gôlôac.

12 Aweŋ êôc lau, taŋ Apômtau kêtû nêŋ Apômtau naŋ,

lau tau, taŋ eŋ kêjaliŋ sa gebe têtu ênê gênlênsêm naŋ.

13 Apômtau kêtuc kêninj aŋga undambê kêsêp gêmêŋ.

Eŋ mataanô kêpi ɳamalacnêŋ latuŋi samob.

14 Nac tau gêŋgôŋ nê lêpôŋ ma mata gêdinj ɳamalac samob,

taŋ sêŋgôŋ nom naŋ.

15 Nac tau tonaj tec kêmasaŋ samob nêŋ ɳalêlôm.

Nac tau tonaj tec mata gêdinj gêŋ samob, taŋ êsêac sêgôm naŋ.

16 Siŋwaga taêsam ɳasec, mago oc sênam nêŋ kiŋ sa atom.

Ma siŋsêlêc ɳaclai oc êku ɳacjo tulu atom.

17 Teŋ embe taê êka nê hos siŋja gebe êku ɳacjo tulu, oc ênsau tau,

gebe nê hosnê ɳaclai tau oc ênam eŋ sa atom.

18 Alic acgom, Apômtau mata gê êsêac, taŋ têtêc eŋ naŋ,

to êsêac, taŋ sêkêŋ mateŋ ênê têtac gêwinj teŋgeŋja naŋ,

19 gebe ênam êsêac katuŋ sa êtu sêmac êndu atomja to êôc êsêac, taŋ sêmoa mateŋ jali naŋ, tōŋ êndêŋ noc tôbômja.

20 Aêacnêŋ katuŋ kêtû gwasaê Apômtau, aêanêŋ gêjam-sawaga to aêacnêŋ lautuc eŋ.

21 Biŋŋanô, aêacnêŋ ŋalêlôm kêtû samuc eŋgenj,
gebe aêac takêŋ gêwiŋ ênê ŋaê dabuŋ.

22 O Apômtau, aômnêm têmtac gêwiŋ teŋgeŋja
mêŋêpi aêac
êtôm aêac, tec akêŋ mateŋ aôm nec.

34

Anôtô gêjam nê lau, taŋ sêpo lêna tauŋ naŋ sa

1 Aoc êôc Apômtau endeŋ tôŋgeŋj.

Ñabiŋ lanem ênêc aocgeŋ ŋapaŋ.

2 Noc katuc etoc tau sa êtu Apômtau ŋa.

Êsêac, taŋ sêôc gêŋwapac naŋ, sêŋô e têntac
ŋajam êsa.

3 Anam Apômtaunê wae êsa awiŋ aê.
Ma tatoc ênê ŋaê sa selengeŋ.

4 Aê gamôêc Apômtau ma eŋ kêkêŋ tanja aê.

Ma kêjaŋgo aê su aŋga gêŋ samob, taŋ katêc
naŋ.

5 Matam ê Apômtau, go têmtac ŋajam êsa
ma asa tembelam sa ŋapaŋ.

6 Nac ŋalêlôm sawa tonec gêmôêc e Apômtau kêkêŋ
tanja eŋ

ma gêjam eŋ sa aŋga nê gêŋwapac samob.

7 Apômtaunê aŋela kêpiŋ êsêac, taŋ têtêc eŋ naŋ auc
ma gêjam êsêac sa.

8 Ansaê ênac awem to ajala gebe Apômtau eŋ ŋac
gabêjam ŋanô.

Aweŋ êôc samob, taŋ sê lamu eŋ naŋ.

9 Amac taŋ atu Apômtaunê lau dabuŋ naŋ, atêc
eŋgeŋj.

Gebe êsêac, taŋ têtêc eŋ naŋ, oc sêpô lêna gêŋ teŋ atom.

10 Lewe ɻalatu tauŋ oc sêpô lêna ma mo oc êjô êsêac, mago êsêac, taŋ sensom Apômtau naŋ, oc seso gêŋ ɻajam teŋ atom.

11 O ɻapalêac, amêŋ akêŋ taŋem aêmaŋ.

Aê gabe jandôŋ amac êtu atêc Apômtau ɻa.

12 Asa taê gêjam gebe êŋgôŋ mata jali ɻêŋgeŋ ma taê kêka gebe nê bêc ênac têku tau ma êtap ɻajam sa.

13 Ojop imbêlam êndêŋ biŋ sec to gêdômôlic êndêŋ biŋdansaŋ.

14 Ônac jaê sec ma ôŋgôm gêŋ ɻajam.

Onsom biŋ malô ma ôlêtigeŋ e naôê tôŋ.

15 Apômtau mata kêsap lau gêdêŋ ma kêkêŋ taŋa nêŋ tanjiboa.

16 Apômtaunê laŋôanô kékô secwaga auc gebe enseŋ êsêac su e nêŋ lau taêŋ ênam êsêac êtiām atom.

17 Lau gêdêŋ embe sêmôêc, go Apômtau oc êkêŋ taŋa ma ênam êsêac sa aŋga nêŋ gêŋwapac samob.

18 Apômtau gêjam tamiŋ lau-ɻjalêlôm-popocwaga. Eŋ gêjam êsêac, taŋ nêŋ katuŋ ôluŋ-ôluŋgeŋ naŋ sa.

19 Nac gêdêŋ gêôc gêŋwapac taêsam, mago Apômtau gêjam eŋ sa gêdêŋ gêŋ tonâŋ ɻai samob.

20 Eŋ gejob ênê ɻatêkwa samob gebe ɻateŋ tulu atom.

21 Sec oc ênac ɻac sec êndu.

Ma êsêac, taŋ têntac sec êndêŋ ɳac gêdêŋ naŋ,
oc têtap ɳagêjô sa.

22 Apômtau gêjam nê sakinwaga nêŋ katuŋ sa.

Ma êsêac, taŋ sêlamu eŋ naŋ, oc têtap ɳagêjô sa
êjô sec atom. * meloc kêtê eŋ e ɳac tau kêtin
eŋ su gêc gêja naŋ.

35

Nac gaōc gêŋwapacŋa nê mec Anôtô ênam eŋ saŋa

1 O Apômtau, ônac siŋ êndêŋ êsêac, taŋ sêjac aê semoa naŋ.

Ôku êsêac, taŋ sêku aê tulu sêmoa naŋ tulu.

2 Ôja lautuc to maluku sa
ma ôndi mêmônâm aê samanj.

3 Ôkôtêŋ kêm to ôndaiŋ olo endenj lau, taŋ sebe sê aê tōŋ naŋ.

Ôsôm êndêŋ ɳoc katuc gebe “Aê tec gabe janam aôm sa.”

4 Ôkêŋ lau, taŋ sesom lêŋ senseŋ aê suŋa naŋ,
têtu meloc ma sêmbac tauŋ su.

Êsêac taŋ sêkic aêŋoc biŋ naŋ,
sênu tauŋ su tomajenjgeŋ sêc sêmu sêna.

5 Ôkêŋ êsêac têtôm jataê, taŋ mu kelelo naŋ,
ma Apômtaunê aŋela êtiŋ êsêac su.

6 Êsêacnêŋ intêna êtu kesec ma ɳalêŋô êsa
ma Apômtaunê aŋela êjanda êsêac.

7 Êsêac sêwa lakô aê kelecgeŋ

* **34:22:** Dawid gêga gêdêŋ taŋ kepeŋ tokauc gêdêŋ Abimelek gebe

ma sêkwê sê gebe aê janac tauc êndu.

⁸ Gêjwapac êtap êsêac sa eb tagenmaj ma tauñ sêsep
nêñ lakô, tañ sêwa kelecgeñ nañ,
e gacgeñ sênaña.

⁹ Go ñoc ñalêlôm êtu samuc Apômtau
ma êôc eñ sa gebe gêjam aê kësi.

¹⁰ Aê oc jasôm toñoc ñalêlôm samucgeñ gebe
“Apômtau, asa oc êtôm aôm,
tañ kôjañgo ñac gêngôñ jageoña su añga ñaclainê
to kôjañgo ñalêlôm sawa, tañ gêôc gêjwapac
nañ, su añga ñac, tañ kékoniñ eñ tõñ nañ.”

¹¹ Imbeleñ dansañ sêsa gebe mënsenseñ aê,
têtu kênac gêñ, tañ gajam kauc ñam nañ, gêdêñ
aê.

¹² Aê kamoasinj êsêac, mago sêkêñ sec gêjô ñajam
e aê katuc gêbac su.

¹³ Mago gêdêñ tañ gêmac kêtap êsêac sa nañ, aê kasô
talu kêtû ñoc ñakwê.
Aê gajam dabuñ mo ma kateñ ñoc mec gasanj-
lanjôcanô auc.

¹⁴ Gagôm tauc amboac gagôm kêtû ñoc ñac me lasic
teñja.
Gañgôñ kapô gaducgeñ katôm ñac teñ ñalêlôm
ñawapac kêtû tênaña.

¹⁵ Mago gêdêñ tañ aê katu sec nañ, êsêac sêkac sa
toôlinj këpigeñ sebe sêsu aê susu.
Ma lau, tañ gajam kauc êsêac nañ, sêsmôm biñ
alôb-alôb këpi aê geden tõngeñ.

¹⁶ Èsêac têtôm sêsu-susuwaga sêjam aê katu ôwê to
sêgôm aê katu meloc

ma sêmôêj luñluñ gêdêj aê.

17 O Apômtau, gobe ôlic gêj tonaj e êndêj on-docgej.

Ôjanda katuc su aŋga êsêanêj biŋ alôb-alôb.

Ônam aê kêsi aŋga lewe matac nêj.

18 Go janam daŋge aôm êsêp taêsam sêkac tauŋ sa ñalêlôm.

Aoc êôc aôm êsêp lau taêsam ñanô tanjeŋsuŋ.

19 Ôkêj êsêac, taŋ sêkic aêŋoc biŋ sêsiŋgej sêmoa naŋ, sêmajec aê atom.

Ôkêj êsêac, taŋ sêkêj kisa aê ñabiŋ masigeŋ naŋ, sêsênic mateŋ êtu aêŋa atom.

20 Êsêac sêšôm biŋ malô-malô atom.

Ma sêgôliŋ biŋdansaŋ kêpi gamêj tau ñalau wapac.

21 Êsêac sêpa laweŋgej kêtu aêŋa ma sêmôêc gebe “Kec, kec

tauŋ mateŋ anô talic ñanôgac.”

22 O Apômtau, aôm gôlicgac, amboac tonaj ônam taôm tõŋ atom.

O Apômtau, ômoa jaêc aê atom.

23 Matam jali êsa to ôndi sa gebe ômansaŋ ñoc biŋ êtu katô.

O ñoc Anôtô to ñoc Apômtau, ônam gôliŋ ñoc biŋmaŋ.

24 O Apômtau ñoc Anôtô, aôm ñac gêdêj. Ômêtôc ñoc biŋ êtu katô

gebe êsêac ôlinj êpi atu aêŋa atom.

25 Ôkêŋ êsêac sêômac aê êtu biŋ, tanj sêpuc boa
gêc nêŋ ñalêlôm naŋja atom gebe “Kec, gêŋ
amboac tonaj tec aêac taenj gêjam.”

Ôkêŋ êsêac sêkêli tauŋ gebe “Aêac aseŋ eŋ
sugac” naŋ atom.

26 Ôkêŋ êsêac samob, tanj ôlinj kêpi kêtutu ñoc
gêŋwapacŋa naŋ, majen to mokêŋapac
ñawapac êsa acgom.

Ôkêŋ êsêac, tanj tetoc tauŋ sa gêdêŋ aê naŋ, têtu
meloc ma majen êkôm êsêac auc.

27 Ôkêŋ êsêac, tanj sêlic aê ñajam naŋ, tauŋ têntac
ñajam to ôlinj épigen.

Ma ôkêŋ êsêac sêôm ênêc awêgeŋ gebe”
Apômtau eŋ ñac kapôeŋ. Enj taê gêjam nê
sakiŋwaga gebe êmoa ñajamgeŋ.”

28 Imbeloc oc êwaka nêm biŋgêdêŋ sa,
eŋgôm waem êtu tapa endenj tôŋgeŋ. *

36

Lau secwaga nêŋ biŋ alôb-alôb to lau gêdêŋ

¹ Nac alôb-alôb gêŋô sec ñaawa aŋga tau nê ñalêlôm.
Enj gedec Anôtô, tec ketoc eŋ sa atom.

² Enj ketoc tau sa e taê gêjam kêtutu tôŋ gebe
Anôtô oc êkip sa to atinj enj su atom.

³ Biŋ samob, tanj eŋ kêsôm naŋ, biŋ alôb-alôb to biŋ
dansaŋ.
Enj gêwi nê gêŋ, tanj andanjenj gêgôm tokauc
ma ñapep naŋ, siŋ su.

* **35:28:** Dawidnê teŋ.

⁴ Enj kêsa tau sic jagêc nê mêm nañ taê gêjam biñ alôb-alôb.

Enj kêsa sec ñalêj ma lanjô gelo biñ keso tau atom.

Anôtônê moasiñ

⁵ O Apômtau, nêm têmtac gêwiñ teñgeñja kapi e jagêdêj undambê

ma nêm biñ ñajêj kapi e jakêpuc kêpi tao.

⁶ Aômnêm biñgêdêj kêtôm Anôtônê lôc sêkô ñajaña.

Aômnêm métôc kêtôm gwêc ñagêdimbob.

O Apômtau, aôm gôjam ñamalac to bôc sa.

⁷ O Anôtô, nêm têmtac gêwiñ teñgeñja ñajamanôgoc, tec ñamalac latuñi sêlamu aôm magêm ñaañlabu.

⁸ Aômnêm andu ñamoasiñ taêsam gêjac êsêac mateñ su.

Aôm kôkêj êsêac sênôm aômnêm gênlêwê ñajam ñabu,

⁹ gebe aôm kôtu dañgôj mateñ jali ñamôkê.

Aômnêm ñawê kêpô aêac, tec tauñ ajala ñawê amboac tonanj.

¹⁰ Nêm têmtac gêwiñ teñgeñja êmoasiñ êsêac, tañ sêjala aôm nañ,

to êmoasiñ êsêac, tañ sêsa nêj lêj tolañôjnêm sawageñ nañ.

¹¹ Ôkêj lau teñbelen angen enkainj êka aê tôj atom.

Ma êsêac, tañ sêkac tauñ su anga Anôtônê nañ, sensoc aê atom.

¹² Secwaga seben jasêc
oc sêndi naeo.

*

37

Lau-secwaga nêj ñajam, naŋ gêj têlageñja

1 Ôniŋ olinj êtu lau secwaga atom.

Ôlim taôm êtu lau-kesowaganja atom.

2 Èsêac oc têtu gegoŋ sebenj amboac gêgwanj
ma sêmeliŋ amboac gêgwanj ñamêdôb.

3 Ôkêj êwiŋ Apômtau, ec ôŋgôm gêj ñajamgeŋ.

Ôŋgôŋ nêm gamêŋ ma ôŋgôm gêj êndêŋgeŋ.

4 Ôtu samuc Apômtau.

Eŋ oc êkêj gêj, tanj nêm ñalêlôm taêm kêka naŋ.

5 Ôsakinj nêm lêj êndêŋ Apômtau

ma ôkêj êwiŋ eŋ, eŋ oc êŋgôm ñajam êsa.

6 Eŋ oc êkêj aômnêm biŋ gêdêŋ êpô gamêŋ amboac
ñawê.

Ma aômnêm biŋ ñanêŋ ñawê amboac oc kêkô
ñaluŋ.

7 Ônam taôm tôŋ ômoa Apômtau laŋônêm ma ôkêj
matam eŋgeŋ.

Ôniŋ olinj ñac, tanj kêtap nê kôm ñanô sa ma
ñac, tanj kêkic launêŋ biŋ ma gêgôm ñanô kêsa
naŋ atom.

8 Ojop taôm êndêŋ têmtac ñandaŋ ma ôkac taôm su
aŋga ñalêlôm kêmoatiŋ tôŋ.

Ôniŋ olinj taôm atom, oc êkalem sec.

9 Apômtau oc enseŋ lau-sêgôm-secwaga su.

* **36:12:** Apômtaunê sakijwaga Dawid gêga.

Ma êsêac, taŋ sêkêŋ mateŋ Apômtau naŋ, oc
sêwê kainŋ gamêŋ tau.

- ¹⁰ Sauŋgeŋ acgom, go secwaga tau oc malamê
ma embe onsom aŋga eŋ mala, oc ôtap eŋ sa
atom
- ¹¹ Mago lau wapac oc têtu gamêŋ ɻatau,
ma moasiŋ oc ênam êsêac auc sêmoa nêŋ ɻajam.
- ¹² Secwaga kêkic ɻac gêdêŋ nê bin
ma gêmôê luluŋ kêtu eŋja.
- ¹³ Mago Apômtau kêômac eŋ
gebe kêjala gebe saungeŋ, go ɻac tau ênaŋa.
- ¹⁴ Lau-secwaga sêkac nêŋ siŋ sa ma sêkêkam nêŋ
talam,
sebe senseŋ ɻac ɻasec to ɻalêlôm sawa ma
sêncac êsêac, taŋ sêsa nêŋ lêŋ gêdêŋgeŋ naŋ
êndu.
- ¹⁵ Mago acnêŋ siŋ oc êmbuc êsêac tauŋ nêŋ ɻalêlôm
ma nêŋ talam oc tulu-tulugen̄ ênaŋa.
- ¹⁶ ɻac-gêdêŋ nê waba luagêcgeŋ embe ênêc,
oc êlêlêc secwaga ta sam nêŋ waba ɻanô lasê
su.
- ¹⁷ Lau taŋ sêkac tauŋ su aŋga Anôtônê naŋ, nêŋ
lemeŋ dambê oc tulu,
mago Apômtau oc êpuc lau gêdêŋ tôŋ.
- ¹⁸ Apômtau kêjala lau mansaŋ nêŋ bêc
ma nêŋ gêŋlênsêm oc ênêc teŋgeŋ.
- ¹⁹ Êndêŋ bêc gêŋwapacŋa oc sêpô lêna tauŋ atom.
Êndêŋ bêc tôbômŋa, naŋ mo oc êôc êsêac tôŋ.

20 Lau tanj sêkac tauŋ su aŋga Anôtônê naŋ, oc sêmbac sênaŋa.

Ma Apômtaunê ŋacjo oc sênaŋa amboac ŋaola kêsêlô, ma sê su amboac jadauŋ.

21 Nac sec nê gêŋ masi, tec oc ênac launêŋ tôp êtôm atom.

Ma ŋac gêdêŋ oc êkêŋ gêŋ totêtac wapômgeŋ.

22 Lau tanj Apômtau gêjam mec êsêac naŋ, oc sêwê kainj gamêŋ êtu nêŋ gêŋ.

Ma lau, taŋ eŋ kêpuc boa êsêac naŋ, oc sênaŋa.

23 Apômtau gêjam gôlinj launêŋ lêŋ
ma kêpuc ŋac, taŋ nê lêŋ gêjac eŋ mataanô
ŋajam naŋ tôŋ.

24 Enj embe embenj, oc gacgenj êsêp naênenê atom
gebe Apômtau kêkam eŋ gêdêŋ lêma.

25 Aê ŋapalêgeŋ e katu ŋac laŋgwa,
mago galic Apômtau gêwi ŋac gêdêŋ teŋ siŋ
atomanô. Ma galic nê gôlôac têtaŋ gêŋ teŋ
atomanô.

26 Enj ŋac têtač wapôm ma êkêŋ gêŋ êndêŋ lau, tanj
teteŋ eŋ naŋ.

Ma nê gôlôac oc têtu moasiŋ laugeŋ.

27 Ôŋgaminj taôm êndêŋ sec ma ôŋgôm gêŋ ŋajamgeŋ,
go ômoa nêm gamêŋ teŋgeŋ

28 Gebe Apômtau têtač gêwiŋ biŋ gêdêŋ
ma oc êwi nê lau mansaŋ siŋ atom.

Enj oc ejop nê lau gêdêŋ sêmoa teŋgeŋ,
mago lau alôb-alôb nêŋ wakuc oc maleŋmê.

29 Lau gêdêŋ oc têtu gamêŋ ŋatau
ma oc sêŋgôŋ nêŋ gamêŋ tau endenj tôŋgeŋ.

30 Nac gêdêj nê awasuŋ kêsôm biŋ tokauc lasê
ma imbêla kêsôm biŋ jagêdêj.

31 Nac tau nê Anôtônê biŋsu gêc ênê ɣalêlôm,
tec kêsêlêj kêku kêpac atom.

32 Nac keso gêdib ɣac gêdêj
ma taê gêjam gebe enseŋ eŋ su ênaŋa.

33 Mago Apômtau kêkô ɣac gêdêj auc
ma embe êmêtôc ênê biŋ, oc êkêj eŋ lêwanj-
lêwaŋ atom.

34 Ôkêj matam Apômtaugej to ôsap ênê lêj tōj, go
etoc aôm sa ôtu gamêj ɣatau
ma aôm ôlic eŋ enseŋ lau sec su.

35 Aê galic ɣac sec teŋ, taŋ ketoc tau sa ɣanôgej
e kelenj gamêj su amboac kaseda Lebanonŋa.

36 Mago gêdêj taŋ kasêlêj jagaô lasê eŋ mala
kêtiām naŋ, galic eŋ malamê
ma gasom e katap eŋ sa atomanô.

37 Ômoa tobiŋmêgej ma ôsa nêm lêj êndêŋgej
gebe Anôtô oc êmoasiŋ lau amboac tonaj.

38 Lau-secwaga samob oc sênaŋa.
Ma lau, taŋ sêkac tauŋ su anga Anôtônê naŋ,
nêŋ wakuc oc maleŋmê.

39 Apômtau kêtu lau gêdêj nêŋ ênam êsêac sa
ɣamôkê
ma kêtu nêŋ lamu ɣanô gêdêj noc sêpô lêna
tauŋja.

40 Apômtau kêpuc êsêac tōj to gêjam êsêac kêsi.

Eŋ gêjam êsêac kêsi gêdêŋ lau keso ma kêpuc êsêac
tôŋ gebe sê lamu eŋgeŋ.

*

38

Nac ɻasec teŋ nê mec

- 1 O Apômtau, aôm têmtac ɻandaŋ ma ônac aê atom.
Têmtac êmoatiŋ tôŋ ma ôim aê atom.
- 2 Gebe aômnêm sôb kesenęŋ aêgac.
Ma lêmam kékôniŋ aê tôŋ ɻanô.
- 3 Aôm têmtac ɻandaŋ kékêŋ gêmac gêjam ôlic samucgeŋ auc.
Aêjoc geo gêgôm aê ôlic ɻagêŋlêlôm kêtû masê sugac.
- 4 Aêjoc keso gênôm aê auc kêpi e kalêlêc môkêcapac su,
kékôniŋ aê tôŋ amboac gêŋ wapacsêga teŋ.
- 5 Kêtû aê ɻjac melocŋa,
tec ɻoc kamoc kêtû kapôeŋ e gêmôb.
- 6 Aê kapô gaduc gaŋgôŋ ducgeŋ.
Aêjoc ɻalêlôm ɻawapac ma ganôŋ kaukauc kêtôm bêc to geleŋ.
- 7-8 Lambic gêjac aê secanô.
Ma gêmac gêjam aê ôlic auc.
Kasê aoc jamêc-jamêc e tekoc gêbac.
ɻoc ɻalêlôm kêjamuŋ aê tec gamôêc.
- 9 O Apômtau, aôm kôjala gêŋ samob, taŋ gajam aoc su naŋ,
ma gôŋô ɻoc gaeŋ olin sapu atom.

* **37:40:** Dawid gêga tonec.

- 10 Noc ɳalêlôm ɳatutuc ɳasec. ɳaclai kêtaiŋ su aŋga
aêŋoc
ma matocanô ɳawê gêjaŋa amboac tonanjeŋ.
 11 Noc ɳac to tawaŋ sêkac tauŋ su gêdêŋ aêŋoc
gêŋwapac
ma ɳoc lasitêwai sêmoa jaêc aê.
 12 Êsêac taŋ sebe senseŋ aê su naŋ, sêwa lakô aê.
 Êsêac taŋ sebe aê jambac janaja naŋ, sêjam
kisa aêgeŋ to sêkic ɳoc biŋ kêtôm bêc to
gelenjeŋ.
 13 Ma aê amboac ɳac taŋasun̄bic, naŋ gêŋô biŋ
atom.
 Ma amboac ɳac awamê, naŋ gêŋa awa atom.
 14 Biŋjanô, aê katôm ɳac teŋ gêŋô biŋ atomanô
ma awasun̄ kêpuc biŋ su tau atomanô.
 15 O Apômtau, aê matoc kêsap aôm.
 O ɳoc Apômtau Anôtô, aôm oc ôjô aê aoc.
 16 Aê kataŋ aôm gebe êsêac ôliŋ êpi êtu aêŋa atom-
maŋ.
 Embe ockaiŋ êku êpac, naŋ êsêac sêsu aê susu
atommaŋ.
 17 Kêdabiŋ gebe jambeŋ
ma taêc gêjam ɳoc ɳandaŋ geden̄ tōŋjeŋ.
 18 Ojae, aê jasôm ɳoc biŋ lasê acgom,
gebe ɳoc ɳalêlôm kêtuaŋ aê kêtuaŋ ɳoc secŋa.
 19 Êsêac taŋ sêkêŋ kisa aê ɳaômageŋ naŋ, nêŋ lai
kêpoa.
 Ma êsêac, taŋ nêŋ ɳalêlôm kêmoatiŋ tōŋ
ɳaômageŋ kêtuaŋ aêŋa naŋ, lau taêsam ɳasec.

20 Aê tec kasap biŋ ηajam tōŋ.

Ma êsēac sêkēŋ sec gêjô ηajam ma sêkēŋ kisa
aêgen̄.

21 O Apômtau, ôwi aê siŋ atom.

Ñoc Anôtô, ômoa jaēc aê atom.

22 O ñoc ηacmoasiŋ Apômtau,
mêñônām aê sa. * têlêacŋa.

39

Aêñoc ηac taŋ gêmoa gêjwapac ηalêlôm naŋ, gêbu tau

1 Aê taēc gêjam gabe jajop ñoc lêŋ ηapep
ma imbeloc ênac biŋ sec teŋ atom.

Lau sec embe sêmoa aê ηagala,
oc jakēŋ ηagôliŋ êsêp aocsuŋ.

2 Amboac tonan̄ gajam tauc tōŋ ηaŋêŋ laŋgwagen̄
kakô.

Ma ñoc ηandaŋ kêpôŋ aê secanô gêc lêlômgeŋ.

3 Ñoc ηalêlôm gêlaŋ aê gêc bôcdagi ηalêlômgeŋ ma
taēc gêjam gamoa e kêlakoc aê amboac ja
kêpi gêmêŋ,
go kapô imbeloc ηagôliŋ su.

4 “O Apômtau, aê oc jançôŋ matoc jali e êndêŋ
ondoc. Oc jamac êndu êndêŋ ondoc.

Oc jamac êndu êndêŋ ondoc.

Ôkêŋ aê jajala tauc gebe aê gêŋ dalamatê sec.”

5 Ojae, kôsaka ñoc bêc kêtôm samuc tagen̄ wagen̄,
matamanô gôlic aêñoc bêc ηawalaŋ ηanô
masi.

* **38:22:** Dawidnê pesalem teŋ. Pesalem dambu tauŋja kêtu

Namalac samob gêj ɻajaô-jaô ɻaômagoc.

⁶ Namalac kêsa nê lêj kêtôm gêj ɻakatu tej. Eŋ gêj ɻaôma, mago gêgôm gêjlêlôm kêtu tauña elêmê.

Gêjac gêj sasa gedeŋ tôŋgeŋ ma asa oc êtu gêj tau ɻatau.

⁷ O Apômtau, aê oc jakêj matoc asa.

Taêc kêka aôm taômgengoc.

⁸ Ônam aê sa aŋga ɻoc sec samobmaŋ.

Ôkêj lau meloc sêsu aê susu atom,

⁹ Aê jaŋa aoc atom, janam tauc tôŋgeŋ jamoa,
gebe aôm gójam góliŋ ɻoc lêj tau.

¹⁰ Nêm gêjwapac tec kêsac aê nec, ôkôc su aŋga
aêŋoc,

gebe lêmam kêkôniŋ aê tôŋ ɻanô e oc janaŋa.

¹¹ Aôm embe ônac ɻamalac tej êtu nê sec ɻagêjôŋa,
oc nê katu ɻajam êtôm abêlôn gej tau.

Ojae, ɻamalac samob gêj ɻajaô-jaô ɻaômagoc.

¹² O Apômtau, ôŋô ɻoc mec ma ôkêj taŋam ɻoc taŋi.

Aê galinj matocsulu, amboac tonaj ônam taôm
tôŋ atom.

Gebe aê katu ɻacjaba katôm tamoci samob.

Ma katu nêm ɻacleŋ tej.

¹³ Ôlêwaŋ aê gebe jasi aoc su acgom,
go jaêc su e malocmê samucgeŋ. *

40

Wê lambiŋŋa
(Pes 70:1-5)

* **39:13:** Dawidnê pesalem tej.

- ¹ Aê gaôŋ Apômtau to gajam aoc su eŋ,
ma eŋ gewec mêmekêŋ taŋa ŋoc taŋi.
- ² Enj gê aê sa aŋga gêsuŋ ŋakêlêndiŋ
to aŋga lemonj ŋagôlub-gôlub.
- Enj kêkêŋ ockaiŋ kaka poc tōŋ
ma kêpuc ockaiŋ tōŋ kasêlêŋ ŋajaŋa.
- ³ Enj kêkêŋ wê wakuc kêsêp aocsuŋ.
Kêdôn wê lambiŋha teŋ kêpi aêacnêŋ Anôtô.
- Lau taêsam sêlic e selendec
e mateŋ êsap Apômtaugenj.
- ⁴ Aoc êôc ŋac, taŋ mata kêsap Apômtau naŋ,
ma gêmoa gêwiŋ teŋbeleŋ aŋgeŋwaga atom to
kêsa dansantêna nêŋ lêŋ atom.
- ⁵ O ma Apômtau Anôtô, aôm gôgôm gêntalô taêsam
kêtu aêacŋa.
Nac teŋ kêtôm aôm gêmoa atom.
- Aôm taêm gêjam lêŋ moasiŋha taêsam amboac
tonaŋ.
Aê embe jawa sa to jasa sa, oc jatôm atom gebe
taêsam ŋanô lasê.
- ⁶ Da sêbucŋa to da kelen gêjac aôm matamanô
ŋajam atom, mago kômasaŋ taŋocsuŋ gobe
janô biŋ.
Aôm koteŋ daja to da wama atom.
- ⁷ Amboac tonaŋ jasôm gebe “Ôlic acgom, oc jawac
sêwa aêŋoc biŋ sa gêc biŋsu ŋabuku.
- ⁸ O ŋoc Anôtô, aê jaŋgôm aômnêm biŋ êtu tōŋ janac
ŋawae.
Nêm biŋsu gêc ŋoc ŋalêlôm.”

9 Aê kasôm aôm gôjam aêac sa ñawae lasê aŋga lau taêsam sêkac tauŋ sa ñalêlôm.

O Apômtau, aôm taôm gôlicgac gebe aê kagaminj gêdôcôlic atom.

10 Aê gasaŋ nêm biŋ gôjam lau kêsiŋa ñawae auc gêc ñoc ñalêlôm atom.

Kasôm lasêgeŋ gebe aôm ñac ñaŋeŋ to gôjam lau sa.

11 O Apômtau, amboac tonaj ôngamiŋ taêm walô êndêŋ aêma atom.

Nêm têmtac gêwiŋ tengeŋja to biŋ ñaŋeŋ oc êkwa aê auc ñapaŋ.

Mec ênam saŋa

12 Gêŋwapac ñalêlêma atom kêgi aê auc.

Ñac sec kêtap aê sa gêjam aucgeŋ.

Taêsam ñasec kêlêlêc môkêclauŋ môkêcapacŋa su, tec gajac kapoac tauc gacgeŋ gamoa.

13 O Apômtau, ôlic ñajam ma ônam aê sa.

O Apômtau, ônsaic taômgeŋ mêmôpuc aê tôŋ.

14 Êsêac tanj dêdib aê sebe senseŋ aê su naŋ, ôkêŋ êsêac samob majen to teŋbeleŋ ñawapac êsa.

Ôkêŋ êsêac, tanj sêkêŋ mateŋgeŋ sebe aê jatu sec naŋ, sêc tomajeŋgeŋ sêmu sêna.

15 Êsêac tanj sêgôm Kec, kec kêpi aê naŋ, ôkêŋ êsêac têtakê tomajeŋgeŋ.

16 Ôkêŋ êsêac samob, tanj sesom aôm naŋ, ôliŋ êpi to têntac ñajam êsa êtu aômŋa.

Ôkêŋ êsêac samob, tanj taêŋ kêka aômnêm moasiŋ naŋ,

sêôsôm lasê endenj tôñgenj gebe Apômtau ñac towae.

- ¹⁷ O Apômtau, aê tec ñac palê-palê to ñac ñalêlôm sawa jamoa naeo, mago aôm taêm gêjam aê.
O ñoc Anôtô, ônam gamêñ tôñ atom gebe ñoc ônam-aê-sa to ôpuc-aê-tôñwaga aômgoc.

*

41

Nac gêmac nê meç

- ¹ Aoc gêôc ñac, tanj gêjam ñac ñasec sa nañ,
gebe êndêñ gêñwapac ñabec Apômtau oc ênam eñ sa.
- ² Apômtau ejop eñ ma êwaka ênê katu sa gebe awenj
êôc eñ aنجa nê gamêñ.
Ma aôm oc ôpô eñ ñabênic su êndêñ nê ñacjo,
tanj têtu kêka-kêka eñ nañ atom.
- ³ Eñ embe êmac jaoñageñ ênêc, Apômtau oc ênam malô eñ.
Aôm gôjam ênê gêñwapac samob ôkwi kêtû gaô.
- ⁴ Aê kasôm gebe “O Apômtau, taêm labu aêmañ.
Ômoasiñ ñoc katuc gebe aê gagôm geo gêdêñ aôm.”
- ⁵ Ñoc soño-soño sêjac jatu aê gebe
“Êndêñ ondoc eñ oc êmac êndu ma nê ñaê ênaña.
- ⁶ Teñ embe êtu ñacleñ aê êmêñ, oc êsôm biñ dansañ.
Nê ñalêlôm ênac biñ sec-sec sa,
gocgo êsa awê naêôsôm lasê.
- ⁷ Êsêac samob, tanj nêñ ñalêlôm kêmoatinj tôñ kêtû aêja nañ, sêjac biñ kesec-kesec kêtû aêja.

* **40:17:** Dawidnê pesalem teñ.

- Êsêac taêŋ gêjam biŋkalom kêpi aêgenj gebe
 8 "Enj ɳac tobiŋ kalonj-kalonj sec,
 teŋ embe ênêc amboac tonarj, oc êndi sa êtiam
 atom.
 9 Noc ɳac mêm̄baŋ, taŋ ôlic andanj eŋ ma geŋ mo
 an̄ga aêŋoc naŋ,
 tec kêkac akaiŋ sa gebe êka aê.
 10 O Apômtau, taêm labu aê ma ônam aê sa êtiam,
 go jakêŋ ɳagêjô êndêŋ êsêac.
 11 Noc ɳacio embe ôli êpi-êpi êtu aêŋa atom,
 go aê jajala gebe aôm gôlic aê ɳajam.
 12 Aôm gôjam aê sa kêtuaŋ ɳoc biŋ masigenja
 ma kôkêŋ aê kakô aôm lanjômnêm̄nja gedenj
 tôŋgeŋ.
 13 Lambinj êndêŋ Apômtau, Israelnêŋ Anôtô
 êndêŋ galoc to endenj tôŋgeŋ.

Biŋjanô, biŋjanôgoc.
 *

42

BUKU KÊTU LUAGÊCNYA

Tanam aweŋ su Apômtauŋa

- 1 O Anôtô, aê aocsulu kapa aôm̄nja
 amboac bôcgabuŋ, taŋ awa ececgeŋ gebe ênôm
 bu naŋ.
 2 Noc katuc ɳaawasulu kêpa Anôtôŋa, kêpa kêtuaŋ
 Anôtô mata jaliŋa.
 Êndêŋ ondoc oc jasa najalic Anôtônê lanjôanô.

* **41:13:** Dawidnê pesalem teŋ.

³ Galinj matocsulu kêtû ñoc mo kêtôm bêc to gelenj,
gebe sênac aêñoc Anôtô ôkwi kêtôm bêcgeñ
gebe Nêm Anôtô gêmoa ondoc.”

⁴ Jakô ñoc ñalêlôm ñawapac auc atom, taêc ênam biñ
tonecgeñ gebe gêmungeñ gawinj lau taêsam
ma gawê êsêac gadêj Anôtônê andu gaja.
Aêac awê tolasê ma toôndugeñ aja abe akêj
Anôtônê om.

⁵ O katuc tau, amboac ondoc gômoa ñoc ñalêlôm
tobiñ wapac ma ôluñ-ôluñgeñ.
Ôkêj matam Anôtô gebe aê oc janam dange
êndêj eñ, tañ kêsa aê lañôc sa to kêtû ñoc
Anôtô nañ.

⁶ Ñoc katuc kêpô gêducgeñ gêmoa ñoc ñalêlôm. Am-
boac tonaj tec taêc gêjam aôm gamoa Jor-
dan to lôc Hermon ñatêpôê ñagamêj tonec.
Gançôj lôc Misar tonec.

⁷ Bu ñasamac teñ gêmôêc biñ gêdêj ñasamac teñ
gêdêj tañ kêpô kêsêp pocdambê nañ.
Ojae, aômnêm dembom to koten samob gênôm
aê aucgoc.

⁸ Gêdêj gelenjña gaen olin gebe Apômtau êkêj nê
moasiñ êsa ma gêdêj gêbêc nê wê gêc aocsuñ
to kateñ ñoc mec gêdêj Anôtô, tañ kêkêj aê
gançôj matoc jali.

⁹ Aê kasôm gêdêj ñoc poclabu Anôtô gebe
“Amboac ondoc kôlinj aê siñ.
Amboac ondoc gamoa togêñwapacgeñ.
Ma ñacjo kêkôniñ aê tôj.”

¹⁰ Lau tañ sêlêsu aêña nañ, têtañ pêlê aê

e sêjamuŋ ηoc ηatêkwa popoc-popocgeŋ.
 Êsêac têtan̄ pêlê aê geden̄ tōŋgeŋ gebe
 “Nêm Anôtô gêmoa ondoc.”

11 O katuc tau, amboac ondoc gômoa ηoc ηalêlôm
 tobij wapac ma ôluŋ-ôluŋgeŋ.
 Ôkêŋ matam Anôtô, gebe aê janam danje
 êndêŋ eŋ, taŋ kêsa aê laŋôc sa to kêtû ηoc
 Anôtô naŋ.

*

43

(Gêjac têku pesalem 42)

Mec Anôtô ênam aêac saŋa

1 O Anôtô, ôwaka ηoc gêdêŋ sa ma ônam gôlin̄ ηoc biŋ
 êndêŋ lau têntac gêwiŋmê tōnê ηai.

Ônam aê sa
 anga ηamalac dansaŋ to secwaga nêŋ.

2 Aôm kêtû Anôtô, taŋ gejob aê naŋ,
 amboac ondoc kôtiŋ aê su.

Amboac ondoc jamoa togêŋwapacgeŋ
 ma soŋo-soŋo kêkônin̄ aê tōŋ.

3 Ôsakin̄ nêm ηawê to nêm biŋ ηanjêŋ
 gebe êwê aê.

Ma ôkêŋ aê jandêŋ nêm lôc dabur̄,
 to nêm andu, taŋ gôŋgôŋ naŋ jana.

4 Go jandêŋ Anôtônê altar jana.
 Jandêŋ Anôtô, taŋ ôlic kêpi-kêpi eŋŋa naŋ.

O ηoc Apômtau Anôtô,
 aê jalambin̄ aôm ηa gêŋ wêŋageŋ.

* **42:11:** Lau Kora nêŋ wê teŋ.

⁵ O katuc tau, amboac ondoc gômoa ñoc ñalêlôm
tobiñ wapac
ma ôluñ-ôluñgenj.

Ôkêj matam Anôtô gebe aê janam dañge êndêj eñ,
tañ kësa aê lañôc sa to kêtû ñoc Anôtô nañ.

44

Mec Anôtô ejop aêacña

¹ O Anôtô, aêac tauñ añô kêsô tañeñsuñ
ma tameñmai sêjac aômnêm miñ gêdêj aêac
gebe gêdêj êsêacnêj bec, tañ sêmoa nañ, aôm
gôgôm nêm gêñsêga gêdêj êsêac,
gôgôm gêdêj bêc andañgenjña.

² Aôm lêmam jagoseñ lau samuc su ma kôkêj nêm
lau sêñgôñ sêjô êsêac maleñ.
Aôm goseñ tenteñlatu su, ma kôlainj êsêacgeñ
sêjam gamêj auc.

³ Êsêac tauñ nêj siñ kësi gamêj ñatau su atom.
Ma êsêac tauñ nêj ñaclai kêku ñacio tulu atom.
Aôm taômgeñ nêm anôja to lêmam ma lañômanô
ñawê gêgôm
gebe aôm têmtac gêwiñ êsêac.

⁴ Aôm taômgeñ kôtu ñoc kiñ to Anôtô.
Aôm kôkêj Jakob kêku nê ñacio tulu.

⁵ Aôm ôwiñ aêac, go akônij ma ñacio tôj.
Aômnêm ñaê êpuc aêac tôj, go aka ma ñacio
popoc.

⁶ Aê kakêñ gêwiñ ñoc talamgeñ atom.
Ma aêñoc siñ gêjam aê sa atom.

⁷ Aôm taômgeñ tec kôpuc aêac tôj gêdêj ma ñacio.

Ma gôgôm êsêac, taŋ nêŋ ñalêlôm kêmootinj tōŋ
kêtu aêacnja naŋ, nêŋ meloco kêsa.

⁸ Aêac atoc Anôtô sa geden tōŋgeŋ.
Ma aweŋ gêôc nêm ñaâe ñapaŋ.

⁹ Mago galoc kôtiŋ aêac su to gôgôm aêac majen
kêsa
ma gôwiŋ aêacma siŋwaga atom.

¹⁰ Aôm kôpuc aêac tōŋ atom, tec aêac aêc kêtu ma
ñacioŋa.
Ma êsêac, taŋ nêŋ ñalêlôm kêmootinj tōŋ kêt
aêacnja naŋ, sê ma waba êliŋ-êliŋ.

¹¹ Aôm gôwi aêac siŋ ñamelocŋageŋ amboac domba,
taŋ sêwê gebe nasêmbuc naŋ.
Aôm kôpa aêac êliŋ-êliŋ asêp lau samuc
ñalêlôm.

¹² Aôm kôkêŋ taôm nêm lau dêdêŋ lau sêjam ôli êsêac
ma sêkêŋ ñaôli sauŋjanô amboac êsêac gêŋ
ñâoma teŋ.

¹³ Aôm kôkêŋ lau, taŋ ma sackapoagêdô gêdêŋ tauŋ
naŋ, têtaŋ pêlê aêac.
Lau samob, taŋ sêgi aêac auc sêŋgôŋ naŋ, têtaŋ
pêlê to sêômac aêac.

¹⁴ Aôm kôkêŋ aêac atu lau samuc nêŋ biŋ makicŋa
ma tenteŋlatu têdainj gêsuŋ kêt aêacnja.

¹⁵ Aê taêc gêjam ñoc majoc geden tōŋgeŋ
ma majoc kêkôm laŋôcanô auc.

¹⁶ Gebe gaŋô biŋ pêlêŋa to biŋ alôb-alôb
ma galic ñacio seŋ anô-anô gebe sêkac nêŋ
kamocgôc.

¹⁷ Aêac atap gêŋ tonaj ñai samob sa,

mago alin aôm siŋ ma agôm aômnêm poac
palin atom.

¹⁸ Aêacma ɳalêlôm kêkac tau su aŋga aômnêm atom.
Ma aêac eŋkaiŋ geo gala aômnêm intêna atom.

¹⁹ Mago aôm kôkêŋ kêam sec saleŋŋa sêŋac aêac
popoc
ma gêsuŋbôm gêjam aêac auc.

²⁰ Aêac embe alin ma Anôtô siŋ
ma aôc lemenj sa êndêŋ anôtô jaba teŋ,

²¹ enj oc êtap biŋ amboac tonaj sa atom me.
Gebe enj tec kêjala gêŋ samob, taŋ aêac ajala gêc
ma ɳalêlôm ɳadim labusêga teŋ naŋ.

²² Masigoc, sêjaiŋ aêac kêtôm bêcgeŋ kêtu aômŋa.
Ma sêgôm aêac atôm bôc, taŋ sebe sêmbuc naŋ.

²³ O Apômtau, matam êpoamaŋ. Gôêc bêc kêtu
asagenŋa.
Matam êlac ma ômasuc aêac endenj tôŋgenj
atom.

²⁴ Gôsaŋ laŋômanô auc, o wageŋ.
Ma kôlinj aêacma gêŋwapac to aŋgôŋ jageonja
siŋ.

²⁵ Ojae, ma katuŋ kêpô gêduc e genj kekop
laŋwagenj.
Aêacma ôliŋ kêtap labôc jagêc.

²⁶ Ôndi, mêŋônâm aêac samaŋ.
Ônam aêac sa êtu nêm têmtac gêwiŋ tergeŋŋa.
*

* **44:26:** Lau Kora nêŋ wê teŋ.

45

Kiŋ gêjam awê ɻawê

- 1** Biŋ êjam-êjam kêôlinj kêpi aŋga aêŋoc ɻalêlôm tec
gebe ênsêwa êsa. Amboac tonaj jansuŋ ɻoc
wê êndêŋ kiŋ.
Imbeloc kêtôm ɻac lêmagaôŋa keto kêlêpê.
- 2** Aôm laŋômanô ɻajam kêlêlêc ɻamatlac samob, taŋ
sêŋgôŋ nom naŋ, nêŋ su. Gêdômôlic e têtac
kêsa laŋgwageŋ.
Amboac tonaj tec Anôtô gêjam mec aôm
geden tôŋgeŋ.
- 3** O ɻactêkwa, ôjandiŋ nêm siŋ êŋkaleŋ magim.
Nêm laukasap e ɻawasi laŋgwageŋ.
- 4** Ajôc, ɻac tau, ônac siŋ taumaŋ. Ôŋgôm êtu
biŋjanôŋa to ôpuc biŋgêdêŋ tôŋ.
Ma lêmam anôŋa êwaka nêm ɻaclai kapôeŋ sa.
- 5** Aômñêm sôb ɻamatagosu keseŋen kiŋnê ɻacio nêŋ
nipkalop tôŋ
ma tentenŋlatu samob sêu tauŋ jasêc amkainj
ɻalabu.
- 6** Aômñêm lêpôŋ, taŋ Anôtô kêpuc tôŋ naŋ, êkô
teŋgen to teŋgen.
Aôm gôjam gôliŋ nêm lau ɻa biŋgêdêŋ.
- 7** Aôm têmtac gêwiŋ biŋgêdêŋ ma nêm ɻalêlôm
kêmoatinj tôŋ kêtû biŋ alôb-alôbña.
Amboac tonaj Anôtô, taŋ kêtû nêm Anôtô naŋ,
geŋ oso aôm ɻa niptêkwi têntac ɻajamŋa e
kôlêlêc samob su.
- 8** Lakisia to môsê ma samboa ɻamatlu kêsa aŋga nêm
ŋakwê.

Êsêac sêjam wê sêngôj andu, taŋ sêgêlôj ña bôc
ñajabo naŋ, e gêgôm aôm têmtac ñajamanô.

⁹ Kiŋ latuŋio sêmoa sêwiŋ lauo ñagêdô aŋga nêm
andu.

Ma nêm awê togêlôj gold Opirŋageŋ kêkô
aômnêm anôŋa.

¹⁰ O latucoenec, matam ê aê ma ôkêj taŋam ñoc
biŋ.

Ôliŋ nêm lau to tamamnê andu siŋ.

¹¹ Ma embe kiŋ têtac êkac eŋ êtu aôm laŋômanô
ñaŋ ñajamña,
naŋ ôkêj êwiŋgeŋ gebe eŋ kêtua nêm ñatau.

¹² Lau Tirusŋa oc sênsuŋ awa êndêj aôm.
Ma lau tolêlôm oc têtu kêka-kêka gebe aôm ôlic
êsêac ñajam.

¹³ Kiŋ latuo gêmoa andu kiŋja ñalêlôm togêlôj
ñawasi laŋgwageŋ.

Ênê ñakwê sêwa gam gold gêwiŋ.

¹⁴ Êsêac sêwê eŋ, taŋ kêsô ñakwê talô-talô sa naŋ,
dêdêj kiŋ sêja.

Ma sêwê ênê sakîŋwagao toôŋgeŋ dêdêj kiŋ sêja
amboac tonanjeŋ.

¹⁵ Sêjam lasê ma sêwê êsêac toôndugeŋ
ma jasêso kiŋnê andu ñalêlôm sêja.

¹⁶ Aôm ôtap latômi taêsam sa, taŋ sêjô tamami su
naŋ.

Aôm oc ôkêj êsêac têtu kasêga aŋga gamêŋ
samob.

¹⁷ Aê oc jakêj lau wakuc ñamuŋa samob taêŋ ênam
aôm ñapaŋ.

* Amboac tonaq tentenjlatu awenj êôc aôm
teñgenj to teñgenj.

46

Anôtô kêtû nêj lamu to ñaclai

¹ Anôtô kêtû nêj lamu to ñaclai.

Eñ gêjam aêac sa gêdêj dañgôj jageoña gêjac
ñawae.

² Amboac tonaq embe nom ênaña ma lôc êu tau
êsep gwêc êna,
naq aêac tatêc tauq atom.

³ Embe gwêc ñadindiñ
ma êngasim e ê kapic-kapic naêpi lôc e êkôtêj
tau, naq aêac tatêc tauq atom.

Lau sinj undambêja nêj Apômtau kêpuc aêac tôj
Jakobnê Anôtô kêtû aêacnêj laimôkê.

⁴ Bu kapôêj tec kêpoac ma ñasêli kêmâlôm Anôtônê
malac
to kêmoadiñ Lôlôc Natau nê andu dabuñ.

⁵ Anôtô tec gêmoa malac tau ñalungej, tec sensej
su ênaña atom.

Anôtô gêjam malac tau sa gêdêj bêbêc
kanucgej.

⁶ Tenteñlatunêj lai kêpoa ma kiññêj gamêj kêku,
enj kêkêj nê wapap gêjac e nom kêtêñêp.

⁷ Lau sinj undambêja nêj Apômtau kêpuc aêac tôj.
Jakobnê Anôtô kêtû aêacnêj laimôkê.

⁸ Amêj ma alic Apômtaunê gêñsêga.

* **45:17:** Lau Kora nêj wê têntac gêwiñ tauñja teñj.

Alic gêŋ kaiŋ tenŋ, taŋ gêgôm aŋga nom naŋ.

⁹ Nac tonan̄ tec gêjam gôlin̄ siŋ e gêdêŋ nom ñamadiŋ.

Nac tonan̄ tec gêjac talam ñatikoc gêngic to kêmadôm kêm tulu ma kêkêŋ kareta siŋŋa ja geŋ su.

¹⁰ “Gamêŋ ñanjêŋ êsa ma ajala gebe Apômtau aê taugeŋ.

Tenteŋlatu tetoc aê sa ma lau aŋga nom samob amboac tonanjeŋ.”

¹¹ Lau siŋ undambêŋa nêŋ Apômtau kêpuc aêac tōŋ.
Jakobnê Anôtô kêtua aêacnêŋ lai môkê.

*

47

Anôtô kêtua lau nomja samob nêŋ kiŋ

¹ O tenteŋlatuac, amakop lemem,
anam lasê Anôtô toôndugeŋ.

² Lôlôc Natau Anôtô eŋ ñacsinjsêlêcsêga,
kiŋ ñaclai tec gêjam gôlin̄ nom samucgeŋ.

³ En kêkônin tenteŋlatu tōŋ sêso aêac ñalabu.
Ma kêkêŋ aêac tajam gôlin̄ lau to-m-to-m.

⁴ En kêjalin̄ aêacnêŋ nomlênsêm sa,
Jakob, tan̄ eŋ têtac gêwiŋ nan̄, nê gêŋ towae.

⁵ Anôtô kêpi gêja toôndugeŋ.
Dauc gêwê Apômtau toaligeŋ kêpi gêja.

⁶ Awem êôc Anôtô, awem êôcmaŋ.
Awêm êôc aêacnêŋ kiŋ, awem êôcmaŋ.

⁷ Gebe Anôtô kêtua nom samucgeŋ ñakiŋ
Amboac tonan̄ anam ênê wê totalô ñajam tenŋ.

* **46:11:** Lau Kora nêŋ wê teŋ.

8 Anôtô kêtû lau samuc nêj kiŋ.

Anôtô kêpôŋ tau sic gêngôŋ nê lêpôŋ dabuŋ.

9 Tenteŋlatunêŋ kasêga sêkac tauŋ sa
kêtôm Abrahamnê Anôtô nê lau,
gebe nom tau ŋagôliŋwaga sêsô Anôtô ŋalabu,
gebe eŋ kêtû ŋatau towaegac. *

48

Anôtônê malac ŋawê

1 Apômtau eŋ ŋac kapôēŋ, amboac tonaj aweŋ eoc
eŋ ŋanô
aŋga aêacnêŋ Anôtônê malac.

2 Ênê lôc dabuŋ gêguŋ sa laŋgwagenj
kêtû ŋamalac samob nêj gêŋ ênac mateŋjanô
ŋajamŋa.

Anôtônê lôc tau tec lôc Sion
kiŋ kapôēŋ nê malac.

3 Anôtô kêwaka tau sa aŋga êsêacnêŋ andulêlôm
gebe eŋ laimôkê.

4 Gôlicgac me, kiŋ sêkac tauŋ sa
ma êsêac sêwêgenj sêmêŋ,

5 e sêlic ma têtakê.
Êsêac selendec e nêj meloco kêsa ma sêc êlinj-
êlinj

6 ma têtênenp tauŋ êndu-êndu
to sêmoa jageo amboac awê, tanj ŋapalê kêtunj
eŋ naŋ.

7 Aôm kôkêŋ musalô kapôēŋ
e gôjac lau Tarsis nêj waŋ popoc.

8 Galoc talic gêŋ tau kêtôm, tanj tanjô naŋ,

* **47:9:** Lau Kora nêj wê teŋ.

aŋga lau siŋ undambêŋa nêŋ Apômtau nê
malac,
aŋga nêŋ Anôtô nê malac,
taŋ eŋ kêwaka sa gebe êkô enden tōŋgeŋ.

9 O Anôtô, aêac taēŋ gêjam aômnêm têmtac gêwiŋ
teŋgeŋja
amo a nêm lôm dabuŋ ŋalêlôm.

10 O Anôtô, aôm waem kêsa e jagêdêŋ nom ŋamadiŋ
kêtôm nêm ŋaâ.
Bingêdêŋ kêsêp lêmam anôŋa e mêŋgêc poap
tagen.

11 Lôc Sion êtu samuc êtu biŋ tonanŋja.
Juda latuŋio sênam lasê toôndugeŋ êtu aôm
kômêtôc biŋja.

12 Asêlêŋ awê aŋgi lôc Sion auc
ma asa ŋaandulatu tuŋbômja sa.

13 Asala tuŋbôm tomalageŋ e êmbacnê ma asêlêŋ
amo a ŋaandu towae ŋalêlôm,
gebe anac miŋ êndêŋ lau wakuc sêŋô,

14 gebe Anôtô tonan kêtô aêacnêŋ Anôtô êmoa
teŋgeŋ to teŋgeŋ.
Eŋ oc êwê aêac enden tōŋgeŋ.

*

49

Taeŋ kêka awamata atom gebe geŋ ŋaôma

1 Tenteŋlatu samob, aŋô biŋ tonec.

Amac lau, taŋ aŋgôŋ nom samob auc naŋ,
akêŋ tanjemmaŋ.

2 Amac lau ŋaôma latuŋi to apômtau latuŋiac,

* **48:14:** Lau Kora nêŋ wê teŋ.

amac lau tolêlôm ma lau ɳalêlôm sawa amboac tonanĝeŋ.

³ Aocsuŋ êsôm mêtê lasê
ma ɳoc ɳalêlôm taê ênam biŋ tokauc acgom.

⁴ Aê jaē taŋoc êndêŋ biŋgôliŋ laŋgwa
ma jawa ɳam sa to janac gêŋ wêŋa êtaŋ.

⁵ Êndêŋ bêc wapacŋa embe ɳacjo nêŋ biŋ alôb-alôb
êkôm aê auc,
naŋ jatêc tauc êtu ageŋja.

⁶ Lau sec taêŋ kêka nêŋ awagen
to tetoc tauŋ sa kêtû nêŋ waba taêsamŋa.

⁷ Namalac teŋ êkêŋ gêŋ ênac da tau êŋgôm êtôm atom
ma eŋ êkêŋ ɳaôli ȇsi tau suŋa êndêŋ Anôtô oc
êŋgôm naeo amboac tonanĝeŋ.

⁸ Gebe katuŋ ɳaôli (gebe tamoa mateŋ jali ɳaôli)
kapôeŋ secsêga,
ɳac teŋ êtap sa êtôm atomanô.

⁹ Eŋ embe taê ênam gebe ênac da tau e êmoa mata
jaligen ma êsêp sê atom
oc êŋgôm êtôm atomanô.

¹⁰ Aêac talicgac gebe laumêtê sêmac êndu ma lau
meloc to kaucmê sêjanja amboac tonanĝeŋ.
Ma êsêac oc sêwi nêŋ waba siŋ naelom lau teŋ
sêkôc.

¹¹ Lau tonanj sê nêŋ ɳaê kêpi nom ɳagamêŋ ɳagêdô,
mago nêŋ sê kêtû nêŋ malacmôkê, kêtû nêŋ
andu totêm-totêm.

¹² Biŋjanô, ɳamalac tonê gêlôŋgeŋ, tec êmoa nê
teŋgeŋ atom.
Eŋ kêtôm bôc, taŋ ênaŋja naŋ.

- 13 Lau taŋ taēŋ kēpa tauŋ su naŋ,
 ma ēsēac, taŋ sēkēŋ gēwiŋ ēsēacnēŋ biŋ ma
 oc tēndanŋuc ēsēac naŋ, nēŋ lēŋ kētōm
 tonaŋgeŋ.
- 14 Ēsēac tēdēnaŋ tauŋ tētōm domba gebe lamboam
 gēwē kaiŋ ēsēac.
 Gēmac anô kētu nēŋ ŋacgejob.
- 15 Ma Anôtô oc ênam ŋoc katuc kēsi aŋga lamboam
 ŋaŋaclai
 gebe eŋ oc ênam aê kēsi.
- 16 Amboac tonanŋ embe ôlic ŋac teŋ nē awa êtu
 taēsam
 ma nē andu ŋagēŋlēlōm ênsac tau ŋaô-ŋaô, naŋ
 tēmtac sec atom,
- 17 gebe eŋ embe êmac êndu, oc êkōc gēŋ samob
 tonanŋ ŋai ŋateŋ êna atom.
 Ênê gēlōŋ ŋawasi oc êwiŋ eŋ êna atom.
- 18 Eŋ embe êlambinŋ tau gebe êmoa ŋajam aŋga nom
 ma lau embe sēlambinŋ eŋ gebe kētap nē kōm
 ŋanô taēsam sa,
- 19 oc ênam eŋ sa atom, eŋ naêndēŋ tamai to nēŋ lau
 ŋanô,
 taŋ sēlic oc ŋawē kētiam atom naŋ.
- 20 Biŋŋanô, ŋamalac tonē gēlōŋ oc êmoa teŋgeŋ
 atom.
 Eŋ kētōm bōc, taŋ ênaŋa naŋ.
- * *

50

Anôtô eŋ mētōcwaga

* **49:20:** Lau Kora nēŋ wē teŋ.

- ¹ Njaniniŋ Natau Apômtau Anôtô gêmôēc gêdêŋ nom
ma kêsôm nê biŋ
aŋga oc kêpiŋa jagêdêŋ oc kêsêpŋa.
- ² Anôtônê ŋawê kêpoac lasê aŋga Sion,
taŋ kêtû malac togêlôŋsêga naŋ.
- ³ Aêacnêŋ Anôtô gêmêŋ togamêŋ gêmacgenj atom.
Ja kêdaŋgac-kêdaŋgac gêmuŋ eŋ kêsêp gamêŋ
kêlaŋganj.
- ⁴ Eŋ gêmôēc gêdêŋ undambê ôŋa ma gêdêŋ lau
nomŋa,
gebe êmêtôc nê lau.
- ⁵ Eŋ kêsôm gebe “Akac ŋoc lau-mansaŋwaga,
taŋ sêkêŋ da sêmoatinj poacŋa gêdêŋ aê naŋ, sa
sêmêŋ.”
- ⁶ Tec undambê êsôm ênê biŋ gêdêŋ lasê
gebe Anôtô tau eŋ mêtôcwaga.
- ⁷ “O ŋoc lau, akêŋ tanem aê gabe jasôm biŋ.
O Israel tau, aê gabe jawa nêm keso, taŋ gôwê
kaiŋ naŋ lasê. Anôtô, aômnêm Anôtô aê.
- ⁸ Aê gabe jasôm aôm êtu nêm danja atom
gebe matocanô galic nêm daja gedeŋ tôngenj.
- ⁹ Aê gabe jakôc bulimakao kapoac aŋga nêm andu
to noniŋ kapoac aŋga nêm sapalêlôm atom,
- ¹⁰ gebe gwada salenŋa samob
to bôc tokaiŋ-tokaiŋ, taŋ sêmoa lôc tolôc naŋ,
ŋatau aê.
- ¹¹ Moc samob, taŋ sêmoa lôlôc naŋ, aê kajala kêtû
tôŋ
ma gêŋ, taŋ sêmoa obalêlôm naŋ, ŋatau aê.
- ¹² “Mo embe êjô aê, oc jasôm êndêŋ aôm atom,

gebe nom samucgenj to ḥagēŋlēlōm samob
ṇatau aê.

13 Aê oc gaeŋ bulimakao ḥamēsōm
me oc ganōm noniŋ ḥadec me.

14 Ôkēŋ danje êtu da êndēŋ Apômtau,
ma ôŋgōm biŋ, taŋ gôjac mata naŋ, ḥanô ésa
êndēŋ Lôlôc ḅatau.

15 Ma awam ênac aê êndēŋ bêc ôpô lênaŋja,
go janam aôm sa ma awam êôc aê.”

16 Mago Apômtau kêsōm gêdêŋ ḥac-kêkac-tau-suwaga
gebe

“Amboac ondoc aôm kôsa aêŋoc biŋsu sasa ma
aêŋoc poac ḥabiŋ gêc awamgenj.

17 Aôm tonaj tec godec nɔc mêtôc
ma kôtiŋ ḥoc biŋ su gêc dêmôêmmuŋa.

18 Embe ôtap geŋgejtêna teŋ sa, oc wê eŋ êtu nêm
sêlêb
ma mockaiŋtêna êtu nêm ḥac ôlim andaŋja.

19 “Aôm kôlêwaŋ awamsuŋ gêdêŋ biŋ sec
ma imbêlam geno-genو biŋdansaŋ ḥapaŋgeŋ.

20 Aôm gôŋgôŋgeŋ ma kôgôliŋ biŋ kêpi lasim
to gôga biŋ kêpi taôm tênam latu,

21 Aôm gôgôm gêŋ tonaj ḥai, mago aê gajam tauç
tôŋ, tec taêm gêjam gebe aê katôm aôm.
Tagen galoc jaec biŋ aôm gebe jawa nêm kauc
sa.

22 “Amac taŋ alin Anôtô siŋ naŋ, taêm ênam biŋ
tonaj acgom.

Embe masi, oc janseŋ amac su anaŋa ma ḥac
teŋ êtôm gebe ênam amac sa atomanô.

23 Nac taŋ êkêŋ danje êtu da naŋ, etoc aê sa
ma ḥac, taŋ êsa nê lêŋ laŋônen sawageŋ naŋ,
oc jakêŋ eŋ êlic Anôtônen moasiŋ.”

*

51

Mec Anôtô êsuc sec ôkwiŋa

- 1** O Anôtô, taêm walô aê gebe aôm ḥac moasiŋ.
Aôm taêm walô ḥatau kapôeŋ, onseŋ aêŋoc sec
su.
- 2** Ôkwasiŋ ḥoc tôp su
ma ômbuŋ ḥoc geo su e jatu selec.
- 3** Gebe aê tauc kajala ḥoc kesogac
ma matoc gê ḥoc geo gedeŋ tôŋgen.
- 4** Aê gagôm sec gêdêŋ aôm taômgoč
ma gagôm gêŋ, taŋ aôm gólic gebe sec naŋ.
Tec kômêtôc aê jagêdêŋ
ma nêm mêtôc tau solop.
- 5** Ojae, tinoc kékékam aê tobiŋgen
ma kékôc aê tosecgen.
- 6** Aôm gobe biŋjanô ênam ḥamalacnêŋ ḥalêlôm auc,
amboac tonanj ôwa mêtê tokauc ḥabij
ḥalêlômha sa êndêŋ aê.
- 7** Ônsêlô ḥoc geo su tomalagen gebe jatu selec.
Ôkwasiŋ aê gebe ḥakêŋkêŋ laŋgwagen.
- 8** Ôkêŋ aê jatu samuc to têtac ḥajam êsa
ma ôlic, taŋ gôjac popoc naŋ, ôli êpi-êpi êtiام.
- 9** Ônsaŋ laŋômanô auc êndêŋ ḥoc sec
ma ômbuŋ aêŋoc geo samob su.

* **50:23:** Asapnê pesalem teŋ.

- 10** O Anôtô, ôkêj ñoc ñalêlôm ñawa êsa
ma ôkêj ñalau wakuc to ñanjêj tej êngôj ñoc
ñalêlôm.
- 11** Ôtiŋ aê su aŋga laŋômñem atom
ma ôkôc nêm Ñalau Dabuŋ su aŋga aê atom.
- 12** Ôkêj nêm moasiŋ êngôm aê têtac ñajam êsa êtiam
ma ôpuc aê tōŋ ña ñalau taŋoc wamuŋa.
- 13** Go aê jandôŋ aômnêm biŋ êndêŋ lau, taŋ sêgêli
aômnêm biŋ sêmoa naŋ,
ma lau sec sênam tauŋ ôkwi dêndêŋ aôm sêmu
sêwac êtiam.
- 14** O Anôtô, ñoc moasiŋ ñaAnôtô, ônam aê sa gebe
jamac êndu atom,
go imbeloc êôc aôm sa toôndugen gebe aôm ñac
gêdêŋ.
- 15** O Apômtau, ondelec gêdôcôlic
gebe aoctsŋ jasôm aôm waem lasê
- 16** gebe da gêjac matamanô ñajam atom
ma embe jansuŋ daja êwac, aôm oc ôlic ñajam
atom.
- 17** Da taŋ gêjac Anôtô mataanô ñajam naŋ, katuŋ
popoc.
O Anôtô, laŋôm eo ñalêlôm popoc to ôluŋ-ôluŋ
atom.
- 18** Moasiŋ ñatau aôm, ômoasiŋ Siongeŋ.
Ômboa tuŋbôm Jerusalemja sa êtiam.
- 19** Go da ñanô to daja ma da samuc ênac matamanô
ñajam,
go sêkêj bulimakao kapoac wacênsac nêm al-
tar ñaô.

* propete Natan gêdêj eŋ gêja. Pesalem dambu tauŋŋa kêtuaclêja.

52

Anôtône mêtôc to moasiŋ

- 1 O ɳaclaisêga aôm, kotoc taôm sa nêm secŋa kêtuaŋŋa.
Anôtône têtac gêwiŋ teŋgeŋja gêc geden tôŋgeŋ.
- 2 Aôm kalomtêna, taêm gêjam imbêlam ɳabiŋgêga e wai-waiôma.
- 3 Aôm têmtac gêwiŋ sec kôlêlêc ɳajam su ma têmtac gêwiŋ biŋ dansaŋ kôlêlêc biŋjanô su.
- 4 Aôm imbêlam dansaŋ.
Têmtac gêwiŋ biŋ alôb-alôb ɳaôma.
- 5 Amboac tonaq Anôtô oc enseŋ aôm su ônaŋa samucgeŋ. Eŋ oc êtiŋ to enseŋ aôm su aŋga nêm beclêlôm
ma oc êkip aôm sa aŋga lau mateŋ jali nêŋ gamêŋ.
- 6 Lau gêdêŋ oc sêlic e têtêc tauŋ
ma sêômac aôm gebe
- 7 “Kec, alic ɳac tônê kêkêj Anôtô kêtunê lamu atom.
Kêkêj gêwiŋ nê awa taêsam ma gêjam kauc gebe sec êpuc eŋ tôŋ.”
- 8 Ma aê tec katôm katêkwi ɳawawa ɳajam kakô Anôtône andu.
Aê taêc kêka Anôtône têtac gêwiŋ teŋgeŋja

* 51:19: Dawidnê pesalem gêga gêdêj eŋ gêmoa gêwiŋ Baseba ma

gedeñ tōŋgeñ.

⁹ Aê oc janam daŋge aôm endeñ tōŋgeñ êtu nêm gêj,
taŋ gôgôm naŋja
ma jatoc nêm ɳaê sa êndêj lau mansaŋ sêŋô
gebe aôm gabêjam.

* mēŋkêtêku biŋ gêdêj Saul gebe Dawid kêsô
Abimeleknê andu gaja naŋ.

53

*Namalacnêj sec
(Pes 14:1-7)*

¹ Lau meloc tec nêj ɳalêlôm kêsôm gêdêj tauŋ gebe
“Anôtô teŋ gêmoa atomanô.”

Êsêac sêgôm gêj sec to alôb-alôb ma nêj teŋ
gêgôm gêj ɳajam teŋ atom.

² Apômtau katuc kêniŋ ɳamalac latuŋi aŋga un-
dambê
gebe êtap ɳac tokauc teŋ, taŋ kêtêc Anôtô naŋ,
sa gamoa me masi.

³ Mago samob sêkac tauŋ su, samob têtu secŋagenj.
Êsêacnêj teŋ gêgôm gêj ɳajam teŋ atom, masi
samučgenj.

⁴ Lau secwaga samob nêj kauc gêbôc me. Êsêac
têdaŋgôj ɳoc lau amboac seŋ mo
ma êsêac awenj gêjac Apômtau atom.

⁵ Mago êsêac têtakê ɳasec kêtôm têtakê teŋ gêmuŋ su
atomanô

* **52:9:** Dawidnê wê teŋ. Gêga gêdêj taê ɳac Edomja Doeg

gebe Anôtô kêsa nêm ɻacjo nêj ɻatêkwa salinj-salîngej.

Enj oc êku êsêac tulu samucgenj
gebe eŋ kêtinj êsêac su.

6 Ojae, moasiŋ ênam Israel saŋa mêmêsa aŋga Sion ecmaŋ.

Êndêŋ tanj Apômtau êmoasiŋ nê lau êtiam naŋ,
Jakob oc êtu samuc, ma Israel oc têtac ɻajam
êsa.

*

54

Anôtô ênam aêac sa êndêŋ nêj ɻacjo ɻamec

1 O Anôtô, ôkêŋ nêm ɻaê ênam aê sa
ma nêm ɻaclai êwaka ɻoc biŋgêdêŋ sa.

2 O Anôtô, ôkêŋ tanjam ɻoc mec.
Wê tanjam êndêŋ aocsuŋ ɻabinj,

3 gebe lau jaba tetoc taun sa gêdêŋ aê ma ɻaclaikoc
têtu kêka-kêka sebe senseŋ katuc su.

Êsêac sêsa Anôtô lanjô sa atom.

4 Aê galicgac, Anôtô kêtû ɻoc gêjam-aê-sawaga.
Apômtau kêpuc katuc tôŋ ɻajaŋa.

5 Sec tanj aêjoc ɻacjo sêgôm naŋ, naêpi êsêac taun.
Onseŋ êsêac su gebe aôm ɻac ɻanjêŋ.

6 Go aê jansuŋ ɻoc da êndêŋ aôm totêtac ɻajamgej.
O Apômtau, aê gabe aoc êôc nêm ɻaê gebe
gabêjam ɻanô,

7 gebe aôm kôjaŋo aê su aŋga gêŋwapac samob

* **53:6:** Dawidnê pesalem teŋ.

ma matocanô galic ηoc ηacjo e têtac ηajam gebe
sênaηagac.

* Saul sêja ma sêsôm gebe Dawid kêsinj tau gêmoa
êseacnêj gamêj.

55

*Nac teŋ keteŋ nê mec kêtû nê ηac jaban̄ kêkac tau
su aŋga ênê*

¹ O Anôtô, ôkêj taŋam ηoc mec
ma ôsiŋ taôm êndêj ηoc taŋiboa atom.
² Ôŋô aê ma ôjô aêŋoc biŋ.
Aê gaen̄ olin̄ tauc ma gao tonjoc gêŋwapacgeŋ,
³ kêtû ηacjonêj ηaonda
ma kêtû lau, taŋ sêkac tauŋ su aŋga Anôtônê
nêŋ ηaôndu,
gebe êsêac sêgôlin̄ gêŋwapac kêpi aê
ma sêkêj kisa aê ηawaôboa.

⁴ Noc ηalêlôm ηatutuc ηasec gêc ηoc waŋlêlôm.
Gêmacanô gêgôm aê katakê e gêjac ηoc lêñô auc.

⁵ Katakê e katêñêp
to ôliclu gêbuc.

⁶ Aê kasôm gebe “Ojae, balôsimagê ênêc aêmamaŋ
gebe jalôp sa jaêc gêj tonec su najalêwaŋ tauc
jamoa ηoc ηasawa teŋ.

⁷ Oc jaêc baliŋgeŋ jana,
jalêwaŋ tauc jaŋgôŋ ηoc gamêj sawa tau.

⁸ Oc jaêc jana ηoc gamêj kêsinj teŋ
gebe mu-gêbuc to gamêj-kêlaŋgaŋ ê aê tōŋ
atom.”

* **54:7:** Dawidnê pesalem teŋ, gêga gêdêj taŋ lau Sipit dêdêj

⁹ O Apômtau, onseŋ êsêac su ma ôwa êsêac nêŋ biŋ
êŋgic
gebe galic sêgôm gêŋ ɳaclai to sêkac tauŋ kêkôc
aŋga malac.

¹⁰ Èsêac sêgi malac kêtôm bêc to gelengeŋ sêsêlêŋ
sêmoa ɳatuŋbôm ɳaô
ma gêŋ keso to biŋwapac gêjam malac auc.

¹¹ Naclai sec gêjam gamêŋ auc.
Ma sêkôniŋ lau to sêsaŋ biŋdansaŋ aŋga mala-
clunŋ.

¹² Nacjo embe êsu aê susu
oc jaôc gêŋwapac tonarŋ.

Embe ɳoc soŋo-soŋo êkian tau sa êndêŋ aê
oc jasiŋ tauc ôkwi.

¹³ Mago aôm, taŋ kôtôm aê naŋ,
aôm ɳoc ɳac jabaŋ aê to ɳoc ɳac, ôlim andan
aêŋja gôgôm gêŋ tau.

¹⁴ Aêagêcnêŋ biŋ gelom tau e ɳapep
ma tawê toôndugen dawinŋ tauŋ dadêŋ
Anôtônê andu taja.

¹⁵ Ojae, ɳoc ɳacjo sêmac sênaŋamaŋ ma sêsep lam-
boam tomatenŋ jaligen sênamamaŋ
gebe biŋ alôb-alôb gêjam nêŋ andu to nêŋ
ɳalêlôm auc.

¹⁶ Aê tec gamôêc gêdêŋ Apômtau
ma Apômtau oc ênam aê kësi.

¹⁷ Aê gabe jateŋ to janinŋ oliŋ tauc êndêŋ êtula ma
eleŋja to ocsalô
ma oc êkêŋ taŋa aê aoc.

18 Enj oc ênam katuc kësi gebe êmoa tomalô ec êsêac
mêtêtû gasuc aê atom
gebe êsêac, tañ sebe sensej aê nañ, taêsam
ñalêlêma atom.

19 Anôtô tañ gêngôj nê lêpôj gêdêj andañgejanô
nañ,
oc êkêj taña aê ma êkôniñ êsêac tôj.

Êsêac têtêc Anôtô atom
ma sênam tauñ ôkwi atom amboac tonangetj.

20 Aêjoc ñac, tañ gêmuñgej ôli andañ aê nañ, lêma
kêpi tau nê lau.

Enj gêjac nê poac popoc.

21 Awasunj gej oso biñ e ñawasi kêtôm bôc ñalêsi,
mago biñ tau ñamata kêtôm siñ.

Enj kêbanac biñ ñajam-ñajamgej kêlêlêc niptêkwi su,
mago kêtôm têdaiñ siñ gebe sênc.

22 Õkac nêm gêñwapac tolagic su êndêj Apômtau, enj
oc ênam aôm sa.

Enj oc êkêj ñac gêdêj êku atomanô.

23 Biñjanô, o Anôtô, aôm oc ôku êsêac tulu
ma sêsêp sê ñadimlabu sêna.

Lau tañ sêwê kainj dec to biñdansañ nañ, oc sêmac
êndu ñatêkwa galigej.

Ma aê tec taêc kêka aômgej.

*

56

Mec matej êsap Anôtôja

* **55:23:** Dawidnê wê têj.

- 1** O Anôtô, taêm labu aê gebe ñamalac sêu lai aênya elêmê.
 Lau siñwaga sêlêsu aê geden tôŋgeŋ.
- 2** Noc ñacio sêu lai aê geden tôŋgeŋ
 gebe êsêac, tanj tetoc tauŋ sa ma sêkêŋ kisa aê naŋ, lau taêsam ñasec.
- 3** Gêdêŋ ñasawa, tanj ñoc ñalêlôm ñagogo gamoa naŋ, aê taêc kêka aômgem.
- 4** Aê taêc kêka Anôtô ma katêc tauc atom.
 Aê kalambinj Anôtô kêtû biŋ, tanj enj gêjac mata naŋ. Namalac oc sêngôm asageŋ êndêŋ aê.
- 5** Kêtôm bêc samobgeŋ ñoc ñacio sêlênsôŋ aê.
 Êsêac taêŋ gêjam biŋ tagen tonec gebe sêkic aêŋoc biŋ.
- 6** Êsêac sêkac tauŋ sa ma dêdib aêŋoc lêŋ semoa
 gebe taêŋ kêka sebe senseŋ aê su.
- 7** O Anôtô, ôkeŋ ñagêjô êndêŋ êsêac êtu nêŋ secŋa.
 Aôm têmtac ñandaŋ ma ôku tentenŋlatu tulu.
- 8** Aôm kôsa aêŋoc noc ñawapacŋa sa. Aôm kôkêŋ aê matocsulu kêsêp nêm laclu jakêpoac.
 Aôm koto ñoc bêc ñawapacŋa kêsêp nêm buku-goc.
- 9** Embe jamôêc êndêŋ Apômtau oc ñoc ñacio sêc su.
 Aê kajala kêtû tôŋ gebe Anôtô ênam aê sa.
- 10** Aê oc jalambinj Anôtô êtu nê biŋŋa.
 Aê kalambinj Apômtau kêtû biŋ, tanj gêjac mata naŋ.
- 11** Aê taêc kêka Apômtau, tec katêc tauc atom.
 Namalac têtôm gebe sêngôm asageŋ êndêŋ aê.
- 12** O Anôtô, kôm tonec gêjac aê ñawae gebe jaŋgôm biŋ, tanj gajac mata gêdêŋ aôm naŋ, ñanô êsa.

Aê oc jansuŋ da daŋeŋa êndêŋ aôm êwac.
 13 Gebe aôm gôjam aêŋoc katuc sa gebe jamac êndu
 atom
 ma gôjam ockainj sa gebe jaka bêlêlib atom.
 Gebe jasêlêŋ jamoa Anôtô laŋônêmha
 ma jamoa ɻawê, tanj kêpô lau mateŋ jali naŋ,
 ɻalêlôm jawinj.
 * eŋ tōŋ aŋga malac Gat naŋ.

57

Mec Anôtô ênam aêac saŋa
(Pes 108:1-5)

- 1 O Anôtô, taêm labu aê, taêm labu aêmaŋ
 gebe ɻoc katuc gê lamu aômgeŋ.
 Aê gabe jaê lamu aôm magêmlabu
 e ɻaclai enseŋ aê suŋa ê su acgom.
- 2 Aê gamôēc gêdêŋ Lôlôc Natau Anôtô.
 Gamôēc gêdêŋ Anôtô, tanj gêjam gôliŋ ɻoc biŋ
 gêmoa naŋ.
- 3 Eŋ kêkêŋ nê gêŋ ênam aê saŋa aŋga undambê
 mêŋêsa. Eŋ oc êŋgôm lau, tanj sêjanda aê naŋ,
 majeŋ êsa.
 Anôtô oc êkêŋ nê têtac gêwiŋ teŋgeŋja to biŋ
 ɻaŋêŋja êmêŋ.
- 4 Aê gaēc lewe ɻalêlôm.
 Êsêac gwadatêna sec.
 Luŋluŋ kêtôm kêm to sôb
 ma imbeleŋ kêtôm siŋ ɻamata.

* **56:13:** Dawidnê pesalem teŋ, gêga gêdêŋ tanj lau Pilisti sêkôc

5 O Anôtô, ôwaka taôm sa aŋga undambê
ma nêm ɻawasi ênam nom samucgeŋ auc.

6 Èsêac sêkic uc aê gebe jawê
ma sêkôniŋ aê katuc tōŋ.

Èsêac sêkwê sê teŋ geseŋ aê auc,
mago èsêac tauŋ sêu tauŋ sêseŋ.

7 O Anôtô, aê têtac kêpa su, têtac kêpa sugoc.
Aê janam wê to janac gêŋ wêŋa êtaŋ.

8 O ɻoc katuc, ôndi sa. O gêŋ wêŋaagêc, andi sa.
Aê gabe jaŋu gamêŋ êu bôŋ sa.

9 O Apômtau, aê gabe janam danje aôm jamoa lau
taêsam ɻjalêlôm.

Aê gabe jalambiŋ aôm jamoa tentenjlatu
ɻjalêlôm.

10 Gebe aômñêm têmtac gêwiŋ teŋgenjña kêpi e
jagêdêŋ undambê
ma aômñêm biŋ ɻajanêŋ e gêdêŋ tao.

11 O Anôtô, ôwaka taôm sa aŋga undambê
ma nêm ɻawasi ênam nom samucgeŋ auc.

* pocgêsuŋ naŋ.

58

Mec Anôtô emêtôc lau alôb-alôbña

1 O amac gôliŋwagaac, amac amêtôc biŋ katôgeŋ me
masi.

Amac amêtôc ɻamalac samob jagêdêŋ me masi.

2 Masianô, amac taêm gêjam biŋ alôb-alôb gêc nêm
ɻjalêlôm.

Amac agôm gêŋgeo gêjam gamêŋ samob auc.

* **57:11:** Dawidnê pesalem teŋ gêga gêdêŋ taŋ gêc Saul su aŋga

- ³ Lau taŋ sêkac tauŋ su aŋga Anôtônenê naŋ, sêgôm nêŋ gêŋ sêjac m gêdêŋ nêŋ têm ɻapalêgeŋja kwanaŋgenj.
- Lau dansaŋwaga seo kwanaŋgenj gêdêŋ taŋ teneŋi sêkôc êsêac su naŋ.
- ⁴ Namalic gêjam êsêac auc kêtôm gêjam moac sec auc.
Ac têtôm moac, taŋ gêbôc taŋasunj auc gebe êŋô biŋ atom naŋ.
- ⁵ Têtôm moac, taŋ kêkêŋ taŋa nê gôliŋwaga awa to ɻac mectomaŋja, taŋ kêsôm ɻamec kêtû tôŋ naŋ atom.
- ⁶ O Anôtô, ônac êsêacnêŋ luŋluŋ popoc aŋga awenjsunj.
O Apômtau, ôkip lewe matac nêŋ ɻani sa.
- ⁷ Ôkeŋ êsêac sê su êtôm bu kêtaiŋ su.
Êsêac têtu masê amboac gêgwaŋ intênaŋja.
- ⁸ Êsêac sênaŋja amboac i, taŋ daõŋ sa aŋga maleŋ naŋ.
Êsêac têtôm ɻapalê, taŋ têna kêkôc eŋ ɻamatê ma gêlic gamêŋ ɻawê sapu naŋ.
- ⁹ Sêjala atomgenj ma sebob êsêac amboac waõŋ.
Sêmoa mateŋ jaligeŋ ma Anôtô têtac ɻandaŋ êju êsêac sa sênaŋja.
- ¹⁰ Nac gêdêŋ embe êlic sêkêŋ ɻagêjô êndêŋ ɻac, taŋ gêgôm sec naŋ, oc ôli êpi.
Eŋ oc êkwasiŋ akaiŋ êsêp ɻac alôb-alôb nê dec.
- ¹¹ Ma lau oc sêšôm gebe Biŋjanô, lau gêdêŋ têtap nêŋ ɻagêjô ɻajam sa.
Biŋjanô, Anôtô taŋ kêmêtôc biŋ aŋga nom naŋ, tec gêmoa.”

*

59

Mec Anôtô ênam aêac saña

- ¹ O ñoc Anôtô, ôjanjo aê su aŋga ñoc ñacionêj.
 Ôtu aêŋoc lamu êndêj ñoc sorjo-soño.
- ² Ôjanjo aê su aŋga secwaga nêŋ.
 Ma ônam aê sa aŋga lau, taŋ sêkêc dec siŋ naŋ
 nêŋ.
- ³ Gôlicgac me, êsêac têtu kêka-kêka sebe senseŋ
 katuc su. Ma ñactêkwa sêkac sa sebe senseŋ
 aê.
 O Apômtau, aê gagôm gêŋ geo teŋ atom.
- ⁴ Aêŋoc biŋ masi, mago êsêac sêlêtigeŋ mêmjtêdênaŋ
 tauŋ sêkô sebe sênač aê.
 Ôndi mêmjônam aê sa ma ônac êsêac.
- ⁵ O Apômtau, lau siŋ undambêŋa nêŋ Anôtô ma
 Israelnêŋ Anôtô aômgoc, ôndi, ôkêŋ ñagêjô
 êndêŋ lau samuc samob.
 Taêm labu êsêac, taŋ sêgôm aômnêm biŋ palin
 ŋa biŋ alôb-alôb naŋ, nêŋ teŋ atom.
- ⁶ Êsêac amboac kêamgeŋ sêmu e mêmjseola malac auc
 kêtôm kêtulageŋ.
- ⁷ Ôlic êsêac aweŋ ôpic kêsa. Imbeleŋ kêtôm siŋ
 gebe êsêac taêŋ gêjam gebe “Asa oc êŋô aêac.”
- ⁸ O Apômtau, aôm kôômac êsêac.
 Aôm kôsu lau samuc susu.

* **58:11:** Dawidnê pesalem teŋ.

- ⁹ Noc ηaclai aôm, gabe matoc êsap aômgej
gebe aôm Anôtô, kôtu ηoc tujtêna.
- ¹⁰ Noc Anôtô oc êpuc aê tôtôjôj êmêj tonê têtac
gêwiŋ aêŋa.
Eŋ oc êkêŋ aê jalic eŋ êku ηoc ηacio tulu.
- ¹¹ Ônac êsêac êndu atom ec ηoc lau mateŋanô êpi
êsêac ma sêlinj binj siŋ atom. Aôm ηaclai,
onsoc êsêac gebe seo êlinj-êlinj sêmoa.
O Apômtau, aêacma lamu aôm, nêm ηaclai êtiŋ
êsêac piŋpaŋ nasênêc.
- ¹² Êsêac aweŋsuŋ sec, ma biŋ, taŋ kêsa gêdôŋôlic
naŋ, amboac tonanj.
Ôkêŋ êsêac sêwê nêŋ tetoc tauŋ sa êtu uc ma
sêwê nêŋ biŋ alôb-alôb to biŋdansaŋ, taŋ
sêšom naŋ, amboac tonanj.
- ¹³ Têmtac ηandaŋ ma onsenj êsêac su. Ônseŋ êsêac su
e maleŋmê samucgeŋ.
Ôkêŋ êsêac sêjala gebe Anôtô ηacgôliŋ tau tec
gêjam gôliŋ aŋga Jakob e gêdêŋ nom ηamadiŋ.
- ¹⁴ Aêŋoc ηacio amboac kêamgej sêmu e mêŋseola
malac auc
kêtôm kêtulagej.
- ¹⁵ Êsêac sêôc jaŋ-jaŋ gebe têtap nêŋ gwada sa
ma embe têtap sa êtôm atom, oc sêkêŋ Iêsu.
- ¹⁶ Mago aê gabe jaŋga wê êpi aômnêm ηaclai
ma aoc êôc nêm têmtac gêwiŋ teŋgeŋja ηa ôndu
êpi êtôm bêc samob
gebe aôm kôtu ηoc tujtêna

gêdêj̄ ɻoc noc kapô lêna taucn̄ja, tec gaê lamu
aômgej̄.

¹⁷ Noc ɻaclai aôm, tec gabe jaŋga wê êpi aôm
gebe Anôtô kêtû ɻoc tuŋtêna, ɻoc Anôtô, tanj
têtac gêwiŋ aê naŋ.

* dêdib eŋ aŋga nê andu gebe sêncac eŋ endu.

60

Mec Anôtô ênam aêac sa êndêj̄ nêj̄ soŋo-soŋoŋa
(Pes 108:6-13)

¹ O Anôtô, aôm kôtiŋ aêac su ma goseŋ aêac êlinj-
êlinj.

Aôm têmtac ɻandaŋ su ma galoc ônam aêac sa
êtiam.

² Aôm kôwiwic gamêj̄ e kôkac nom kêkôc.

Ômakop ɻasêawa auc êtiam gebe gamêj̄ ɻakôjô-
kôjô.

³ Aôm kôkêj̄ nêm lau sêôc gêŋwapac ɻasec.

Aôm kôkêj̄ gêj̄ aêac anôm e kêjaŋiŋ aêac.

⁴ Aôm gôjac lau, tanj têtêc aôm naŋ, nêj̄ gêbôm su
gebe sêkac tauŋ sa ma sêc nêj̄ ɻacio nêj̄ talam
su.

⁵ Ônam nêm lau, tanj têmtac gêwiŋ êsêac naŋ sa.

Nêm anôŋa ênam aêac sa ma ôkêj̄ tanjam
aêacmêŋmaŋ.

⁶ ɻac dabuŋ Anôtô kêsôm nê biŋ lasêgac gebe

“Kaku ɻacio tulu, tec ôlic kêpigeŋ. Aê gabe
janac sam Sikem, gabe janam dôŋ bumaj
Sukot.

* **59:17:** Dawidnê pesalem teŋ gêdêj̄ tanj Saul kêsakinj̄ lau gebe

- ⁷ Aê katu Gilead to Manase ɳatau ma Epraim kêtû
môkêcapac ɳakululuŋ.
Juda kêtû ɳoc gôliŋ.
- ⁸ Moab kêtû laclu jakwasiŋ taucŋa. Aê janu ɳoc
atapa su ma jambaliŋ naênsac Edom.
Aê oc janam lasê êtu Pilistianŋa.”
- ⁹ Asa oc êwê aê jasa malac ɳajaŋa jana.
Asa oc êwê aê jasa Edom jana.
- ¹⁰ O Anôtô, aôm oc kôtiŋ aêac su me.
O Anôtô, aôm oc ôwê aêacma lau siŋŋa atom
me.
- ¹¹ Ônam aêac sa êndêŋ ɳacjomaŋ
gebe ɳamalac oc sênam aêac sa êtôm atom.
- ¹² Anôtô êwiŋ aêac, go taku nêŋ ɳacjo tulu
gebe eŋ oc êka aêacnêŋ ɳacjo popoc samob.

*Dawidnê teŋ gêdêŋ taŋ gêjac siŋ gêdêŋ lau
Aramea aŋga Naharalm to Soba ma Joab kêkac
tau ôkwi ma gêjac lau Edom 12,000 aŋga Gaboan
Gwêcŋa.*

61

Mec Anôtô ejop aêacŋa

- ¹ O Anôtô, ôŋô ɳoc taŋi kapôeŋ.
Ôkeŋ taŋam ɳoc mec.
- ² Gaŋgôŋ gêdêŋ nom ɳamadiŋ ma aoc gêjac aôm
gebe ɳoc ɳalêlôm ɳatutuc ɳasec.
Poc kapôeŋ tec kêkô, ma aê tauc oc japi jatôm atom.
Amboac tonanŋ aôm ôkam aê, go japi.
- ³ Gebe aê gaê lamu aômgeŋ.
Aôm kôtu ɳoc tuŋtêna gêdêŋ ɳacjo.

⁴ Ojae, jaŋgōŋ nêm beclêlôm endeŋ tōŋgeŋmaŋ.

Jaŋgōŋ nêm magêm ɻalabugeŋmaŋ.

⁵ Gebe aôm Anôtô kôkêŋ taŋam biŋ, taŋ gajac mata naŋ.

Aôm kôkêŋ aê gawê kaiŋ êsêac, taŋ têtêc aômnêm ɻaŋê naŋ, nêŋ gêŋlênsêm.

⁶ Ônac têku kiŋnê bêc wakuc-wakucgeŋ ênêc.

Ôkêŋ eŋ êmoa tojala-tojala ɻapaŋ.

⁷ Ôkêŋ eŋ êŋgôŋ nê lêpôŋ êŋgôŋ Anôtô laŋônêm̄ageŋ.

Ôkêŋ nêm têmtac gêwin tengenŋa to biŋ ɻaŋêŋ êkwa eŋ auc.

⁸ Amboac tonaaŋ aoc êôc nêm ɻaŋê endeŋ tōŋgeŋ

ma jaŋgôm biŋ, taŋ gajac mata naŋ, ɻanô êsa êtôm bêcgeŋ.

*

62

Anôtô taugen eŋ lamuanô

¹ Aêŋjoc katuc gêôŋ Anôtô ɻaŋêŋgeŋ
gebe eŋ oc ênam aê sa.

² Eŋ taugen kêtu ɻoc poclabu ma ɻoc gêjam-sawaga.
Eŋ kêtu ɻoc laimôkê, tec oc jaku sa samucgeŋ atom.

³ Amac samob aboa taôm sa api ɻac tagen abe aku
eŋ tulu

amboac tuŋ, taŋ kêôpac kwanaŋgeŋ naŋ, e
êndêŋ ondocgeŋ.

* **61:8:** Dawidnê teŋ.

4 Èsêac taêŋ gêjam biŋ tagen tonec gebe têtin eŋ
aŋga nê lêpôŋ.

Èsêac têntac gêwiŋ binđansaŋ. Aweŋsuŋ gêjam
mec, mago nêŋ ŋalêlôm kêpuc boa.

5 O ŋoc katuc, ôŋŋ Anôtô ŋanjêŋen
gebe eŋ kêtut aê kakêŋ matoc ŋamôkê.

6 En taugen kêtut ŋoc poclabu ma ŋoc gêjam-sawaga.
En kêtut ŋoc laimôkê, tec oc jaku sa atom.

7 Anôtô kêtut ŋoc moasiŋ to waec ŋamôkê.
Anôtô kêtut ŋoc poctêna, taŋ gaê lamu naŋ.

8 O ŋoc lauac, taêm êka eŋ ŋapaŋ. Ansêwa nêm
ŋalêlôm sa êndêŋ eŋ.

Anôtô kêtut aêacnêŋ lamu.

9 Namalac ŋaôm̄a latuŋi têtôm gêŋ ŋajaô-jaô, kasêga
latuŋi têtôm gêŋ ŋanôm̄e.

Embe tanam dôŋ èsêac, oc dôŋ êmandi èsêac sa
gebe samob ŋagaô kêlêlêc ŋajaô-jaô su.

10 Taêm êka ŋaclai êkônin ŋamalac tôŋja atom ma
akêŋ mateŋ gebe ajanjo gêŋja atom.

Embe nêm awa êtu taêsam, naŋ nêm ŋalêlôm
êsap tôŋ atom.

11 Anôtô kêsôm biŋ kêtut dim tagen, mago aê ganô
biŋ luagêc kêsêp tau lêlôm gebe
Anôtô eŋ ŋaclai.

12 Ma aôm Apômtau, kôtu têmtac gêwiŋ teŋgeŋja
ŋatau
gebe aôm kôkêŋ ŋagêjô gêdêŋ ŋamalac kêtôm
gêŋ samob, taŋ èsêac sêgôm naŋ.

*

63

Tanam aweŋ su Anôtô

¹ O Anôtô, aôm kôtu ɳoc Anôtô, aê gasom aôm.

Katuc gêjam awa su aôm.

Ôlic kêtû sawa aômja
amboac gamêŋ ɳakeleŋ, taŋ bu masi
samucgeŋ ma kêtû sawa bu naŋ.

² Aê gabe matoc ê aôm anga nêm gamêŋ dabuŋ
ma jalic nêm ɳaclai to ɳawasi.

³ Gebe aôm têmtac gêwiŋ tengeŋja ɳajam kêlêlêc
janĝôn matoc jaliŋa su,
tec aoc ѣôc aôm.

⁴ Amboac tonaj aê jalambiŋ aôm êtôm ɳoc bec
janĝôn matoc jaliŋa samob
ma jaôc lemoc sa to aoc ênac nêm ɳaê.

⁵ ɳoc katuc kêtap moasiŋ sa e gêôc eŋ tôŋ
ma aoc gêôc aôm toôndugeŋ.

⁶ Èndêŋ taŋ jasa tauc sic najanêc ɳoc mê naŋ, jasa
aôm laŋôm sa
ma taêc ênam aôm èndêŋ êmbêc samuc.

⁷ Gebe aôm gôjam aê sagac,
tec gajam wê totêtac ɳajam samucgeŋ gaŋgôŋ
aôm magêm labu.

⁸ Aêŋoc katuc kêsap aôm tôŋ ɳajaŋa.
Lêmam anôŋa kêkam aê sa kakô ɳaŋeŋ.

⁹ Ma êsêac, taŋ têtu kêka-kêka sebe senseŋ aê su
naŋ,

* **62:12:** Dawidnê pesalem teŋ.

- oc sênaŋa sêsêp nom ɻakêlêndij sec sêna.
¹⁰ Siŋ enseŋ êsêac su
 ma têtu kêam sec saleŋja nêŋ gwada.
¹¹ Mago kiŋ oc têtac ɻajam Anôtôŋa. Êsêac samob,
 taŋ têtôc lemenj
 kêpi eŋ naŋ, oc têtu samuc gebe eŋ oc êmbôc
 dansaŋtênanêŋ awenjsuŋ auc.
* Judanja naŋ.

64

- Mec Anôtô ejop aêac êndêŋ ɻacio alôb-alôb*
- ¹ O Anôtô, kataŋ nec, ôkêŋ taŋam aê aoc.
 Ojop katuc êndêŋ ɻacio, taŋ kêtakê aê naŋ.
² Ôkô aê auc êndêŋ lau secwaga nêŋ biŋ, taŋ taêŋ
 gêjam gêc nêŋ ɻalêlôm sebe senseŋ aê naŋ.
 Ma êndêŋ lau geo, taŋ sêkac tauŋ sa toôndugeŋ
 sêmoa naŋ.
³ Sêuc imbeleŋ kêtôm siŋ.
 Sêôm biŋ ɻamalic kêtôm sêpê sôb.
⁴ Sêpê ɻac mansaŋ ɻa siŋ geŋgeŋgeŋ.
 Sêpê eŋ palinŋ-palinŋgeŋ ɻamelocŋageŋ.
⁵ Sêjatu tauŋ siŋ geoŋa ma sêmoatinŋ sebe sêkêŋ lakô.
 Êsêac taêŋ gêjam gebe “Asa oc êlic aêac.”
⁶ Êsêac taêŋ gêjam kêsêp biŋ alôb-alôb. Taêŋgêjam
 gebe “Ajac dabiŋ tomalagenŋ sugac,”
 gebe ɻamalac samob nêŋ ɻalêlôm kêtôm
 gêsunjbôm seclêlôm.
⁷ Sêgôm tauŋ amboac tonaj e Anôtônê sôb kêtap
 êsêac sa,

* **63:11:** Dawidnê pesalem gêga gêdêŋ taŋ gêmoa gamêŋ sawa

- go sêjala tauŋ gebe ôliŋ lasê sep tagenj.
- ⁸ Enj oc enseŋ êsêac êtu nêŋ imbeleŋja.
Samob taŋ sêlic êsêac naŋ, têdaiŋ gêsuŋ gêdêŋ
êsêac.
- ⁹ Go ɻamalac samob têtêc tauŋ sêšôm Anôtônê
gênsêga lasê
ma nêŋ kauc kêsa kêpi ênê gôliŋ.
- ¹⁰ Nac gêdêŋ têtac ɻajam kêtua Apômtauŋa ma gê
lamu engeŋ.
Ma ɻalêlôm mansaŋ samob sêmoa ɻajam to ôliŋ
kêpigeŋ.
- *

65

Danje kêtua Anôtônê moasiŋ ɻalêlômja

- ¹ O Anôtô, lau awenj êôc aôm aŋga Sionmaŋ.
Ma sêngôm biŋ, taŋ sêjac mata gêdêŋ aôm naŋ,
ɻanô êsa.
- ² Aôm kôkêŋ taŋjam mec,
amboac tonaj ɻamalac samob dêndêŋ aôm
sêwac
- ³ êtu nêŋ geo ɻatoŋja. Aêacma geo embe êlêlêc aêac
sû,
go ôsuc ôkwi.
- ⁴ Aê aoc êôc ɻac, taŋ aôm kôjalinj eŋ sa gebe êtu
gasuc aôm
wacêmoa nêm malacluŋ naŋ,
gebe aômnêm andu to lôm ɻagêŋ ɻajam,
tec oc êôc aêac tôŋ.
- ⁵ O Anôtô, aêacma kêsiwaga, aôm kôkêŋ taŋjam aêac
to gôjam aêac sa ɻa gêŋtalô.

* **64:10:** Dawidnê pesalem teŋ.

Lau aŋga nom ɻamadiŋ samob to êsêac, taŋ sêŋgôŋ
 gwêcm aŋga jaêcsêga naŋ,
 sêkêŋ mateŋ aômgeŋ.

⁶ Aôm ɻactêkwa, taŋ kôjandiŋ ɻaclai kêtû nêm
 ômbiŋkap naŋ,

tec kôkwê lôc tolôc sa kékô.

⁷ Aôm gôŋ gwêc kêtû malô to gôgôm ɻadembom ɻatip
 kêsa

ma gôgôm tenteŋlatu samob nêŋ wamban kêtû
 malô.

⁸ Gôgôm e lau, taŋ sêŋgôŋ nom ɻamadiŋ jaêcsêga
 naŋ,

têtêc tauŋ kêtû nêm gêŋtalôŋa.

Aôm gôgôm lau gamêŋ oc kêpi to oc kêsêpŋa
 sêjam lasê toôndugeŋ.

⁹ Aôm kokeleŋ nom ma kôsanem ɻa bu.

Aôm kômoasiŋ nom ɻanôgeŋ.

Aôm Anôtô kôkêŋ nêm bu kêsun e ɻalap-lap
 lanŋwageŋ.

Aôm kômasaŋ nom amboac tonau, tec kôkêŋ
 launêŋ gêŋ kômna kêpi ɻajamgeŋ.

¹⁰ Aôm kôsanem nom ɻawampôm e ɻapep sawa to
 kôlênsim nom e kêtû palê.

Aôm kôkêŋ kom kêmâlôm nom ma gôjam mec
 gêŋ e kêpi ɻajam.

¹¹ Aôm gôjac dabîŋ jala ɻa nêm moasiŋ totau-totau
 ma waŋam ɻalêsi gêñôm gamêŋ gêjam auc.

¹² Bôcnêŋ gamêŋ sêniŋ gêŋja ɻamêdôb ɻajamgeŋ
 ɻapaŋ.

Ma gamêŋ ɻamatu gêbuc tau sa e têtac kêsa
 lanŋwageŋ.

¹³ Bôc sêjam oba auc amboac oba kêsô ɻakwê

ma gaboaŋ kêkwa tau auc ɳa molaunj.
 Êsêac sêjam lasê
 * to sêjam wê sêwiŋ tauŋ totêntac ɳajamgeŋ.

66

Wê lambiŋ to daŋgeŋa teŋ

¹ Gamêŋ samob awem êôc Anôtô toôndugeŋ.

² Atoc ênê ɳaê ɳawae sa.

Alambiŋ eŋ e ɳawasi laŋgwageŋ.

³ Asôm êndêŋ Anôtô gebe “Aômnêm gôliŋ e ɳajamanô kaiŋ teŋ.

Aômnêm ɳacio tetoc aôm sa kêtua nêm ɳaclai gêjam sêgaŋa.

⁴ Lau gamêŋ samobŋa sewec êndêŋ aôm ma awen êôc aôm.

Samob tetoc nêm ɳaê sa.”

⁵ Amêŋ ma alic gêŋ, taŋ Apômtau gêgôm naŋ.

En gêjam gôliŋ ɳamalacnêŋ latuŋi e têtac kêsa laŋgwageŋ.

⁶ En gêjam gwêc ôkwi kêtua gamêŋ ɳakelerŋ, tec eŋkaiŋ sêsa ɳasamac ɳamala sêja.

Ma aêac têntac ɳajam kêtua eŋja.

⁷ En ɳagôliŋ, nê gôliŋ oc ênêc tengeŋ. Mata kêsap tentenŋlatugeŋ, tec gêmoa.

Lau-sêli-tauŋ-sawaga oc tetoc tauŋ sa êndêŋ eŋ atom.

⁸ O tentenŋlatuac, alanem aêacma Anôtô.

Angôm ênê wae êtu tapa ɳanô.

⁹ En gêjam aêac katuŋ sa, tec tamoa mateŋ jali

* **65:13:** Dawidnê pesalem teŋ. Wê teŋ.

ma kēpuc eŋkaiŋ tōŋ, tec taku atom.

10 O Anôtô, aôm kôsaê aêacgac.

Aôm kôpac aêac e awê kêtom sêpac silber gêwê.

11 Aôm kôkêŋ aêac awê uc.

Aôm kôkêŋ gêŋwapac gêsac aêac dêmôêntêkwa tōŋ.

12 Aôm kôkêŋ ma ŋacio sêka aêac lênsôŋ. Aôm kôkêŋ aêac asa ja to bu ŋasamac ŋalêlôm aja, mago galoc gôwê aêac sa jaakô gamêŋ ŋajam.

13 Aê todajagen jasô nêm andu

ma jaŋgôm biŋ, taŋ gajac mata su naŋ, ŋanô ̄esa.

14 Gêdêŋ taŋ kapô lêna naŋ, kasôm lasê

ma aocsuŋ kasôm kêtutôŋ gebe jaŋgôm gêŋ tau tonan.

15 Aê gabe jansuŋ domba ŋalêsi êtu daja to domba kapoac ŋada ŋamalu ̄esa êndêŋ aôm.

Aê gabe jamansaŋ bulimakao to noniŋ kapoac atu da êndêŋ aôm.

16 Amac lau, taŋ atêc Anôtô naŋ, samob amêŋ anô.

Aê gabe janac miŋ biŋ, taŋ eŋ kêmoasiŋ ŋoc katuc naŋ.

17 Aê aocsuŋ gamôêc kapôêŋ gêdêŋ eŋ

ma wê lambiŋja gêc imbeloc ŋatêpôê.

18 Ŋoc ŋalêlôm embe taê êka biŋ eso,

oc Apômtau êkêŋ taŋa aê atom.

19 Mago Apômtau kêkêŋ taŋa aêgoc.

Eŋ gê taŋa aêjoc mec.

20 Aê aoc êôc Anôtô gebe gêjac kapoac ŋoc taŋiboa atom.

* Ma kêgaminj nê têtac gêwiŋ tengeṇja gêdêŋ aê
atom.

67

Seŋ mo lasê ŋawê dangeṇja

- 1 Anôtô taê labu to ênam mec aêac.
Enj oc êkêŋ laŋôanô êpô aêac.
- 2 Gebe lau nomja sêjala nêm lêŋ
to lau samuc samob sêjala ŋaclai ônam lau saŋa.
- 3 O Anôtô, tentenjlatu awenj êôc aôm.
Tenteŋlatu awenj êôc aôm tomalagenj.
- 4 Tenteŋlatu ôlinj êpi ma sênam wê toôndugenj gebe
aôm kômêtôc launêŋ biŋ jagêdêŋ
ma gôwê tentenjlatu samob aŋga nom.
- 5 O Anôtô, tentenjlatu awenj êôc aôm.
Tenteŋlatu awenj êôc aôm tomalagenj.
- 6 Nom gêjam ŋanôgac.
Anôtô, aêacnêŋ Anôtô, gêjam mec aêac.
- 7 Anôtô gêjam mec aêac
ma nom ŋamadiŋ samob têtêc eŋ.
*

68

Anôtô kêku nê ŋacio lulu ŋawê lambiŋja

- 1 Anôtô êndi êkô gebe enseŋ nê ŋacio êliŋ-êliŋ
ma êsêac, taŋ nêŋ ŋalêlôm kêmoatinj tôŋ kêtu
eŋja naŋ, sêc su aŋga ênê laŋônêmja.
- 2 Anôtônenê laŋôanô enseŋ lau, taŋ sêkac tauŋ su aŋga
ênê naŋ,

* **66:20:** Wê teŋ. * **67:7:** Wê teŋ.

êtôm mu kêdaba jadauŋ to ja kêpac lêp gêwê.

³ Ma lau gêdêŋ têntac ŋajamgeŋ to têtu samuc sêkô
Anôtô lanjônêm
ma ôliŋ êpi toôndugeŋ.

⁴ Anam wê êpi Anôtô. Awem êôc ênê ŋaê. Anam
ŋac, taŋ kêsa gamêŋ sawa naŋ, nê intêna.
Nac tau nê ŋaê gebe Apômtau. Akô eŋ
lanjônêmja ma anam lasê toôndugeŋ.

⁵ Anôtô taŋ gêmoa nê andu dabuŋ naŋ,
kêtu mosêbunêŋ tameŋi to awêtucnêŋ gêjam-
sawaga.

⁶ Anôtô gêjam lau sawa sa gebe têtap gôlôac sa ma
kêgaboac lau kapoacwalôŋja su jasêmoa nêŋ
tauŋja.
Ma kêmasê gêsuŋtêkwa ŋatoŋwaga sa e
nêŋ gamêŋ, taŋ sêŋgôŋ naŋ, kêtu kelen
langwageŋ.

⁷ O Anôtô, gêdêŋ taŋ gôdi gôwê lau sa ma kôtu
êseacnêŋ ŋamatâ

to gêdêŋ taŋ amkaiŋ kôka gamêŋ sawa tôŋ naŋ,

⁸ nom kêtênenp to umboŋ kêsêwa kom
kêtu Anôtônen lanjôanô kêtu awêŋja.

Lôc Sinai kêtênenp kêtu Anôtô gêô lasê lôc tauŋa.
Israelnêŋ Anôtô gêô lasêgac.

⁹ O Anôtô, aôm kôkêŋ kom gêjac kêsêwageŋ
ma kôlau nêm nomlênsêm, taŋ gelo-gelo naŋ.

¹⁰ Aômnêm gôlôac têtap nêŋ gamêŋ sêŋgôŋja sa.
O Anôtô, nêm moasiŋ kêmasaŋ gamêŋ tau kêtu
lau ŋalêlôm sawaŋa.

- 11 Apômtau kêjatu sa
 ma lauo taêsam ɻasec sêjam wêsiŋ e ɻawae kêtû
 tapa.
- 12 “Lausinj totoŋ-totoŋ to nêŋ kinj sêc, sêcgoc”
 ma lauo sêjac sam ɻawaba gêdêŋ tauŋ.
- 13 Talic êsêac amboac balôsi ɻaôsic-ôsic amboac
 silber ma ɻawaô joŋsamuc ma ɻaôsic-ôsic am-
 boac gold.
 Amaçnêm lauo ɻagêdô sêmoa domba nêŋ sapa
 ɻalêlôm kêtû agenŋa.
- 14 Gêdêŋ taŋ ɻajanja ɻatau Anôtô kêpa kinj êlinj-êlinj
 naŋ,
 enj kékêŋ sno gêjac arŋa lôc Salmon.
- 15 Aôm lôc Basanŋa kôtu lôc towae.
 Aôm lôc Basanŋa ɻatêpôê jabo-jabogoc.
- 16 Amac lôc ɻagêdô, taŋ jabo-jabo naŋ, asagen
 têmtac ɻandaŋ gêdêŋ lôc, taŋ Anôtô gebe
 êŋgôŋ êtu nê gamêŋ naŋ.
 Biŋjanô, Apômtau oc êŋgôŋ tônê enden tôngenj.
- 17 Anôtô gêmêŋ arŋa Sion ɻa nê kareta siŋja taêsam
 ɻalêlêma atom.
 Apômtau gêmêŋ arŋa Sinai mêŋgêô lasê nê
 gamêŋ dabuŋ.
- 18 Aôm kôpi lôlôc jagôwê lau kapoacwalôŋa sêwiŋ
 aôm. ɻnamalac sêsuŋ nêŋ gêŋ gêdêŋ aôm
 gêwac.
 Gêsuntêkwa ɻatoŋ oc sêŋgôŋ sêwiŋ Apômtau
 Anôtô amboac tonanj.
- 19 Aweŋ êôc Apômtau, enj kêsip aêac sa bêc to bêc.
 Enj Anôtô, taŋ gêjam aêac sa naŋ.

- 20 Anôtô tonaj tec kêtû aêacnêj Anôtô, tanj gêjam aêac kêsi nañ,
ma Apômtau Anôtô eñ ñatau, tec oc ênam tasa pañ lêndañ ôkwi.
- 21 Biñjanô, Anôtô oc elo nê ñacio môkêñapac popoc,
oc ênac ñac, tanj kêsêlêj tonê secgeñ nañ,
môkêdañgam popoc amboac tonaj.
- 22 Apômtau kêsôm kêtû tôñ gebe “Aê oc jajon êsêac
añga Basan sêmu sêmêj.
Biñjanô, oc jajon êsêac añga gwêc ñagêdimbob
sa sêmu sêmêj.
- 23 Gebe ôkwasiñ amkaiñ êsêp nêj declêlôm.
Nêm kêam imbeleñ têtap nêj gwada añga
ñacionêj sa.”
- 24 O Anôtô, lau sêlic nêm gôlôac ñawalañ balinj.
Sêlic ñoc kinj Anôtônê walañ balinj omña sêmoa
gamêj dabuñ.
- 25 Lau sênam wê ña awenwaga têtu ñamata, go lau,
tanj sêjac gêj wêña kêtâñ nañ, têtu ñamu
ma lauo takinj sêmoa ñasawa togegobgeñ.
- 26 Awem êôc Apômtau Anôtô añga gôlôacnêj sêkac
sa ñalêlôm.
Amac tanj Israel kêtû nêm ñamôkê nañ, awem
êôc Apômtau.
- 27 Lau Benjamînja toñ sauñ ec teñ sêwê sêmoa ônê,
lau Judanêj kasêga toñ kapôeñ teñ kêdaguc,
go kasêga Sebulonja to kasêga Naptaliña am-
boac tonanjeñ têtu ñamu.
- 28 O Anôtô, ôngôm nêm lai êpoa.

O Anôtô, ondeŋ gêŋ, taŋ gôjam aêac saŋa naŋ tôŋ.

²⁹ Kiŋ oc sejoŋ awa sa dêndêŋ aôm sêna Jerusalem êtu nêm lôm dabuŋŋa.

³⁰ Ôlêŋ biŋ bôcbôm Aiguptuŋa, taŋ sêmoa bumaŋ ŋasiŋlêlôm naŋ.

Ôlêŋ biŋ tenteŋlatui, taŋ têtôm bulimakao kapoac to ŋalatu naŋ,

e samob sêmbu tauŋ ma sêkêŋ silber êndêŋ aôm.

Onseŋ lau, taŋ têntac gêwiŋ siŋ naŋ, êliŋ-êliŋ.

³¹ Kasêga aŋga Aiguptu sêmêŋ.

Lau Aitiopianja sêlêti ma sêmêtôc lemenj gêdêŋ Anôtô.

³² Amac kiŋ nomŋa anam wê êpi Anôtô.

Awem êôc Apômtau,

³³ taŋ gêmuŋ andaŋgenjanô gêmoa nê undambê lôlôcŋa naŋ.

Aŋô eŋ gêôc awa sa ma gêmôêc ŋa awa kapôeŋ.

³⁴ Aoc Anôtô ŋaclai lasê. Eŋ gêjam góliŋ Israel toŋawasigen

ma nê ŋaclai gêc tao ŋalêlôm.

³⁵ Anôtô ŋaclai kaiŋ teŋ kêsa aŋga nê gamêŋ dabun gêmêŋ.

Eŋ Israelnêŋ Anôtô. Eŋ kêkêŋ ôliŋ walô gêdêŋ nê lau.

Lambinj êndêŋ Anôtô.

*

* **68:35:** Dawidnê pesalem teŋ. Wê teŋ.

69

Mec Anôtô ênam saja

- ¹ O Anôtô, ônam aêma samanj
gebe bu gênôm aê auc e gabe janaña.
- ² Aê malocmê kasêp lemonj gôlub-gôlub gaja.
Gamêj teñ kêtôm gebe jaka tôñja gêc atom.
Aê katap bugaboaj sec sa ma ñasamac kêkôm
aê auc.
- ³ Katañ tauc e tekoc gêbac ma ñoc koclabej kêtû
dambê-dambê lañgwagej.
Aê gaôj to kakêj matoc Anôtô e matocanô
ñabob kêsa.
- ⁴ Lau tañ têntac gedec aê kêtû ñam teñja atom nañ,
taêsam ñasec,
sêlêlêc môkêclauj môkêcapacja su.
Lau tañ sebe sensej aê su nañ, ñaclai sec
ma êsêac sêgôlij biñ kêpi aê. Êsêac sêkac aê
gebe jakêj gêj êjô gêj, tañ gajam geñgej
atom nañ.
- ⁵ O Apômtau, aôm kôjala ñoc keso
ma ñoc geo kêsiñ tau gêdêj aôm atom.
- ⁶ O Anôtô, tañ kôtû lausinj undambêja nêj ñatau
nañ,
ôkêj aê gebe jañgôm lau, tañ matej gê aôm
nañ, majenj êsa atom.
- O Israelnêj Anôtô,
ôkêj aê gabe jañgôm lau, tañ sêsap aôm tôñ
nañ, waenj sec atom,
- ⁷ gebe aê gaôc gêñwapac sec kêtû aôm ña.
Majoc e tecbeloc ñawapac kêsa kêtû aôm ña.
- ⁸ Ñoc lasitêwai sêlic aê amboac ñac jaba

ma tinocnê lau sêlic aê amboac ɳac
gamêŋbômňa teŋ.

9 Gebe gaim tauc su nêm anduŋa e katu meloc su.

Ma lau, taŋ sêmbu aômňa naŋ, nêŋ biŋ sêmbuŋa
mêŋkêpi aê gêwiŋ.

10 Aê katu kasec ôlic gebe kataŋ to gajam dabuŋ
mo,

mago lau sêsu aê susu.

11 Aê ganôŋ kaukauc kêtú ɳoc ɳakwê

ma êsêac sêga wê susuŋa kêpi aê.

12 Lau embe sêŋgôŋ malacluŋ naŋ, oc sênam aêŋoc
biŋ êtu biŋgalôm

ma lau, taŋ bu kêjaŋiŋ êsêac naŋ, sêga wê sec
kêpi aê.

13 O Apomtau, aê tec jansuŋ ɳoc mec êndêŋ aôm.

O Anôtô, ôjô ɳoc mec êndêŋ noc, taŋ aôm gôlic
ɳajam naŋ.

Ôjô aê aoc êtu nêm têmtac gêwiŋ teŋgeŋja,

êtu ôŋgôm nêm biŋ, taŋ gôjac mata naŋ, ɳanô
êsa.

14 Ôkam aê sa aŋga lemon gebe gôdubub jasêp e
najanaŋa atom.

Ônam aê sa aŋga ɳoc ɳacjo nêŋ, ma aŋga bu
ŋagêdim êwiŋ.

15 Ôkêŋ ɳasamac ênsalê aê auc atom.

Ma ôkêŋ aê janôm bu su jasêp gêdimbob me
janêc êsêp sê jana atom.

16 O Apômtau, ôkêŋ taŋam aê gebe nêm têmtac gêwiŋ
teŋgeŋja tau ɳajam.

Ôkac taôm ôkwi êndêŋ aê êtu nêm taêm labu
ηanôŋa.

17 Ôsiŋ laŋôm ôkwi êndêŋ nêm sakiŋwaga atom.
Aê gamoa jageo, ôjô aêŋoc biŋ galocgenj.

18 Ôndêŋ aê ômôdêŋ ma ônam aê kêsi.
Ôsa aê laŋôc sa êndêŋ ηoc ηacio.

19 Aôm gôlic aêŋoc biŋ, taŋ sêgôm aê êndu-êndugenj
to gaŋgôŋ jageo ma sêgôm aê katu meloc
naŋgac.

Aôm kôjala ηoc soŋo-soŋo samobgac.

20 Sêsu aê susu e katuc gêbac to popocgenj,
tec gamoa jageo ηanô.

Kasaê gebe sê malô aê elêmê
ma kakêŋ matoc gebe sênam aê sa e masi.

21 Èsêac sêkêŋ ηaikisi aê gaeŋ kêtû mo
ma gêdêŋ taŋ bu gêjô aê naŋ, sêkêŋ bu ηamakic
gêdêŋ aê ganôm.

22 Nêm moasiŋ êtu nêŋ lakô
ma nêŋ moasiŋ daŋa êtu naŋ sê sêu tauŋ
êseŋna.

23 Ôkêŋ èsêac mateŋanô êtu kanuc sêlic gamêŋ atom
ma ôkêŋ èsêac magiŋ èsu.

24 Ôkêc nêm têmtac ηandaŋ êpi èsêac
ma nêm ηalêlôm ηamondec-mondec êtap èsêac
sa.

25 Nêŋ malac oc êtu gasaŋ ênêc
ma nêŋ andulêlôm êtu tuc êkô.

26 Gebe èsêac sêjanda ηac, taŋ aôm taôm gôjac eŋ
naŋ,
ma sêjam biŋgalôm kêpi lau, taŋ aôm gôjac èsêac
ôliŋ lasê naŋ, naŋ ηandaŋ.

- 27** Ônsalê nêŋ keso ɻagêjô ênsac nêŋ keso ɻagêdô ɻaô.
 Ma ôkêŋ êsêac sêwê kaiŋ nêm moasiŋ ônam
 ɻamalac kêsiŋja atom.
- 28** Nêŋ ɻaê ênêc êwiŋ lau gêdêŋ nêŋ atom.
 Senseŋ êsêacnêŋ ɻaê su aŋga buku mateŋ
 jaliŋja ɻalêlôm.
- 29** Aê tec gaŋgôŋ jageo ma gaôc gêŋwapac ɻanô.
 O Anôtô, ôsip aê sa ma ônam aê kêsi.
- 30** Aê gabe jaŋga wê jaŋgôm Anôtônê ɻaê ɻawae êsa.
 Janam danje to jatoc eŋ sa ɻanô.
- 31** Jaŋgôm amboac tonaj ec Apômtau êlic ɻajam
 êlêlêc bôc kapoac,
 êlêlêc bulimakao kapoac to ɻajabo ma bôc, tanj
 eŋkêku gêwa kêkôc naŋ su.
- 32** Lau tanj sêôc gêŋ wapac naŋ, embe sêlic oc têntac
 ɻajam êsa.
 Amac tanj asom Anôtô amoa naŋ, nêm ɻalêlôm
 eŋgeŋ amac sageŋ.
- 33** Gebe Apômtau kêkêŋ tanja lau ɻalêlôm sawa
 ma kêliŋ nê lau, tanj sêŋgôŋ kapoacwalô naŋ,
 siŋ atom.
- 34** Undambê to nom aweŋ êôc Anôtô.
 Gwêc tau to ɻagêŋ mateŋ jali samob, tanj gêmoa
 ɻalêlôm naŋ, amboac tonanjeŋ.
- 35** Gebe Anôtô oc ênam Sion kêsi ma êkwê malac
 Judanya sa êtiam
 ma nê lau nasêŋgôŋ tônê ma têtu gamêŋ ɻatau.
- 36** Ènê sakiŋwaga nêŋ wakuc oc sêkôc sa êtu nêŋ
 gêŋlênsêm
 ma êsêac, tanj têntac gêwiŋ eŋ naŋ, oc sêŋgôŋ
 tônê.

*

70

*Mec Anôtô ênam saña
(Pes 40:13-17)*

1 O Anôtô, mêmônam aê sa.

O Apômtau, ônsaic taômgej mêmôpuc aê tôŋ.

2 Èsêac taŋ dêdib aê sebe senseŋ aê su naŋ,

ôkêŋ èsêac majeŋ to teŋbeleŋ ɻawapac êsa.

Ôkêŋ èsêac, taŋ sêkêŋ mateŋ sebe aê jatu sec naŋ,

sêc tomajeŋgeŋ sêmu sêna.

3 Èsêac taŋ sêgôm “Kec, kec” kêpi aê naŋ,

ôkêŋ èsêac têtakê tomajeŋgeŋ.

4 Ôkêŋ èsêac samob, taŋ sesom aôm naŋ,

ôliŋ êpi to têntac ɻajam êsa êtu aôm ɻa.

Ôkêŋ èsêac samob, taŋ taêŋ kêka aômnêm moasiŋ
naŋ,

sêsôm lasê enden tôngen gebe “Apômtau ɻac
towae.”

5 O Apômtau, aê tec ɻac palê-palê to ɻac ɻalêlôm
sawa.

O Anôtô, ôlêti seben ôndêŋ aê ômôêŋ.

O Apômtau, ônam gamêŋ tôŋ atom

gebe ɻoc ônam-aê-sa to ôpuc-aê-tôŋwaga
aômgoc.

*

71

Namalacanô teŋ nê mec

* **69:36:** Dawidnê teŋ. * **70:5:** Dawidnê pesalem teŋ. Tanjiboa
teŋ.

- ¹ O Apômtau, aê gaê lamu aômgej.
 Ôkêj aê jamoa tomajocgej atom.
- ² Ôngamboac aê to ônam aê sa êtu nêm biñgêdêñja.
 Ôê tañam aê ma ônam aê kësi.
- ³ Ôtu ñoc poclabu jaê lamuña to ñoc laimôkê ônam
 aê saña.
 Aôm tonaj kôtu ñoc poclabu to ñoc laimôkê.
- ⁴ O ñoc Anôtô, ôjanço aê su aŋga lau, taŋ sêkac tauŋ
 su aŋga aômnêm naŋ lemenj.
 Ôjanço aê su aŋga lau alôb-alôb to lêsutêna nêj.
- ⁵ O Apômtau, aê kakêj matoc aômgej.
 O Apômtau, aê ñapalêgenj ma taêc kêka aôm.
- ⁶ Gêdêñ tinoc kêkôc aê su ma gasuŋ tauc gêdêñ aôm,
 kasa aŋga tinocnê e aôm gôlôm aêgej,
 amboac tonaj oc jalambinj aôm endenj tõŋgej.
- ⁷ Lau samob sêlic aê amboac gêjsêga teŋ,
 mago aôm kôtu aêjoc lamu ñajaŋa.
- ⁸ Aocsuŋ kêsuŋ aômnêm lanem sa
 ma gêgôm waem kêtû tapa kêtôm bêcgej.
- ⁹ Aê katu ñamalacanôgac, tec ôtiŋ aê su atom.
 Ñoc ñaclai gêbacnê, tec ôwi aê siŋ atom.
- ¹⁰ Gebe ñoc ñacio sêšom biŋ kêpi aê
 ma êsêac, taŋ sêkic ñoc biŋ naŋ, sêjam biŋgalôm
 sêwiŋ tauŋ
- ¹¹ ma sêšom gebe “Anôtô gêwi eŋ siŋgac,
 ajanda eŋ e naakam eŋ tõŋ gebe ênê kësiwaga
 masi.”
- ¹² O Anôtô, ômoa jaêc aê atom. O ñoc Anôtô, ôlêtigenj
 mêŋônam aê sa.

- 13 Èsêac tanj sêkêj kisa aê naŋ, majeŋ êsa e sênaŋa
 ma sêsu êsêac, tanj sebe sêkêj aê jandac
 gêŋwapac naŋ, susu e sêmoa toteŋbeleŋ
 ñawapacgeŋ.
- 14 Aê gabe jakêŋ matoc aôm enden tōŋgeŋ
 ma jaŋôm waem êsa êlêlêc su.
- 15 Aočsuŋ êsôm nêm biŋgêdêŋ to nêm ɻaclai ônam
 ñamalac saŋa lasê êtôm bêcgeŋ.
 Aê oc jasa moasiŋ tonanj sa êtôm atom.
- 16 Aê gabe jasa Apômtau Anôtô nê gêŋ ɻaclai sa.
 Aê gabe jalambiŋ aôm taômgeŋ nêm biŋgêdêŋ.
- 17 O Anôtô, aê ɻapalêgeŋ ma aôm kôdôŋ aê,
 tec gaoc nêm gêŋtalô lasê ɻapaŋ e gêdêŋ galoc.
- 18 O Anôtô, embe jatu ñamalacanô e môdê ênam aê
 auc,
 naŋ ôwi aê siŋ atom.
 Gebe jasôm nêm ɻaclai êndêŋ lau wakuc,
 tanj mêtjsêsa êtu ñamu naŋ.
- 19 O Anôtô, nêm ɻaclai to biŋgêdêŋ kêsunj kwandanj
 kêpi e jagêdêŋ undambê.
 O Anôtô, tanj gôgôm gêŋ ɻaclaisêga naŋ, asa oc
 êtôm aôm.
- 20 Aôm kôkêŋ gêŋwapac to gêŋ ɻandaŋ gêjam aê auc
 elêmê.
 Mago aôm oc ôkêŋ aê tekoc saki êsa êtiam ma
 ôwê aê sa aŋga nom ñalêlômsêga japi jamêŋ
 êtiam.
- 21 Aôm oc otoc aê sa êlêlêc
 ma ônac aê têtac tōŋ.
- 22 O ɻoc Anôtô, amboac tonanj oc aoc êôc aôm ɻa
 gêŋ wêŋa

kêtu aôm ɳac ɳajêŋja.
 O Israelnêŋ ɳac dabuŋ,
 aê gabe jaŋgôm gêŋ wêŋa êtaŋ êndêŋ aôm.
²³ Aê gêdôcôlic ênam lasê êtu têtac ɳajamŋa
 ma katuc, taŋ gôjam kësi naŋ, amboac
 tonanjeŋ.
²⁴ Imbeloc oc êsôm nêm biŋgêdêŋ gêjam aê saŋa lasê
 êtôm bêcgeŋ
 gebe êsêac, taŋ sebe sêkêŋ aê jandac
 gêŋwapac naŋ, majen êsa e sêmoa toteŋbeleŋ
 ɳawapacgeŋ.

72

Mec kêtu kiŋŋa

- ¹ O Anôtô, ôndôŋ kiŋ gebe êmêtôc biŋ ɳa nêm
 biŋgêdêŋja
 ma ôkêŋ nêm biŋgêdêŋ êndêŋ kiŋ latu.
- ² Gebe ênam góliŋ nêm lau ɳa biŋgêdêŋgen
 ma êmêtôc lau ɳasec nêŋ biŋ katôgen.
- ³ Lôc sênam ɳanô moasiŋ êmoasiŋ lauŋa
 ma gamêŋ ɳabau sênam ɳanô biŋgêdêŋ.
- ⁴ Kiŋ êmêtôc lau ɳalêlôm sawa nêŋ biŋ naêndêŋgen,
 enj ênam lau sêpô lênaŋa sa
 ma êka êsêacnêŋ lêsutêna popoc.
- ⁵ Gôlôac to gôlôac têtêc aôm
 êtôm têm, taŋ oc ajôŋ êpô gamêŋ nan.
- ⁶ Kiŋ êtôm kom, taŋ gêjac kêsêp kôm
 ma enj oc êtôm kom, taŋ kêmâlôm nom naŋ.
- ⁷ Êtôm kiŋ tau nê têm biŋgêdêŋ ênac tau lêtêŋ
 amboac ɳaola ɳajam

ma wama ênam gamêj auc kêtôm ajuŋ ñawê
kêpô gamêj gêôc aucgeŋ.

⁸ Ènê gamêj gôlinjña ênêc gwêc ñamadiŋ teŋ e
naêndêj ñamadiŋ teŋ

ma an̄ga bu Euprat e naêndêj nom ñamadiŋ.

⁹ lau gamêj sawanja sêpôŋ aen̄duc êndêj eŋ
ma nê ñacjo sêu tauŋ sênêc nom.

¹⁰ Kiŋ Tarsis to lau, taŋ sêngôŋ nuc naŋ,
oc sejon nêŋ awa nasênsuŋ êndêj eŋ.

Lau Arabia to Aitiopia ñataui
oc sêkêj nêŋ awamata êndêj eŋ.

¹¹ Biŋjanô, kiŋ samob oc tetoc eŋ sa.

Lau samuc samob oc sênam sakiŋ êndêj eŋ.

¹² Gebe eŋ oc ênam ñac ñalêlôm sawa, taŋ awa gêjac
eŋ naŋ sa
ma ñac ñasec, taŋ gêjam-sawaga gêmoa atom
naŋ, amboac tonan̄geŋ.

¹³ Eŋ oc taâ labu ñac ñaôma to ñalêlôm sawa
ma ejop lau sawa nêŋ katuŋ.

¹⁴ Eŋ oc ênam êsêacnêj katuŋ kësi an̄ga lêsutêna to
ñaclai-secwaga lemen̄.

Eŋ oc êlic lau tonan̄ ñai nêŋ dec amboac gêŋ
ñanô.

¹⁵ Kiŋ oc êngôŋ ñêŋgeŋ ma sêkêj gold Arabianja
êndêj eŋ.

Êsêac teteŋ mec êtu eŋja endeŋ tÔngeŋ ma
Anôtônê mec êpi eŋ ñapan̄.

¹⁶ Mo êmôp lasê ênêc ênê gaboaŋ
ma êtu secŋja ênêc lôctêpôê.

Mu êôc ênê gêŋkain̄ ñatêpôê naêsp-naêsp amboac
an̄ga Lebanon

ma ɻamalac êlêc aŋga malac êtôm gêgwaŋ gêlêc
aŋga nom.

17 ȴnê ɻaâ oc ênêc enden tôŋgeŋ.

ȴnê wae ênêc êtôm oc êpô gamêŋ.

Lau nomŋa samob aweŋ êôc eŋ
ma teteŋ Anôtô gebe ênam mec eŋ to êkêŋ eŋ
êmoa totêtac ɻajamgeŋ.

18 Lambiŋ êndêŋ Apômtau, lau Israelnêŋ Anôtô.

Eŋ taugen tec gêgôm gêŋsêga gêmoa.

19 Lambiŋ êndêŋ ȴnê ɻaâ towae enden tôŋgeŋ.

ȴnê ɻawasi ênam nom auc samucgeŋ.

Biŋjanô, biŋjanôgoc.

20 Isai latu Dawid nê mec gêbacnê gêdêŋ tonec.

Salomonê teŋ.

73

BUKU KÊTU TÊLÊACNYA

Anôtô kêmêtôc biŋ jagêdêŋgeŋ

1 Biŋjanô, Anôtô kêmoasiŋ lau mansaŋ
to kêmoasiŋ êsêac, tanj nêŋ ɻalêlôm ɻawa naŋ,
amboac tonarj.

2 Mago aê kadabin gebe japô ockainj ôkwi
ma kadabin gebe jaka bêlip tagenj

3 gebe matoc katu lanemtêna kêtû sêmoa ɻajam-
ɻajamŋa
ma galic lau alôb-alôb têtu lau tolêlôm.

4 Lau tonarj ɻai sêjam kauc ɻandaŋ
ma sêmoa ôlinj ɻajam to ôlinj samuc.

- 5 Êsêac sêôc gêñwapac têtôm lau ɳagêdô atom.
Ma sêlic ɳandaŋ teŋ têtôm lau ɳagêdô atom.
- 6 Amboac tonaq̄ tec tetoc tauŋ̄ sa kêtû nêŋ gêlôŋ̄,
taŋ̄ sêñôŋ̄ naŋ̄,
ma ɳaclai kêkwa êsêac auc amboac nêŋ ɳakwê.
- 7 Êsêac tonaq̄ têtôp̄ e mateŋjanô kololoc gêja
ma sêsewa biŋ̄ meloc, taŋ̄ taêŋ̄ gêjam gêc nêŋ
ɳalêlôm̄ naŋ̄, kêsa awê.
- 8 Êsêac sêsu biŋ̄ susu tonêŋ̄ ɳalêlôm̄ ɳamalic.
Êsêac tetoc tauŋ̄ sa ma sêpô biŋ̄ kêpi laugen̄.
- 9 Aweŋsun̄ kêsôm biŋ̄ gesen̄ undambê
ma imbeleŋ̄ kêsôm biŋ̄ gêjac laoc nomgen̄.
- 10 Amboac tonaq̄ tec lau dêdêŋ̄ êsêac
ma sêlib êsêacnêŋ̄ biŋ̄ kêtôm sêlib bu.
- 11 Êsêac sêşôm gebe “Anôtô oc êjala biŋ̄ amboac
ondoc
ma Lôlôc Natau oc êŋô biŋ̄ ɳam amboac on-
docgeŋ̄.”
- 12 Alic acgom, lau alôb-alôb nêŋ̄ biŋ̄ amboac tonaq̄
sêmoa ɳajam gedeŋ̄ tÔngeŋ̄ sêjac nêŋ̄ awa sa-sa.
- 13 Ojae, kamasaŋ̄ ɳoc ɳalêlôm̄ e ɳatipsawa ɳaômagoc
ma kakwasin̄ lemoc e gawê geo teŋ̄ ɳakaiŋ̄
atom.
- 14 Mago gêñwapac gêgôm aê kêtôm bêcgeŋ̄
ma gêŋ̄ kêlêsu aê kêtôm ɳageleŋ̄ samob.
- 15 Aê embe taêc ênam gebe aê jasôm biŋ̄ amboac
tonaq̄ jawiŋ̄
oc jansau nêm launêŋ̄ gôlôac.
- 16 Amboac tonaq̄ katu kêka-kêka gebe jajala ɳam
elêmê,
mago galic gebe ɳawapac.

- 17 E kasô Anôtônê gamêj dabuŋ gaja,
go ɳoc kauc kêsa kêpi lau alôb-alôb nêŋ
lêŋtêpô̄.
- 18 Biŋjanô, aôm kotoc êsêac sêkô gamêj ɳalêŋô,
go gôgôm êsêac sêu tauŋ e popoc-popocgeŋ
sêjaŋa.
- 19 Seseŋ êsêac su weŋ tageŋ,
sêjaŋa tonêŋ ɳalêlôm ɳatutugeŋ.
- 20 Êsêac têtôm aêac taêc bêc e taêc mêm.
Mateŋ gêlac ma talic gêŋ ɳakatu tau malamê.
- 21 Gêdêŋ taŋ ɳoc ɳalêlôm ɳamakic kêsa
e kêtunŋ aê masi naŋ,
- 22 aê katu meloc e ɳoc kauc gêjaŋa,
katôm bôc gamoa aôm laŋômñemŋa.
- 23 Mago kasap aôm tôŋ gedeŋ tôŋgeŋ.
Aôm kôkam aê tôŋ gêdêŋ lemoc anôŋa.
- 24 Aôm gôwê aê kêtôm, taŋ taêm gêjam naŋ,
ma êtu ɳamu aôm oc ôkôc aê sa toŋawasigeŋ.
- 25 Aêŋoc asa teŋ gêmoa undambê
ma ɳoc asageŋ gêc nom gebe japô lêna. Aôm
taômgeŋgoc.
- 26 Ôlic to katuc oc êtu palê,
mago Anôtô kêtû ɳoc gêŋlênsêm teŋgeŋ ma
teŋgeŋ.
- 27 Biŋjanôgoc, êsêac taŋ sêmoa jaêc aôm naŋ sênaŋa.
Aôm goseŋ lau samob, taŋ sêkac tauŋ su aŋga
aômñem naŋ su.
- 28 Mago aêgoc tec galic ɳajam gebe jamoa Anôtô
ɳagalageŋ.

Aê gaê lamu Apômtau Anôtô gebe jasôm
aômnêm gêj samob, taŋ gôgôm naŋ lasê.

*

74

Têtaj nêj lôm, dabuŋ kêtû ɻacjo sesen suŋa

- 1 O Anôtô, amboac ondoc kôtiŋ aêac su ɻanôgeŋ.
Ma têmtac ɻandaŋ sec gêdêŋ gêj, taŋ gojob naŋ.
- 2 Taêm ênam nêm gôlôac, taŋ gêmuŋgeŋ kôjalij ma
kôwaka êsêac sa têtu taôm nêm lau naŋ.
Taêm ênam lôc Sion, taŋ gôŋgôŋ kêtû nêm
malac naŋ.
- 3 Ôsêlêŋ open gamêŋ popoc tau, taŋ gacgen gêc-gêc
naŋ.
Ojae, gêj samob, taŋ kêkô gamêŋ dabuŋ
ɻalêlôm naŋ, ɻacjo sesen sugoc.
- 4 Nêm ɻacjo sêjam wamban ɻamelocŋageŋ aŋga nêm
gamêŋ, taŋ lau sêkac tauŋ sa sêmoa naŋ.
Êsêac sêguŋ nêŋ bam kêkô gebe gamêŋ tonan
kêtû êsêacnêŋ.
- 5 Êsêac têtôm kômwaga saleŋŋa,
taŋ sêsap ka tulu ɻa nêŋ ki naŋ.
- 6 Êsêac sêga katapa toŋatalô popoc
ɻa nêŋ ki to hama kapôeŋ.
- 7 Êsêac sêkêc nêm gamêŋ dabuŋ ja gen su
ma sesen nêm ɻaê ɻaandu ɻadabuŋ su e gêjaŋa
samucgeŋ.
- 8 Êsêac taêŋ gêjam gêc tauŋgeŋ gebe “Aêac danseŋ
êsêac su e tomalagen.”

* 73:28: Asapnê.

Ma sêkêc Anôtônê sakiŋ dabuŋ ñamala samob,
taŋ kêkô-kêkô naŋ, ja geŋ su.

- 9** Aêacma gêbôm dabuŋ samob maleŋmê.
Propete teŋ gêmoa kêtiam atom, ma aêac
samob ajam kauc ñanoc gêŋ tonaj oc
êmbacnê êndêŋ ondoc.
- 10** O Anôtô, kalomtêna oc sêsôm nêŋ biŋ susu e
êndêŋ ondocgeŋ.
Ñacjo oc sêŋgôm aômnêm ñaê oc êtu meloc
endeŋ tóŋgeŋ me.
- 11** Amboac ondoc kôtaiŋ lêmam su.
Amboac ondoc kôkapiŋ lêmam tóŋ.
- 12** Mago Anôtô kêtua aêjoc kiŋ gêdêŋ andanqeŋ
tauano.
- Eŋ gêjam ñamalac sa kêtôm nom ñagamêŋgeŋ.
- 13** Aôm gôwa gwêc kakôc ña nêm ñaclai kapôêŋ
ma golo secsêga gwêcja môkêapac popoc.
- 14** Aôm gôga bôcsêga Lewiatan môkêapac kêkôc
ma kôkêŋ eŋ ôli kêtua bôc gamêŋ sawa nêŋ.
- 15** Aôm kôkêŋ bumata kêpulu to keselen.
Aôm gôwa bu kapôêŋ-kapôêŋ gêŋgic-gêŋgic e
ñakaleŋ kësa samucgeŋ.
- 16** Aôm kôtu geleŋja ñatau. Aôm kôtu gêbêcauc ñatau.
Aôm tec kotoc ajôŋ to oc sêkô maleŋ.
- 17** Aôm gôjac lôcawa nom e gêdêŋ ñamadiŋ.
Aôm kôkêŋ oc kësa to komôgoc.
- 18** O Apômtau, taêm ênam gebe nêm ñacjo sêômac
aôm.
Êsêac sêkac tauŋ su aŋga aômnêm ma sêgôm
nêm ñaê kêtua gêŋ meloc.

19 Ôwi nêm balôsinê katu siŋ êndêŋ kikic atom.

Ôliŋ aômnêm lau ɻasec nêŋ katuŋ siŋ samucgeŋ atom.

20 Matam êndiŋ nêm poac, taŋ kômoatiŋ gawiŋ aêac naŋ,

gebe ɻaclai sec gêjam gamêŋ ɻakesec nomŋa samob auc.

21 Ôkêŋ ɻac, taŋ gêôc gêŋwapac naŋ, majâ êsa atom.

Lau ɻalêlôm sawa to lau ɻasec aweŋ êôc nêm ɻaemaŋ.

22 O Anôtô, ôndi sa ma ônam nêm gêŋ kêsimaŋ.

Taêm ênam biŋ meloc, taŋ lau alôb-alôbwaga sêgôliŋ kêpi aôm kêtôm bêc to gelengeŋ.

23 Olin nêm ɻacio nêŋ ɻaonda siŋ atom.

Nêm soŋo-soŋo nêŋ wambanŋ, taŋ kêpi geden tôŋgeŋ naŋ, amboac tonanŋ.

*

75

Anôtô kêmêtôc ɻamalacnêŋ biŋ jagêdêŋ

1 O Anôtô, aêac aweŋ gêôc aôm. O Anôtô, aêac alanem aôm.

Aêac asôm aôm waem lasê ma awa gêŋtalô samob, taŋ aôm gôgôm naŋ sa.

2 Anôtô kêsôm gebe “Aê kakêŋ ɻoc noc mêtôcŋa ma oc jamêtôc biŋ naêndêŋgeŋ.

3 Embe nom êkôtiŋ tau ma ɻamalac samob, taŋ sêŋgôŋ nom naŋ têtênenp, go aê janden nom ɻanombaŋ tôŋ.

* **74:23:** Asapnê teŋ.

⁴ Aê aoc ênac tetoc tauŋ sawaga gebe ‘Atoc taôm-sa atom.’

Ma êndêŋ lau alôb-alôbwaga gebe ‘Asa môkêm̄apac sa amboac secgeŋmaŋ.

⁵ Asa môkêm̄apac sa ɻanôgeŋ amboac tonan̄ atom. Amêtôc gêsômtêkwa êtu balin̄ alanem taômgeŋ atom.’ ”

⁶ Mêtôcwaga oc mêm̄esa aŋga oc kêpiŋa ma aŋga oc kêsépŋa atom

ma êmêŋ aŋga gamêŋ gêmu kêpi to gêmu kêsépŋa atom amboac tonanjeŋ.

⁷ Anôtô oc êmêtôc biŋ êmoa.

Eŋ oc êkônij lau teŋ tōj me etoc lau teŋ sa.

⁸ Apômtau lêma kêkam laclu teŋ,
taŋ ênê têtac ɻandaŋ ɻawain ɻajaŋa kêpoac naŋ.

Eŋ kêkêc kêsép laclu
ma lau alôb-alôb sêlib ɻatetep samob gêwiŋ.

⁹ Ma aê oc ôlic api toôndugeŋ ɻapaŋ
gabe aoc aôc Jakobnê Anôtô.

¹⁰ Eŋ asap lau sec samob, taŋ sêkac tauŋ su aŋga
Anôtône naŋ, naŋ ɻaclai tulu.

Eŋ êkiaŋ lau gêdêŋ nêŋ ɻaclai sa êtu kapôeŋ.

*

76

Wê awen̄ êôc Anôtôya

¹ Anôtône wae kêsa aŋga Juda.

Ênê ɻaê kesewec aŋga Israel.

² Èsêac sê ênê bec aŋga Salem.

Ma nê andu kêkô Sion.

* ^{75:10:} Asapnê wê teŋ.

³ Aŋga tonaj tec eŋ gêjac talam ŋasôb-ôsic popoc
ma gêgôm lautuc to siŋ ma laukasap samob
amboac tonanjeŋ.

⁴ Lôc teŋgeŋja ŋatau aôm ŋac ŋawasi.
Samob têtêc aômgeŋ.

⁵ Sêjaŋgo ŋaclai ŋasiŋsêlêc nêŋ waba su.
Êsêac sêjac tuluc e sêliŋ tauŋ siŋ ma ŋactêkwa
samob lemen kêtû goloiŋ.

⁶ O Jakobnê Anôtô, aôm gôjam wambaŋ
e kômônaŋ kareta to gôgôm hosnêŋ meloco
kêsa.

⁷ Aôm embe têmtac ŋandaŋ êsa ma asa oc êkô aôm
laŋômñêm
gebe aôm ŋaclai sec.

⁸ Aôm kôsôm biŋ katô aŋga undambê gobe ômêtôc
biŋ,
tec lau nomŋa sêŋô e gêjac êsêacnêŋ lêňô auc
sêŋgôŋ.

⁹ Gêdêŋ tonaj Anôtô gêdi gebe êmêtôc biŋ
gebe êôc lau samob, taŋ sêôc gêŋwapac aŋga
nom naŋ sa.

¹⁰ Namalacnêŋ têntac ŋandaŋ oc êŋgôm aôm waem
êtu tapa.
Ma êsêac, taŋ sêwê siŋ sa naŋ, oc sêlic nêm om.

¹¹ Anac mata biŋ ma aŋgôm ŋanô êsa êndêŋ
Apômtau, amacnêm Anôtô.
Lau samob, taŋ sêŋgôŋ sêgi eŋ auc naŋ, sênsuŋ
nêŋ gêŋ êndêŋ Anôtô, taŋ têtêc eŋ naŋ.

¹² Nac tau kékôniŋ kasêga, taŋ tetoc tauŋ sa naŋ,

* ma kêtakê kinj kapôêj-kapôêj ñasec.

77

Gêjwapac embe êngôm aêac, naŋ Anôtô taê walô aêac

¹ Aê gamôêc gêdêj Anôtô ña aoc kapôêj. Biñjanô aê gabe jamôêc.

Gamôêc kapôêj gêdêj Anôtô gebe eŋ êkêj taŋa aê.

² Gêdêj tanj gêjwapac gêgôm aê naŋ, aê kateŋ mec gêdêj Apômtau,

mago gêj teŋ gêjam malô aê atom.

³ Aê embe taêc ênam Anôtô, oc janij oliŋ tauc.

Embe taêc ênam biŋ ñam, oc ñoc kauc ensom mala ôkwi.

⁴ Enj kêkêj aê gajam jali gêbêcauc samuc.

ñoc ñalêlôm ñatutuc e kasôm biŋ jageo.

⁵ Aê taêc gêjam kêsêp bêc gêmungeŋja

ma jala, tanj gêjaŋa wanêcgeŋ su naŋ, amboac tonanj.

⁶ Kêtôm gêbêcgeŋ aê taêc gêjam biŋ jakêsa-jakêsa.

Aê taêc gêjam biŋ gêc ñoc ñalêlôm ma kakip sa e ganac matoc gebe

⁷ “Apômtau oc êtiŋ aêac su samucgeŋ

ma êmoasiŋ aêac êtiam atomanô me masi.

⁸ Ènê têtac gêwiŋ teŋgeŋja gêbacnê me.

Ma biŋ, tanj eŋ gêjac mata naŋ, gêjac pep su me.

⁹ Anôtô oc kêliŋ êmoasiŋ lauŋa siŋ me.

Ènê têtac ñandaŋ gêbôc nê taê walô auc me.”

* **76:12:** Asapnê wê teŋ.

- 10 Tec kasôm gêdêj tauc gebe “Aêjoc ɻalêlôm
 ɻawapac ɻanô
 gebe Apômtau gêjam nê gôliŋ ôkwi.”
- 11 Aê gabe taêc ênam gêj, taŋ Apômtau gêgôm naŋ.
 Biŋjanô, gabe taêc ênam nêm gêntalô, taŋ
 gôgôm gêdêj andanjeŋ naŋ.
- 12 Jakip gêj samob, taŋ aôm gôgôm naŋ, ɻam sa
 ma jasala aômnêm gênsêga samob.
- 13 O Anôtô, nêm intêna dabuŋ.
 Lau samuc nêj anôtô ondoc kapôeŋ kêtôm
 aôm.
- 14 Aôm taômgeŋ Anôtô, taŋ gôgôm gênsêga naŋ.
 Aôm kôwaka nêm ɻaclai sa gêdêj tentenlatu
 sêlic.
- 15 Lêmam ɻajaŋa gôjam nêm lau,
 Jakob agêc Josep latuŋi kësi.
- 16 O Anôtô, gêdêj taŋ bu gêlic aôm naŋ, kêtêc aôm.
 Ma gwêc ɻagêdim kêtênêp lasê.
- 17 Tao sêsewa kom ɻasec to umboŋ ɻatêtac kêkêŋ
 wapap gêjac.
 Ma aômnêm sôbôsic geŋ gamêŋ gêngic-gêngic.
- 18 Aômnêm wapap ɻakicsêa ɻadindiŋ kain teŋ, ôsic
 kêpô gamêŋ ɻawê kësa
 e nom ɻawiwič dendenjeŋ to kôtêŋ-kôtêŋgeŋ.
- 19 Aômnêm intêna gêjac gwêc gêngic ma nêm lêŋ
 gêwa ɻasamac kapôeŋ êliŋ-êliŋ,
 mago sêlic waŋam atom.
- 20 Aôm gôwê nêm lau amboac ɻacgejob gêwê nê
 domba.
 Mose agêc Aron sêjam aôm laŋôm.

*

78

Sêlêj biŋ Israel kêtû tanjeŋpêc̄ja

- 1 Ao ɳoc lauac, akêj taŋem ɳoc mêtê.
Aê tanjem aocsuŋ ɳabij.
- 2 Aê gabe jaŋa aoc êtu jasôm biŋgôlin̄ja.
Aê gabe jaŋoŋ biŋgôlin̄ têm ɳamata tauanôŋa sa.
- 3 Biŋ tanj aêac anô to ajala
ma tameŋi sêjac miŋ gêdêŋ aêac naŋ.
- 4 Biŋ tau aêac ansa auc êndêŋ aêacnêŋ ɳapalê atom,
tanac miŋ êndêŋ lau wakuc, tanj têndaŋguc
naŋ, gebe
Apômtau gêgôm nê gêŋ towae ma ɳaclai
to gêŋsêgageŋ.
- 5 En̄ gêwa biŋ sa aŋga Jakobnêŋ
to kêwaka biŋ sa aŋga Israelnêŋ
ma kêsakin̄ aêacnêŋ mimi
gebe sêſôm lasê êndêŋ nêŋ wakuc.
- 6 Gebe lau wakuc, tanj têndaŋguc êsêac naŋ, sêŋô
ɳawae
ma tauŋ sênaç ɳamiŋ elom nêŋ wakuc.
- 7 Sêŋgôm amboac tonaj̄, go sêkêŋ mateŋ Anôtô to
sêlin̄ gêŋ, tanj en̄ gêgôm naŋ, siŋ atom
ec sêŋgôm ênê biŋsu êtu tōŋ.
- 8 Gebe êsêac têtu gôlôac gêsuŋtêkwa ɳatoŋboa
têtôm nêŋ mimi.
Êsêacnêŋ ɳalêlôm geo gala
ma nêŋ katuŋ kêsap Anôtô tōŋ ɳaŋêŋ atom.
- 9 Epraimnê gôlôac sêpê talam lemen̄ kata,

* **77:20:** Asapnê teŋ.

- mago gêdêŋ siŋ ɻabêc naŋ sêc ɻamelocŋagenj.
- 10 Êsêac sêmasaŋ Anôtônê poac atom
ma sebe sêsa nêŋ lêŋ êtôm ênê biŋsu atom.
- 11 Êsêac sêliŋ ênê gêŋsêga, taŋ gêgôm naŋ siŋ
ma gêŋtalô, taŋ en gêgôm êsêac sêlic naŋ, am-
boac tonanĝenj.
- 12 En gêgôm gêŋsêga êsêac tameŋi sêlic.
Gêgôm aŋga gamêŋ Aiguptu ɻagaboan Soan.
- 13 En gêwa gwêc kêkôc ma kêkêŋ êsêac sêwê sêsep
ŋalunŋenj sêja.
En gêlêc dembom sa kêpi e amboac tuŋbôm.
- 14 En gêwê êsêac ɻa tao gêdêŋ ocsalô
ma ɻa ja gêdêŋ gêbêc.
- 15 En gêga poc kêkôc aŋga gamêŋ sawa
ma kêkêŋ bu kapôéŋ aŋga nom ɻalêlôm gêmêŋ
mêŋsêac sênôm e gêôc êsêac tôŋ.
- 16 En kêkêŋ bu kêpulu aŋga poc ɻalêlôm
ma bu tau gêc ɻasamac laŋgwageŋ kêsa gêja.
- 17 Mago êsêac sêkêŋ sec gêjô geden tôŋgeŋ
ma sêli tauŋ sa gêdêŋ Lôlôc Natau aŋga gamêŋ
sawa.
- 18 Êsêac sêsaê Apômtaugenj sêjac ɻawae
ma sêkapiŋ en gebe êkêŋ mo êndêŋ êsêac êtôm
êsêac tauŋ têntac gêwiŋ.
- 19 Êsêac têtaŋ pêlê Anôtô gebe
“Talic acgom, Anôtô oc êkêŋ mo êndêŋ aêac
aŋga gamêŋ sawa me masi.
- 20 En gêjac poc
e bu keseleŋ ɻasamac laŋgwageŋ kêsa gêja,
ma oc êkêŋ mo to gwada
gebe nê lau sêniŋ amboac tonanĝenj me masi.”

- 21** Apômtau gêjô biŋ amboac tonaj e têtac ɻandaŋ kêsa.
 Énê ja kêsa gebe enseŋ Jakob, ma nê lai kêpoa gebe enseŋ Israel
- 22** kêtu êsêac sêkêŋ gêwiŋ Anôtô atomja ma kêtu êsêac têntac kêpa sugen gebe Anôtô ocgo ênam êsêac sa nec atomja.
- 23** Mago enj kêjatu tao lôlôcŋa
 ma gêlêc undambê ɻakatam su
- 24** ma kêkêŋ mana kêsêlô kêtôm kom gêjac gebe sêniŋ.
 Amboac tonaj enj kêkêŋ mo undambêŋa gêdêŋ êsêac.
- 25** Amboac tonaj êsêac seŋ aŋelanêŋ mo kêtu nêŋ gêj.
 Ma Anôtô kêkêŋ gêdêŋ êsêac kêtôm êsêac têntac gêwiŋ.
- 26** Enj kêkêŋ musalô kêsa umboŋ
 ma ɻaclai ɻatau kêkalem mula gêmêŋ.
- 27** Enj kêkêŋ gwada kêsêlô kêtôm kekop
 ma moc tomagê kêtôm gaŋjac gwêcŋa.
- 28** Enj kêkêŋ kêsêlô kêsêp nêŋ gamêŋ, taŋ sêc naŋ ɻaluŋgen,
 kêgi nêŋ bec, taŋ sêŋgôŋ naŋ auc.
- 29** Seŋ e gêōc êsêac tōŋ ɻanôgen.
 Gêj taŋ teteŋ naŋ, enj kêkêŋ kêlêlêc gêdêŋ êsêac.
- 30** Nêŋ ɻalêlôm kêkac êsêac gêj amboac tonajna
 ma seŋ gêj gêc awerŋen
- 31** e Anôtô têtac ɻandaŋ kêsa gêdêŋ êsêac
 ma gesenj êsêacnêŋ lau ɻactêkwa ɻagêdô su ma gêjac lau Israel nêŋ lau matac ɻagêdô êndu.

- 32 Anôtô gêgôm nê gêj amboac tonaj, mago êsêac
 sêgôm nêj sec sêsin sugen,
 ma sêkêj gêwiñ ênê gêntalô atom.
- 33 Kêtu gêj tonajna tec Apômtau kêkêj êsêacnêj bêc
 gêjaña amboac awenjaô
 ma kêkêj gêj ñaclai sec sep tagenja gesen nañ
 jala sêmoa mateñ jaliña su.
- 34 Gêdêj tañ Anôtô gesen êsêac nañ, gocgo awen
 gêjac ej kétiam
 ma sêjam tauñ ôkwi to sesom ej.
- 35 Ma tañj gêjam nêj lamu Anôtô
 gebe Lôlôc Natau Anôtô kêtû nêj kêsiwaga.
- 36 Mago awenjañ sêsôm biñ dansañ
 ma imbeleñ sêsañ
- 37 gebe nêj ñalêlôm kêsap ej tôj ñajaña atom
 ma sêmasañ ênê poac kêtû anô atom.
- 38 Mago ej taê walô êsêac ma kêsuc êsêacnêj sec
 ôkwi
 ma gesen êsêac tauñ su sêjaña atom.
- Ej gêjam têtac ñandañ tôj gêdêj êsêac
 ma kêkêj nê ñaclai kêtû awê kêpi êsêac
 samucgeñ atom.
- 39 Ej taê gêjam êsêac gebe gêj palê-palê,
 têtôm gêj ñajaô-jaô, tañ êna e êna-ênageñ nañ.
- 40 Sêli awen sa aنجa gamêj sawa gêdêj ej elêmê
 ma sêgôm ênê ñalêlôm ñawapac kêsa.
- 41 Èsêac sêsaê Anôtô todim-todim kêtû gêj wakuc-
 wakucña elêmê
 ma sêgôm Israelnêj Anôtô dabuñ têtac ñandañ
 kêsa.
- 42 Èsêac tañj gêjam ênê lêma ñajaña atom,

sêliŋ bêc, tanj eŋ gêjam êsêac kêsi aŋga nêŋ
nacjonêŋ naŋ sinj.

43 Gêdêŋ tanj gêgôm nê gêntalô aŋga Aiguptu
to gêgôm nê gêhsêga aŋga gamêŋ gaboaŋ
Soanŋa naŋ.

44 Eŋ gêjam nêŋ bu ôkwi kêtû dec
e lau Aiguptu nêŋ bu sênômňa masi.

45 Eŋ kêkêŋ leloŋ taêsam ŋasec gêjac êsêac
to ôpôac, tanj sêgôm êsêac têtû meloc naŋ.

46 Eŋ kêkêŋ moac tamoac seŋ êsêacnêŋ gêŋ ŋanô
aŋga kôm
ma gêŋ, tanj lemen sêgôm ŋakoleŋ elêmê naŋ,
wagô jasesenj su.

47 Eŋ kêkêŋ kompoc gêjac êsêacnêŋ wain ŋamôkê
popoc
ma kom ŋamatu kêtuc nêŋ gêylêwê êndu.

48 Eŋ kêkêŋ kompoc gêjac nêŋ bulimakao
ma ôsic geŋ nêŋ bôc totoŋ su.

49 Eŋ kêbalin nê têtac ŋandaŋ kêpi êsêac ŋawaô.
Eŋ geŋ oliŋ sec e nê ŋalêlôm kêmoatiŋ tôŋ ma
kêkêŋ gêŋwapac sec toŋaê-toŋaê samob.

50 Eŋ kêpô nê têtac ŋandaŋ ŋabênic sugen gêdêŋ
êsêac.
Eŋ kêjaŋgo êsêac katuŋ su atom, gêsiŋ êsêac

sugen sêsep gêmac sec ŋalêlôm séja.

51 Eŋ gêjac ŋapalê ŋamêc samob êndu aŋga Aiguptu,
Lau matac samob nêŋ ŋamêc sêjaŋa aŋga
Hamnê bec.

52 Go gêwê nê lau sêsa sêmêŋ têtôm ŋacgejob gêwê
nê domba
ma gêjam gôliŋ êsêac aŋga gamêŋ sawa kêtôm
domba pom kapôeŋ teŋ.

- 53 Enj gêwê êsêac sêmoa ñajêñgeñ e têtêc tauñ atom,
mago kêkêñ gwêc kêmakop êsêacnêñ ñacio auc.
- 54 Amboac tonañ gêwa êsêac e sêô lasê ênê gamêñ
dabuñ,
sêô lasê lôc, tañ enj lêma anôña kêkôc kêtu nê
gêj nañ.
- 55 Enj gesoc lau samuc sêmuñ-sêmuñ
ma kêkêñ Israelnêñ gôlôacmôkê sêñgôñ lau tau
nêñ gamêñ.
- 56 Mago êsêac sêsaê Lôlôc Natau Anôtô to sêli tauñ
sa ñapañ
ma sêsap ênê biñsu tôñ atom.
- 57 Sêkac tauñ su aنجa ênê ma sêgôm ênê biñ palin
têtôm tameni.
Êsêacnêñ lêñ keso kêtôm talam, tañ sêkêkam
ñasôb mata kôtêñ-kôtêñgeñ nañ.
- 58 Êsêacnêñ sakiñ gamêñ ñabaunja gêgôm enj tê tac
ñandañ
ma nêñ sakiñ anôtôi jabaña kêbôli ênê ñalêlôm
auc.
- 59 Anôtô gêlic e ñalêlôm kêmoatin tôñ
ma kêtîñ Israel su samucgeñ.
- 60 Enj gêwi nê bec aنجa Silo siñ.
Mala tau, tañ enj jagêmoa ñamalac ñalêlôm nañ.
- 61 Enj kêkêñ nê poac ñakatapa,
tañ kêtû ênê ñaclai to ñawasi ñabelo nañ, ñacio
sêkôc sêja.
- 62 Enj gêwi nê lau siñ gêdêñ ñacionêñ siñ
ma nê ñalêlôm kêbôli auc kêtû nê gêñlênsêmja.
- 63 Siñ gesenj ênê lau matac su
ma nêñ lauo takinj sêjam wê ñacña kêtiam atom.
- 64 Siñ gesenj ênê dabuñwaga su

ma sêlôc gêdêj êsêacnêj awêtuc gebe têtanj
tanjiboa kêtû êsêacnja atom.

65 Sêgôm sêmoa e Apômtau mata gêlac kêtôm ñac tenj
gêc bêc e kêlinj tau siñ, go mata gêlac.

Kêtôm ñac sinjêlêc tenj gênôm gêj e kêjaninj ej.

66 Enj gêjac nê ñacio kêsêp dêmôêmuñageñ
ma gêgôm êsêac e majeñ tauñ êndu-êndu.

67 Enj kêtinj Josepnê bec su
ma kêjalinj gôlôac Epraimnja sa atom.

68 Enj kêjalinj gôlôac Judaña sa.
Lôc Sion tau, tanj têtac gêwinj nañ.

69 Enj kêsuñ nê gamêj dabuñ sa kêpi e jakêtôm
undambê.

Gêgôm e gêjac malac su kêtôm nom, tanj êkô
ñêngeñ nañ.

70 Go kêjalinj nê sakijwaga Dawid sa,
kêkôc ej su anja gamêj dombaña.

71 Kêkôc ej anja domba têna to ñalatu nêj
gebe ejop ênê lau Jakob to ênê gêylênsêm Is-
rael.

72 Dawid gejob êsêac toñalêlôm ñañêj
ma gajam gôlinj êsêac ña lêma kwalam lanjwa.

*

79

Mec Anôtô ênam nê lau kêsiña

1 O Anôtô, lau samuc sêso nêm gamêj sêja.

Êsêac seseñ nêm lôm dabuñ ñadabuñ ma sêjamu
Jerusalem e popocgeñ.

* **78:72:** Asap gêga.

- ² Èsêac sêkêj nêm sakiñwaga nêj ñawêlêlañ kêtû moc, tañ sêmoa umboñ ñalabu nañ, nêj gwada.
Sêkêj nêm lau mansañ nêj ñawêlêlañ gêdêj bôc ñaclai.
- ³ Èsêac sêkêc èsêacnêj dec siñ kêtôm bu, sêgôm sêgi Jerusalem auc e kêsô tau
ma ñac teñ gêmoa gebe ênsuñ ñacmatê nañ gêmoa atom.
- ⁴ Aêacma lau malac ñagêdô, tañ dêmôeñ gêjac tauñ nañ, sêsu aêac susu
ma tentenlatu, tañ sêngôj makenj-makenj nañ,
sêlic aêac amboac gêj meloc ma têtañ pêlê aêac.
- ⁵ O Apômtau, oc gobe ôli nêm ñalêlôm sa ñapanj e êndêj ondoc acgom.
Nêm têmtac ñandañ êndañgac-êndañgac amboac jawaô e êndêj ondoc, go êmbacnê.
- ⁶ Ôkêj nêm têmtac ñandañ naêpi lau samuc, tañ sêjam kauc aôm nañ,
to êpi tentenlatu, tañ awenj gêjac nêm ñaê atom nañmañ.
- ⁷ Gebe èsêac sêjac aêacma lau êndu
ma sêgôm nêj malac kêtû gasanj.
- ⁸ Ôkêj tameñinêj sec ñagêjô êpi aêac atom. Taêm labu aêac sebeñmañ
gebe aêac awi atu gwasaê aômña siñ.
- ⁹ O Anôtô, tañ kôtu aêacma kêsiwaga nañ, ônam aêac samanj.
Ôngôm nêm ñaê ñawae êsa.
Ônam aêac sa to ôsuc aêacma biñ ôkwimañ.

Ô̄ngôm êtu nêm waemña.

¹⁰ Amboac ondoc lau samuc sêncac aêac ôkwi gebe
“Lau tônê nêj Anôtô oc gêmoa ondoc.”

Ôkac nêm sakiñwaga, tañ lau samuc sêkêc êsêacnêj
dec siñ nañ,
nêj kamocgôc êndêj aêac mateñjanô alicmarj.

¹¹ Ôkêj tañam lau kapoacwalôja nêj biñ, tañ señ
olin tauñja nañ.

Lêmam ñajañaboa, amboac tonaj ônam lau, tañ
sêkic êsêacnêj biñ gebe sêmac êndu nañ sa.

¹² O Apômtau, aôm ôkêj ñagêjô êpi lau, tañ têtanj
pêlê aôm sêngôj aêacma gamêj ñamadin nañ
acgom.

Ma ôkêj êsêacnêj biñ ñagêjô êtu dim 7.

¹³ Ma aêac tec atu nêm lau to toñ, tañ aôm go-
job êsêac nec, abe anam danje aôm endenj
tôñgeñ,
ma gôlôac to gôlôac sêngôm aôm waem êsa êtôm
têmgeñ.

*

80

Mec gebe Anôtô ênam Israel sa êtiamña

¹ O Israelnêj ñacgejob, tañ gojob Josep kêtôm
domba ñatonj teñ nañ, ôkêj tañam.

Aôm tañ gôngôj kerub ñaô nañ, oc taôm lasê

² êndêj Epraim agêc Benjamin ma Manase.

Ôndi toñaclai mëñônam aêac sa.

³ O Anôtô, ônam aêac sa êtiam.

* **79:13:** Asapnê teñ.

Ôkêŋ laŋômanô mêmêpô aêac gebe ênam aêac sa.

- ⁴ O Apômtau, lausinj undambêŋa nêŋ Anôtô,
nêm lau teteŋ mec elêmê ma aôm gobe ôê
têm tac ŋandaŋ tōŋ e êndêŋ ondocgeŋ.
- ⁵ Aôm kôkêŋ êsêac seŋ mateŋsulu kêtû nêŋ mo.
Aôm kôkêŋ êsêac sênôm mateŋsulu, taŋ kêsêp
laclu e mêmêgêc naŋ.
- ⁶ Aôm kôpô aêac siŋ e tentenŋlatu sêsu aêac susu
ma aêacma ŋacio sêômac aêac.
- ⁷ O Lausinj undambêŋa nêŋ Apômtau, mêmônam
aêac sa êtiam.
Ôkêŋ laŋômanô mêmêpô aêac gebe ênam aêac
sa.
- ⁸ Aôm kôkip wainmôkê teŋ sa aŋga Aiguptu
ma kôjanda lau samuc sêsa gebe ôsê êsêp êsêac
maleŋ.
- ⁹ Aôm kôwaka ŋagamêŋ sa ŋapep,
tec ŋawakac keselenj ŋajam ma gêjam gamêŋ
auc.
- ¹⁰ Ka tau kêkêŋ ajuŋ lôc samob
ma ŋalaka gêjam kaseda kapôeŋ auc.
- ¹¹ Ka tau ketoc laka kêsa e jagêdêŋ gwêc
ma ŋasêli kêpi e jagêdêŋ bu Euprat.
- ¹² Amboac ondoc tec goseŋ ŋatuŋ su.
Lau samob, taŋ sasa intêna tonanj naŋ, oc
sênam geŋgeŋ ŋanô.
- ¹³ Bôcgabuŋ kêsuc popoc
ma bôc saleŋja ŋagêdô seŋ katu nêŋ mo.

14 O lausin̄ undambēṇa nēṇ Apômtau, ômu ômôēṇ
êtiam.

Ôtuc kēniṇ aŋga undambē ma matam e
wainmôkê tau e taêm walô nêm geṇ êtiam.

15 Taêm walô nêm gēṇ, tan̄ lêmam anôṇa kasê naṇ.
ma ɳasâli, tan̄ gôjac kolec naṇ.

16 Nacjo dêdim gêṇgic e ja-gen̄ su.

Laŋômanô ɳajaē êndêṇ êsêac ma onseṇ êsêac su
sênaṇa.

17 Ôkêṇ lêmam eo ɳac, tan̄ kêkô nêm anôṇa naṇ auc.

Eo ɳamalac latu, tan̄ gôlôm eŋ e kêtua kapôēṇ
naṇ auc.

18 Go aêac akac tauṇ su aŋga aômnêm êtiam atom.

Ôkêṇ aêac aŋgôṇ mateṇ jali ma aweṇ êôc
aômnêm ɳaē.

19 O lausin̄ undambê naṇ Apomtau, mêṇônam aêac
sa êtiam.

Ôkêṇ laŋômanô mêṇêpô aêac gebe ênam aêac
sa.

*

81

Wê omṇa to biŋ sênam tauṇ ôkwiṇa

1 Awem êôc Anôtô, tan̄ kêtua aêacnêṇ gêjam-sawaga
naṇ toôndugeṇ.

Awem êôc Jakobnê Anôtô toôndugeṇ.

2 Apuc wê sa ma anac oṇ êtaṇ
ma aŋgôm gêṇ wêṇa tokaiṇ-tokaiṇ êtaṇ.

3 Anac dauc êtaṇ êndêṇ ajôṇ mêṇêô lasê

* **80:19:** Asap ȣewa nê biŋ sa.

ma embe ajôŋ êtu samuc naŋ, anac atanj êtu
nêm om ɿawaeŋa,

4 gebe Israelnêŋ mêtê amboac tonaj.

Jakobnê Anôtô kêjatu nê biŋ amboac tonaj.

5 Kêkêŋ kêtu biŋsu geden Josep gêdêŋ taŋ gebe
ensen Aiguptu naŋ.

Aê gaŋô biŋ samuc teŋ, naŋ tanjocsuŋ gêjac
kwanaŋgen atom naŋ gebe

6 “Aê kajon gêŋwapac su aŋga aôm magim
ma kakêŋ aôm gôwi nêm gadob kômja siŋ.

7 Gêdêŋ tanj kôtap gêŋwapac sa naŋ, awam gêjac aê
ma gajam aôm sa.

Aŋga ɻoc gamêŋ kêjanjaŋ, tanj kasiŋ tau gamoa
naŋ, aê kakêŋ tanjoc aôm. Aŋga bu sêli awen
saŋa Meriba aê kasaê aôm.

8 ɻoc lauac, akêŋ tanjem gabe jalêŋ biŋ amac.
O Israel, tanjam wamu aêmamaŋ.

9 Ônam sakiŋ anôtô jaba teŋ atomanô.

Ma aôm oteŋ mec êndêŋ tentenjlatunêŋ anôtôi
teŋ atom.

10 Aê Apômtau, tec katu nêm Anôtô, tanj gawê aôm
aŋga gamêŋ Aiguptu naŋ.

Ôŋa awamsuŋ kacgeŋ gebe jalôm aôm.

11 “Mago ɻoc lau sêkêŋ tanjeŋ aê atom
ma Israel sêgôm aêŋoc biŋ kêtu tôŋ atom.

12 Tec gawi êsêac siŋ kêtu gêsunjtêkwa ɻatonjña
sêsa nêŋ lêŋ kêtôm êsêac tauŋ nêŋ ɻalêlôm.

13 Ojae ɻoc lau sêkêŋ tanjeŋ aêmaŋ.
Israel sêsa ɻoc lêŋmaŋ.

14 Go jakôniŋ êsêacnêŋ ɻacio tôŋ sebenj

ma jaku êsêacnêŋ ñacjo samob tulu.

15 Èsêac taŋ têntac gedec aê naŋ, oc sewec tonjałêlôm
 ŋatutucgeŋ sêkô aê laŋôcnêm
 gebe nêŋ ŋagêjô oc ênêc enden tôngen.

16 Mago aê gabe jalôm aôm ɳa mo mataêjamgej
ma gabe jakêj lêp anga poclabu êsa wacêlau
aôm.”

82

Anôtô en ηacqôlinṣêqa

¹ Anôtô gêmoa nê lau sêkac tauŋ sa ɳalunŋen.

Eñ kêmêtôc binj gêngôñ gôlinjwaga sêkac tauñ sa
ñalêlôm.

2 “Awi amêtôc kesoña sinman̄

ma akēj êwin lau, taŋ sêkac tauŋ su aŋga
Anôtônê nan, nêŋ bin atom.

³ Amêtôc lau ḥaôm̄a to mosêbu nêñ bin̄ êtu katô

ma anam lau nasec to ɳalêlôm sawa sa.

⁴ Apuc ñac sawa to ñac, tanj kēpô lêna gêñ nanj tōñ.

Ajan̄go eñ su aŋga lau, tan̄ sêkac taun̄ su aŋga
Anôtônê nan̄ lemen̄.

⁵ “Êsêac lau meloc to nêñ kauc masi.

Amacnêm mêtê kêtû sec samucgej ma
bingêdêñ malamê anga nom.

6 Biñjanô, aê tauc kasômgac gebe ‘Amac atu
anôtôigen

ma amac samob atu Lôlôc Natau latuigen.'

⁷ Mago oc amac êndu atôm namalac

ma aku e anaña atôm kasêga sêjana.”

* 81:16: Asapnê ten.

⁸ O Anôtô, ômôêŋ ma ônam gôliŋ nom samucgeŋ
ma tenteŋlatu samob têtu aômnêm gêŋ.
*

83

Tapô lêna takô ɳacjo ɳalêlôm ɳamec

- ¹ O Anôtô, ôngaminj taôm atom.
O Anôtô, ônam taôm tôŋ to awam mêgeŋ atom.
- ² Gôlicgac me, nêm ɳacjo awenj alinj-alonj kêsa sêmoa
ma êsêac, tanj nêŋ ɳalêlôm kêmoatinj tôŋ kêtû
aômnia naŋ, sêsa lanjôŋanô sageŋ.
- ³ Êsêac sêgôm gêŋlêlôm sebe senseŋ nêm lau su
ma sêmoatinj poac sebe senseŋ lau, tanj sê lamu
aôm naŋ.
- ⁴ Êsêac sêsôm gebe “Amêŋ nadanseŋ êsêac su ec nêŋ
teŋ ênêc êtiam atom
ma taêŋ ênam ɳaê Israel êtiam atomanô.”
- ⁵ Biŋjanôgoc, êsêacnêŋ ɳalêlôm tagenj ma sêmoatinj
nêŋ biŋ e gacgeŋ gêc-gêcgeŋ,
sêmoatinj poac gebe senseŋ aôm su.
- ⁶ Lau tanj sêŋgôŋ Edom to Ismaelwaga nêŋ bec
lau Moab to lau Hagar amboac tonanj.
- ⁷ Lau Gebal to Amon ma Amalek,
lau Pilisti to lau Tirusŋa amboac tonanjgenj.
- ⁸ Lau Asuriaŋa sêsap lau tônê ɳai tôŋ.
Lau tonanj ɳai sêpuc Lotnê latui tôŋ.
- ⁹ Onseŋ êsêac êtôm gêmuŋgeŋ goseŋ Midian
ma êtôm goseŋ Sisera to Jabin aŋga bu Kison.
- ¹⁰ Lau tonanj ɳai sêjaŋa aŋga Endor

* ^{82:8:} Asapnê pesalem teŋ.

ma nêŋ ñawêlêlaŋ gêmôb gêc nom.

¹¹ Onseŋ êsêacnêŋ kasêga êtôm goseŋ Oreb ma Seb.
Onseŋ êsêacnêŋ lau towae samob êtôm Seba
agêc Salmuna.

¹² Lau tonaj ñai tec sêjac aweŋ gebe
“Aêac tajaŋgo Anôtônê gamêŋ su.”

¹³ O ñoc Anôtô, onseŋ êsêac êtôm mu kêlai kekop
jagêngôŋ gêŋ êndu
ma êtôm mu kelelo jataê.

¹⁴ Onseŋ êsêac êtôm ja gen oba
ma êtôm jawaô kêdanjgac kêpi lôc.

¹⁵ Nêm gamêŋ kêlaŋgaŋ êtakê êsêac
ma nêm mu-gêbuc êpuc soc êsêac amboac
tonaj.

¹⁶ O Apômtau, ôkêŋ majen êkwa êsêac laŋôŋjanô auc,
ec sensom gebe sênam sakiŋ aôm.

¹⁷ Ôkêŋ êsêac majen to têtakê ñanô
e nêŋ meloco êsa ma sênaŋamaŋ.

¹⁸ Ôŋgôm êsêac amboac tonaj e sêjala gebe aôm
taômgeŋ tec kôtu Apômtau.

Lau nomja samob tetoc aôm sa gebe Lôlôc
Ñatau aôm taômgeŋ.

*

84

Tanam aweŋ su Anôtônê andu ñawê

¹ O lausinj undambêŋa nêŋ Apômtau,
nêm andu e têtac kêsa laŋgwageŋgoc.

² Ñoc katuc gêjam awa su Apômtaunê lôm
ñamalacluŋ

* **83:18:** Asapnê pesalem wêŋa teŋ.

- e taê gêjac tau kêsi-kêsi.
 Ôlic to katuc kêpi-kêpigeñ ma gêjam wê
 kêtu Anôtô mata jalinja.
- ³ O lausinj undambêja nêj Apômtau,
 o ñoc kiñ to ñoc Anôtô,
 kêclêwam kêtap nê andu sa
 ma mocbibi gêjam nê ic gebe êsu ñalatuña gêc
 nêm altar ñagala.
- ⁴ Aoc gêôc lau, tanj sêngôñ nêm andu ñalêlôm
 ma sêlambiñ aôm geden tôñgeñ nañ.
- ⁵ Aê aoc gêôc lau, tanj lanñôj gêlac nêm gamêngeñ
 sêja
 ma nêj ñaclai ñam kêsêp aôm nañ.
- ⁶ Embe nasêsa gaboañ ñakelenja, oc sêngôm
 gaboañ tau êtu gamêj bumataña
 ma komô sauñ êkêj bu ênam gamêj tau auc.
- ⁷ Êsêac sêwê taêñ andanjeñ
 e sêlic Anôtô añga Sion.
- ⁸ O lausinj undambêja nêj Apômtau Anôtô, ôjô ñoc
 mec.
 O Jakobnê Anôtô, ôkêj tañam.
- ⁹ O Anôtô, matam ê aêacma kiñ
 ma matamanô ôlic nêm ñac, tanj sen oso eñ nañ
 lanñôanô.
- ¹⁰ Amoa nêm-malacluñ bêc tagenjeñ
 ñajam kêlêlêc amoa aêacma malac bêc tausen
 su.
- Jajop ñoc Anôtônê andu ñakatam oc êmoasiñ aê
 êlêlêc jañgôñ lau kesowaga nêj bec su ñêñgeñ.
- ¹¹ Gebe Apômtau Anôtô kêtu ñoc ñawasi to lautuc, eñ
 kêkêj moasiñ to wae.

Eŋ oc êŋgaminj gêŋ ŋajam teŋ êndêŋ lau, taŋ sêsa
nêŋ lêŋ laŋôŋnêm sawa naŋ atom.

¹² Lausiŋ undambêŋa nêŋ Apômtau,
aê aoc êôc ŋamalac, taŋ taê kêka aôm naŋ.
*

85

Israel teteŋ gebe Anôtô taê walô êsêac

¹ O Apômtau, aôm kômoasiŋ nêm launêŋ gamêŋ.
Aôm gôjam gêŋwapac, taŋ gêgôm Jakob naŋ
ôkwi.

² Aôm kôsuc nêm launêŋ biŋ ôkwi
ma gôsaŋ êsêacnêŋ geo samob auc.

³ Aôm kôpuc nêm têmtac ŋandaŋ tôŋ
ma gôwi nêm têmtac ŋalakoc siŋ.

⁴ O Anôtô, aêacma kêsiwaga, mêtônam aêac sa êtiam
ma ôwi ôlim ŋakam aêacŋa siŋ.

⁵ Aôm oc gobe têmtac ŋandaŋ êndêŋ aêac enden
tôŋgeŋ me.
Aôm oc gobe ôê têmtac ŋandaŋ tôŋ elom-elom
ma wakuc samob me.

⁶ Aôm oc ôkêŋ aêac asê aweŋ su êtiam
gebe nêm lau ôliŋ êpi êtu aômna êtiam me masi.

⁷ O Apômtau, ôtôc nêm têmtac gêwinj teŋgenja êndêŋ
aêac
ma ôkeŋ aêac awê kaiŋ nêm moasinj.

⁸ Aê gabe janô biŋ, taŋ Apômtau Anôtô tau kêsôm
kêsa awa naŋ.
Eŋ kêsôm biŋmalô
gêdêŋ nê lau, gadêŋ nê lau dabun,

* **84:12:** Kora latui nêŋ pesalem teŋ.

taŋ sêmu dêndêŋ nêŋ lêŋ meloc êtiam atom
nanj.

⁹ Kêdabiŋgac gebe ênam lau, taŋ têtac eŋ nanj, sa
biŋjanôgen
gebe ɻawasi ênam aêacnêŋ gamêŋ auc.

¹⁰ Têtac gêwiŋ teŋgeŋja to biŋ ɻanêŋ oc sêwiŋ tauŋ.
Biŋgêdêŋ to biŋmalô oc sêmbôêŋ tauŋ.

¹¹ Biŋ ɻanêŋ oc êpoa aŋga nom êpi êmêŋ
ma biŋgêdêŋ oc atuc kêniŋ aŋga undambê
asap êmêŋ.

¹² Apômtau oc êkêŋ gêŋ ɻajam
ma naŋ nom ɻanô esewec êlêlêc su.

¹³ Biŋgêdêŋ oc êmuŋ eŋgeŋ
ma biŋmalô oc êpuc eŋ waŋa. *

86

Tapô lêna tauŋ daŋgôŋ ɻamec

¹ O Apômtau, mêmwê taŋjam to ôkêŋ taŋjam aê
gebe aê ɻac sawa gaŋgôŋ jageo.

² Ojop aêŋoc katuc gebe aê ôlic andanj aôm tec
gamoia.
O ɻoc Anôtô, ônam nêm sakiŋwaga, taŋ mata
kêsap aôm naŋ sa.

³ O Apômtau, ɻoc Anôtô, taêm walô aê
gebe aoc gêjac aôm gedenj tôŋgeŋ.

⁴ Ôkêŋ nêm sakiŋwaganê ɻalêlôm êtu samuc.
O Apômtau, aê kasuŋ ɻoc ɻalêlôm sa gêdêŋ aôm.
⁵ Gebe aôm Apômtau, kôtu ɻac gabêjam ma kôsuc biŋ
ôkwi kêlêlêc.

* **85:13:** Kora latui nêŋ pesalem teŋ.

Aômnêm têmtac gêwiŋ teŋgeŋja gêdêŋ lau samob, taŋ aweŋ gêjac aôm naŋ.

6 O Apômtau, ôŋô ŋoc mec.

Wê taŋam ŋoc taŋiboa kapôēŋ.

7 Embe japô lêna, oc aoc ênac aôm gebe aôm oc ôjô aêŋoc mec.

8 O Apômtau, anôtôi nêŋ teŋ kêtôm aôm gêmoa atom.

Ma gêŋ ŋanô teŋ oc êtôm gêŋ, taŋ aôm gôgôm naŋ, atom amboac tonançen.

9 O Apômtau, lau samuc samob, taŋ kôkêŋ êsêac naŋ, oc mêsêpôŋ eñduc êndêŋ aôm.

Ma sêŋgôm nêm ŋaê ŋawae êsa.

10 Gebe aôm taômgeŋ ŋac kapôēŋ tec gôgôm gênsêga. Biŋjanô, aôm taômgeŋ tec kôtu Anôtô.

11 O Apômtau, ôndôŋ nêm lêŋ êndêŋ aê, go taŋoc wamu aôm ŋanêŋgen.

Ôndôŋ aê gebe janam sakin aôm toŋoc ŋalêlôm samucgeŋ.

12 O Apômtau ŋoc Anôtô, gabe aoc êôc aôm toŋoc ŋalêlôm samucgeŋ

ma jaŋgôm nêm ŋaê ŋawae êsa enden tôngen.

13 Gebe aôm têmtac gêwiŋ aê teŋgeŋ.

Aôm kôjaŋgo katuc su aŋga lamboam ŋakêlêndin.

14 O Anôtô, lau teŋbeleŋ aŋgeŋ sêkêli tauŋ gêdêŋ aê

ma ŋaclai totoŋgeŋ dêdib katuc sêmoa

ma êsêac sêsa aôm lanôm sa elêmê atom.

15 O Apômtau, aôm Anôtô taêm labu to kômoasiŋ kêlêlêc.

Aôm ñac gabêjam tec gôê biŋ tōŋ ma nêm têmtac
gêwiŋ teŋgeŋja gêc geden tōŋgeŋ.

16 Ôkac taôm ôkwi ôndêŋ aê ma taêm labu aê.

Najaŋa ñatau, ôpuc nêm sakinwaga tōŋ gebe aê
gajam sakin aôm kêtôm tinoc gêgôm.

17 Ôŋgôm gêntalô teŋ êpi aê gebe jajala nêm moasiŋ.

Ôkêŋ ñoc ñacio sêjala e majen êsa
êndêŋ êsêac sêlic gebe aôm Apômtau tec gôjam
aê sa to gôjam malô aê. *

87

Jerusalem yalambiŋ

1 Apômtau kêkwê nê malac sa kêkô lôc dabunj.

2 Apômtau têtac gêwiŋ Sion ñasacgêdô
kêlêlêc gamêŋ ñagêdô, tanj Jakobnê lau sêŋgôŋ
naŋ su.

3 O Anôtônê malac, ôkêŋ taŋam biŋ tonec,
tanj en kêsôm kêpi aôm naŋ gebe

4 “Aê kasa Aiguptu to Babilon sa gêwiŋ lau-taŋen-
wamu-aêwaga.

Ma lau Pilstia to Tirus ma Aitiopia nêŋ
malacmôkê Jerusalem.”

5 Ma sêsôm êpi Sion gebe lau tokainj-tokainj nêŋ
malacmôkê

gebe Lôlôc Ñatau tau kêpuc tōŋ gebe êkô ñajaŋa.

6 Apômtau eto tentenjlatu nêŋ ñaêmôkê ma êwa êsêac
sa gebe

“Tenenj sêkôc êsêac aŋga Jerusalem, Jerusalem
ñatau êsêac.”

* **86:17:** Dawidnê mec teŋ.

7 Èsêac sênam wê to têtê gebe
“Aôm kôtu ma moasiŋ samob ñamôkê.”
*

88

Nac togêjwapac nê wê kêtaj tauja

1 O Apômtau, taŋ kôtu aêŋoc kêsiwaga to Anôtô naŋ,
aê gamôēc gêdêŋ ocsalô ma aoc gêjac aôm
gêdêŋ gêbêc.

2 Ôŋô ñoc mec
ma wê taŋam ñoc taŋiboa gebe ônam sa.

3 Gebe katuc gêōc gêjwapac e têkwa gêbac
ma kasa paŋ lamboam ñalêndaŋ.

4 Èsêac sêsam aê gawiŋ lau, taŋ sê su sêsep sêlêlôm
sêja naŋ.

Aê katôm ñac, taŋ nê ôliwalô gêjaŋa su naŋ.

5 Aêŋoc mê gêc ñacmatê ñalêlôm
katôm êsêac, taŋ sêjac êsêac êndu sêc sêlêlôm
naŋ.

Lau tonan ñai aôm taêm gêjam êsêac kêtiam atom
gebe lêmam gêjam êsêac sapu sugac.

6 Aôm kôtiŋ aê su kasêp lamboam ñalabuanô gaja,
kasêp gêsuŋbôm ñakêlêndiŋ sec.

7 Aômñem têmtac ñandaŋ kêsac aê êndu.
Ma nêm têmtac ñandaŋ ñadembom samob
kêkôniŋ aê tôŋ.

8 Aôm kôkêŋ ñoc lau mênbaŋ samob sêjac jaê aê
gebe sêlic aê amboac gêŋ ñanô masi teŋ.
Kôlai aê auc, tec gabe jasa e jatuc-jatuc.

* **87:7:** Kora latui nêŋ pesalem wêŋa teŋ.

9 Gaŋgôŋ jageo e matocanô kêtû wao.

O Apômtau, aê aoc gêjac aôm kêtôm bêcgeŋ ma galam lemoc gêdêŋ aôm.

10 Aôm oc ôŋgôm gêŋtalô êpi ɳacmatê me masi.

Êsêac oc dêndi mêsêlanem aôm me masi.

11 Êsêac oc sêncac miŋ biŋ êpi aômnêm têmtac gêwiŋ teŋgeŋja aŋga sêlêlôm me masi.

Oc sênsôm biŋ êpi aômnêm biŋ ɳaŋêŋ aŋga gêŋ gêmôb ɳamala me masi.

12 Êsêac oc sênsôm aômnêm gêŋtalô ɳawae aŋga gêsuŋbôm me masi.

Oc sênsôm nêm biŋgêdêŋ lasê aŋga gamêŋ sêlin tauŋ siŋja me masi.

13 O Apômtau, amboac tonaq aoc gêjac aôm.

ɳoc mec gêdêŋ aôm gêwac kêtôm bêbêcgeŋ samob.

14 O Apômtau, amboac ondoc kôtiŋ aê su ma gôsaŋ laŋômanô auc gêdêŋ aê.

15 Aê tekoc saki masi gêdêŋ ɳapalêgeŋ ma tec gamoa jageo ɳapaŋ.

Aê tekoc gêbac kêtû nêm ɳagêjô ɳawapacŋa.

16 Aôm têmtac ɳandaŋ ɳawaô kêku aê tulu.

Aômnêm gêŋwapac kêtakê aê e katuc uŋ tagen.

17 Kêtôm bêc samob kêkôm aê auc amboac bu ɳasamac

ma gêjam aê auc samucgeŋ.

18 Aôm kôkêŋ ɳoc ɳac to tawaŋ sêjac tauŋ gêŋgic aŋga aêŋoc

ma galic gêsuŋbôm kêtû ɳoc tawaŋ.

*

89

Sêncac mateñ biñ, tañ Anôtô gêjac mata nañ

- ¹ O Apômtau, aê gabe jañga wê êpi nêm têmtac gêwiñ tengeñja endenj tôrgeñ.
Gabe jasôm nêm biñ ñañêñ lasê êndêñ gôlôac e naêsu kwananjeñ.
- ² Aôm tec gôjac mata gebe têmtac gêwiñ tengeñja tau oc ênêc endenj tôrgeñ.
Aôm kôwaka nêm biñ ñañêñ sa ñapep kêtôm, tañ kômasañ undambê nañ.
- ³ Aôm kôsôm gebe “Aê kamoatinj poac gêdêñ ñac, tañ kajalinj ej sa nañ,
ma gajac mata gêdêñ ñoc sakiñwaga Dawid
gebe
- ⁴ ‘Aê jakêñ nêm gôliñ kiñja elom nêm wakuc ñapañ
ma jawaka nêm lêpôñ sa êtôm gôlôac to gôlôac
samob.’ ”
- ⁵ O Apômtau, undambê sêlanem aômnêm gêntalô
ma lau dabuñ, tañ sêkac tauñ sa nañ, awen
gêôc aôm gebe aôm ñac ñañêñ.
- ⁶ Gebe asa oc êtôm Apômtau aña tao lôlôcña
ma anôtôinêñ latuñi asa oc êtôm Apômtau.
- ⁷ Anôtô ñaclai gêngôñ lau dabuñ sêkac tauñ sa
ñalêlôm
ma samob, tañ sêmoa ej lañôanôña nañ, têtêc
ej ñanô.
- ⁸ O Apômtau, lausinj undambêña nêñ Anôtô, asa oc
êtôm aôm.

* **88:18:** Kora latui nêñ pesalem wêñja teñ.

- O Apômtau, aôm ɳaclai sec ma nêm biŋ ɳaŋêŋ
kêkwa aôm auc.
- ⁹ Aôm gôjam gôliŋ gwêc, taŋ kêgasim naŋ.
 Nadembom embe êkuc-êkuc, aôm oc ôŋgôm ɳatip
 êsa.
- ¹⁰ Aôm gôjac gêŋsêga Rahab popoc jamun-
 jamungeŋ.
 Lêmam ɳajaŋa geseŋ nêm ɳacjo êliŋ-êliŋ
- ¹¹ Aôm kôtu undambê to nom ɳatau.
 Aôm kôkêŋ nom samuc to gêŋ samob, taŋ
 gêjam nom tau auc naŋ.
- ¹² Aôm kôkêŋ gamêŋ musaŋgu-m to mula-mŋa.
 Lôc Tabor to Hermon ôliŋ kêpi kêtu aômnêm
 ɳaŋja.
- ¹³ Lêmam dambê ɳactêkwa sec.
 Lêmam ɳajaŋa to kôsuŋ nêm anôŋa sa.
- ¹⁴ Biŋgêdêŋ to biŋ ɳaŋêŋ kêtu nêm lêpôŋ ɳanombaŋ.
 Têmtac gêwiŋ teŋgeŋna to biŋ ɳaŋêŋ gêc aôm
 laŋômnêmna.
- ¹⁵ O Apômtau, aê aoc gêôc lau, taŋ laŋômanô ɳawê
 kêpô ȇsêac
 ma ôliŋ kêpi kêtu aômna naŋ.
- ¹⁶ ȇsêac tapi-tapigen kêtu nêm ɳa ɳapaŋ.
 Ma sêjam lasê kêtu aômnêm biŋgêdêŋja.
- ¹⁷ Gebe aôm kôtu ȇsêac waen to ɳaclai ɳamôkê.
 Aômnêm moasiŋ kêwaka aêacma ɳaê sa e ɳapep.
- ¹⁸ Gebe Apômtau kêtu aêacnêŋ lautuc ɳatau
 ma Israelnêŋ ɳac dabuŋ kêtu aêacnêŋ kiŋ nê
 ɳatau.

Anôtônê biŋ, taŋ gêjac mata gêdêŋ Dawid naŋ

- 19 Gêdêj gêmuñgej aôm gôwa nêm biŋ sa gêdêj nêm
 sakinwaga ḥaŋêj ḥa ḥakatu gebe
 “Aê kakêj sunsuŋ kiŋja gêdêj ḥactêkwa teŋ
 kêkuc ênam lau sa. Aa kakêj lêpôŋ kiŋja
 gêdêj ḥac, taŋ kajaliŋ sa aŋga lau nêŋ naŋ.
- 20 Aê katap ḥoc sakinwaga Dawid sa,
 gaeŋ oso eŋ ḥa ḥoc niptêkwi dabuŋ
- 21 gebe lemoc êpuc eŋ tōŋ endeŋ tōŋgeŋ
 ma lemoc êkêj ḥaclai êndêj eŋ.
- 22 Nê ḥacjo ênsau êôc eŋ êtôm atom
 ma secwaga teŋ êku eŋ tulu atom.
- 23 Aê gabe jansenj ênê ḥacjo popoc sênêc eŋ
 laŋônêmha
 ma janac êsêac, taŋ sêkêj kisa eŋ naŋ êndu.
- 24 Aêŋoc biŋ ḥaŋêj to têtac gêwiŋ teŋgeŋja êpuc eŋ
 tōŋ.
 Aêŋoc ḥaâ oc êsuŋ ênê wae sa.
- 25 Aê jakêj ênê gôlinj ḥamadiŋ
 aŋga gwêc ḥaluŋ e êndêj bu kapôēj Euprat.
- 26 Eŋ oc awa ênac aê gebe ‘Aêŋoc tamoc aôm,
 aôm kôtu ḥoc Anôtô to ḥoc moasiŋ ḥamôkê.’
- 27 Aê gabe jakêj eŋ êtu latuc ḥamêc.
 Eŋ kêtu kiŋ nomŋa nêŋ ḥatau.
- 28 Aê oc jamoasiŋ eŋ endeŋ tōŋgeŋ
 ma matoc êsap ḥoc poac tōŋ ḥajaŋa êtu eŋja.
- 29 Aê gabe jawaka ênê gôlôac nêŋ teŋ sa endeŋ
 tōŋgeŋ gebe êtu kiŋ
 ma ênê lêpôŋ êkô ḥapaŋ êtôm undambê.
- 30 “Ênê latui embe sêwi ḥoc biŋ siŋ
 ma nêŋ lêŋ eso aêŋoc biŋ, taŋ kajatu naŋ,
- 31 ma embe sêŋgôm aêŋoc biŋ êtu meloc

- ma sêkêj taŋeŋ ɳoc biŋsu atom,
 32 oc jai êsêac ɳa palip êtu sêkac tauŋ suŋa
 ma oc janac êsêac êtu nêŋ kwalecŋa.
 33 Mago gabe jaŋgamiŋ ɳoc moasiŋ êndêŋ Dawid
 atom
 ma jansa ɳoc biŋ ɳaŋêŋ auc êndêŋ eŋ atomanô.
 34 Aê gabe jaŋgôm ɳoc poac êtu biŋ lêlêŋa atom
 ma janam biŋ, taŋ aocsuŋ kasôm lasê naŋ,
 ôkwi atom.
- 35 “Aê ɳac dabuŋ, tec katôc lemoc sa kêpi tauc katu
 dim tageŋ
 gebe jansau Dawid teŋ atomanô.
 36 Ènê gôlôac oc sêmoa enden tōŋgeŋ.
 Ènê lêpôŋ êtôm oc, taŋ kêkô aê laŋôcnêm naŋ.
 37 En̄ oc êmoa enden tōŋgeŋ êtôm ajôŋ,
 taŋ kêtôm gêwa-biŋ-tau-sawaga ɳaŋêŋ aŋga tao
 lôlôcŋa naŋ.”

Taŋi kêtu sêku kiŋ tulunja

- 38 Mago galoc aôm kôtiŋ to kômasuc ma têmtac
 ɳandaŋ
 gêdêŋ nêm ɳac, taŋ goeŋ oso eŋ naŋ.
 39 Aôm kôsap poac, taŋ kômoatiŋ gêdêŋ nêm
 sakiŋwaga naŋ tulu
 ma gôgôm ênê sunsuŋ kêtu meloc ma kôpalip
 kêsep lêsap gêja.
 40 Aôm goseŋ ênê tuŋbôm samob êliŋ-êliŋ
 ma kôsiŋ balin̄ ênê malac totuŋbôm e popoc
 jamuŋ-jamuŋgeŋ.
 41 Lau samob, taŋ sêsa tonauŋ sêja-sêmêŋ naŋ,
 sêjaŋgo gêŋ aŋga ênê

nê lau mêmbarj eñ sêsu eñ susu.

- ⁴² Aôm kôkêj lau, tañ sêlêsu eñ nañ, sêku eñ tulu.
 Aôm kôkêj ênê ñacio samob e sêpi-sêpigeñ kêtû eñja.
- ⁴³ Aôm kôkêj eñ gêc tonê siñ ñamatageñ gêja
 ma gêdêj siñ kêsa nañ, kôpuc eñ tõy atom.
- ⁴⁴ Aôm gôgôm e ênê ñawasi gêjaña samob
 ma kôtiñ ênê lêpôj piñpan jagêc nom.
- ⁴⁵ Aôm kôgasuñ ênê bêc ñapalê matacña kêtû dambê
 ma kôkêj maya to ñawapac kêsalê eñ auc.

Mec teñ kêtû Anôtô êjañgo eñ suña

- ⁴⁶ O Apômtau, gobe ônam taôm auc samucgeñ e
 êndêj ondocgeñ acgom.
 Aômnêm têmtac ñandañ ñajawaô êndañgac e
 êndêj ondocgeñ acgom.
- ⁴⁷ O Apômtau, taêm ênam aêac aنجôñ mateñ jali ñam
 ma taêm ênam gebe kôkêj ñamalac samob gebe
 oc sê su sebeñ.
- ⁴⁸ Ñamalac teñ gêmoa ondoc gebe ênam kauc gêmac
 ma êmoa endej tõngeñ.
 Asa oc êjañgo tau nê katu su aنجa lamboam.
- ⁴⁹ O Apômtau, aômnêm têmtac gêwiñ, tañ gôjac mata
 gêdêj andañgeñ tauanô nañ,
 to biñ, tañ aôm ñac biñ ñanjênya gôjac mata kêpi
 Dawid nañ, gêc ondoc.
- ⁵⁰ O Apômtau, taêm ênam nêm sakiñwaga nê
 gêñwapac
 gebe kajala gêc ñoc ñalêlôm amboac tonec
 gebe tentenjlatu samob sêlic aê amboac gêj
 lêlênya teñ.

51 O Apômtau, nêm ɳacjo têtaŋ pêlê
to sêsu nêm ɳac, taŋ goeŋ oso eŋ naŋ, susu
kêtôm nê lêŋ samobgeŋ.

52 Lambin êndêŋ Anôtô enden tōŋgen

Binŋjanô. Binŋjanôgoc.
*

90

BUKU KÊTU ACLÊŋA

Anôtô gêmoa teŋgeŋ ma ɳamalac gêmoa têlageŋ

- 1 O Apômtau, aôm kôtu aêacma lamu.
Gôlôac to gôlôac sê lamu aôm.
- 2 Lôc gêboa tau sa atomgeŋ ma aôm kôkêŋ nom to
ɳagêŋlêlôm samob atomgeŋ,
naŋ aôm Anôtô gômoa teŋgeŋ to teŋgeŋ.
- 3 Aôm kôkêŋ ɳamalac têtu kekop kêtiam
ma kôsôm gebe “O ɳamalac latui, amu ana.”
- 4 Aôm gólic jala tausen kêtôm bêc nôgenja, taŋ
gêjaŋa naŋ,
ma kêtôm ajam jali dambêgeŋ gêdêŋ gêbêc.
- 5 Aôm kôtiŋ aêac su amboac bu lau. Èsêac sêmoa
dambêgeŋ amboac taêc bêc ma taêc mêm
têlageŋ.
Èsêac têtôm oba ɳamêdôb, taŋ kêpuc wakuc
gêdêŋ bêbêcgeŋ naŋ.
- 6 Bêbêcgeŋ kêpuc ɳajam-ɳajamgeŋ
e kêtula ma kêmeliŋ e kêtua masê.

* **89:52:** ɳac Esraŋa Etan nê wê teŋ.

- ⁷ Aôm têmtac ɳandaj kêdanjgac aêac su
ma aômnêm ɳalêlôm kêmoatinj tôj kêtakê aêac
secanô.
- ⁸ Aôm kotoc aêacma geo kêkô aôm laŋômñemjä.
Aôm laŋômanô ɳawê kêpô aêacma sec, taŋ gêc
lêlômgenj naŋ.
- ⁹ Gebe aôm têmtac ɳandaj gêjac aêacma bêc samob
gêngic.
Aêacma jala kêtôm atanj aweŋ kêtu dambê.
- ¹⁰ Aêac amoá mateŋ jali ɳajala jagêdêŋ 70.
Ma embe aŋgôŋ ɳêŋgeŋ, naŋ oc naêndêŋ 80.
Mago jala tau ɳanô gêŋwapac to ɳanômê
ma gê su sebenj amboac moc gêlôb.
- ¹¹ Asa oc taê ênam aôm têmtac ɳandaj ɳanjaclai
ma asa kêtêc têmtac kêbôli auc.
- ¹² Amboac tonaj ôndôŋ aêac gebe asa ma bêc sa
ŋapep
gebe ma ɳalêlôm êjala mêtê tokauc.
- ¹³ O Apômtau, ômu ômôñjmaŋ, gobe ômoa jaêc aêac
e êndêŋ ondocgeŋ.
Taêm walô nêm sakiŋwagamaŋ.
- ¹⁴ Aôm têmtac gêwinj teŋgeŋja êôc aêac tôj êtôm
bêcgeŋ,
ec ôliŋ êpi to têntac ɳajam êtôm ma bêc samob.
- ¹⁵ Ôkêŋ bêc aêacma ɳalêlôm ɳajam êsaŋa e naêtôm
bêc, taŋ kôkôniŋ aêac tôj naŋ,
to êtôm jala, taŋ gêŋwapac kêkôm aêac auc naŋ.
- ¹⁶ Ôwa nêm koleŋ ɳam sa êndêŋ nêm sakiŋwaga
ma ôwa nêm ɳawasi sa êndêŋ êsêacnêŋ ɳapalê
amboac tonanjeŋ.

17 O Apômtau, aêacma Anôtô, nêm moasiŋ mêtjêpi
aêac.
Ônam mec aêacma lemeŋ ñakoleŋ, biŋjanô,
ônam mec ma lemeŋ ñakoleŋmaŋ.

*

91

Tamo Naniniŋ Natau nê ajuŋlabu

- 1** Nac tan gê lamu Lôlôc Nataugen
ma gêngôŋ Naniniŋ Natau nê ajuŋlabu naŋ,
- 2** oc êsôm êndêŋ Apômtau gebe “O ɳoc lamu to ɳoc
laimôkê.
O ɳoc Anôtô, tan taêc kêka aôm naŋ.”
- 3** Gebe eŋ taugeŋ oc êjaŋgo aôm su aŋga ɳac-gêdib-
mocwaga nê lakô
ma ênam aôm sa êndêŋ gêmac sec.
- 4** Eŋ oc êngandê aôm auc ɳa nê magê ma aôm oc
ônica ênê magêlabu ɳajamgeŋ.
Ênê biŋ ɳanjêŋ kêtû lautuc to maluku.
- 5** Aôm oc ôtêc gênsêga gêbêcŋa atom
ma ôtêc sôb, tan gêlôb gêdêŋ ocsalôŋa naŋ,
atom amboac tonanĝen.
- 6** Aôm oc ôtêc gêmac sec, tan kêmoasac tokesecgeŋ
ma ônaŋ gesen lau gêdêŋ ocsalô naŋ, êtap aôm
sa atom amboac tonanĝen.
- 7** Lau tausen, tan sêwiŋ aôm naŋ, embe sênaŋa,
ma tausen to tausen, tan sêmoa kêsi lêmam
anôŋaŋa naŋ, embe sênaŋa naŋ,
mago oc êjac aôm sa.
- 8** Aôm taôm matamanô êpi lau kesowaga

* **90:17:** Anôtônê ɳac Mose nê mec.

ma ôlic ɳagêjô, taŋ oc êtap êsêac sa naŋ.

⁹ Apômtau kêtû aômnêm lamu.

Aôm kôjaliŋ Lôlôc Natau sa gebe êtu nêm laimôkê,

¹⁰ tec oc ôndac gênywapac atom

ma gêj sec teŋ oc êsa nêm bec ɳagala atom.

¹¹ Gebe eŋ oc êsakîŋ nê anjela êtu aômja

gebe sejop aôm aŋga nêm lêŋ samob.

¹² Êsêac oc sêsip aôm sa ɳa lemenj

gebe amkaiŋ êndiŋ êpi poc atom.

¹³ Aôm oc ôsêlêŋ ônjêli lewe to moac.

Aôm oc ôka lewe to moactêna popoc.

¹⁴ Anôtô kêsôm gebe “Aê oc janam lau, taŋ sêsap aê

tôŋ totêntac gêwiŋgeŋ naŋ sa

ma japiŋ êsêac, taŋ sêjala ɳoc ɳaê naŋ auc.

¹⁵ Êndêŋ taŋ awenj ênac aê, oc jakêŋ tanjoc êsêac.

Êndêŋ taŋ sêŋgôŋ naeo, oc jamoa jawinj êsêac
ma janam êsêac kêsi to jatoc êsêac sa.

¹⁶ Aê oc jakêŋ êsêac sêmoa mateŋ jali ɳêŋgeŋ

ma jatôc ɳoc moasiŋ êndêŋ êsêac sêlic.”

92

Wê lambiŋja

¹ Tanam daŋge Apômtau kêtû gêj ɳanô mataêjam.

O Lôlôc Natau, aêac alanem nêm ɳaê.

² Êndêŋ bêbêcgeŋ samob aêac asôm nêm têmtac
gêwiŋ teŋgeŋja lasê

ma êndêŋ êmbêc akêŋ nêm biŋ ɳaŋêŋ ɳawae.

³ Apip gêj wêŋja ɳagam lemelu ma anac
kalinjwaŋsêga êtaŋ

- ma anac gêj wêja ñagêdô amboac tonanjen.
- ⁴ Gebe aôm Apômtau gôgôm nêm gêj ñajam e kêmoasiñ aêjoc ñalêlôm,
tec gajam wê ma katuc samuc nêm lêmam ñakôm.
- ⁵ O Apômtau, aômnêm kôm ñanô kapôêjanô.
Aôm taêm gêjam biñ samob kêsêp lêlôm e jakôkip sa.
- ⁶ Nac tanj nê kauc masi nañ, oc êjala gêj tonanj ñai atomanô.
Ma ñac meloc oc êjala ñam sapu.
- ⁷ Lau tanj sêkac tauñ su aنجa Anôtônê nañ, têtôm gêgwañ ñamêdôb wakuc ñajam, ma lau samob, tanj sêgôm sec nañ, têtôm ka ñaola kësa,
mago oc sêmoa atom, sênaña samucgeñ.
- ⁸ Ma aôm Apômtau oc ônjôgôj nêm lêpôj, tanj kékô lôlôcña nañ,
endenj tôngeñ.
- ⁹ O Apômtau, aômnêm ñacio oc sênaña biñjanô. Nêm ñacio oc sênaña biñjanôgoc.
Aôm oc onseñ lau samob, tanj sêgôm sec nañ, popoc êliñ-êliñ.
- ¹⁰ Aôm gôgôm aê ôlic walô kësa amboac bôc bulimakao kapoac ñaclai teñ.
Aôm goen oso aê ña gêj têtac ñajamña.
- ¹¹ Aê galic sêku ñoc ñacio tulu
ma gañô lau sec sêwakic.
- ¹² Lau gêdêñ sêpoa sêpi amboac nip
ma têtu baliñ kêtôm kaseda Lebanonña.

13 Èsêac têtôm ka, taŋ sêsê kêsêp Apômtaunê andu naŋ.

Èsêacnêŋ ɻaola gêjac lêtêŋ aŋga aêacnêŋ Anôtônê malaclunŋ.

14 Èsêac sêjam ɻanô gêdêŋ taŋ môdê kêpi èsêac naŋ.

Nêŋ ɻatêkwi taêsam ma ɻalaunŋ ɻawawa lanŋwageŋ.

15 Biŋ tonanŋ gêwa sa gebe Anôtô eŋ ɻac ɻanŋêŋ ma biŋ keso teŋ gêc ɻoc lamu atom.

*

93

Anôtô kêtû kinj

1 Apômtau kêtû kinj. Eŋ kêsô ɻawasi kiŋja kêtû nê ɻakwê. Apômtau gêjam gêlôŋ sa ma kajandinŋ ɻaclai kêtû nê ômbiŋkap.

Nac tau gedeŋ nom tôŋ ɻajaŋa gebe wiwic atom.

2 Aômnêm lêpôŋ kékô ɻajaŋa kwanaŋgeŋ gêdêŋ andanjeŋ ma ɻapanj.

Aôm gômoa gêdêŋ têm kêsa atomgeŋ.

3 O Apômtau, bu ɻasamac kêsa, ɻasamac kêsa e ɻadindiŋ ɻanô.

ɻasamac kêsa e gamêŋ gêôŋ-gêôŋ

4 Apômtau lôlôcja kêtû ɻatau ɻajaŋa, eŋ kêlêlêc bu ɻasamac kapôeŋ ɻadindiŋ.

Kêlêlêc gwêc, taŋ kêgasim ɻatêna naŋ su.

5 Biŋ taŋ aôm gôwa sa naŋ, ɻanŋêŋ to biŋjanô.

* **92:15:** Wê Sabatŋa.

O Apômtau, ñamalac tetoc nêm andu sa gebe gamêj dabuñ ma sêngôm endeñ tõngeñ ac-gommianj.

94

Anôtô kêtû lau samob nêj mêtôcwaga

- 1 O Apômtau, aôm kôkac kamocgôc ñatau.
Kamocgôc ñaAnôtô mênô lasê.
- 2 Aôm tañ kômêtôc lau nomña nêj biñ nañ, ôndi samañ.
Ôkêj ñagêjô êndêj lau, tañ tetoc tauñ sa nañ.
- 3 Secwaga tetoc tauñ sa
ma ôliñ kêpi kêtû nêj secña e êndêj ondocgeñ.
- 4 Êsêac sêôm biñ alôb-alôb e awenôpic mêngebôc lañgwagenj.
Secwaga samob sêkêli tauñ ñanô.
- 5 O Apômtau, êsêac sêka nêm lau popoc.
Êsêac sêkoniñ nêm gênlênsêm tôj.
- 6 Êsêac sêgiñ awêtuc to mosêbu êndu
ma sêjac lau jaba, tañ sêmoa aêacma gamêj nañ
êndu.
- 7 Êsêac sêôm gebe “Anôtô oc êlic sapu.
Jakobnê Anôtô kêpuc mata tôj aêac atom.”
- 8 Amac lau meloc, tañ amoá lau ñalêlôm nañ, nêm
kauc êsa acgommanj.
Ma amac lau gêbôc oc êndêj ondoc acgom, go
ajala biñ ñam.
- 9 Nac tau, tañ kékêj aêac tanjeñsuñ kêsap tôj nañ, oc
êjô biñ atom me.

Ma ñac tau, taŋ kékēŋ aêac mateŋjanô naŋ, oc
êlic gamêŋ teŋ sapu me.

10 Nac tau, taŋ gêwa ñamalacnêŋ kauc sa to gêjam
gôlinj tentenŋlatu samob naŋ,
oc êkêŋ ñagêjô atom me.

11 Apômtau tec kêjala biŋ, taŋ ñamalac taêŋ gêjam gêc
nêŋ ñalêlôm naŋ, e jakêkip sa,
mago êsêac tauŋ têtôm awenjaô ñaômá.

12 O Apômtau, aê aoc êôc ñac, taŋ aôm gôjam gôlinj
en naŋ,
to aoc êôc ñac, taŋ aôm gôwa nêm biŋsu sa
gêdêŋ en naŋ.

13 Aôm gobé ômbôc gêŋwapac auc êndêŋ en,
ôŋgôm ômoa e êndêŋ bêc, taŋ sêkwê sê gebe ñac
alôb-alôb êsêp ena naŋ.

14 Apômtau oc êtiŋ nê lau su atom
ma oc êwi nê gêŋlênsêm siŋ atom.

15 Biŋgêdêŋ oc êwaka tau sa anga gamêŋ mêtôcŋa
êtiŋ
ma lau gêdêŋ oc sêpuc biŋgêdêŋ tau tôŋ.

16 Asa oc êpuc aê tôŋ êndêŋ lau secwaga.
Asa oc êkô êwiŋ aê êndêŋ lau alôb-alôb.

17 Apômtau embe ênam aê sa atom,
oc ñoc katuc wanêcgeŋ naêmoa nê gamêŋ
ñaŋeŋ su.

18 Gêdêŋ taŋ katêc tauc gebe janac tauc êndu naŋ,
nêm têmtac gêwiŋ teŋgenja kêpuc aê tôŋ, o
Apômtau.

19 Gêdêŋ taŋ gêŋwapac gêjam ñoc ñalêlôm auc naŋ,
aôm gôjam malô aê e gôgôm aê têtac ñajam kêsa
kêtiam.

- 20** Lau sêmêtôc biŋ kesowaga to êsêac, taŋ sêjam
biŋsu ɻamata ôkwi-ôkwi naŋ,
oc sêwê kaiŋ aôm me.
- 21** Lau tonaj sêkac tauŋ sa gebe sêkic ɻac gêdêŋ nê
biŋ
ma sêmêtôc lau, taŋ nêŋ biŋ masi samucgeŋ
naŋ, gebe sêmac êndu.
- 22** Mago Apômtau tec kêtû ɻoc tuŋtêna ɻajaŋa sec.
Noc Anôtô kêtû ɻoc poc, taŋ gaê lamu naŋ.
- 23** En oc êkêŋ ɻagêjô êndêŋ êsêac êtôm nêŋ biŋ alôb-
alôb ma enseŋ êsêac tauŋ êtu nêŋ secŋa.
Biŋjanô, Apômtau aêacnêŋ Anôtô, oc enseŋ
êsêac su.

95

Talambiŋ Anôtô to tanam sakiŋ eŋ ɻawê

- 1** Amêŋ, talambiŋ Apômtau.
Lasê êtaŋ to têntac ɻajam êndêŋ aêacnêŋ
moasiŋmôkê.
- 2** Aêac todanŋgegeŋ dandêŋ eŋ tawac takô eŋ
laŋônêm.
Tanam wê lambiŋja toaligeŋ.
- 3** Gebe Apômtau eŋ Anôtô kapôeŋ.
En kêtû anôtôi samob nêŋ kinjsega.
- 4** En gêjam gôliŋ nom ɻakêlêndiŋ
to lôc ɻatêpôe samob.
- 5** En kêtû-gwêc ɻatau gebe eŋ kékêŋ.
En kêtû masanŋ ɻatau gebe eŋ kêlêsôb ɻa lêma.
- 6** Amêŋ, tawec ma tateŋ mec êndêŋ eŋ.
Tapôŋ aeŋduc êndêŋ Apômtau, taŋ kékêŋ aêac
naŋ,

⁷ gebe eŋ kētu aêacnēŋ Anôtô ma aêac tatu ênê lau,
taŋ eŋ gejob naŋ, ma domba, taŋ eŋ gêjam
gôlinj naŋ.

Ojae, êndêŋ ocsalô tonec akêŋ taŋem eŋ awa-
maŋ.

⁸ “Aŋgôm nêm ŋalêlôm ŋadani asa êtôm sêgôm aŋga
Meriba,
ma êtôm sêgôm gêdêŋ bêc sêmoa gamêŋ sawa
Masanya naŋ atom.

⁹ Gêdêŋ tonaj Tamemi sêsaê aê.
Aê gagôm ŋoc gêŋ ŋagêdô êsêac tauŋ sêlicgac,
mago sêsaê aê.

¹⁰ Gôlôac tonaj sêgôm aê têtac kêbôli auc kêtôm jala
40 ma aê kasôm gebe’ Êsêac lau tonaj nêŋ
kauc kôlêsa ŋapaŋ
ma êsêac sêkô tauŋ auc gêdêŋ aêŋoc lêŋ.’

¹¹ Amboac tonaj têtac ŋandaŋ ma katôc lemoc kêtu
tôŋ gebe
‘Êsêac oc sêso aêŋoc gamêŋ sêniŋ aweŋja
atomanô.’”

96

Wê lambinjña

¹ Aŋga wê wakuc êpi Apomtau.

Amac lau gamêŋ samobnja, aŋga wê êpi
Apômtau.

² Aŋga wê êpi Apômtau ma awem êôc ênê ŋaê.

Asôm ênê moasiŋ ŋawae lasê êtôm bêc to
elengeŋ.

³ Asôm ênê ŋawasi lasê êndêŋ tentenjlatu
to ênê gêŋsêga êndêŋ lau nomija samob.

- ⁴ Apômtau eŋ ɳac kapôēŋ, amboac tonaj samob
awenj êōc eŋ.
Tatêc eŋ êlêlêc anôtôi samob su.
- ⁵ Gebe tentenjlatu nêŋ anôtôi samob gwamgeŋ.
Apomtau taugeŋ tec kêkêŋ undambê.
- ⁶ Wae to ɳawasi kiŋja kékôm eŋ auc.
Naclai to ɳawasi gêjam ênê gamêŋ dabuŋ auc.
- ⁷ O lau samuc nêŋ gôlôac, atoc Apômtau sa.
Atoc Apômtaunê ɳawasi to ɳaclai sa.
- ⁸ Atoc Apômtaunê ɳâē towae sa.
Asô ênê malacluŋ ana ma ansuŋ da êndêŋ eŋ.
- ⁹ Au taôm anêc Apômtau laŋônêm togêlôŋ
dabungeŋ.
Nom ɳagamêŋ samob, atênenpê êtu eŋja.
- ¹⁰ Asôm biŋ tonec lasê êndêŋ lau samuc gebe
“Apômtau katu kiŋ.
Eŋ kêsuŋ nom ɳam tōŋ ɳajaŋa gebe kôjô-
kôjô atom. Eŋ oc êmêtôc tentenjlatunêŋ biŋ
naêndêŋgeŋ.”
- ¹¹ Undambê atu samuc ma nom têtac wapi,
gwêc tau to gêŋ maten jali samob, tan sêmoa
ŋalêlôm naŋ, ɳadindinj êsa.
- ¹² Kôm to gêŋ kômja samob sênam lasê.
Ka salentênaŋa samob sêmôéc toaligeŋ.
- ¹³ Sêkô Apômtau laŋônêmja gebe eŋ oc êmêŋ.
Biŋjanô, eŋ oc amêŋ gebe êmêtôc nom.
Eŋ oc amêtôc gamêŋ samob ɳa biŋgêdêŋ
to tentenjlatu ɳa nê biŋ ɳaŋêŋ.

97

Anôtô eŋ gôliŋsêga

- 1 Apômtau kêtû kinj. Nom tau ênam lasê toôndugeñ.
Nuc samob, atu samuc.
- 2 Tao ɻamajaŋ kékwa eŋ auc.
Bingêdêŋ to biŋ katô kêtû ênê lêpôŋ ɻanombarj.
- 3 Ja aŋga ênê gêmuŋ-gêmuŋgeŋ.
Ja kêdaŋgac ênê ɻacjo su sêjaŋa.
- 4 Ènê ôsic kêpô nom
ma lau, taŋ sêŋgôŋ nom naŋ, sêlic e têtakê.
- 5 Apômtau gêgôm lôc gêwê e kêtôm lêp
gebe eŋ kêtû lau nomja samob nêŋ Apômtau.
- 6 Undambê sêwaka ênê bingêdêŋ sa
ma tenteŋlatu samob sêlic ênê ɻawasi.
- 7 Lau samob, taŋ sêjam sakiŋ gwam to tetoc tauŋ sa
kêtû nêŋ gwamja naŋ, oc sêkô tomajeŋgeŋ.
Anôtôi samob sêu tauŋ sêc eŋ laŋônêmja.
- 8 Sion gêŋô e têtac ɻajam ma Juda latunjo aweŋ gêôc
toôndugeŋ
kêtû aôm Apômtau, kômêtôc biŋja.
- 9 Gebe aôm, Apômtau, kôtu nom samuc ɻatau
towae.
Aôm kôlêlêc anôtôi samob ɻêŋgeŋ su.
- 10 Apômtau têtac gêwiŋ lau, taŋ sêkêŋ kisa êndêŋ sec
naŋ.
Eŋ tau gejob nê lau mansaŋ katuŋ ma kêjaŋgo
êšéac su aŋga lau geo nêŋ lemeŋ.
- 11 Nawê kêsa gebe êpô lau gêdêŋ
ma têtac ɻajam kêpi êšéac, taŋ nêŋ ɻalêlôm
ɻaŋêŋ naŋ.
- 12 Amac lau gêdêŋ atu samuc Apômtauŋa

ma anam danje eŋ.

98

Anôtô kêtû nom samucgeŋ ñagôliŋwaga

¹ Apuc wê wakuc teŋ sa êndêŋ Apômtau
gebe eŋ gêgôm gêŋsêga.

Ênê lêma anôŋa
to ñaclai ðabuŋ kêku nê ñacio tulu.

² Apômtau kêsôm eŋ kêku ñacio tulu ñawae lasê.
Eŋ geoc nê biŋgêdêŋ lasê gêdêŋ tentenjlatu
samob.

³ Eŋ taê gêjam nê têtac gêwiŋ teŋgeŋja to biŋ ñanjêŋ,
taŋ gêjac mata gêdêŋ gôlôac Israel naŋ.

⁴ Lau gamêŋ samobŋa awem êôc Apômtau
toôndugeŋ.
Anam lasê to apuc wê lambinjña sa.

⁵ Aŋgôm gêŋ wêŋa êtaŋ gebe êŋgôm Apômtaunê wae
êsa.
Aŋgôm ña gêŋ wêŋa ma apuc wê tau sa.

⁶ Anac dauc to posauno êtaŋ.
Awem êôc kiŋ Apômtau toôndugeŋ.

⁷ Gwêc to ñagêŋ samob, taŋ gelec-gelecgeŋ sêmoa
ñjalêlôm naŋ, ñadindiŋ êsa
ma lau samob, taŋ sêŋgôŋ nom auc naŋ, am-
boac tonanjeŋ.

⁸ Bu kapôêŋ ñasamac, amakop lemem.
Lôc samob sêkêli tauŋ sêpi-sêpigeŋ sêkô Anôtô
laŋôgen.

⁹ Sêŋgôm êndêŋ Apômtau gebe eŋ oc mêŋêmêtôc
ñamalac nomŋa nêŋ biŋ.

En̄ oc êmêtôc lau samob, tan̄ sê̄ngô̄ nom auc
nañ̄, ña biñgêdê̄ ma biñkatô.

99

Anôtô eñ̄ kiñ̄ towae

- 1 Apômtau kêtû kiñ̄. Tenteñlatu têtênenêp tauñ̄ êndu-
êndu.
Nê lêpô̄j kêkô kerub nê̄ magê ñaô e nom kôjô-
kôjôgeñ̄.
- 2 Apômtau kêtû ñac kapôeñ̄ aŋga Sion.
En̄ ñatau kêlêlêc tenteñlatu samob su.
- 3 Lau samob sêlambiñ̄ ênê ñaê towae to ñaclai kaiñ̄
teñ̄
gebe eñ̄ ñac dabuñ̄.
- 4 O kiñ̄ tonjaclai,
aôm têmtac gêwiñ̄ biñgêdê̄.
Aôm kôwaka ñagôlin̄ gêdê̄ sa
ma kômêtôc biñ̄ kêtû katô aŋga Jakobnê.
- 5 Atoc Apômtau, aêacnê̄ Anôtô sa
ma au taôm naanêc taoñ̄, tan̄ akain̄ kêka tôñ̄
nañ̄, gebe eñ̄ ñac dabuñ̄.
- 6 Mose agêc Aron têtu ênê dabuñwaga, ma Samuel
gêmoa gêwiñ̄ êsêac, tan̄ awen̄ gêôc ênê ñaê
nañ̄.
Êsêac awen̄ gêjac eñ̄, tec eñ̄ kêkê̄ tan̄a êsêac.
- 7 En̄ gêmoa tao ñalêlôm ma kêsôm biñ̄ gêdê̄ êsêac.
Êsêac sêmasañ̄ ênê biñsu to biñ̄, tan̄ eñ̄ kêjatu
gêdê̄ êsêac nañ̄.
- 8 O Apômtau, aêacma Anôtô, aôm kôkê̄ tan̄am êsêac.

Aôm Anôtô kôsuc êsêacnêj biŋ ôkwi ma gôjac
êsêac kêtû sêgôm kesoŋa.

- ⁹ Atoc aêacnêj Apômtau Anôtô sa ma au taôm
naanêc ênê lôc dabuŋ ɣalabu
gebe aêacnêj Apômtau Anôtô eŋ ɣac dabuŋgoc.

100

Wê lambiŋja

- ¹ Amac lau gamêj samobŋa, lasê êtaŋ totêmtac
ŋajam êndêj
- ² Apômtau. Anam sakiŋ Apômtau toôlim êpigeŋ.
Mêŋjakô eŋ lanjônêm toôndugeŋ.
- ³ Ajala Apômtau gebe eŋ Anôtô.
Eŋ kékêj aêac tec tatu ênê gêj. Aêac tatu ênê
lau to toŋ, taŋ eŋ gejob naŋ.
- ⁴ Awê asô ênê sacgêdô ana todanje ma asô ênê lôm
dabuŋ ɣamalacluŋ toôndugeŋ.
Anam danje eŋ to awem êôc ênê ɣaê.
- ⁵ Gebe Apômtau eŋ ɣac gabêjam, ênê moasiŋ oc ênêc
teŋgenj
ma ênê biŋ ɣaŋêj ênêc teŋgenj to teŋgenj.
- *

101

Kin gêjac mata biŋ

- ¹ Aê gabe jaŋga wê api moasiŋ to bingêdêj.
O Apômtau, aê gabe janam wê êndêj aômgeŋ.
- ² Aê gabe jasa lau lanjônêm sawa nêŋ lêŋ
Aôm oc ôndêŋ aê ômôeŋ êndêŋ ondoc.

* **100:5:** Pesalem danjeŋa teŋ.

Aê gabe janjôŋ ñoc andulêlôm
toñoc ñalêlôm ñawagenj.

³ Aê gabe matoc êndij
gêj eso atom.

Aê jakêj kisa êndêj êsêac, taŋ sêkac tauŋ su aŋga
Anôtônê.
Biŋ amboac tonaj êtap aê sa atom.

⁴ Ñalêlôm keso ênac jaê aê.

Aê gabe janam kauc gêj sec.

⁵ Aê gabe janseŋ lau,
taŋ sêgôliŋ biŋ sacgeŋ kêpi nêŋ lau sackapoa
gêdô gêdêj tauŋ naŋ.

Lau teŋbeleŋ aŋgeŋ ma êsêac, taŋ nêŋ ñalêlôm
kêkiaŋ tauboa naŋ,
galic êsêac keso ñoc ñalêlôm.

⁶ Matoc gê lau, taŋ sêgôm nêŋ gêj ñaŋêŋgeŋ naŋ,
gebe sêmoa sêwiŋ aê.

Lau tolaŋôjnêm sawa
oc sênam sakinj aê.

⁷ Nac teŋ embe ênam biŋ dansaŋ ña lêmagenj
oc êngôŋ ñoc andu atom.

Matoc geso lau,
taŋ sêsôm biŋ dansaŋ sêmoa naŋ.

⁸ Lau samob, taŋ sêgôm biŋ alôb-alôb naŋ,
janseŋ êsêac su aŋga gamêŋ tonec êtôm bêcgeŋ.

Ma lau samob, taŋ sêgôm sec naŋ,
oc janseŋ êlinj-êlinj aŋga Apômtaunê malac.

*

* **101:8:** Dawidnê pesalem teŋ.

102

Nac matac tonê ɻalêlôm ɻawapac nê mec

¹ O Apômtau, ôkêj taŋam ɻoc mec
 ma ôkêj ɻoc taŋiboa e wacdingeŋ aôm.

² Étôm ɻasawa, taŋ ɻoc ɻalêlôm ɻatutuc naŋ,
 Ônsaŋ laŋômanô auc êndêŋ aê atom.

Wê taŋam aê.

Étôm ɻasawa, taŋ jamôēc naŋ, ôkêj taŋam aê
 ɻagaôgeŋ.

³ Ojae, ɻoc bêc gêōj sa katôm jadaŋ
 ma ɻoc ɻatêkwa ɻandaŋ kêtôm ja geŋ gêmoa
 ɻalêlôm.

⁴ Aêŋoc ɻalêlôm kêsêlic e kêtû masê amboac gêgwaŋ
 ma gêgôm aê e kalinj tauc sinj ma gaen gêŋ
 atom.

⁵ Kasê aoc jamêc-jamêc
 e ɻoc ɻamêšôm gedec ɻatêkwa.

⁶ Aê katôm moc gwêcŋa, mago jagamoa gamêŋ
 sawa.
 Aê katôm mocki gêmoa gamêŋ gasaŋ.

⁷ Aê gabe janêc bêc e gagôm jageo ma kataŋ tauc.
 Aê katôm moc ɻanô kêsu tageŋ, taŋ gêŋgôŋ nip
 naŋ.

⁸ Noc ɻacio sêsu aê susu kêtôm bêcgeŋ.

Êsêac taŋ sêkêli taŋ kêtû aêŋa naŋ, sêpuc
 boageŋ gebe aê janajamaŋ.

⁹ Ojae, aê gaen wao kêtû ɻoc mogoc
 ma gabe janôm gêŋ, naŋ ganôm matocsulu
 toôŋ-toôŋ

¹⁰ kêtû aôm têmtac ɻandaŋ to nêm ɻalêlôm kêmoatinj
 tôŋya

- gebe aôm gôc aê sa ma kôgôndij aê.
- 11 Aêjoc bêc kêtôm katuŋ kêtû balinj.
Ojae, aêma kamêliŋ amboac gêgwaŋgoc.
- 12 Mago aôm Apômtau, tec kôtu kiŋ gôŋgôŋ nêm
lêpôŋ geden tôŋgen
ma gôlôac to gôlôac tetoc aômnêm ñaâ sa.
- 13 Aôm oc ôndi ma taêm walô Sion gebe ñanoc aôm
taêm walôna kêdabiŋgac.
Ñanoc tau mëŋkêsa su.
- 14 Aômnêm sakiŋwaga têntac gêwiŋ Sion tau ñaalê
ma nêŋ ñalêlôm kêmoatiŋ tôŋ kêtû gamêŋ tau
ketocŋa.
- 15 Ec lau samuc oc têtêc Apômtaunê ñaâ
ma kiŋ nomŋa samob têtêc nêm ñawasi.
- 16 Biŋjanô, Apômtau oc êkwê Sion sa êtiam.
Eŋ oc eoc tau lasê tonê ñawasi.
- 17 Eŋ oc êkac lanjôanô ôkwi êndêŋ lau, tanj sêjac
kapoac êsêac naŋ, nêŋ mec
ma êmbôc tanjasuŋ auc êndêŋ êsêacnêŋ tanjiboa
atom.
- 18 Biŋ tonaj ñai teto ênêc e lau wakuc sêlic
gebe lau, tanj teneŋi sêkôc êsêac su atomgen
naŋ, awenj êôc Apômtau.
- 19 Gebe eŋ gêjam tuc aŋga nê lôlôc dabuŋ
gebe Apômtau kêtuc kêniŋ aŋga undambê
kêsep nom gêmêŋ
- 20 gebe êkêŋ tanja êndêŋ lau kapoacwalôŋa nêŋ olinj
ma êŋgamboac lau, tanj têtu lau gêbac naŋ, su
sêmoa mateŋ jali.
- 21 Gebe sêšom Apômtaunê ñaâ lasê aŋga Sion
ma nê wae aŋga Jerusalem.

- 22 Sêngôm êndêŋ taŋ tentenlatu sêkac tauŋ sa naŋ,
 ma kiŋnêŋ lau sebe sênam sakiŋ êndêŋ
 Apômtau amboac tonanj.
- 23 Aê kasa ŋoc lêŋ gamoa e eŋ gêgôm aêŋoc ŋaclai
 kêtu goloŋ.
 Eŋ gêjam aêŋoc bêc gaŋgôŋ matoc jaliŋa su kêtu
 dambê,
- 24 e galoc kataŋ gebe “Noc Anôtô, ôkaja aêma êndêŋ
 ŋoc bêc ŋalunŋeŋ atom
 gebe aôm kôtu têm teŋgeŋ to teŋgeŋ ŋatau.”
- 25 Andaŋgen tauanô gôjac m nom
 ma undambê kêtû lêmam ŋakôm.
- 26 Geŋ tonanj ŋai oc sênaŋa ma aôm oc gacgeŋ ômoa.
 Gêŋ tonanj ŋai samob oc têtu manê amboac
 ŋakwê.
 Aôm oc ôjô gêŋ tau êtôm tajô ŋakwê
 ma aôm oc ônam gêŋ tau tonanj ôkwigenj.
- 27 Mago aôm ômoa amboac gômoa enden tôŋgeŋ
 ma nêm jala oc ŋatêku êsu atom.
- 28 Aômnêm sakinwaga nêŋ latuŋi oc tec sêmoa nêŋ
 ôliŋ ŋajamgeŋ
 ma nêŋ gôlôac oc sêmoa aôm lanjômnêmja
 ŋapaŋ.
 * lêna tau êndu-êndu naŋ, nê taŋiboa gêdêŋ
 Apômtau kêtû nê kwalecja.

103

Talambin Apômtaunê moasinj

¹ O katuc tau, ôlanem Apômtau

* **102:28:** Pesalem dambu tauŋja kêtû lemenṭenja. Ɂac taŋ kêpô

ma aêñoc ñalêlôm samucgeñ, êlanem ênê ñaê dabuñ.

² O katuc tau, ôlanem Apômtau
ma ôliñ ênê moasiñ samob, tanj gêjam aôm sa nanj, siñ atom.

³ Gebe enj tec kêsuc aômnêm biñ samob ôkwi
to gêgôm aômnêm gêmac samob ñajam kêsa.

⁴ Enj gêjam aôm kêsi aنجga sec
ma kêkêñ têtac gêwiñ teñgeñja to taê walô kêtu sunsuñ gêdêñ aôm.

⁵ Aôm gôngôgôñ ênê moasiñ ñaô kêtôm têm gômoa nomña.
Amboac tonaj tec gômoa ôlim matac kôtôm momboaq.

⁶ Apômtau kêwaka biñgêdêñ sa
to kêwaka lau samob, tanj kêkôniñ êsêac tôñ nanj, sa amboac tonanjeñ.

⁷ Enj gêwa nê lêñ sa gêdêñ Mose
ma Israel latuñi sêlic ênê gêñsêga.

⁸ Apômtau kêtu taê walô to moasiñ ñam.
Enj têtac ñandañ gaôgeñ atom ma têtac gêwiñ teñgeñja gêjam sêga.

⁹ Enj oc êli biñ lanjwa sa elêmê atom
ma ê têtac ñandañ tôñ ênêc ñapañ atom.

¹⁰ Enj gêjac aêac kêtôm nêñ sec atom
to kêkêñ ñagêjô gêdêñ aêac kêtôm nêñ geo atom.

¹¹ Ênê têtac gêwiñ teñgeñja gêdêñ lau, tanj têtêc enj nanj kapôêyanô,
kêtôm ñasawa, tanj geñ umboñ to nom gêñgic nanj.

- 12 Nasawa taŋ eŋ kékēŋ geŋ aêac to nêŋ geo gêŋgic
naŋ,
kêtôm Ijasawa, taŋ geŋ oc kêpi to oc kêsêp gêŋgic
naŋ.
- 13 Apômtau taê walô nê lau, taŋ têtêc eŋ naŋ,
kêtôm tama teŋ taê walô nê ɣapalê.
- 14 Gebe eŋ kêjala aêac ôliŋ ɣam su
eŋ kêjala gebe aêac kekop ɣaômá.
- 15 Namalacnê bêc kêtôm gêgwaŋ
to kêtôm ɣaola, taŋ kékô obalêlôm naŋ.
- 16 Mu embe êsêlêŋ naêpi, oc malamê eb tagen
e talic êtiam atom.
- 17 Mago Apômtaunê têtac gêwiŋ tengeŋja gêdêŋ lau,
taŋ têtêc eŋ naŋ, gêc tengeŋ to tengeŋ
ma ênê moasiŋ naelom gôlôac to gôlôac.
- 18 Biŋ tonaj kêpi lau, taŋ sêmasaŋ ênê poac
to taêŋ gêjam ênê biŋsu gebe sêngôm êtu tôŋja
naŋ.
- 19 Apômtau kêsa nê lêpôŋ sa kékô undambê.
Eŋ kin gêjam gôliŋ gamêŋ samob.
- 20 Amac ênê aŋela to ɣaclaisêga, taŋ akêŋ taŋem ênê
biŋ to atu ênê jaeŋwaga naŋ,
alanem Apômtau.
- 21 Amac lausinj undambêŋa samob to ênê
sakiŋwaga, taŋ agôm ênê biŋsu kêtu tôŋ
naŋ,
alanem Apômtau.
- 22 Amac ênê gêŋ samob, taŋ kékêŋ gêc gamêŋ
samob, taŋ eŋ gêjam gôliŋ naŋ, alanem
Apômtau.
O katuc tau, ôlanem Apômtau.

*

104

Apomtau gejob nê gêŋ, taŋ eŋ kékéŋ naŋ

- 1 O katuc tau, ôlanem Apômtau. O ɳoc Apômtau
Anôtô, aôm ɳac kapôdêŋgoc.
Aôm kôsô ɳawasi kiŋja to ɳaclai kêtû
nêm.ɳakwê.
- 2 Aôm gôi taôm auc ɳa ɳawê kêtû nêm gadê.
Aôm gôlam undambê kêtôm becobo.
- 3 Aôm gôjac nêm andu ɳademboŋ tôŋ tamiŋ bu.
Tao kêtû nêm kareta ma gôŋgôŋ mu ɳamagê
ɳaô.
- 4 Aôm kôkêŋ mu kêtû nêm jaeŋwaga.
Aôm kôkêŋ ôsic towaô kêtû nêm sakirŋwaga.
- 5 Aôm kôsuŋ nom ɳaalê kêsêp ɳêŋgeŋ gêja, tec kékô
ɳajaŋa,
amboac tonan oc wiwic atomanô.
- 6 Aôm kôkêŋ gwêc kékwa nom tau auc kêtôm ɳakwê
ma bu tau kêpoac e kélélêc lôc su.
- 7 Aôm goec biŋ bu, tec gê su.
Aôm gôjac wapap kêtan, tec kêtaiŋ tau su gêja.
- 8 Aôm kôkêŋ lôc kêpi ma gaboaŋ gênê kêsêp gêja
e kêtôm ɳamadiŋ, taŋ aôm kôtôc naŋ.
- 9 Aôm kôtôc bu tau ɳamadiŋ gebe êŋgêli atom
gebe bu tau ênam nom samucgeŋ auc êtiام
atom.
- 10 Aôm kôkêŋ bumata kêpulu kêsa gaboaŋ
ma bu tau keselen kêsa lôc ɳasawageŋ gêja.
- 11 Gêŋ mateŋ jali saleŋja samob sênôm.

* **103:22:** Dawidnê teŋ.

Bôcgabuŋ sênôm e gêôc êsêac tôŋ.

¹² Moc taŋ sêmoa umboŋ ɳalabu naŋ, sêjam sac sêŋgôŋ ɳalêndaŋ.
Sêjam nê wê kêtaŋ kêsa ɳalaka ɳasawa.

¹³ Aôm kôkêŋ kom aŋga nêm andu lôlôcŋa mêtikêmålôm lôc.

Aôm gôjam kôm ɳamoasiŋ gêôc tôŋ.

¹⁴ Aôm kôkêŋ gêgwaŋ kêpi gebe bôc sêniŋ ma gêŋ tolauŋ gebe ɳamalac sênam ɳakôm e têtap gêŋ sêniŋŋa sa aŋga nom

¹⁵ to wain gebe êŋgôm ɳamalacnêŋ ɳalêlôm ɳajam êsa ma niptêkwi gebe êŋgôm ɳamalacnêŋ laŋôjanô sênic-sênic êsa.

¹⁶ Kaseda Lebanonŋa sênôm bu e gêôc êsêac tôŋ.
Ka tau Apômtaunê ka, taŋ tau kêsê naŋ.

¹⁷ Moc sêjam ic sêŋgôŋ ka tau
ma boaloc gêjam sac gêŋgôŋ kêmêsic.

¹⁸ Lôc balin kêtu noniŋ gêbôm nêŋ gamêŋ
ma mojaŋ têkam sê lamu ɳapoclabu.

¹⁹ Aôm kôkêŋ ajôŋ gebe êtôc têm ɳanoc.
Oc tau kêjala ɳanoc naêşepŋa.

²⁰ Aôm kôkêŋ ɳakesec, tec gêbêcauc,
go gêŋ saleŋŋa samob oliŋ palê êsa.

²¹ Lewe matac têtaŋ sebe sêniŋ nêŋ gwada,
sêjatu nêŋ mo aŋga Anôtônê.

²² Oc embe êpi, oc têtainŋ tauŋ su
nasêsa tauŋ sic sêñêc nêŋ gêsuŋ.

²³ Go ɳamalacgeŋ êsa naênam nê kôm,
êŋgôm nê gêŋ êmoa e êmbêcauc.

- 24 O Apômtau, aômnêm kôm taêsam ñanô lasê.
 Aôm kômasan gêj tau samob tomêtêgej ma
 aômnêm gêj, taŋ kôkêj naŋ, gêjam nom auc.
- 25 Gwêc tau képoac ñatapa kêsô gedec laŋwageŋ.
 Gêj mateŋ jali sauŋ to kapôeŋ e gelec-
 gelecgeŋ.
- 26 Waŋ sêselêŋ sêmoa
 ma gasu-gasu, taŋ kôkêj naŋ, gêjam nê ôwê
 gêmoa.
- 27 Gêj tonaj ñai samob sêoŋ aômgeŋ
 gebe aôm oc ôkêj nêŋ mo êtôm ñanocgeŋ.
- 28 Aôm embe ôkêj, oc sejoŋ sa.
 Aôm embe ôlam lêmam, oc ñanô ñajam êôc êsêac
 tôŋ.
- 29 Aôm embe ônsan laŋômanô auc, oc têtakê.
 Aôm embe ôkôc êsêac awenjaô su, oc sêmac
 êndu ma têtu kekop êtiام.
- 30 Aôm embe ôkêj awamjaô, oc mateŋ jali êsa.
 Aôm gôjam nom laŋô ôkwi kêtu wakuc.
- 31 Apômtaunê ñawasi oc ênêc teŋgeŋ.
 Apômtau oc êtu samuc nê gen, taŋ kékêj naŋ.
- 32 Eŋ mata gê nom, tec kékôtêŋ tau.
 Eŋ lêma kêmoasac lôc, tec ñajadaŋ kêsa.
- 33 Aê gabe jaŋga wê êpi Apômtau êtôm ñoc bêc
 jaŋgôŋ matoc jali samob.
 Aê jaŋga wê lambiŋja êndêŋ ñoc Anôtô êtôm
 ñoc têm, taŋ jamoa naŋ.
- 34 Eŋ êŋô aêŋoc wê ñajammaŋ
 gebe Apômtau gêgôm aê têtac ñajam kêsa.

35 Lau secwaga sênaŋa aŋga nom ma lau, taŋ sêkac tauŋ su aŋga Apômtaunê naŋ maleŋmê.

O katuc tau, ôlanem Apômtau. Aleluja.

105

Anôtô kêmoadsiŋ Israel ḥanô

1 Anam daŋge êndêŋ Apômtau, awem ênac ênê ḥaâ.

Anam ênê gêŋ, taŋ gêgôm naŋ, ḥawae êsa êndêŋ tenteŋlatu.

2 Anam wê êpi eŋ to anam wê lambiŋja êndêŋ eŋ.

Anam ênê gêŋsêga samob ḥawae êsa.

3 Atoc taôm sa êtu ênê ḥaâ dabuŋja.

Êsêac taŋ sesom Apômtau naŋ, ôliŋ êpi e tapi-tapigeŋ.

4 Apuc Apômtau to nê ḥaclai ḥam.

Ansom ênê laŋôanô endeŋ tōŋgeŋ.

5 Taêm ênam ênê gêŋsêga, taŋ eŋ gêgôm naŋ.

Taêm ênam ênê gêŋtalô to biŋ, taŋ awasun kêmêtôc naŋ.

6 Ênê sakijwaga Abraham nê latui amac.

Jakobnê latui tec kêjaliŋ amac sa.

7 Eŋ Apômtau, aêacnêŋ Anôtô.

Eŋ nom samucgeŋ ḥatau.

8 Eŋ taê gêjam nê poac geden tōŋgeŋ.

Eŋ taê gêjam nê biŋ, taŋ gêjac mata kêpi gôlôac to gôlôac ḥêŋgeŋ su naŋ.

9 Eŋ taê gêjam poac, taŋ kêmootin gêdêŋ Abraham naŋ,

ma biŋ, taŋ kêtôc lêma gêdêŋ Isak ma kêsôm kêtû tōŋ naŋ.

- 10 Biŋ tonaq eŋ kēsōm kētu tōŋ gebe êtu Jakobnê
biŋsu
ma kētu Israelnê poac ênēc tengeŋja.
- 11 Gêdêŋ taŋ eŋ kēsōm gebe “Aê gabe jakêŋ gamêŋ
Kanaan êndêŋ aōm,
nom taŋ gajac sam kētu aōmnêm gêŋlênsêm
naŋ.”
- 12 Gêdêŋ taŋ êsêac lau luagêcgeŋ sêmoa naŋ,
amboac lau jaba aŋga gamêŋ tau.
- 13 Êsêac aŋga lau teŋ jaselom lau teŋ
ma aŋga gamêŋ teŋ jasêpi gamêŋ teŋ.
- 14 Ma eŋ gêlôc gebe lau teŋ sêkôninj êsêac tōŋ atom
ma gec biŋ kiŋ ŋagêdô kētu êsêacŋa.
- 15 Eŋ kēsōm gebe” Amoasac ŋoc lau, taŋ gaeŋ oso
êsêac naŋ atom
ma atu kasec aēŋoc propete atom.”
- 16 Gêdêŋ taŋ Apômtau kēsakinj tōbôm kêsa nêŋ
gamêŋ
ma gebe enseŋ ŋamalac ôliŋ ŋasenjeŋ mo samob
su naŋ,
- 17 eŋ kēsakinj ŋac teŋ nê ŋaê Josep gêmuŋ êsêac,
taŋ lau teŋ sêjam ôli eŋ amboac gêŋôma teŋ
naŋ.
- 18 Sêkapiŋ ênê akaiŋ tōŋ ŋa ka
ma sêšô eŋ gêsutêkwa tōŋ ŋa kapoacwalô.
- 19 Eŋ gêmoa amboac tonaq e biŋ, taŋ kēsōm lasê
naŋ ŋanô kêsa,
go Anôtônê biŋ kêwaka eŋ sa.
- 20 Gocgo kiŋ kékêŋ lau jasêgaboac eŋ su.
ŋac taŋ gêjam gôlinj lau jaba taêsam naŋ,
kêlêwaŋ eŋ jagêmoa nê tauŋa.

- 21 Nac tau kékēj ej kêtû ênê andu ñatau
ma gêjam gôlinj ênê waba samob.
- 22 Kékêj ej gebe ênam gôlinj ênê kasêga êtôm nê
ñalêlôm taê gêjam
ma êndôj mêtê êndêj ñac tau nê gôlinjwaga
towae.
- 23 Go Israel gêja Aiguptu.
Ma Jakob gêngôj gamêj tonaj kêtû wakac.
- 24 Gêdêj tonaj Apômtau kêsuj nê lau sa e têtu
taêsam.
Kêsuj êsêac sa têtu dani sêlêlêc nêj ñacjo, tanj
sêlêsu êsêacña nañ.
- 25 Go gêjam lau Aiguptu nêj ñalêlôm ôkwi e sêkêj
kisa gêdêj nê lau
ma sêgôm Anôtônê sakinjwaga kwalec.
- 26 Tec kékêj nê sakinjwaga Mose
agêc Aron, tanj kêjalin ej sa nañ.
- 27 Nac ulu tonaj sêgôm ênê gêntalo anja lau tau nêj
ma sêgôm gênsêga anja lau Aiguptu nêj
gamêj.
- 28 Ej kékêj gêsunjbôm to gêgôm gamêj ñakanuc kêsa,
mago êsêac sêkêj tanjej ênê bij atom.
- 29 Ej gêjam êsêacnêj bu ôkwi kêtû dec
ma kékêj êsêacnêj i sêmac êndu.
- 30 Ej kékêj ôpôac seola gamêj auc
e sêso nêj kinj nê balêm ñalêlôm sêja.
- 31 Ej kêjatu ma dañguc topom-topom Aleluja.
sêmêj.
Kawanj sêjam êsêacnêj gamêj samob auc.
- 32 Ej kékêj kompoc kêtuc êsêac
ma ôsic kêkac kêpô gamêj gêjô kom su.

- 33 Kom tau gêjac êsêacnêj aiŋ to jambô
ma gêjac êsêacnêj gamêj ɻaka popoc.
- 34 En kêjatu ma wagô sêmêj.
Wagô wakuc taêsam ɻalâlêma atom.
- 35 Gêj tonaj ɻai seŋ gamêj tonaj ɻagêj tolaun
samob
ma seŋ êsêacnêj kôm ɻanô su.
- 36 Go gêjac lau nêj ɻacmêc samob êndu aŋga nêj
gamêj,
gêjac êsêacnêj lau matac ɻamêcgoc.
- 37 Ma kêkêj nê lau sêwê tosilber ma goldgeŋ sêja.
Ma ênê lau tau nêj teŋ kêsêlêj gêbôc-gêbôc
atom.
- 38 Aiguptu sêlic êsêac sêc sêja, gocgo nêj ɻalâlôm
kêlêwaŋ tau
gebe têtêc êsêac ɻanô.
- 39 En kêkêj tao teŋ kêgadê êsêac
ma jawaô gebe êpô êsêac êndêj êmbêc.
- 40 Êsêac teteŋ, go eŋ kêkêj kembico sêmêj
ma kêpuc êsêac tôŋ ɻa mo kêsêp aŋga undambê.
- 41 En gêga poc kêkôc ma bu kasa
e keseleŋ kêsa gamêj sawa kêtôm bu kapôeŋ
- 42 gebe eŋ taê gêjam nê poac dabuŋ.
En taê gêjam nê sakinwaga Abraham.
- 43 Amboac tonaj eŋ gêwê nê lau sêsa sêja.
Ma êsêac sêjam wê totêntac ɻajamgeŋ.
- 44 En kêkêj lau samuc nêj gamêj gêdêj êsêac
ma êsêac sêwê kaiŋ lau tau nêj awa to waba
kêtu nêj gêj
- 45 gebe êsêac sêmansaŋ ênê biŋsu
ma sêŋgôm biŋ, taŋ eŋ kêjatu naŋ, êtu tôŋ.

Aleluja.

106

Anôtô kêmoadisj nê lau

¹ Aleluja.

Anam danje êndêŋ Apômtau gebe eŋ gabêjam.

Ênê moasiŋ oc ênêc teŋgeŋ biŋŋanôgoc.

² Asa kêtôm gebe êsôm Apômtaunê gêjsêga lasê tomalagenj

ma asa oc êngôm ênê wae êsa naêtôm.

³ Aê aoc êôc êsêac, tanj sêsap biŋgêdêŋ tōŋ
ma sêmasaŋ biŋgêdêŋ geden tōŋgeŋ naŋ.

⁴ O Apômtau, taêm ênam aê êtôm, tanj taêm walô nêm
lau naŋ.

Mêŋônâm aê aoc sumaŋ

⁵ gebe jalic lau, tanj kôjalin êsêac sa naŋ, sêmoa nêŋ
ŋajam ma êmoasiŋ ŋoc ŋalêlôm
gebe têtac ŋajam êsa êtu nêm lau têntac ŋajamŋa
ma jamoa ôlic êpigēŋ êtu nêm gêŋlênsêmŋa.

⁶ Aêac to ma mimi agôm secgoc.

Aêac agôm keso to geogoc.

⁷ Ma mimi sêmoa Aiguptu ma tetoc aômnêm
gêjsêga sa atom, ac taêŋ gêjam nêm moasiŋ,
tanj gêjam êsêac auc naŋ atom.

Êsêac gêsuŋtékwa ŋatoŋ kêsa gêdêŋ Lôlôc Natau
aŋga Gwêckoc,

⁸ mago eŋ gêjam êsêac sa kêtû nê ŋaêŋa
gebe êwaka nê ŋaclai sa ŋamalac sêlic.

⁹ Eŋ kêsaic biŋ kêpi Gwêckoc e ŋakeleŋ kêsa.

- 10 Enj gêwê nê lau sêselêj selom ñamaken amboac
sêmoa gamêj ñakelen.
- 11 Nadembom kêsin lau, tañ sêlêsu êsêac nañ auc
e ñanô kêsu teñ kêsêp siñsawa atom.
- 12 Gêdêj tonaj sêkêj gêwiñ ênê biñ
ma sêjam wê lambinjña kêpi ej.
- 13 Mago êsêac sêlinj ênê gênsêga sinj sebenj
ma seseñ ênê gôlinj popoc.
- 14 Êsêac sêkêj gêwiñ nêj ñalêlôm ñakalac aنجa
gamêj sawa
ma sêsañ Anôtô aنجa gamêj ñagêlêj.
- 15 Tec ej kêkêj gêj, tañ êsêac têtanj nañ,
mago kêkêj gêmac sec geseñ êsêac.
- 16 Aنجa gamêj becñja êsêac sêjam lêmuñ Mose
ma sêgôm Anôtônê dabuñwaga Aron amboac
tonaŋgeñ.
- 17 Tec nom gêñac ma kêdaŋgôj Datan
ma kêmakop toñ Abiramjña auc.
- 18 Ja kêsa aنجa êsêacnêj toñ ñalêlôm
e jawaô genj alôb-alôbwaga su.
- 19 Êsêac sêmasaŋ nêj bulimakao ñakatu gold teñ
aنجa Sinai
ma sêjam sakinj ñakatu gold tau.
- 20 Ma sêkêj bôc, tañ senj gêgwanjña nañ, nêj teñ
ñakatu
gêjô nêj Anôtô nê ñawasi su.
- 21 Êsêac sêlinj nêj gêjam-sawaga Anôtô,

taŋ gêgôm gêŋsêga aŋga Aiguptu naŋ siŋ.

22 Nac tau gêgôm gêŋtalô aŋga gamêŋ tonan̄,
gêgôm gêŋ ŋaclaisêga aŋga Gwêckoc.

23 Amboac tonan̄ Anôtô kêsôm gebe
enseŋ nê lau su.

Mago nê sakiŋwaga Mose, taŋ Anôtô kêjaliŋ eŋ sa
naŋ,
kêkô Anôtônê têtac ŋandaŋ auc gebe enseŋ
êšêac su atom.

24 Go sêkêŋ gêwiŋ biŋ, taŋ eŋ gêjac mata naŋ atom
ma sêbu gamêŋ ŋajam tau.

25 Êšêac têtu dindin̄ biŋ kêtôm nêŋ beclêlômgen̄
ma sêkêŋ taŋeŋ Apômtaunê awa atom.

26 Tec eŋ gêôc lêma sa ma kêsôm kêtu tôŋ gebe
enseŋ êšêac aŋga gamêŋ sawa.

27 Go êta êšêacnêŋ wakuc êliŋ-êliŋ sêšêp tenten̄latu
ŋalêlôm
e sêmac êndu aŋga gamêŋ jaba.

28 Go êšêac sêsap Bal Peor tôŋ
ma sen̄ gwam matê ŋada.

29 Êšêac sêgôm gêŋ amboac tonan̄ e sêgôm Apômtau
têtac kêbôli auc
ma gêmac sec teŋ gêgôm êšêac.

30 Go Pinehas gêdi ma kêmêtôc êšêac
e gêmac sec gêôŋ sa.

31 Nac tau gêgôm nê gêŋ amboac tonan̄ tec lau sêlic
eŋ amboac ŋac mansaŋ
ma gôlôac to gôlôac taêŋ gêjam eŋ geden̄
tôŋgeŋ.

- 32 Go sêgôm Anôtô têtac ɳandaŋ kêsa aŋga bu
 Meriba
 e Mose kêtap ɳagêjô sa gêjô êsêac.
- 33 Êsêac sêgôm Mosenê ɳalêlôm gêôŋ eŋ sa sec
 e kêsôm biŋ tokauc masi.
- 34 Israel seseŋ lau samuc
 kêtôm Apômtau kêsakiŋ êsêacŋa atom.
- 35 Êsêac sêjam tauŋ
 e têtêku lau samuc naŋ lêŋ jaba.
- 36 Ma sêjam sakinŋ êsêacnêŋ gwam,
 tec kêtô lakô gêdêŋ êsêac.
- 37 Êsêac sêkêŋ latuŋio to ɳac têtu da
 gêdêŋ lau samuc nêŋ ɳalau sec.
- 38 Êsêac sêkêc lau tobiŋmê nêŋ dec siŋ gebe sêkêŋ
 latuŋio to ɳac kêtô da gêdêŋ Kanaannêŋ
 gwam.
 Sêgôm amboac tonanŋ tec seseŋ nom ɳadabuŋ
 su.
- 39 Êsêac sêjac môp tauŋ tec sêkac tauŋ su aŋga
 Anôtônê.
 Êsêac sêgôm nêŋ gêŋ amboac tonanŋ tec seseŋ
 poac popoc.
- 40 Go Apômtau têtac ɳandaŋ kêsa gêdêŋ nê lau
 gebe nê ɳalêlôm kêmootiŋ tau tôŋ kêtô nê
 gêŋlênsêmŋa.
- 41 Eŋ gêwi êsêac siŋ sêsep lau samuc lemenŋ,
 tec lau, tanŋ sêkêŋ kisa êsêac naŋ, sêjam gôlinŋ
 êsêac.
- 42 Nêŋ ɳacjo sêkoniŋ êsêac tôŋ
 e sewec sêsoŋ ɳacjo lemenŋ ɳalabu samucgenŋ.
- 43 Apômtau gêjam êsêac sa kêsêp ɳasawa ɳapanŋ,

mago êsêac gêsuntêkwa ñatoŋ ma nêŋ sec gêjam
sêga e kêkôniŋ êsêac tōŋ.

⁴⁴ Tagen gêdêŋ taŋ têtaŋ tauŋ gêdêŋ eŋ naŋ,
Apômtau kékêŋ taŋa to taê walô êsêac kêtua nêŋ
gêŋwapacŋa.

⁴⁵ Eŋ taê gêjam nê poac, taŋ kêmootiŋ kêtua êsêacŋa
naŋ,

ma taê walô êsêac kêtua nê têtac gêwiŋ teŋgeŋja.

⁴⁶ Ma kékêŋ êsêac, taŋ sêwê êsêac sêŋgôŋ
kapoacwalô naŋ,
nêŋ ñalêlôm taêŋ walô êsêac.

⁴⁷ O Apômtau, aêacma Anôtô, ônam aêacmêŋ sa
ma ônac aêac sa aŋga lau samuc nêŋ êtiŋ
gebe aêac anam daŋge êndêŋ aomnêm ñaê dabun
ma têntac ñajam êsa êtu nêm waemŋa.

⁴⁸ Aweŋ êôc Apômtau Israelnêŋ Anôtô êndêŋ galoc
to enden tōŋgeŋ,
ma lau samob sêlôc gebe “Biŋjanô.”

Aleluja.

107

BUKU KÊTU LEMENYENYA

Apômtau gêjam aêac sa

¹ “Anam daŋge êndêŋ Apômtau gebe eŋ ñac
gabêjam,
ênen moasinj ênêc teŋgeŋ biŋjanô.”

² Lau taŋ Apômtau gêjam êsêac kêsi ma kêjanggo êsêac
su aŋga gêŋwapac naŋ,
sêšom amboac tonan.

- ³ Lau taŋ eŋ gêjac êsêac sa sêmêŋ aŋga oc kêpi to oc
kêsep ma aŋga musaŋgu-m to mula-m naŋ,
sêsmôm amboac tonan.
- ⁴ Nêŋ lau ŋagêdô seo sêmoa gamêŋ sawa, taŋ intêna
masianô naŋ,
ma têtap malac sêŋgôŋya teŋ sa atomanô.
- ⁵ Mo to bu gêjô êsêac
e katuŋ tekwen gêbac.
- ⁶ Gêŋwapac tonan gêgôm êsêac e awen gêjac Anôtô,
tec gêjam êsêac sa aŋga nêŋ ŋandaŋ tau
- ⁷ ma gêwê êsêac katôgen
e sêô lasê malac teŋ ma sêŋgôŋ.
- ⁸ Êsêac sênam danje êndêŋ Apômtau êtu ênê têtac
gêwinj teŋgeŋja
ma êtu ênê gênsêga, taŋ gêgôm gêdêŋ ŋamalac
latuŋi naŋja,
- ⁹ gebe eŋ kêlau êsêac, taŋ bu gêjô êsêac naŋ,
ma kêkêŋ gêŋ ŋajam gêôc êsêac, taŋ mo gêjô
naŋ tôŋ.
- ¹⁰ Nêŋ lau ŋagêdô sêŋgôŋ gêsuŋbôm to ŋakesec,
sêlai êsêac tôŋ ŋa ki sêŋgôŋ jageo
- ¹¹ gebe êsêac sêli awen sa gêdêŋ biŋsu
ma sêbu Lôlôc Natau nê biŋ.
- ¹² Koleŋ ŋajaŋa kêkôniŋ êsêac e tekweŋ gêbac.
Êsêac sêu tauŋ jasêc ma nêŋ gêjam-sawaga masi.
- ¹³ Gêŋwapac tonan gêgôm êsêac e awen gêjac
Apômtau,
tec eŋ gêjam êsêac sa aŋga nêŋ ŋandaŋ tau.
- ¹⁴ Eŋ gêwê êsêac sêsa aŋga gêsuŋbôm to ŋakesec
ma kêsaic nêŋ kapoacwalô gêŋgic.

- 15 Lau tonan̄ awen̄ êôc Apômtau êtu ênê têtac gêwin̄ tengeñja
 ma êtu ênê gênsêga, tan̄ gêgôm gêdêj ñamalac latuñi nañja,
- 16 gebe eñ kêtuc katam ki popoc
 ma kêtuc balan̄ ki tulu.
- 17 Nêj lau ñagêdô têtap gêmac sa kêtu nêj secña
 ma sêôc ñandañ kêtu nêj geoña.
- 18 Lau tonan̄ nêj ñalêlôm gedec gêj tanin̄ja samob e sêsa pañ lêndañ sêmac ênduja.
- 19 Gêñwapac tonan̄ gêgôm êsêac ma awen̄ gêjac Apômtau,
 tec eñ gêjam êsêac sa aنجa nêj ñandañ tau.
- 20 Eñ kêsakiñ nê biñ gebe êngôm êsêac ñajam êsa
 ma kêjañgo êsêac su aنجa sê.
- 21 Lau tonan̄ awen̄ êôc Apômtau êtu ênê têtac gêwin̄ tengeñja
 ma êtu ênê gênsêga, tan̄ gêgôm gêdêj ñamalac latuñi nañja.
- 22 Êsêac sêkêj da danje
 ma sêsôm ênê gêj, tan̄ gêgôm nañ, lasê êsêp wê têntac ñajamija.
- 23 Nêj lau ñagêdô sêlac sêsa gwêcô sêja
 sebe têtulu gêj aنجa gwêc sawa.
- 24 Êsêac sêlic gêj, tan̄ Apômtau gêgôm nañ,
 to ênê gênsêga gwêc sawaña.
- 25 Gebe eñ kêjatu e mu gêbuc
 ma gêli gwêc ñadembom kapôeñ sa.
- 26 Gwêc tau kêsuñ êsêac sa sêpi e jadêdêj undambê,
 go gêu êsêac sêsep e gacgen̄ sêsep gwêclêlôm sêja.

- Ma gêgôm êsêac e atêŋ uc-ucgeŋ.
- 27 Êsêac katuŋ kêlau e sêku amboac bu kêjaŋinj êsêac
ma nêŋ meloco kêsa samucgeŋ.
- 28 Gêŋwapac tonanj gêgôm êsêac e awenj gêjac
Apômtau,
tec eŋ gêjam êsêac sa aŋga nêŋ ŋandaŋ tau.
- 29 Eŋ gêgôm mutêna kêtu malô
ma kêkêŋ bênoŋ kêsêp
- 30 e êsêac têntac ŋajam kêsa gebe gwêc kêtu malô,
go gêwê êsêac sêso lêlôm, taŋ sepeŋ naŋ sêja.
- 31 Lau tonanj awenj êōc Apômtau êtu ênê têtac gêwinj
teŋgeŋja
ma êtu ênê gêŋsêga, taŋ gêgôm gêdêŋ ŋamalac
latuŋi naŋja.
- 32 Êsêac tetoc eŋ sa aŋga gôlôac ŋalêlôm
ma sêlanem eŋ aŋga laumatanêŋ sêkac sa
ŋalêlôm.
- 33 Eŋ gêjam bu ôkwi kêtu gamêŋ sawa
ma bumata kêtu gamêŋ kelenj.
- 34 Nom ŋalêsi ŋajam kêtu mēcgauc
kêtu lau, taŋ sêŋgôŋ naŋ, nêŋ geoŋa.
- 35 Go gêjam gamêŋ sawa ôkwi kêtu bugêjactonj
ma gamêŋ kelenj kêtu bumata.
- 36 Ma eŋ kêkêŋ gamêŋ tau gêdêŋ lau, taŋ mo gêjô
êsêac naŋ sêŋgôŋ,
go sêkwê nêŋ malac sa gebe sêŋgôŋja.
- 37 Êsêac sêjam nêŋ kôm to sêšê kôm wainnja
e gêjam ŋanô gêōc tau tôŋ-tôŋ.
- 38 Eŋ gêjam mec êsêac têtu lau taêsam
ma kêkêŋ nêŋ bôc ŋalêlêma atom.

- 39 Gêdêŋ taŋ gêŋwapac kêkôniŋ êsêac e sêpô lêna
 tauŋ êndu-êndu
 ma nêŋ gêŋ ñajam kêtaiŋ su e têtu wapi naŋ,
 40 eŋ kêsêwa majen kêpi kasêga
 ma kékêŋ êsêac seo sêmoa gamêŋ sawa naŋ,
 intêna masi.
 41 Mago eŋ gêōc ñac ñalêlôm sawa sa aŋga gêŋwapac
 ñalêlôm
 ma gêjac ênê gôlôac sa têtu kapôeŋ.
 42 Lau mansaŋ sêlic e têntac ñajam kêsa
 ma gêjac lau secwaga samob nêŋ lêñô auc.
 43 Lau tokauc taêŋ ênam biŋ tonan
 ma sêjala Apômtaunê têtac gêwiŋ tengeŋja
 ñanô.

108

*Mec Anôtô ênam aêac sa aŋga ñacjo nêŋ
 (Pes 57:7-11; 60:5-12)*

- 1 O Anôtô, ñoc ñalêlôm kêpa su gabe janam wê to
 jangôm gêŋ wêŋa êtaŋ.
 O katuc tau, ôndimaŋ.
 2 Gêŋ wêŋa totau-totau, andi.
 Aê gabe jaŋu gamêŋ kelenden sa.
 3 O Apomtau, aê gabe jalanem aôm aŋga lau
 ñalêlôm.
 Aê gabe aoc êôc aôm aŋga tentenlatu ñalêlôm.
 4 Gebe aômnêm têmtac gêwiŋ tengeŋja kêpi-kêpi e
 jagêdêŋ undambê
 ma aômnêm biŋ ñaŋêŋ kelendeŋ tau e jagêdêŋ
 tao.
 5 O Anôtô, ôsuŋ taôm sa e êndêŋ undambê ñaô
 ma nêm ñawasi ênam nom samuc auc.

- 6** Ôkêj tanjam aêac ma ônam nêm lau, tanj têmtac
gêwiŋ êsêac naŋ sa.
Nêm anôŋa eŋgeŋ aêac sa.
- 7** Nac dabuŋ Anôtô kêsôm aŋga nê gamêŋ dabuŋ
gebe
“Aê jawa Sikem êkôc-êkôc totêtac ɳajamgeŋ ma
janac sam gaboaŋ Sukot êndêŋ ɳoc lau.
- 8** Gilead to Manase kêtu ɳoc gamêŋ.
Epraim kêtu môkêcapac ɳakululuŋ ki to Juda
kêtu ɳoc tôc gôliŋja.
- 9** Moab kêtu ɳoc laclu jakwasiŋ taucŋa.
Aê jambaliŋ ɳoc atapa êpi Edom ma ɳoc dimai
êpi Pilistinêŋ gamêŋ.”
- 10** O Anôtô, asa oc êwê aê jandêŋ malac totuŋbôm
ɳajaŋa jana.
Asa oc êwê aê najaô lasê Edom.
- 11** O Anôtô, aôm oc gôwi aêac siŋ
ma kôtu aêacma lausinj nêŋ laumata atom me.
- 12** Ônam aêac sa êndêŋ ɳacjomaŋ
gebe ɳamalac oc sênam aêac sa êtôm atom.
- 13** Anôtô êwiŋ aêac, go danseŋ ɳacjo alinj-êlinj.
Eŋ taugenj tec oc êka aêacnêŋ ɳacjo popoc.
*

109

Nac-gêmoa-gêŋwapac-ŋalêlôm nê tanj

- 1** O Anôtô, aê aoc gêôc aôm,
amboac tonaj ônam taôm tôŋ aê atom,

* **108:13:** Dawidnê pesalem teŋ. Wê teŋ.

- ² gebe lau alôb-alôb to lau dansanj sêŋja aweŋ gêdêŋ
aê
ma sêgôlinj binj kêpi aê.
- ³ Nêŋ biŋ têntac ɻandaŋ secŋa kêkôm aê auc
ma sêjac aê ɻam mêtgeŋ.
- ⁴ Aê kateŋ mec kêtû êsêacŋa.
Aê têtac gêwiŋ êsêac, mago sêjam kisa aê.
- ⁵ Aê kamoasinj êsêac, mago sêkêŋ sec gêjô
Aê têtac gêwiŋ êsêac, mago sêkêŋ kisa aê.
- ⁶ Ôkêŋ ɻac alôb-alôb teŋ êmêtôc ɻoc ɻacjo
ma nê ɻacjo teŋ êŋgôlinj binj êpi eŋ.
- ⁷ Êsêac sêmêtôc eŋ ma sêkip ênê keso sa
ma ɻac tau nê mec êtu nê sec.
- ⁸ Ênê bêc êŋgôŋ mata jaliŋa êtu dambê
ma nê sakiŋ elom ɻac teŋmaŋ.
- ⁹ Ênê ɻapalê têtu mosêbu
ma nê awê êtu awêtuc.
- ¹⁰ Ênê ɻapalê sêmoa nêŋ alê katuc ɻagala atom,
sensom mo ma teteŋ sêôŋ-sêôŋgeŋ.
- ¹¹ ɻac sec tau, tanj launêŋ tôp gêc eŋ naŋ, nê waba
samob êpêla tau su
ma lau jaba sêjaŋgo ênê kolenj ɻanô su.
- ¹² Enj êtap nê ɻac taê walô eŋja teŋ sa atomanô
ma lau teŋ sênam jaom ênê mosêbu atom.
- ¹³ Ênê wakuc samob sêmac êndu
ma sênam kauc dêbuŋinêŋ ɻaê samucgeŋmaŋ.
- ¹⁴ Apômtau taê ênam ênê mimi nêŋ keso
ma êsuc tênanê sec ôkwi atomanô.
- ¹⁵ Apômtau taê ênam nêŋ sec endeŋ tôŋgen
ma enseŋ lau sec tonaj nêŋ ɻaê su samucgeŋ
e sêliŋ siŋ aŋga nom.

- 16 Gebe ɳac tau taê gêjam têtac gêwiŋ lauŋa atom.
 Ej kêjanda lau sêŋgôŋ jageoŋa to lau
 ɳalêlômsawa ma lau sêpô lêna tauŋja e
 sêmac êndu.
- 17 Ej têtac gêwiŋ gebe êpuc boa lau amboac tonan
 sêpuc boa ej tau.
 Ej têtac gedec moasiŋ, tec moasiŋ ênac jaê ej.
- 18 Biŋ kêpuc boanja kêkôm ej auc amboac kêsô
 ɳakwê.
 Gêŋ tau tonan êsêli ênê ôlilêlôm popoc am-
 boac bu ma êndançugc ênê ɳatêkwa amboac
 niptêkwiman.
- 19 Biŋ kêpuc boanja tonan kêtôm obo, tanj ej gêjac
 naŋ,
 ma kêtôm ômbiŋkap, tanj kêjandiŋ geden ej tôŋ
 naŋ.
- 20 Apômtau oc êŋgôm aêŋoc soŋo-soŋo
 to êsêac, tanj sêšôm biŋ sec kêpi aê naŋ, amboac
 tonanjeŋmaŋ.
- 21 Ma aôm Apômtau, ɳoc Anôtô, mêŋômoa ôwiŋ aê
 êtu nêm ɳaŋja
 ma ônam aê sa êtu nêm têmtac gêwiŋ teŋgeŋja.
- 22 Gebe aê ɳac ɳalêlôm sawa kapô lêna
 ma aêŋoc ɳalêlôm popoc jamuŋ-jamuŋgen.
- 23 Aê ôlic kêtaiŋ e kêtôm katuŋ kêtû baliŋ su.
 Aê katôm siob, tanj mutêna kêdaba piŋpaŋ.
- 24 Aê gajam dabuŋ mo e ocmatu kêtû goloŋ
 ma ôlic kêtû sec e ɳatêkwa kêsa awê samob.
- 25 Èsêac sêkêŋ aê katu êsêacnêŋ gêŋ lêlêŋa teŋ
 ma têdaiŋ gêsuŋ kêtû aêŋa.
- 26 O Apômtau, ɳoc Anôtô, mêŋôpuc aê tôŋ.

Ônam aê sa êtu nêm têmtac gêwiŋ aê ɻanôgeŋja.

²⁷ Ôkêŋ ɻoc ɻacjo sêjala gebe aôm lêmam gôjam aê sa.

Aôm Apômtau gêjam gôliŋ amboac tonangetj.

²⁸ Èsêac sêpuc boa aêmaŋ, mago aôm ônam mec aê.

Èsêac taŋ sêjanda aê naŋ, sêkumaŋ gebe aômnêm sakiŋwaga aê jamoa totêtac ɻajamgeŋ.

²⁹ Majenj êtu ɻoc soŋo-soŋonêŋ ɻakwê

ma èsêac sênaç biŋ majeŋja êtu nêŋ obo.

³⁰ Aoçsuŋ ênam daŋge kapôeŋ êndêŋ Apômtau.

Aê jalambiŋ eŋ jamoa launêŋ sêkac sa ɻalêlôm,

³¹ gebe eŋ kêkô ɻac ɻalêlôm sawa nê anôŋa

gebe ênam eŋ sa êndêŋ èsêac, taŋ sebe senseŋ
eŋ su naŋ.

*

110

Apômtau agêc nê kinj, taŋ geŋ oso eŋ naŋ

¹ Apômtaunê biŋ gêdêŋ ɻoc Apômtau gebe

“Mêŋôŋgôŋ aêŋoc anôŋa

e jakêŋ nêm ɻacjo

sênenç amkainj ɻalabu acgom.”

² Apômtau êkêŋ nêm gôliŋ ɻaclai esewec aŋga Sion
ma ésa êna êtu tapa.

Ônam gôliŋ nêm ɻacjo.

³ Èndêŋ bêc, taŋ aôm ônac nêm ɻacjo naŋ,

nêm lau sêwiŋ aôm sênaç ɻawaegelj.

Êtôm nop êpoac bêbêc kanucgeŋ

aômnêm lau mata sêwac èndêŋ aômnêm lôc
dabuŋ.

* **109:31:** Dawidnê pesalem teŋ.

⁴ Apômtau kêtôc lêma sa su
ma oc enseŋ nê biŋ atom gebe
“Aôm kôtu ɳac dabuŋsêga ômoa teŋgeŋja
kôtôm Melkisedek tau.”

⁵ Apômtau kêkô aômnêm anôŋa.
Êndêŋ ênê bêc têtac ɳandaŋja oc êku kiŋ samob
tulu.
⁶ Eŋ oc êmêtôc tentenŋlatunêŋ biŋ ma êkêŋ nêŋ
ŋacmatê sênam gamêŋ auc.
Eŋ ênac lau môkêŋ êkôc aŋga gaboaŋ tapa.
⁷ Kiŋ oc ênôm bu, taŋ kêpoac gêdêŋ intêna ɳatali naŋ,
amboac tonanŋ tec êsa môkêapac sageŋ.
*

111

Aweŋ êôc Anôtô êtu êmoasiŋ ôliŋ to katuŋja

¹ Aleluja.

Aê gabe janam danŋe Apômtau toŋoc ɳalêlôm
samucgeŋ.

Janŋôm amboac tonanŋ aŋga lau mansaŋ to
gôlôac ɳalêlôm.

² Apômtau gêgôm gêŋsêga kapôeŋ.

Êsêac samob, tanŋ têntac kêkac êsêac kêtu gêŋ
tonanŋja naŋ, sêpuc gêŋ tau ɳam.

³ Nawasi to ɳaclai gêjam samob, taŋ eŋ gêgôm naŋ
auc
ma ênê biŋgêdêŋ oc ênêc endenŋ tōŋgen.

⁴ Apômtau kêkêŋ nê gêŋtalô taujala gebe taliŋ siŋ
atom.

* **110:7:** Dawidnê pesalem teŋ.

- 5 En kékēj mo gédēj êsêac, taŋ têtêc eŋ naŋ.
 6 En kékēj lau samuc nêj gênlênsêm gédēj nê lau,
 tec gêwa nê ŋaclai sa gédēj êsêac.
- 7 Gêj taŋ lêma gêgôm naŋ, ŋaŋêj to gédêj.
 8 En kewaka biŋsu tau sa gebe ênêc enden tōŋgeŋ
 ma kékēj biŋsu tau tobiŋ ŋaŋêj ma tobiŋ
 9 En gêjam nê lau kêsi ma kêmoatiŋ nê poac
 teŋgeŋja gédēj êsêac.
 10 Tatêc Apômtau kêtû mêtê ŋam êwa lau samob, taŋ
 sêŋgôm ŋanô êsa naŋ, nêj kauc sa.
 Talambin eŋ enden tōŋgeŋ.

112

Embe tatêc Anôtô oc ênam aêac sa
¹ Aleluja.

- Aê aoc êôc ŋac, taŋ kêtêc Apômtau
 to gêgôm ênê biŋsu ŋanô kêsa totêtac ŋajamgeŋ
 naŋ.
- 2 Ȅnê wakuc oc têtu gamêŋ ŋatau toŋaclai.
 Ma Apômtau ênam mec lau mansaŋ nêj gôlôac.
- 3 Gêj masê to awa ênêc ênê andu
 ma ênê biŋgêdêj oc ênêc enden tōŋgeŋ.
- 4 En kêpô lau mansaŋ kêtôm ŋawê kêpô gamêŋ
 ŋakesec.
 En ŋac gédêj tec taê labu ma kêmoasiŋ lau.

- 5** Aê aoc êôc ɳac, taŋ taê walô lau to gêjam lau sawa
sa naŋ,
ma êngôm nê gêŋ samob naêndêŋgeŋ.
- 6** Enj oc êkô ɳajaŋa êku atomanô
ma lau oc taŋŋ ênam ej endenj tōŋgeŋ.
- 7-8** Gêŋwapac ɳawae oc êngôm ej êtêc tau atom.
Ênê ɳalêlôm ɳaŋeŋ ma taê êka Apômtau!
Enj têtac kêpa su ma kêtêc tau atom.
Êndêŋ ɳamu ej oc êku nê ɳacjo tulugeŋ.
- 9** Enj gêjac sam nê gêŋ gêjac ɳawaegêŋ gêdêŋ lau
ɳalêlôm sawa amboac tonageŋ.
Ênê bingêdêŋ oc ênêc endenj tōŋgeŋ. Enj oc êtu
apômtau towae.
- 10** Nac taŋ kêkac tau su aŋga Anôtônê naŋ, gêlic e
kêtu môsi.
Enj gêmôeŋ luluŋ, mago ɳanô masi. Lau
secwaga embe taŋŋ êka biŋ teŋ oc ɳanô
ênsun tau êndêŋ êsêac atom.

113

Aweŋ êôc moasiŋ ɳatau Anôtô

1 Aleluja.

- Apômtaunê sakiŋwaga amac,
alanem Apômtaunê ɳaê
- 2** Aweŋ êôc Apômtaunê ɳaê
êndêŋ galoc ma ênêc endenj tōŋgeŋ.
- 3** Aweŋ êôc Apômtaunê ɳaê
aŋga oc kêpi e êndêŋ oc kêsêp.
- 4** Apômtau kêlêlêc tentenŋlatui samob su.
Ênê ɳawasi kelenj undambê su.

- ⁵ Asa oc êtôm Apomtau, aêacnêŋ Anôtô,
taŋ gêŋgôŋ nê lêpôŋ aŋga lôlôc naŋ.
⁶ Nac tau naŋ gewec,
go katuc kêniŋ undambê to nom.
⁷ Enj kêkam ŋalêlôm sawa aŋga kekop
ma gêôc ŋac kapô lênaŋsa aŋga wao.
⁸ Gebe etoc ejj êŋgôŋ êwiŋ kasêga,
êŋgôŋ nabaŋ ênê launêŋ kasêga.
⁹ Enj kêkêŋ awê kapoac gêwê kainj andu
ma kêkêŋ ejj kêkôc ŋapalê e têtac ŋajam kêsa
laŋgwageŋ.

Aleluja.

114

Wê Pasanya teŋ

¹ Alleluja.

- Gêdêŋ taŋ Israel gêdi aŋga Aiguptu,
gedenj taŋ Jakobnê gôlôac dêdi aŋga lau awenj
jabâ naŋ,
² Juda kêtû Apômtaunê gamêŋ dabuŋ
ma Israel kêtû ênê gamêŋ gôliŋŋa.
³ Gwêc tau gêlic e kêtaiŋ su
ma bu Jordan gêlêc tau sa jakêkô.
⁴ Lôc sêboaŋ têtôm domba kapoac
ma gamêŋ ŋabau têtôm domba ŋalatu.
⁵ O gwec, asagenj gêgôm aôm tec kôtaiŋ su.
O Jordan, asagenj gêgôm aôm tec gôlêc taôm sa
jakôkô.

6 O lôc, asageñ gêgôm amac tec aboan̄ amboac domba kapoac.

O gamêñ ñabau, asageñ gêgôm amac, tec aboan̄ amboac domba ñalatu.

7 O nom, ôwiwic taôm gebe Apômtau gêmêñ,
Jakobnê Anôtô mêngeîmoa gêwiñ aôm.

8 Nac tau gêjam poc ôkwi kêtû bu ñatoñ
ma poclô kêtû bumata, tan̄ kêpulu kêpi gêmêñ nañ.

115

Anôtô mata jali nê wae êsa

1 O Apômtau, otoc aêac sa atom, otoc aêacma ñaê sa atom, otoc taômnêm ñaê sa êtu nêm têmtac gêwiñ teñgeñja to nêm biñ ñañêñja.

2 Amboac ondoc lau samuc têtu kênac gebe “Êsêacnêñ Anôtô gêmoa ondoc.”

3 Aêacnêñ Anôtô gêmoa undambêgoc, en̄ gêgôm gêj samob, tan̄ nê ñjalêlôm taê gêjam nañ.

4 Êsêacnêñ gwam silber to gold,
nañ ñamatlac lemen̄ sêgôm.

5 Êsêacnêñ awenjsuñ gêc, mago sêsôm biñ atom.
Matejanô gêc, mago sêlic gamêñ Aleluja.
atom.

6 Êsêac tanjenjsuñ gêc, mago sêñô biñ atom.
Lusunjsuñ gêc, mago sêñu gêj atom.

7 Êsêac lemen̄ gêc, mago sêmoasac gêj atom. Eñkaiñ gêc, mago sêselêñ atom
ma nêñ koclabeñ kêtanj atom.

- 8** Lau sêmasaŋ-gêŋ-tauwaga têtôm nêŋ gêŋ tau
ma lau samob, taŋ taêŋ kêka gwam naŋ, am-
boac tonanjeŋ.
- 9** O amac Israelwaga, taêm êka Apômtau.
Eŋ kêtu amacnêm lautuc ma gêjam-sawaga.
- 10** O Aronnê gôlôac, taêm êka Apômtau.
Eŋ kêtu amacnêm lautuc to gêjam-sawaga.
- 11** O amac, taŋ atêc Apômtau naŋ, taêm êka
Apômtau.
Eŋ kêtu amacnêm lautuc ma gêjam-sawaga.
- 12** Apômtau taê gêjam aêac, eŋ oc ênam mec aêac.
Eŋ oc ênam mec Israelnêŋ gôlôac ma oc ênam
mec Aronnê gôlôac.
- 13** Eŋ oc ênam mec êsêac, taŋ têtêc Apômtau naŋ,
lau sauŋ to lau kapôeŋ.
- 14** Apômtau êkêŋ amac atu taêsam.
Eŋ êkêŋ amac atu taêsam ma nêm gôlôac am-
boac tonanjeŋ.
- 15** Apômtau taŋ kékêŋ undambê to nom naŋ,
ênam mec amac.
- 16** Undambê kêtu Apômtaunê undambê
ma nom tec eŋ kékêŋ gêdêŋ ñamatlac.
- 17** Nacmatê to êsêac, taŋ sêc sêsêp nêŋ gamêŋ
ñanjêŋja sêja naŋ,
nêŋ teŋ oc êlanem Apômtau atom.
- 18** Mago aêac oc talanem Apômtau
galoc to oc endeŋ tôŋgeŋ.

Aleluja.

116

*Anôtô gêjam ñac, taŋ kësa paŋ lêndanŋ naŋ, sa ñawê
danŋeŋa*

¹ Aê têtac gêwiŋ Apômtau gebe eŋ kêkêŋ taŋa aê
ma gêŋô ñoc taŋiboa.

² Eŋ gê taŋa aê.

Amboac tonanjamôec êndêŋ eŋ êtôm ñoc bêc
samob.

³ Tamac êndu ñalépoa gêsô aê tôŋ ma katêc tauç
ñasec kêtû lamboamňa.

Aê gaôc gêŋwapac to kapô lêna

⁴ e aoc gêjac Apômtaunê ñaê gebe
“O Apômtau, aê jateŋ aôm ônam aê kêsimanŋ.”

⁵ Apômtau eŋ ñacmoasiŋ to gêdêŋ.

Aêacnêŋ Anôtô kêtû taê labu ñamôkê.

⁶ Apômtau gejob lau meloc-meloc.

Aê katu palê, mago eŋ gêjam aê sa.

⁷ O katuc tau, naôlêwaŋ taôm êtiam
gebe Apômtau kêmoadsiŋ aômgac.

⁸ Biŋjanô, aôm gôjam katuc kësi anŋa tamac ênduŋa.

Aôm kôpuc matocgasi tôŋ gêdêŋ matocsulu ma
godeŋ ockainj tôŋ gebe jaka selelec atom.

⁹ Aê jasa ñoc lêŋ jamoa Apômtau laŋônêm
anŋa gamêŋ sêŋgôŋ mateŋ jaliŋa.

¹⁰ Gêdêŋ taŋ aê kasôm gebe “Ñoc ñalêlôm popoc-
popocgenj” naŋ,

mago gawi kakêŋ gêwiŋ Anôtôŋa siŋ atom.

¹¹ Gêdêŋ taŋ kapô lêna ñasec naŋ, aê kasôm gebe
“Namalac samob dansaŋtêna.”

¹² Aê oc jakêŋ asagenj êndêŋ Apômtau

êjô nê moasinj, tanj kékêj gêdêj aê nañ.

¹³ Aê gabe jaôc moasinj ñalaclu sa êtu danje
ma gabe aoc ênac Apômtaunê ñaê.

¹⁴ Biñ tanj gajac mata gêdêj Apômtau nañ, gabe
janjôm êtu tôj.

Gabe janjôm êtu tôj aŋga ênê lau samob
ñalêlôm.

¹⁵ Apômtaunê lau mansaŋ embe sêmac êndu,
oc êlic amboac gêŋwapac teŋ.

¹⁶ O Apômtaun, nêm sakinwaga aê, nêm sakinwaga
latu aê.

Aôm kôgaboac lêpoa, tanj gêsô aê tôj nañ su.

¹⁷ Aê jakêj da dangeŋa êndêj aôm
ma aoc ênac Apômtaunê ñaê.

¹⁸ Biñ tanj gajac mata gêdêj Apômtaun nañ, gabe
janjôm êtu tôj.

Gabe janjôm êtu tôj aŋga ênê lau samob
ñalêlôm.

¹⁹ Aê gabe janjôm jakô Apômtaunê andu
ñamalacluŋ,
aŋga aôm, Jerusalem, ñaluŋgeŋ.

117

Alambij Apômtaun

¹ Amac lau nomña samob, awem êôc Apômtaun.
Amac tentenjlatu samob, alanem eŋ.

² Gebe ênê têtac gêwiŋ tengeŋja tau toŋaclaigen
ma ênê biñ ñaŋêj oc ênêc endeŋ tôjgen.

Aleluja.

118

Gôlôac sêlic om ñawê danjeña

- ¹ Anam danje êndêj Apômtau gebe eŋ ñac gabêjam.
Biñjanô ênê moasin ênêc endej tôngej.
- ² Israel sêôm lasê amboac tonec gebe
“Biñjanô, ênê moasin ênêc endej tôngej.”
- ³ Aronnê gôlôac sêôm lasê amboac tonec gebe
“Biñjanô, ênê moasin ênêc endej tôngej.”
- ⁴ Lau-têtêc-Anôtôwaga samob sêôm lasê amboac
tonec gebe
“Biñjanô, ênê moasin ênêc endej tôngej.”
- ⁵ Aê kapô lêna ma aoc gêjac Apômtau,
tec Apômtau kékêj tanja aê ma gajam aê sa.
- ⁶ Aê katêc tauc atom gebe Apômtau gêwiŋ aê
ñamalac oc sêngôm asageŋ êndêj aê.
- ⁷ Apômtau gêwiŋ aê, oc ênam aê sa
ma jaku ñoc ñacjo tulu.
- ⁸ Daê lamu Apômtau
ñajam kêlêlêc taêj kêka ñamalac su.
- ⁹ Daê lamu Apômtau
ñajam kêlêlêc taêj kêka ñamalacnêj laumata su.
- ¹⁰ Tenteŋlatu samob sêgi aê auc,
mago aê gasenj êsêac su gajam Apômtau laŋô.
- ¹¹ Sêgi aê auc e kêsô tau,
mago aê gasenj êsêac su gajam Apômtau laŋô.
- ¹² Èsêac sêgi aê auc amboac banic, mago ja
kêkwanam êsêac su amboac oba,
mago aê gasenj êsêac su ña Apômtaunê ñaclai.
- ¹³ Èsêac têtuc aê ñajaŋa gebe jambeŋ,
mago Apômtau gêjam aê sa.

- 14** Apômtau kêtû ñoc ñaclai to ñoc ñac kalanem-eñwaga.
Eñ kêtû ñoc kêsiwaga.
- 15** Wêsiñ toôndu kêpi aŋga lau gêdêñ nêñ bec.
Apômtau lêma anôja gêgôm gêñsêga ñaclai.
- 16** Apômtaunê lêma anôja kêsip ñamalac sa.
Apômtaunê lêma anôja gêgôm gêñsêga ñaclai.
- 17** Aê oc jamac êndu atom, jaŋgôŋ matoc jali
ma jasôm Apômtaunê ñaê lasê.
- 18** Apômtau gêjac aê matocgasi aucgeñ,
mago gêlôc gebe jamac êndu atom.
- 19** Alêc lôm dabuŋ tau ñakatam su êndêñ aê.
Aê gabe jasô najanam daŋge êndêñ Apômtau.
- 20** Apômtaunê sacgêdô tonec
gêjac lau gêdêñ tauŋgeñ ñawae.
- 21** Aê gajam daŋge aôm gebe kôkêñ taŋjam aê
ma kôtu ñoc kêsiwaga.
- 22** Poc, taŋ sêkwêwaga sêbaliŋ siŋ naŋ,
tec kêtû poc kêclêsuŋa.
- 23** Gêy tonaq Apômtau gêgôm,
tec mateŋjanô talic amboac gêñsêga.
- 24** Bêc tau tonaq Apômtau kêkêñ.
Aweŋ êôc toôndu ma ôliŋ êpi-êpigeŋmaŋ.
- 25** O Apômtau, ônam aêacmêñ sa.
O Apômtau, ôkêñ aêac atap kolenj ñanô sa.
- 26** Aweŋ êôc ñac, taŋ gêmêñ gêjam Apômtau lanô.
Aêac anam mec amac aŋga Apômtaunê andu.

- ²⁷ Apômtau eŋ Anôtô, eŋ kékêŋ ɻawê gêdêŋ aêac.
Atê wê tolêsôgeŋ ma anam gêlôŋ altar ɻajabo.
- ²⁸ Noc Anôtô aôm, aê gabe janam daŋge êndêŋ aôm.
Noc Anôtô aôm, aê gabe jatoc aôm sa.
- ²⁹ Anam daŋge êndêŋ Apômtau gebe eŋ ɻac gabêjam.
Biŋjanô, ênê moasiŋ ênêc endeŋ tōŋgeŋ.

119

Anôtônê biŋ wae

- ¹ Aoc êôc êsêac, taŋ sêsa nêŋ lêŋ laŋôŋnêm sawa
ma sêselêŋ kêtôm Apômtaunê biŋsu naŋ.
- ² Aê aoc êôc êsêac, taŋ sêmasaŋ ênê biŋsu
ma taŋeŋ wamu eŋ tonêŋ ɻalêlôm samucgeŋ
naŋ.
- ³ Êsêac sêgôm keso teŋ atom.
Sêsa ênê lêŋ katôgeŋ.
- ⁴ Aôm kôjatu nêm ɻagôliŋ
gebe ɻamalac sêmansaŋ tomalagen.
- ⁵ Ojae, ɻoc lêŋ ɻanêŋgeŋ
ma jamansaŋ aômnêm biŋsu ɻapepmaŋ.
- ⁶ Aômnêm biŋsu samob embe ênêc aê
laŋôcnêmjageŋ
oc jaŋgôm tauc majoc êsa atom.
- ⁷ Aê embe jaŋô nêm biŋsu gêdêŋ êtu tōŋ,
oc jalambiŋ aôm toŋoc ɻalêlôm makengeŋ.
- ⁸ Aê gabe jamansaŋ aômnêm biŋsu.
Ônam aê sapu samucgeŋ atom.

Taŋeŋ wamu êndêŋ Apômtaunê biŋsu

- 9** Nacsêjom teŋ oc êsa nê lêŋ mata sawa amboac ondoc.
 Enj êsap aômnêm biŋ tōŋ acgom, go êsa êndêŋ.
- 10** Aê gasom aôm toŋoc ɣalêlôm samucgeŋ.
 Ôkêŋ aê janac jaê aômnêm biŋsu atom.
- 11** Aê kamasan nêm biŋ gêc ɣoc ɣalêlôm
 gabe jaŋgôm sec êndêŋ aôm atom.
- 12** O Apômtau, aoc gêôc aôm
 ôndôŋ nêm ɣagôlinj êndêŋ aê.
- 13** Aoctsuj jasa biŋ, taŋ aôm awamsuŋ kôjatu naŋ,
 samob sa ɣapep.
- 14** Aê têtac kêkac aê aômnêm biŋsu ɣalêŋja
 kêlêlêc têtac kêkac aê awa nomŋa su.
- 15** Aê japuc biŋ, taŋ aôm kôjatu naŋ ɣam
 ma matoc êndir aômnêm lêŋgeŋ.
- 16** Aêŋoc ɣalêlôm kêkac aê aômnêm biŋsuŋageŋ.
 Aê gabe jaliŋ aômnêm biŋ sin atom.

Tatu samuc Apômtaunê biŋsu

- 17** Ômoasiŋ nêm sakiŋwaga aê gebe jamoa matoc jali
 ma jaŋop aômnêm biŋ.
- 18** Ôkêŋ matocanô êpoa lasê
 gebe jalic aômnêm biŋsu ɣagêŋsêga.
- 19** Aê katu ɣacleŋ ɣaômga gaŋgôŋ nom.
 Ônsan nêm biŋsu auc êndêŋ aê atom.
- 20** Noc ɣalêlôm gêjam aoc su
 aômnêm biŋ taŋ kôjatu naŋ e tekoc gêbac.
- 21** Aôm goec biŋ lau kesowaga, taŋ teŋbeleŋ aŋgeŋ
 ma sêkac tauŋ su aŋga nêm biŋsu naŋ.
- 22** Aê kamasan aômnêm biŋsu,
 amboac tonauŋ ôŋgôm aê majoc êmbac ma lau
 sêsu aê susu atom.

23 Kasêga sêkac tauŋ sa sêkic aêŋoc biŋ sêmoa,
 mago nêm sakiŋwaga aê tec kapuc aômnêm
 biŋsu ñam.

24 Aômnêm biŋsu gêgôm aê têtac ñajam kêsa
 gebe kêtu ñoc gôliŋwaga.

*Nalêlôm kêkac aê gebe taŋoc wamu Apômtaunê
 biŋsu*

25 Aê kapô lêna tauc gaŋgôŋ wao ñaô,
 amboac tonan mêmônâm aê sa êtôm, tan gôjac
 mata naŋ.

26 Gêdêŋ tan gajac miŋ ñoc biŋ gêdêŋ aôm naŋ, aôm
 kôkêŋ taŋam aê.

Ôndôŋ nêm ñagôliŋ êndêŋ aê jaŋô.

27 Ôkêŋ aêŋoc kauc êsa êpi intêna, tan nêm biŋsu
 kêjatu naŋ,

oc japuc aômnêm gêŋsêga ñam.

28 Aêŋoc ñalêlôm ñawapac gê tôŋgeŋ ma galin matoc-
 sulu elêmê.

Ôkêŋ ôlicwalô êsa êtôm gôjac mata.

29 Ôngamin aê êndêŋ biŋ dansaŋ ñalêŋ
 ma ômoasiŋ aê ña aômnêm biŋsu.

30 Aê kajaliŋ lêŋ biŋjanôŋa sa.

Kakêŋ nêm biŋsu kêkô aê laŋôcnêmja.

31 Aê kasap aômnêm biŋsu tôŋ.

O Apômtau, ôkêŋ aê jaŋgôm tauc palin atom.

32 Aê gabe jalêti jasa aômnêm biŋsu ñalêŋ
 gebe ñoc ñalêlôm kêkac aê lêŋ tonanŋa.

Mec kauc êsaŋa

33 O Apômtau, ôndôŋ aê nêm biŋsu ñalêŋ.
 Aê gabe matoc êsap e wacjaô lasê.

34 Ôkêj ñoc kauc êsa gebe jamansaŋ aômnêm biŋsu
ma jamansaŋ toŋoc ñalêlôm samucgeŋ.

35 Ôwê aê jasa aômnêm biŋsu ñalêj
gebe katu samuc aômnêm biŋ tonaj.

36 Ôkêj ñoc ñalêlôm êsap awa tōj atom,
êsap nêm biŋsugeŋ tōj.

37 Ônam matocanô ôkwi aŋga gêj nomŋa.
Ôkêj aê jasa nêm lêj topalêgen.

38 Ôkêj biŋ, taŋ gôjac mata gêdêj lau-têtêc-aômwaga
naŋ,
ñanô êsa êpi nêm sakiŋwaga aê amboac
tonaŋgeŋ.

39 Ôkac biŋ susu, taŋ katêc naŋ su
gebe nêm ñagôliŋ ñajam.

40 Biŋ ñanô, aê gajam aoc su nêm jatu, taŋ gôjac jatu
naŋha.

Ôkêj nêm biŋgêdêj êpuc aê tōj.

Ôliŋ andaj Apômtaunê biŋsu

41 O Apômtau, ôkêj nêm moasiŋ êmoasiŋ aê.

Ônam aê sa êtôm, taŋ gôjac mata naŋ,

42 gebe jaŋô ñac, taŋ kêsu aê susu naŋ awa,
gebe aê kakêj gêwiŋ aômnêm biŋ.

43 Ma ôkôc biŋjanô ñamêtê su aŋga aê aocsuŋ
samucgeŋ atom

gebe aê kakêj matoc aômnêm gôliŋ.

44 Aê gabe jamansaŋ nêm biŋsu toŋanôgeŋ
ma gabe jaŋgôm endenj tōŋgeŋ ñapanj.

45 Amboac tonaj jasa laŋôcnêm sawagenj
gebe aê gasom aômnêm biŋ, taŋ kójatú naŋ.

46 Aê gabe jasôm aômnêm ñagôliŋ êndêj kiŋ

tomajoc êmbacgeŋ.

47 Aê têtac ɳajam kêtú nêm biŋsuŋa,
taŋ aê têtac gêwiŋ naŋ.

48 Aê jatoc aômnêm biŋsu, taŋ têtac gêwiŋ naŋ sa
ma taêc ênam japuc aômnêm gôliŋ ɳam.

Aêac taêŋ êka Apômtaunê biŋsu

49 Taêm ênam biŋ, taŋ gôjac mata gêdêŋ nêm
sakiŋwaga aê naŋ.

Biŋ tau kêkêŋ aê kakêŋ matoc.

50 Aê gaŋgôŋ jageo ɳasec, mago biŋ, taŋ aôm gôjac
mata naŋ,
tec kêpuc aê tôŋ ma gê malô aê.

51 Lau sêkêli tauŋja sêsu aê susu ɳasec,
mago aê kakac tauc su aŋga aômnêm biŋsu
atom.

52 O Apômtau, aê embe taêc ênam aômnêm ɳagôliŋ
laŋgwaanôŋa,
naŋ oc ênac têtac tôŋ.

53 Aê têtac ɳandaŋ sec kêtú lau, taŋ sêkac tauŋ su
aŋga Anôtôŋê naŋ,
gebe lau tonaj sêwi nêm biŋsu siŋ.

54 Aômnêm biŋsu kêtú ɳoc wê lanemŋa
gêdêŋ taŋ kasa ɳoc lêŋ gamoa jaê ɳoc
malacmôkê ɳanô naŋ.

55 O Apômtau, aê taêc gêjam aômnêm ɳaê gêdêŋ
gêbêc
ma kamasaŋ aômnêm biŋsu.

56 Moasiŋ ɳanô, taŋ gawê kaiŋ naŋ, tonec
gebe kamasaŋ aômnêm biŋsu.

Anôtôŋê biŋsu e ɳaŋêŋ laŋgwagen

- 57 Apômtau kêtû ñoc gêylênsêm.
 Aê kasôm kêtû tôj gebe jamansaј aômnêm biñsu.
- 58 Aê katej aôm toñoc ñalêlôm samucgej
 gebe taêm walô aê êtu biñ, tañ gôjac mata nañja.
- 59 Aê taêc gêjam ñoc lêj
 ma gajam gôlij ockaij gêdêj aômnêm ñagôlij.
- 60 Aê gajam gamêj tôj atom, kakac tauçgen
 gebe jamansaј aômnêm biñsu.
- 61 Lau alôb-alôb nêj lêpoa gêsô aê tôj,
 mago kalij aômnêm biñsu siñ atom.
- 62 Aê gadi sa gêdej gêbêcauc gêja lu gabe janam
 danje aôm
 êtu nêm gôlij gêdênya.
- 63 Lau tañ têtêc aôm
 ma êsêac, tañ tañej wamu nêm jatu nañ, nêj
 ñac teñ aê.
- 64 O Apômtau, aômnêm têmtac gêwiñ teñgeñja gêjam
 nom auc.
 Ôndôj aômnêm biñsu êndêj aê.

Apômtaunê biñsu ñajanô

- 65 O Apômtau, aôm kômoasiñ nêm sakiñwaga
 ñanôgej,
 kêtôm biñ, tañ gôjac mata nañ.
- 66 Ôndôj mêtê tokauc ma mêtê jakip biñ saña
 êndêj aê
 gebe aê taêc kêka aômnêm biñsu.
- 67 Gêdêj tañ kôkoniñ aê atomgej nañ, gao gamoa,
 mago galoc kamasaј aômnêm biñ kêtû tôj.
- 68 Aôm ñac gabêjam ma kômoasiñ lau.

Ôndôj aômnêm biñsu êndêj aê.

69 Lau teñbelej aŋgeŋ sêga biŋ kêpi aê,
mago aê kamasaŋ nêm jatu toŋoc ŋalêlôm
samucgeŋ.

70 Êsêacnêj ŋalêlôm ôliŋ ŋakam amboac ŋalêsi
kêkêkam lau,
mago aê tec ŋoc ŋalêlôm kêkac aê kêtû nêm
biñsuŋa.

71 Aôm kôkôniŋ aê, tec kêmoasiŋ aê
gebe nêm mêtôc tau kêdôj nêm biñsu gêdêj aê.

72 Awamsuŋ ŋabiñsu kêmoasiŋ aê
kêlêlêc awamata totoŋ-totoŋ su.

Apômtaunê biñsu ŋamêtôc gêdêj

73 Aôm lêmam kôkêj to kôlêsôb aê.

Ôwa ŋoc kauc sa gebe jajala aômnêm biñsu.

74 Êsêac taŋ têtêc aôm naŋ, embe sêlic aê oc têntac
ŋajam êsa
gebe aê kakêj matoc aômnêm biŋ.

75 O Apômtau, aê kajala gebe aôm kômêtôc biŋ
jagêdêŋgeŋ,
tec kôkôniŋ aê kêtôm aômnêm biŋ ŋaŋêj.

76 Ôkêj nêm têmtac gêwiŋ teŋgeŋja ênam maŋ
aêmaŋ,
êtôm nêm biŋ, taŋ gôjac mata gêdêj nêm
sakiŋwaga aê naŋ.

77 Taêm walô aê gebe janĝôŋ matoc jali
gebe aê têtac gêwiŋ aômnêm biñsuŋageŋ.

78 Teñbelen aŋgeŋ, taŋ sêgôm aê waec sec naŋ,
majen êsa
ma aê tec taêc gêjam aômnêm biŋ, taŋ kôjatu
naŋ ŋam.

- 79 Ôkêŋ êsêac, taŋ têtêc aôm to sêjala aômnêm biŋ,
 taŋ gôwa sa naŋ,
 gebe sêkac tauŋ ôkwi dêndêŋ aê.
- 80 Ôkêŋ aêŋoc ɳalêlôm êsap aômnêm biŋsu tōŋ
 gebe jaŋgôm tauc palıŋ atom.

Mec Apômtau ênam saŋa

- 81 Aôm nêm moasiŋ gêjô katuc
 ma kakêŋ matoc aômnêm biŋ.
- 82 Matocanô kêkac gebe jalic biŋ, taŋ aôm gôjac
 mata naŋ,
 ma katu kênac gebe “Êndêŋ ondoc, go ônam
 malô aê.”
- 83 Aê katôm bêlabi, taŋ dedeŋ e kêtû toŋ naŋ,
 mago kalin aômnêm gôliniŋ siŋ atom.
- 84 Aômnêm sakinwaga nê bêc tendocgeŋ gêc.
 Êndêŋ ondocgeŋ, go ômêtôc lau, taŋ sêlêsu aê
 naŋ, nêŋ biŋ.
- 85 Lau taŋ sêkêli tauŋ naŋ, sêkwê sê aê.
 Lau taŋ seo gala aômnêm biŋ naŋ, sêgôm biŋ
 tonaŋ.
- 86 Aômnêm biŋsu samob tobiŋjanôgeŋ.
 Êsêac sêôc aê ôkwi ɳa biŋ dansaŋ, amboac
 tonaŋ ônam aê sa.
- 87 Sauŋgeŋ oc senseŋ aê su janaŋa aŋga nom,
 mago aê tec gabe jawi biŋ, taŋ aôm kôjatu naŋ,
 siŋ atom.
- 88 Aôm ɳacmoasiŋ ônam aê sa êtu nêm têmtac gêwiŋ
 teŋgeŋja gebe jaŋgôŋ matoc jali
 gebe jaŋgôm awamsuŋ ɳabiŋ ɳanô êsa.

Takêŋ êwiŋ Apômtaunê biŋsu

- 89 O Apômtau, aômnêm biŋ kêtû tôŋ kêsa aŋga undambê
ma ênêc endenj tôŋgen.
- 90 Aômnêm biŋ ɻajêŋ ênêc êtôm gôlôac to gôlôac.
Aôm kôsuŋ nom su, tec gacgeŋ kékô ɻajaŋa kêsa.
- 91 Gêŋ taŋ kôkêŋ naŋ, kékô e gêdêŋ galoc
gebe gêŋ samob têtu nêm sakiŋwaga.
- 92 Aômnêm biŋsu embe êtu aê têtac gêwiŋ ɻamôkê atom,
oc janaja êndêŋ taŋ gêŋwapac kékôm aê auc naŋ.
- 93 Aê gabe jalin aômnêm jatu siŋ atomanô
gebe aôm kôkêŋ, tec kêpuc aê tôŋ gaŋgôŋ matoc jali.
- 94 Aê katu aômnêm gêŋ, ônam aê sa
gebe aê kapuc aômnêm gôliŋ tec gamoa.
- 95 Lau alôb-alôb dêdib aê gebe senseŋ aê su,
mago aê taêc gêjam aômnêm biŋ, taŋ gôwa sa naŋ.
- 96 Aê galic gêŋ samob ɻatêku gêc.
Aômnêm biŋsu tagen tec ɻamadiŋ masi.

Têtac gêwiŋ Apômtaunê biŋsu

- 97 Aê têtac gêwiŋ nêm biŋsu kêlêlêc
ma taêc gêjam kêtôm bêcgeŋ.
- 98 Nêm biŋsu gêc aêŋa ɻapanj
ma gêgôm ɻoc kauc kêsa kêlêlêc ɻoc ɻacionêŋ su.
- 99 Aêŋoc kauc kêlêlêc ɻoc kêdôŋwaga samob nêŋ su
gebe aê taêc gêjam biŋ tagen, taŋ aôm gôwa sa naŋgeŋ.
- 100 Aêŋoc kauc kêsa kêlêlêc kwalam laŋwa nêŋ su

gebe aê kamasaŋ aômnêm jatu.

101 Aê kagamiŋ ockaiŋ gêdêŋ lêŋ geo samob
gebe Jamansaŋ aômnêm biŋ ɻaŋap.

102 Aê kakac tauc su aŋga nêm gôlinŋ atom
gebe aôm taôm kôdôŋ aê.

103 Aê kasaâ aômnêm biŋ gebe ɻakana ɻajamanô.
Kasaâ ɻakana kêlêlêc lêp su gêc aocsuŋ.

104 Aômnêm jatu gêwa ɻoc kauc sa,
tec kakêŋ kisa gêdêŋ biŋdansaŋ samob.

Apômtaunê biŋsu kêtu ockaiŋ ɻaja

105 Aômnêm biŋ kêtu ockaiŋ ɻadawenŋ
ma ja teŋ kêpô ɻoc intêna.

106 Aê katôc lemoc ma jamansaŋ êtu tôŋ
gebe tanjoc wamu aômnêm gôlinŋ gêdêŋ.

107 Gêŋwapac gêjac aê tôŋ kasêp ɻêŋgeŋ gaja.
O Apômtau, ojop aê jamoa matoc jali êtôm nêm
biŋ, tanj gôjac mata naŋ.

108 O Apômtau, ôkôc ɻoc da lambiŋja sa
ma ôndôŋ nêm gôlinŋ êndêŋ aê.

109 Aê kasa paŋ lêndaŋ gebe jamac ênduŋja endenŋ
tôŋgeŋ,
mago kalinŋ aômnêm biŋsu siŋ atom.

110 Lau alôb-alôb sêwa lakô aê,
mago aê gao gala aômnêm jatu teŋ atom.

111 Biŋ tanj aôm gôwa sa naŋ, kêtu ɻoc gêŋlênsêm
teŋgeŋja
kêtu aêjoc ɻalêlôm kêtu samuc ɻam.

112 Aêjoc ɻalêlôm taê gêjam kêtu tôŋ gebe jaŋgôm
aêmnêm biŋsu ɻanô êsa,
jaŋgôm endenŋ tôŋgeŋ e jamac êndu.

Apômtaunê biŋsu kêtu lamu ɻajam

- 113 Aê kakêŋ kisa gêdêŋ lau, taŋ nêŋ ɻalêlôm gêja lu
naŋ,
mago aê têtac gêwiŋ aômnêm biŋsu.
- 114 Aôm kôtu ɻoc lamu to lautuc.
Aê kakêŋ matoc aômnêm biŋ.
- 115 Amac lau secwaga, akac taôm sa naamoja êc.
Aê gabe jamansaŋ ɻoc Anôtônê biŋsu.
- 116 Ôpuc aê tôŋ êtôm biŋ, taŋ gôjac mata naŋ, gebe
jamoja matoc jali.
Aê kakêŋ matoc aôm, amboac tonaj ôŋgôm aê
majoc êsa atom.
- 117 Ôpuc aê tôŋ gebe jamoa ɻajam
ma jamansaŋ aômnêm biŋsu endeŋ tôŋgeŋ.
- 118 Aôm oc ôtiŋ lau samob, taŋ seo gala aômnêm
biŋsu naŋ, siŋ
gebe êsêac sêsaŋ tauŋ ɻamelocŋageŋ.
- 119 Lau samob, taŋ sêkac tauŋ su naŋ, aôm gôlic
êsêac amboac gêŋ gambu.
Ma aê tec têtac gêwiŋ biŋ, taŋ aôm kôdôŋ naŋ.
- 120 Aê katêc aôm e ôlilu gêli.
Aê katêc tauc kêtu nêm mêtôcŋa.

Taŋeŋ wamu Apômtaunê biŋsu

- 121 Aê kamasaŋ biŋ solop to biŋgêdêŋ kêtu tôŋ.
Ôwi aê siŋ êndêŋ sêlêsutêna atom.
- 122 Ôjô nêm sakiŋwaga awa gebe ômoasiŋ eŋ.
Ôkêŋ teŋbeleŋ aŋgeŋ sêkoniŋ aê tôŋ atom.
- 123 Matocanô ɻawapac kêsa gebe aê gaôŋ nêm
moasiŋ,
gaôŋ aôm gebe ônam aê sa êtôm gôjac mataŋa.
- 124 Ônam nêm sakiŋwaga sa êtôm nêm têmtac gêwiŋ
teŋgeŋja

ma ôndôj nêm biñsu aê jajala.

125 Nêm sakiñwaga aê, ôwa ñoc kauc sa
gebe jajala biñ, tañ aôm ôwa sa nañ ñapep.

126 Apômtaunê noc gebe êwaka tau saña kêdabiñ
gebe êsêac sêgôm aômnêm biñsu popoc.

127 Kêtû tonanña aê têtac gêwiñ nêm biñsu
kêlêlêc awamata totoñ-totoñ su.

128 Kêtû tonanña nêm jatu gêjam gôlinj aê.
Aê gadec lêñ dansan samob.

Nalêlôm kêkac gebe tañej wamu Apômtaunê biñsu

129 Biñ tan aôm gôwa sa nañ, kainj teñ.

Kêtû tonanña ñoc ñalêlôm kêsap biñ tau tõj.

130 Aôm embe ônac nêm biñ lêtêj, oc êpô gamêj
ma êwa lau meloc-meloc nêñ kauc sa.

131 Aômnêm biñsu gêjô aê
e aoc ec-ecgej.

132 Ôkac taôm ôkwi êndêj aê ma taêm walô aê,
êtôm gôgôm gêdêj lau, tañ têntac gêwiñ nêm
ñaê nañ.

133 Ôkêj nêm biñ êpuc ockaiñ tõj
ma ôkêj gêj sec teñ ênam gôlinj aê atom.

134 Ônam aê kësi êndêj ñamalac, tañ sêkoniñ aê tõj
nañ,
go jamansañ aômnêm jatu êtu tõj.

135 Ôkêj lañômanô êpô nêm sakiñwaga
ma ôndôj nêm biñsu êndêj aê.

136 Matocsulu keseleñ amboac bu
kêtû lau sêmasañ aômnêm biñsu atom ña.

Apômtaunê biñsu ñamêtôc gêdêj

137 O Apômtau, aôm ñac gêdêj

ma aômnêm gôlin jagêdêj samob.

138 Aôm kômasaŋ nêm biŋsu tobiŋgêdêj
ma kômasaŋ tobiŋ ηaŋêj ηanô amboac
tonaŋgeŋ.

139 Aê têtac ηandaŋ kêlakoc aê sec
kêtu ηoc soŋo-soŋo sêliŋ aômnêm biŋ siŋja.

140 Aômnêm biŋ, taŋ gôjac mata naŋ, ηakêŋkêŋ
laŋgwageŋ
ma nêm sakinwaga têtac gêwinj biŋ tau.

141 Aê katu ηac sawa to sêbu aê,
mago kaliŋ aômnêm jatu siŋ atom.

142 Aômnêm biŋgêdêj kêtu biŋgêdêj teŋgeŋja
ma aômnêm biŋsu tau biŋjanô.

143 Aê kapô lêna to gêŋwapac gêgôm aê,
mago nêm biŋsu gêgôm aê têtac ηajam kêsa.

144 Biŋ taŋ aôm gôwa sa naŋ, oc ênêc ηaŋêj enden
tôŋgeŋ.
Ôwa ηoc kauc sa, go jaŋgôŋ matoc jali.

Mec Apômtau ênam saŋa

145 Aê gamôêc toŋoc ηalêlôm samucgeŋ gêdêj aôm.
O Apômtau, ôkêj taŋam aêmaŋ.

Aê gabe jamansaŋ aômnêm biŋsu êtu tôŋ.

146 Aê aoc gêjac aôm gebe ônam aê sa,
go jaŋgôm biŋ, taŋ gôwa sa naŋ, ηanô êsa.

147 Aê gadi gêdêj bêbêc kanucgeŋ ma kataŋ tauc
kapôeŋ.
Aê matoc kêsap aômnêm biŋ tec gamoa.

148 Matoc jali ηapaŋ gêdêj gêbêc baliŋ e geleŋja
ma taêc gêjam biŋ, taŋ aôm gôjac mata naŋ, gêc
ηoc ηalêlôm.

149 Ôkêj taŋam aê êtu nêm têmtac gêwinj teŋgeŋja.

- O Apômtau, ôkêŋ aê jamansaŋ aômnêm gôliŋ.
 150 Lau taŋ têtim aê, mago sêkac tauŋ su aŋga
 aômnêm biŋsu naŋ,
 têdabinj aêgac.
 151 Ma aôm Apômtau, tec gômoa aê ŋagala
 ma aômnêm biŋsu samob kêtû biŋjanô.
 152 Aê kajala biŋ, taŋ aôm kômasaŋ naŋ, wanêcgeŋ
 gebe aôm kômasaŋ gebe ênêc teŋgeŋja.

Mec Apômtau ênam kêsiŋa

- 153 Ôlic ŋoc ŋandaŋ ma ônam aê samanj
 gebe aê kalinj aômnêm biŋsu siŋ atom.
 154 Ônam gôliŋ ŋoc biŋ ma ônam aê kêsi.
 Ojop aê jamoa matoc jali êtôm nêm biŋ, taŋ
 gôjac mata naŋ.
 155 Aôm oc ônam lau alôb-alôb kêsi atom
 gebe êsêac sesom aômnêm biŋsu atom.
 156 O Apômtau, aôm taêm walô lau kêlêlêc.
 Ojop aê jamoa matoc jali êtôm nêm biŋgêdêŋ.
 157 Lau taêsam sêjanda aê to sêlêsu aê,
 mago aê gawi aômnêm biŋ, taŋ gôwa sa naŋ,
 siŋ atom.
 158 Noc ŋalêlôm gêbu lau-sêkêŋ-gêwiŋ-atomwaga
 gebe êsêac sêmasaŋ aômnêm biŋsu atom.
 159 Ôlic aê, tec têtac gêwiŋ nêm jatu nec.
 Ojop aê jamoa matoc jali êtôm nêm têmtac
 gêwiŋ teŋgeŋja.
 160 Aômnêm biŋ kêtû biŋjanô anô tau.
 Aômnêm gôliŋ gêdêŋ samob oc ênêc endenj
 tôŋgeŋ.

Nalêlôm samucgeŋ êndêŋ Apômtaunê biŋsu

- 161 Aê gajam kauc tauc ma kasêga sêlêsu aê,
mago ɻoc ɻalêlôm kêtêc aômnêm biŋ tagen.
- 162 Aê katu samuc biŋ, tanj aôm gôjac mata naŋ,
kêtôm ɻac teŋ gêjac siŋ e kêtap awa taêsam sa.
- 163 Aê gadec to kakêŋ kisa biŋ dansaŋ
ma têtac gêwinj aômnêm biŋsu tagen.
- 164 Aê aoc gêôc aôm kêtôm bêcgeŋ kêtû dim 7
kêtû aômnêm gôlinj gêdêŋja.
- 165 Lau tanj têntac gêwinj nêm biŋsu naŋ, sêmoa
tobiŋmalô ɻanô
gebe gêŋ teŋ êngôm êsêac sembeŋ atomanô.
- 166 O Apômtau, aê kakêŋ matoc aôm gebe ônam aê
sa
ma kamasaŋ aômnêm biŋsugac.
- 167 Aê ɻoc ɻalêlôm kêmasaŋ biŋ, tanj gôwa sa naŋ,
kêtû tôŋ
ma têtac gêwinj kêlêlêc.
- 168 Aê kamasaŋ nêm jatu to biŋ, tanj gôwa sa naŋ.
Aôm kôjala aê ɻoc lêŋ samob kêtû tôŋ.

Mec Apômtau ênam saŋa

- 169 O Apômtau, ɻoc tanj wacêšô aôm taŋamsuŋ.
Ôwa ɻoc kauc sa êtôm nêm biŋ.
- 170 Noc mec wacêšô aôm taŋamsuŋ
ma ônam aê sa êtôm biŋ, tanj gôjac mata naŋ.
- 171 Lanem oc êsêwa êsa aocsuŋ
gebe aôm kôdôŋ nêm biŋsu gêdêŋ aê.
- 172 Imbeloc oc ênam wê êpi nêm biŋ
gebe aômnêm biŋsu samob jagêdêŋ.
- 173 Ômansaŋ lêmam gebe ônam aê sa
gebe aê kajala aômnêm jatu.
- 174 O Apômtau, aê gajam aoc su gebe ônam aê sa

- ma aômnêm biñsu gêgôm aê têtac ñajam kêsa.
¹⁷⁵ Ojop aê jamoa matoc jali gebe jalanem aôm
 ma nêm gôliŋ ênam aê sa.
¹⁷⁶ Aê gao sic amboac domba gêbôm, onsom nêm
 sakiŋwaga
 gebe aê kalinj aômnêm biñsu siŋ atom.

120

Apômtau ênam aê sa aŋga kalomtênanêŋ

- ¹ Aê kapô lêna ma aoc gêjac Apômtau,
 tec enj kêkêŋ taŋa aê.
² O Apômtau, ônam aê kêsi aŋga gêdôŋôlic dansaŋ
 ma aŋga imbeleŋ geo.
³ Aôm imbêlam geo,
 Natau oc êkêŋ asagenj êndêŋ aôm ma êŋgôm aôm
 amboac ondoc.
⁴ Oc êkêŋ siŋwaganê sôb bôjaŋ-bôjaŋ
 ma sôb tojalana.
⁵ Ijoc aêma, tec gaŋgôŋ Mesek,
 tec gaŋgôŋ Kedarnêŋ becobo.
⁶ Aê gaŋgôŋ gawiŋ lau,
 taŋ sêkêŋ kisa gêdêŋ biŋmalô naŋ kêtômgac.
⁷ Aê ñac biŋmalôŋa, mago êndêŋ taŋ jasôm biŋ
 wamaŋa naŋ,
 êsêac sêndi êtu siŋŋa.

121

Nac taŋ gejob Israel ñaŋêŋ naŋ

- ¹ Aê gaôc matocanô sa kêpi lôc.
 Noc ênam-aê-sawaga mênësa aŋga ondoc.
² Apômtau taŋ kêkêŋ undambê to nom naŋ,

oc ênam aê sa.

³ Enj oc êkêj amkainj êka selelec atom.
 Nac tanj gejob aôm naŋ, ênac tuluc atom.

⁴ Biŋjanô, nac-gejob-Israelwaga
 gêjac tuluc to gêc bêc atom.

⁵ Apômtau kêtû nêm gejobwaga. Apômtau kêtû nêm
 ajurj,
 tanj lêmam anôŋa kêsô ŋalabu naŋ,
⁶ gebe oc êpac aôm êndêŋ ocsalô atom,
 ma ajôŋ êpô aôm êndêŋ êmbêc atom.

⁷ Apômtau ejop aôm êndêŋ gêŋ sec samob,
 enj gejob aôm katôm.

⁸ Apômtau oc ejop aôm êndêŋ tanj ôsa ôna ma ôsô
 ômôŋ naŋ,
 galoc ma endenj tōŋgeŋ.

122

Biŋmalô ênêc Jerusalem ŋamec

¹ Aê gaŋô lau sêšom gêdêŋ aê gebe “Tawê dandêŋ
 Apômtaunê andu tana”
 ma gêgôm aê têtac ŋajamanô.

² O Jerusalem,
 galoc eŋkaiŋ kêka aômnêm sacgêdô tōŋgac.

³ O Jerusalem, sêkwê aôm sa kêtiam
 kêtôm malac, tanj tuŋbôm kêpiŋ auc e ŋajaŋa
 naŋ.

⁴ Gôlôac to gôlôac sêpi gamêŋ tonaj
 Apômtau tau nê gôlôac sêpi-sêpi sêmoa
 êtôm enj kêjatu êsêac

gebe sêlanem Apômtaunê ñaê.

- ⁵ Añga tonaq tec tetoc lêpôñ sêmêtôc biñja kêkô,
tetoc Dawidnê gôlôacnêj lêpôñ kêkô.
⁶ Atej mec êtu Jerusalem êtap biñmalô saña.
Êsêac tañ têntac gêwiñ aôm nañ, sêmoa
ñajamgeñ.
⁷ Wama ênêc nêm tuñbôm ñalêlôm
ma biñmalô ênêc nêm andu ñalêlôm.
⁸ Aê gabe jasôm gebe “Biñmalô êndêñ aôm”
êtu ñoc lasitêwai to ñoc ñacña.
⁹ Aê gabe jatej moasinj êtu aômña,
êtu Apômtau, aêacnêj Anôtônê anduña.
*

123

Mec Apômtau taê walô aêacña

- ¹ Aê jaôc matocanô sa wacêpi aôm.
Matocanô endec undambê, tañ gôjam gôlinj
gôngôñ nanj.
² Aêac tatôm sakiñwaga, tañ mataanô êndêñ nê
ñatau to sakiñwagao, tañ mataanô gêdêñ nê
ñatauo,
tec aêac mateñanô êndêñ Apômtau, aêacnêj
Anôtô, e taê walô aêac.
³ O Apômtau, taêm walô aêac, taêm walô aêacmêñ.
Aêac anô lau sêbu aêac e kêmasê aêac sa.
⁴ Lau sêkêli tauñ nêñ pêlê to teñbeleñ angeñ nêñ biñ
susû
kêmasê aêac katuñ sa kêlêlêc.

124

Anôtô gêjam Israel sa, tec sêlambinj eñ

* **122:9:** Dawidnê teñ.

- ¹ Israel galoc sêôm acgom gebe
 “Apômtau embe êmoa êwiŋ aêac atom, oc am-
 boac ondoc.
- ² Gêdêŋ taŋ ñamalac dêdi sebe sênac aêac naŋ,
 Apômtau embe êmoa êwiŋ aêac atom,
- ³ oc têndançgôŋ aêac su tomateŋ jaligen
 ma senseŋ aêac su êtu nêŋ têntac ñandaŋ se-
 canôŋa.
- ⁴ Bu ñasamac oc epen aêac lênsôŋ
 ma êc aêac su
- ⁵ e ñasamac ñakotoŋ-kotoŋ
 ênsaŋ aêac auc.”
- ⁶ Aêac awenj êôc Apômtau gebe gêsunj aêac dadêŋ
 ñacio luŋluŋ
 jakékaku aêac popoc atom.
- ⁷ Aêac katuŋ gêwê sa kêtôm moc gêwê dibwaganê
 lakô sa.
 Lakô tau gêngic ma aêac tec tajam samuc.
- ⁸ Apômtau taŋ kêkêŋ undambê to nom naŋ,
 nê ñaê oc ênam aêac sa.

*

125

Anôtô kêtu nê lau Israel nêŋ lamu

- ¹ Lau taŋ ôlin andaŋ Apômtau naŋ, têtôm lôc Sion,
 taŋ oc kôjô-kôjô atom, êkô ñaŋêŋ endenj tôŋgenj
 naŋ.
- ² Lôc kêgi Jerusalem auc ma Apômtau kêgi nê lau
 auc kêtôm tonaj.
 Gagôm gêdêŋ galoc ma oc endenj tôŋgenj.

* **124:8:** Dawidnê teŋ.

- ³ Lau alôb-alôb sênam gôlinj lau gêdêj nêj gamêj
 ñapanj atom.
 Embe sêngôm, go lau gêdêj tauj oc sêngôm sec.
- ⁴ O Apômtau, ômoasiñ lau ñajam
 to êsêac, tañ tanej wamu aômnêm jatu nañ.
⁵ Ma êsêac, tañ seo sic nañ,
 Apômtau ôtiñ êsêac su nasêwiñ lau geowaga.

O Israel, biñmalô êndêj aômmañ.

126

Sêjam danje kêtû Anôtô gêjac êsêac sa kêtiamña

- ¹ Gêdêj tañ Apômtau gêjam Sionnê gêjwapac ôkwi
 ñanj,
 aêac asaê amboac aêc mêgeñ.
² Gêdêj tonaj aêac gêdôj ômac-ômacgeñ
 ma imbeleñ toôndugeñ.
³ Biñjanô, Apômtau gêgôm gêjsêga kêtû aêacña.
 Aêac ôlij kêpi ñanô.
⁴ O Apômtau, ônam aêacma gêjwapac ôkwi,
 amboac kom kékêj bu kësa ñamañ kêtiam arja
 gamêj mula-mña.
⁵ Lau tañ sêsê gêj tomatenjulu nañ,
 oc sêkôc ñanô sa toôndugeñ.
⁶ Nac tañ kêbic mowê tomatasulugen gêja gebe êsê
 nañ,
 oc êmu êmêj tomolêpoañ ma totêtac ñajamgen.

127

Anôtônê mec tagen ênam aêac sa

- ¹ Apômtau embe êkwê andu atom,

oc lau tauŋ sênam ñakoleŋ elêmê.
 Apômtau embe ejop malac atom,
 oc keleŋwaga sênam jali êtôm atom.
² Amac embe andi êndêŋ bêbêc kanucgeŋ
 ma anam kôm e êmbêcauc
 gebe atap gêŋ êôc amac tôŋna sa, oc aŋgôm elêmê.
 Nam gebe Anôtônê lau têtac gêwiŋ êsêacḥa têtap
 nêŋ gêŋ sa êndêŋ taŋ sênenç bêc naŋ.

³ Latuŋi têtu Anôtônê moasiŋ gêdêŋ aêac
 ma en gêjam mec aêac ña gôlôac tau.
⁴ Lau matac latuŋi
 têtôm sôb, taŋ kêsêp siŋwaga lêma naŋ.
⁵ Aê aoc êôc ñac,
 taŋ kêbic nê sôb tolagic-tolagic naŋ.
 Nac tonan̄ embe êmansaŋ nê biŋ êndêŋ nê soŋo-soŋo
 aŋga malac ñasacgêdô,
 oc sêngôm eŋ maya êsa atom.

*

128

Taŋen wamu Apômtau ñagêjô

¹ Aê aoc êôc ñac, taŋ kêtêc Apômtau,
 taŋ kêsa ênê lêŋ gêmoa naŋ.

² Aôm oc ôtap lêmam ñakoleŋ ñajanô sa.
 Ma aôm ôtu samuc ma ômoa ñajamgen.

³ Aômnêm awê êmoa nêm andu amboac m ma-
 maloc,
 taŋ ñalatu taêsam kêgi auc naŋ.
 Aômnêm ñapalê têtôm nip kepeŋ
 kêgi nêm tebo auc.

* **127:5:** Salomonê ten.

- ⁴ Biñjanô, ñac teñ embe êtêc Apômtau,
oc Apômtau ênam mec eñ amboac tonanjeñ.
- ⁵ Apômtau ênam mec aôm añga Sion
gebe ôlic Jerusalem ñamoasiñ ênac matamanô
ñajam êtôm aômnêm têm ômoa matam jaliña,
⁶ ma ôlic nêm ñapalêñej wakuc.
O Israel, biñmalô êndêñ aômmañ.

129

Israel sêôc gêjwapac ma Apômtau gêjam êsêac sa

- ¹ Israel embe êsôm nê biñ teñ, oc êsôm, nê biñ tonec
lasê gebe
“Aê ñapalêgeñ ma sêlêsu aê ñasec.
- ² Biñjanô, aê ñapalêgeñ ma sêlêsu aê ñasec,
mago sêkônij aê tôj atom.
- ³ Lau sakwenjtêna sêsêlê aê dêmôêctêkwa
e popoc jamuñ-jamuñgeñ,
- ⁴ mago ñac gêdêñ Apômtau gêdim lakô,
tañ lau sec sêwa su nañ gêngic.”
- ⁵ Lau samob, tañ têtac kêbôli auc kêtû Sionja nañ,
sênu tauñ su tomajenjeñ.
- ⁶ Oc têtôm gêgwañ, tañ kékô salôm eñ, ñao nañ,
etu kapôeñ atom tageñ ma êmêliñ sebenj.
- ⁷ Njanô masi, tec ñac teñ ejoñ sa atom
ma teñ ênac lagic gêñ tau atomanô.
- ⁸ Ma ñac teñ, tañ êsa intêna tonaj mêmêlic gêñ tau
nañ, oc êmóêc gebe “Apômtaunê moasiñ êpi
amac.
Aêac ajam mec amac ajam Apômtau lañô” nec
atom.

130

Mec Apômtau ênam aêac saña

¹ O Apômtau, aê aoc gêjac aôm anga ɻakêlêndij sec.

² Apômtau, ôkêj taŋam aê aoc.

Ôê taŋam ɻoc taŋiboa kapôêj.

³ O Apômtau, aôm embe ôê sec tōj,

o Apômtau, asa oc êkô aôm lanjômnêm.

⁴ Mago aôm, tec kôsuc biŋ ôkwi,

amboac tonaj tec têtêc aôm.

⁵ Aê gaôn Apômtau. noc katuc gêôj eŋ,

tec kakêj matoc nê biŋ.

⁶ Noc katuc gêôj Apômtau gêmoa,

gêgôm kêlêlêc ɻac, taŋ gêdib gamêj gebe

elenjaŋa naŋ su. Gêgôm kêlêlêc dibwaga
tonaj su biŋjanôgoc.

⁷ Israel, ôkêj matam Apômtau

gebe Apômtau kêtu têtac gêwiŋ teŋgeŋja

ŋamôkê ma gêjam lau kêsi gêjac ɻawaegêj.

⁸ Ma eŋ oc ênam Israel kêsi

* anga nêj sec samob.

131

Oliŋ andaŋ Apômtauŋa

¹ O Apômtau, aêŋoc ɻalêlôm kêkiaŋ tau sa atom
ma matocanô ketoc tau sa atom.

Aêŋoc ɻalêlôm taê kêka gêj,
taŋ kapôêj kêlêlêc aê naŋ atom.

² Masianô, aê kakôniŋ ɻoc ɻalêlôm tōj ɻanjêŋgenj.

* **130:8:** Pesalem dambu tauŋja kêtu 6ŋa.

Ñoc ñalêlôm ñaŋêj kêtôm ñapalê, taŋ jamaŋgeŋ
gêsac têna lêma dambê naŋ.

³ O Israel, ôkêj matam Apômtau
êndêj galoc ma enden tõŋgeŋ.

Dawidnê teŋ.

132

Anôtô ênam mec gamêj dabuŋ

¹ O Apômtau, taêm ênam Dawid
to nê gêŋwapac samob.

² Taêm ênam gebe eŋ kêtôc lêma gêdêj Apômtau
ma gêjac mata biŋ gêdêj Jakobnê Anôtô ñaclai
gebe

³ “Aê gabe jasô ñoc beclêlôm atom
ma jasa tauc sic janêc ñoc mê atom,

⁴ aê gabe matocanô ênam kauc bêc
ma matoc êmôp êtu bêcŋa atom,

⁵ jamoa e jatap Apômtaunê mala teŋ sa
ma jatap Jakobnê Anôtô ñaclai nê andu teŋ sa
acgom.”

⁶ Biŋjanô, aêac aŋgôŋ Eprata ma aŋô andu tau
ñawae,

go atap sa aŋga kôm Jarŋa.

⁷ Aêac asôm gebe “Ajôc, tasô ênê andu ñalêlôm tana
nadau tauŋ ma tateŋ mec tanêc ênê akain
ñataoŋ.”

⁸ O Apômtau, ôndi tonêm poac ñakatapa ñaclaiŋa
ma ôna malam ôlêwanj taômŋa.

⁹ Aômnêm dabuŋwaga sêšô biŋgêdêj êtu nêŋ ñakwê
ma aômnêm lau mansaŋ sênam lasê totêntac
ñajamgeŋ.

10 Ôtiŋ nêm ɳac, taŋ goen oso eŋ naŋ, su atom
êtu nêm sakiŋwaga Dawidŋa.

11 Apômtau kêtôc lêma ma kêsôm nê biŋ kêtû tôŋ
gêdêŋ Dawid.

Eŋ kêsôm tobinqanôgen ma oc ênam ôkwi atom
gebe

“Aê gabe jakêŋ aôm taôm latôminêŋ teŋ
êŋgôŋ aômnêm lêpôŋ.

12 Latômi embe sêmansaŋ aêŋoc poac
to ɳoc biŋsu, taŋ jandôŋ êsêac naŋ,
oc nêŋ wakuc sêŋgôŋ aômnêm lêpôŋ
endenj tôŋgeŋ.”

13 Biŋjanô, Apômtau kêjaliŋ Sion sa
ma taê gêjam gebe êtu ênê andu.

14 Ma eŋ kêsôm gebe “Aê maloc jalêwaŋ tauc endenj
tôŋgeŋja naŋ tonec.

Aê taêc gêjam kêtû tôŋ tec jaŋgôŋ tonec.

15 Aê gabe janam mec êsêacnêŋ gêŋ êlêlêc su.

Aê gabe jakêŋ mo êôc nêŋ lau ɳalêlôm sawa
tôŋ.

16 Aê gabe jakêŋ moasinj êtu nêŋ dabuŋwaganêŋ
ɳakwê.

Êsêacnêŋ lau mansaŋ oc sênam lasê totêntac
ɳajamgeŋ.

17 Aê gabe Dawidnê ɳaclai êpoa lasê aŋga tônê.

Aê kamasaŋ aêŋoc ɳac, taŋ gaen oso eŋ naŋ, nê
jakaiŋ teŋ kékô.

18 Aê jakêŋ majeŋ êtu ênê ɳacjonêŋ ɳakwê,
mago eŋ êkuc sunsunj ɳaôsic-ôsic êŋgôŋ eŋ
môkêapac.”

133

Lasitêwai semoa sêwiŋ tauŋ ɻapep ɻabiŋ

- 1 Alicgac me, lasitêwai embe sêngôŋ sêwiŋ tauŋ,
oc talic ɻakatu têtac êsa laŋgwageŋ.
 - 2 Biŋ tonaj kêtôm niptêkwi ɻajamanô, taŋ sêkêc kêpi
Aron môkêapac ma keselen kêdaguc ênê êm,
e jagêsc ênê ɻakwê gêsutêkwa.
 - 3 Kêtôm maniŋ anja lôc Hermon,
taŋ kêsêlô ménjkêpi Sion naŋ,
gebe gamêŋ tonaj Apômtau gêjam mec su
gebe sêmoa mateŋ jali enden tôngen.
- *

134

Anôtônê sakij gêbêcŋa ɻawê

- 1 Ajôc, Apômtaunê sakinwaga samob, taŋ akô
Apômtaunê andu gêdêŋ gêbêc naŋ,
alanem Apômtau.
- 2 Aôc lemem sa ateŋ mec akô gamêŋ dabuŋ
ma alanem Apômtau.
- 3 Apômtau, taŋ kêkêŋ undambê to nom naŋ,
ênam mec aôm anja Sion.

135

Aweŋ êôc Apomtau

- 1 Aleluja.

Awem êôc Apômtaunê ɻaê.

- Amac taŋ ajam sakij Apômtau naŋ, alanem eŋ.
- 2 Amac taŋ akô Apômtaunê andulêlôm

* 133:3: Dawidnê teŋ.

- to akô aêacnêj Anôtônê andu ñamalacluñ nañ,
 3 awem êôc Apômtau, gebe Apômtau eñ ñac gabêjam.
 Anam wê êpi ênê ñaê gebe eñ têtac kêsa lañgwageñ.
 4 Gebe Apômtau kêjaliñ Jakob sa ma Israel kêtû ênê gêjlênsêm.
- 5 Biñjanô, aê galicgac, Apômtau eñ ñac kapôêj ma aêacnêj Anôtô kôlêlêc anôtôi samob su.
 6 Gêj samob, tañ Apômtau têtac gêwiñ aña undambê to nom ma aña gwêc to gêdimbobsêga samob nañ, oc êngôm êtu tôñ.
 7 Enj tec gêwê tao aña gwêcm kêpi gêmêj ma kêkêj ôsic kêsêp kom ñalêlôm ma kêkôc mu su aña nom ñakêclêsu.
- 8 Enj tec gêjac Aiguptu nêj ñamêc êndu, gêgôm gêdêj ñamalac to bôc.
 9 Aña tônê eñ kêsakiñ gêjsêga to gêjtalô gebe êmêtôc Parao to nê sakijwaga samob.
 10 Enj tec gesenj lau tomôkê-tomôkê taêsam ma gêjac nêj kiñ toñaclai êndu.
 11 Amboac lau Amor nêj kiñ Sihon ma Basan ñakin Og ma lau Kanaan nêj kiñ toê-toê samob.
 12 Ma eñ kêkêj êsêacnêj gamêj gêdêj lau Israel sêwê kaiñ.
- 13 O Apômtau, aôm nêm ñaê oc ênêc teñgen. O Apômtau, nêm waem oc êsa êndêj gôlôac to gôlôac.

14 Gebe Apômtau kêwaka nê launêj biŋgêdêj sa
ma taê walô nê sakiŋwaga.

15 Tenteŋlatunêj gwam ŋamalac lemenj sêgômja.
Êsêac sêmasaŋ ŋa silber to gold.

16 Aweŋsuŋ gêc, mago sêsôm biŋ atom.
Mateŋjanô gêc, mago sêlic gamêj atom.

17 Taŋeŋsuŋ gêc, mago sêjô biŋ atom
ma sêsi aweŋ atom amboac tonanjeŋ.

18 Lau taŋ sêmasaŋ gêj tauwaga naŋ, oc têtôm nêŋ
gêj tonajeŋ
ma lau samob, taŋ ôliŋ andaŋ naŋ, amboac
tonanjeŋ.

19 O Israelnê gôlôac, alanem Apômtau.
O Aronnê gôlôac, alanem Apômtau.

20 O Lewinê gôlôac, alanem Apômtau.
Amac taŋ atêc Anôtô naŋ, alanem Apômtau.

21 Aweŋ êôc Apômtau aŋga Sion,
ŋatau, taŋ gêŋgôŋ Jerusalem naŋ.

Aleluja.

136

Wê danjeŋa ten

1 Anam danje Apômtau gebe eŋ ŋac gabêjam.
Biŋjanô, ênê moasiŋ ênêc endenj tôŋgeŋ.

2 Anam danje anôtôinêj Anôtô.
Biŋjanô, ênê moasiŋ ênêc endenj tôŋgeŋ.

3 Anam danje apômtauinêj Apômtau.
Biŋjanô, ênê moasiŋ ênêc endenj tôŋgeŋ.

4 Eŋ gêgôm gêŋsêga.
Biŋjanô, ênê moasiŋ ênêc endenj tôŋgeŋ.

- 5 Enj kékêj undambê tokaucgej.
 Biñjanô, ênê moasiñ ênêc endenj tójgej.
- 6 Enj kêmasañ nom gêsac bu ñaô.
 Biñjanô, ênê moasiñ ênêc endenj tójgej.
- 7 Enj kékêj oc to ajôj.
 Biñjanô, ênê moasiñ ênêc endenj tójgej.
- 8 Enj kékêj oc gebe êwê gamêj êndêj ocsalô.
 Biñjanô, ênê moasiñ ênêc endenj tójgej.
- 9 Enj kékêj ajôj to utitalata gebe sêpô gamêj êndêj
 êmbêc.
 Biñjanô, ênê moasiñ ênêc endenj tójgej.
- 10 Enj gêjac Aiguptunêj ñamêc êndu.
 Biñjanô, ênê moasiñ ênêc endenj tójgej.
- 11 Enj gêwê Israel sa aŋga Aiguptu.
 Biñjanô, ênê moasiñ ênêc endenj tójgej.
- 12 Enj gêgôm ña lêma ñajaña ma gêôc lêmadamabê sa.
 Biñjanô, ênê moasiñ ênêc endenj tójgej.
- 13 Enj gêwa Gwêckoc kékôc gêja luagêc.
 Biñjanô, ênê moasiñ ênêc endenj tójgej.
- 14 Enj gêwê Israel sêsêp ñalêlôm sêja.
 Biñjanô, ênê moasiñ ênêc endenj tójgej.
- 15 Enj kêtij Parao to nê lausinj sêsêp Gwêckoc
 ñalêlôm ma sênôm gwêc su.
 Biñjanô, ênê moasiñ ênêc endenj tójgej.
- 16 Enj gêwê nê lau sêmoa gamêj sawa.
 Biñjanô, ênê moasiñ ênêc endenj tójgej.
- 17 Enj gêjac kiŋ toŋaclai êndu.
 Biñjanô, ênê moasiñ ênêc endenj tójgej.
- 18 Nac tau, taŋ gêjac kiŋ towae êndu naŋ.
 Biñjanô, ênê moasiñ ênêc endenj tójgej.
- 19 Enj gêjac lau Amor nêŋ kiŋ Sihon êndu.

- Biñjanô, ênê moasiŋ ênêc endenj tōŋgeŋ.
 20 Enj gêjac Basan ɣakinj Og êndu.
 Biñjanô, ênê moasiŋ ênêc endenj tōŋgeŋ.
 21 Enj kêkêŋ lau tonaq ɣai nêŋ gamêŋ gêdêŋ nê lau
 sêwê kainj.
 Biñjanô, ênê moasiŋ ênêc endenj tōŋgeŋ.
 22 Enj kêkêŋ gamêŋ tau gêdêŋ nê sakinwaga Israel.
 Biñjanô, ênê moasiŋ ênêc endenj tōŋgeŋ.

 23 Enj tec taê gêjam aêac gêdêŋ taŋ tapô lêna naŋ.
 Biñjanô, ênê moasiŋ ênêc endenj tōŋgeŋ.
 24 Ma gêjam aêac kêsi aŋga lau, taŋ sêlêsu aêac naŋ.
 Biñjanô, ênê moasiŋ ênêc endenj tōŋgeŋ.
 25 Enj gêlôm gêŋ taniŋja gêdêŋ gêŋ mateŋ jaliŋa
 samob.
 Biñjanô, ênê moasiŋ ênêc endenj tōŋgeŋ.

 26 Anam daŋge êndêŋ undambê ɣatau Anôtô.
 Biñjanô, ênê moasiŋ ênêc endenj tōŋgeŋ.

137

*Lau taŋ sêŋgôŋ kapoacwalô aŋga Babel naŋ, nêŋ
 tanjiboa*

¹ Gêdêŋ taŋ aêac aŋgôŋ Babelnêŋ bu naŋ,
 aêac taêŋ gêjam Sion ma atanj.
² Aêac akêŋ ma gêŋ wêŋa
 geŋ kaleŋ ka siuŋ, taŋ kêkô tonaq naŋ,
³ gebe lau, taŋ sêkôc aêac tōŋ naŋ,
 sêkac aêac gebe anam ma wê, ma lau, taŋ
 sêlêsu aêac naŋ,
 sêkac aêac gebe amoá toôndugeŋ ma sêšôm gebe
 “Anam nêm wê Sionja teŋ aêac aŋô.”

- ⁴ Mago aêacmêj oc anam Apômtaunê wê
aŋga gamêj jaba amboac ondocgeŋ.
- ⁵ O Jerusalem, aê embe jalin aôm siŋ,
oc lemoc anôŋa êtu toŋ.
- ⁶ Aê embe taêc ênam aôm atom ma embe ja-
toc Jerusalem sa êlêlêc ηoc gêŋ samob, tan
gêgôm aê têtac ηajam naŋ atom,
oc imbeloc êsap lôcboam tôŋ.
- ⁷ O Apômtau, taêm ênam bêc, tan lau Edom sêgôm
gêŋwapac
gêdêŋ Jerusalem naŋ.
Êsêac sêmôêc gedeŋ tôngen gebe
“Anseŋ êliŋ-eliŋ êsêp e êndêŋ nomban.”
- ⁸ O Babel, aôm kalomtênao.
Aêac awenj êôc ηac, tan êkêŋ gêŋ, tan gôgôm
gêdêŋ aêac naŋ, êmu wacêpi aôm êtiam.
- ⁹ Aêac awenj êôc ηac, tan êôc nêm ηapalê dedec sa
ma êmakinj êsêac sêpi poc naŋ.

138

Wê danjeŋa kêtu Anôtônê biŋ ηaŋêŋja

- ¹ O Apômtau, aê gabe janam danje aôm toŋoc
ηalêlôm samucgeŋ.
Aê gabe jalambiŋ aôm êndêŋ anôtôi sêlic.
- ² Aê gabe jateŋ mec êndêŋ aôm jakô nêm lôm dabuŋ
ηamagêŋa
ma jalanem aômnêm ηaê êtu nêm moasiŋ to
biŋ ηaŋêŋja
gebe aôm kôwaka nêm ηaê to biŋ, tan gôjac mata
nan sa
kêlêlêc ηêŋgeŋ su.

- 3** Gêdêŋ taŋ aoc gêjac aôm naŋ, kôkêŋ taŋam aê.
Ma kôpuc ḥoc ḥalêlôm tōŋ ḥa nêm ḥaclai kainj teŋ.
- 4** O Apômtau, kiŋ samob aŋga nom embe sêŋô awamsuŋ ḥabiŋ
oc sêlambiŋ aôm.
- 5** Ḫesêac oc sêŋga wê épi Apômtaunê gôlinj
gebe Apômtaunê ḥawasi gêjam gamêŋ auc.
- 6** Apômtau kêtû ḥac towaegoc ma gêjam ḥac ḥalêlôm sawa sa
ma kêjala lau-tetoc-tauŋ-sawaga, taŋ sêmoa jaêc
eŋ naŋ, amboac tonanjen.
- 7** Aê embe jamoa gêŋwapac ḥalêlôm,
aôm oc ôpuc aê tōŋ janjôŋ matoc jali.
Aôm kôpuc ḥoc ḥacjo, taŋ têntac ḥandaŋ sec gêdêŋ aê
naŋ sugenj
ma nêm anôŋa gêjam aê sa.
- 8** Apômtau oc êŋgôm gêŋ, taŋ gêjac mata gêdêŋ aê
naŋ ḥanô ḫsa.
O Apômtau, nêm moasiŋ ênêc teŋgenj. Ônac
dabiŋ kôm, taŋ gôjac m naŋ.
- *

139

*Anôtô kêjala gêŋ samob e gêdêŋ ḥamadiŋ to gêmoa
gamêŋ samob*

- 1** O Apômtau, aôm gôbi ḥoc ḥalêlôm lêtêŋ e kôjala aê.
2 Aê embe janjôŋ me jandi sa, oc ôjala.
Aôm gômoa jaêc, mago kôjala biŋ, taŋ aê taêc
gêjam naŋ.

* **138:8:** Dawidnê teŋ.

- ³ Aôm gôlic aê kasêlêŋ me gaêc
ma kôjala aêŋoc lêŋ e tomalagen samob.
- ⁴ Nälô teŋ ênsac imbeloc atom tagen
ma aôm Apômtau oc ôjala kwanaŋgen.
- ⁵ Aôm kôpiŋ aê auc aŋga muŋa ma nêm ŋa
ma gu lêmam gêsac môkêcapac.
- ⁶ Aê kasaê biŋ tonaq kaiŋ teŋ ŋanô
kêlêlêc aêŋoc kauc su, tec kajala atom.
- ⁷ Nêm Nälau gêmoa ma aê oc jasa ondoc
ma aê oc jaêc jamu ondocŋa gebe ôlic aê atom.
- ⁸ Aê embe japi undambê jawac, oc jatap aôm sa.
Ma embe jaja ŋoc mê ênêc lamboam, oc jatap
aôm sa.
- ⁹ Aê embe jalôp jandêŋ gamêŋ oc kêpiŋa
ma najalêwan jaŋgôŋ gamêŋ oc kêsêpnja jana,
- ¹⁰ oc lêmam êwê aê aŋga ônê
ma ôsip aê sa ŋa nêm anôŋa.
- ¹¹ Ma aê embe jasôm gebe gêsunjbôm êkôm aê auc
samucgeŋ
ma ŋawê, taŋ kêpô aê naŋ, ênam kesec,
- ¹² mago aôm oc ôlic ŋakesec amboac ŋakesec atom.
Ôlic gêbêcauc amboac eleŋŋa ma ŋakesec am-
boac ŋawê.
- ¹³ Aôm taômgeŋ tec kôkêŋ aêŋoc ŋalêlôm
ma kôlêšôb aê aŋga tinoc têtaclêlôm.
- ¹⁴ Aê gajam daŋge aôm gebe kôkêŋ aê ŋamêtê kaiŋ
teŋ.
Aêŋoc katuc kêjala gebe aômnêm gêŋ, taŋ
gôgôm naŋ, kêtû gêŋsêga kaiŋ teŋ.
- ¹⁵ Aôm kôjala ŋoc ŋatêkwa ŋasec-ŋasec samob

gêdêŋ taŋ kôkêŋ aê kelec-kelec kôsiŋgeŋ ma
kôlêšôb aê aŋga tinoč têtaclêlôm.

16 Matamanô gôlic aê gêdêŋ taŋ aê ɻanô kêsa atom-
geŋ ma koto ɻoc bêc, taŋ taêm gêjam gebe
janjôŋja naŋ, gêc nêm buku kwanaŋgeŋ.

Gôgôm gêmuŋ kêsêp ɻasawa, naŋ ɻoc bêc teŋ
mêŋkêsa atomanô naŋ.

17 O Anôtô, biŋ taŋ aôm taêm gêjam naŋ, ɻawapac, oc
jajala amboac ondoc.

Gêŋ tonan̄ taêsam e ɻalêlêma atom.

18 Aê embe jasa sa, oc jalic êlêlêc gaŋac su.

Aê embe janêc e gulun̄ jandi, naŋ jatap aôm sa.

19 O Anôtô, ônac alôb-alôbwaga êndumaŋ
ma ôkêŋ lau, taŋ sêwê kaiŋ dec naŋ, sêc su aŋga
aêŋoc.

20 Lau tonan̄ tec sêkiaŋ tauŋ sa ma sêšôm biŋ alôb-
alôb kêpi aôm
ma sêgôm aômnêm ɻaê kêtû meloc.

21 O Apômtau, aê oc jakêŋ kisa êndêŋ lau, taŋ sêkêŋ
kisa gêdêŋ aôm naŋ, atom me.

Ma janam lanjôcanô ôkwi êndêŋ lau, taŋ sêli
tauŋ sa gêdêŋ aôm naŋ, atom me.

22 Biŋjanô, aê kakêŋ kisa gêdêŋ êsêac ɻajaŋa,
galic êsêac têtu ɻoc ɻacio.

23 O Anôtô, ômbi aê lêtêŋ e ôjala ɻoc ɻalêlôm.
Ônsaê aê to ôjala gêŋ, taŋ taêc gêjam naŋ.

24 Ma embe ôlic aê jasa lêŋ dansan̄ jamoa,
naŋ ôwê aê jasa lêŋ ɻaŋêŋja.

*

* **139:24:** Dawidnê pesalem teŋ.

140

Mec êtu Anôtô ênam aêac saña

- 1 O Apômtau, ônam aê kêsi êndêj lau sec
ma ojop aê êndêj lau toaclai.
- 2 Lau tonan taêj gêjam biñ sec gêc nêj ñalêlôm
ma sêkalom kisa kêtôm bêcgeñ.
- 3 Êsêacnêj imbelen ñamata kêtôm moac wêmnê.
Moac ñamalic gêc kêsa panj gêdôñôlicgeñ.
- 4 O Apômtau, ojop aê êndêj lau alôb-alôb lemenj.
Ônam jaom aê êndêj lau toaclai, tanj sêkic biñ
sebe senseñ aê nañ.
- 5 Tetoc-tauñ-sawaga sêwa lakô kêtû aêña.
Êsêac sêkic uc gêjac intênataligeñ ma sêwa lip
kêtû aêña gebe ênac aê.
- 6 Aê kasôm gêdêj Apômtau gebe “Ñoc Anôtô aôm.”
O Apômtau, òkêj tañam ñoc tañi kapôeñ
- 7 O Apômtau, ñoc Anôtô, ñoc ñac, tanj gôjam aê sa
ñajaña nañ.
Aôm kôtu ñoc lamu gêdêj noc siñja.
- 8 O Apômtau, òkêj biñ, tanj lau alôb-alôb taêj gêjam
to kêkac êsêac nañ, ñanô êsa atom.
Onsenj biñ, tanj sêkic kêtû aêña nañ su.
- 9 Òkêj ñoc ñacjo sêku aê tulu atom
ma biñ, tanj sêkic kêtû aêña nañ, êpi êsêac tauñ.
- 10 Enj êkêj ñalana ênsêlô êpi êsêac tauñ.
Enj êtiñ êsêac sêsêp sêlêlôm sêna e dêndi sa êtiam
atom.
- 11 Ñac-gêga-biñwaga oc êmoa naeo.

Ma gêñwapac oc epeñ ñac toñaclai sec nañ,
piñpoap-piñpoap e ênaña.

- ¹² Aê galicgac gebe Apômtau oc êmansañ lau sêñgôñ
jageo nêñ biñ
to êmansañ lau ñalêlôm sawa nêñ bin.
¹³ Biñjanô, lau gêdêñ oc sênam dañge êtu aômnêm
ñaêña.
* Lau gêdêñ oc sêñgôñ sêwiñ aôm.

141

Mec kêtulaña teñ

- ¹ O Apômtau, aê aoc gêjac aôm ôkac taômgenj ôndêñ
aê ômôêñ.
Embe jamôêc aôm, nañ ôkêñ tañam ñoc aoc.
² Ôlic ñoc mec êtôm gasôb jadauñ gêdêñ aôm.
Ôlic jaôc lemoc sa êtu da êtulaña.
³ O Apômtau, ôkêñ aocsuñ ñadibwaga teñ
ma ôkêñ gêdôcôlic ñakatam ñagejobwaga teñ.
⁴ Ôkêñ ñoc ñalêlôm ewec êndêñ gêñ sec
gebe jañgom gêñ alôb-alôb atom.
⁵ Nac gêdêñ teñ embe ênac aê me êlêñ biñ aê, nañ
jajala gebe oc têtac gêwiñ aê,
mago aê janac jao gebe lau sec nêñ teñ êniñ
oso môkêcapac atomanô gebe kateñ mec
gedenj tôñgenj gebe Apômtau epeñ êsêacnêñ
kisa su.
⁶ Embe sêmbalinj nêñ mêtôcwaga sêsêp pocsaginj,

* **140:13:** Dawidnê pesalem teñ.

lau oc sêjala gebe Apômtaunê biŋ biŋjanô.

⁷ En̄ kēpalip êsêacnêŋ ɻatêkwa jatotoŋ-totoŋ sêc
gêdêŋ lamboam ɻagêsuŋawa,
kêtôm poc, taŋ têtuc kêkôc e popoc-popocgeŋ
gêc intêna naŋ.

⁸ Matoc êndin̄ aôm, Apômtau ɻoc Anôtô. Aê gabe jaê
lamu aôm.

Amboac tonan̄ ôwi ɻoc katuc siŋ gebe janan̄a
atom.

⁹ Ojop aê êndêŋ lakô, taŋ sêwa kêtû aêŋa naŋ,
ma êndêŋ lau secwaga nêŋ lip amboac tonan̄.

¹⁰ Ôkêŋ lau, taŋ sêkac tauŋ su naŋ, sêwê tauŋ nêŋ
* uc ma aê jao gala jana.

*

142

Anôtô ênam aêac sa an̄ga gêŋwapac ɻalêlôm ɻamec

¹ Aê aoc gêjac Apômtau kapôêŋgeŋ,
gamôêc kapôêŋ gêdêŋ Apômtau.

² Aê kasêwa ɻoc tan̄i gêc eŋ lanjônêmja,
kasôm ɻoc gêŋwapac lasê gêdêŋ eŋ.

³ Gêdêŋ tan̄i ɻoc ɻalêlôm ɻagogo naŋ,
mago aôm kôjala lêŋ, taŋ aê kasa naŋ.

Sêwa lakô kelecgeŋ
gêc ɻoc intêna, taŋ kasa naŋ.

⁴ Aê matoc geso gêmu anôŋa,
mago katap ɻac teŋ gebe ênam aê saŋa sa atom.
Aê gabe jaê lamu gêŋ teŋ, mago katap sa atomanô
ma ɻac teŋ gebe ênam aê saŋa gêmoa atomanô.

* **141:10:** Dawidnê pesalem teŋ.

5 O Apômtau, aê aoc gêjac aôm.

Aê kasôm gebe ñoc lamu aôm to ñoc gêjlênsêm,
taŋ gawê kaiŋ aŋga lau mateŋ jali nêŋ
gamêŋ naŋ.

6 Ojae, ôŋô ñoc tanjiboamanj gebe aê katuc gêbac su.

Ônam aê kêsi aŋga lau, taŋ sêlêsu aê naŋ, gebe
nêŋ ôlinj walô kêlêlêc aê su.

7 Wê aê sa aŋga kapoacwalô
gebe jalanem aômnêm ɳaâ.

Aôm embe ômoasinj aê,
oc lau gêdêŋ sêkac sa sêwiŋ aê.
gêngôŋ poclabu naŋ. *

143

Embe ôlinj to katuŋ êŋgôŋ naeo, naŋ aweŋ ênac Anôtô

1 O Apômtau, ôŋô ñoc mec ma ôê tanjam ñoc tanj.

Aôm ɳac tobinj ɳanjêŋ, ôkêŋ tanjam aê êtu nêm
biŋgêdêŋya.

2 Ôkic nêm sakiŋwaga nê biŋ atom

gebe aôm ôlic ɳamalac mata jali teŋ êtôm ɳac
gêdêŋ atom.

3 Ojae, ɳacio tau kêjanda katuc.

Enj kêku aê tulu jagaêc nom ma aê katôm êsêac,
taŋ sêmac êndu su naŋ.

4 Aêŋoc katuc ôluŋ-ôluŋgen

e ñoc ɳalêlôm kêtû tonj aŋga ñoc wanjlêlôm.

* **142:7:** Dawid gêga wê tonaj gêdêŋ taŋ

5 Aê taêc gêjam têm gêmuñ andanjeñja ma taêc
gêjam aômnêm lêmam ñakôm samob, tañ
gôgôm nañ.

Taêc gêjam jakêsêp aômnêm gôliñ samob.

6 Aê galam lemoc ma kateñ meç gêdêj aôm.
Aêñoc katuc gêjam awa su aôm kêtôm nom
ñakeleñ kêsê awa gebe kom ênac.

7 O Apômtau, ôkac taômgen mênôkêñ tañam aê.

Ñoc ñalêlôm kêtu dambê-dambê su gebe
janaña.

Ônsan lanjômanô auc êndêj aê atom
gebe jatôm êsêac, tañ sê su sêsêp sêlêlôm sêja
nañ atom.

8 Ôkêj aê jañô aômnêm têmtac gêwinj teñgeñja
ñawae êndêj eleñja
gebe aê taêc kêka aôm.

Ôtôc intêna, tañ gobe aê jasa nañ, êndêj aê
gebe jasuñ ñoc katuc sa êndêj aôm êwac.

9 O Apômtau, ônam aê kêsi êndêj ñoc ñacjo.
Aê jandêj aôm wacjaê lamu aôm.

10 Ôndôj aê jañgôm ñoc gêj êtôm aôm gôlic ñajam
gebe aêñoc Anôtô aôm.
Aômnêm Ñalau ñajam êwê aê jasa lêj ñañêj.

11 O Apômtau, ôpuc aê tôj jañgôj matoc jali êtu
aômnêm ñañêj.

Ônam aê sa añga gêjwapac êtu aômnêm
biñgêdêjja.

12 Onseñ ñoc ñacjo su ma ômoasiñ aê ma onsoc
samob, tañ sêlêsu aê nañ,

gebe nêm sakinjwaga aê. *

144

Aweñ gêôc Anôtô ñamec. Moasiñ gêjam Israel auc

- ¹ Aê aoc gêôc Apômtau, taŋ kêtû ñoc tuŋtêna naŋ.
Eŋ tec kêdôŋ lemoc gebe janac siŋ ñajaŋa ma
lemoclatu gebe janac siŋ ñajaŋa.
- ² Eŋ tec kêtû ñoc balaŋ ma ñoc tuŋtêna to ñoc
kêsiwaga. Eŋ tec kêtû ñoc lautuc to ñoc lamu.
Eŋ kékêŋ tentenjlatu sêso aê ñalabu.
- ³ O Apômtau, ñamalac kêtôm asagen, tec aôm matam
gêdiŋ eŋ
ma ñamalac latu tonec kêtôm asagen, tec aôm
taêm gêjam eŋ nec.
- ⁴ Namalac kêtôm awajaô
ma ênê bêc kêtôm gêŋ ñajaô-jaô.
- ⁵ O Apômtau, ôwê nêm undambê sa ma ôsêp ômôêŋ
ma ômoasac lôc gebe jadaŋ ësa.
- ⁶ Ôpalip ôsic mëjenseŋ êsêac êliŋ-êliŋ.
Ôpê nêm sôb ma onsoc êsêac sêc sêna.
- ⁷ Ômêtôc lêmam aŋga lôlôc mëjôjaŋgo aê su
ma ônam aê sa aŋga ñasamac kapôêŋ aŋga lau
jabâ lemeŋ.
- ⁸ Lau tonan gêdôŋôlic sêsoñ biŋ dansaŋ
ma nêŋ anôŋa kêtôc gêŋ geo.
- ⁹ O Anôtô, aê gabe jaŋga wê wakuc teŋ êpi aôm
ma jaŋgôm gêŋ wêŋa toŋagam lemelu êtaŋ ma
janam wê êndêŋ aôm.

* **143:12:** Dawidnê pesalem teŋ.

10 Aôm kôpuc kinj tôj e sêku ñacjo tulu.

Aôm kôjaŋgo nêm sakiŋwaga Dawid su aŋga siŋ
ñaclai.

11 Ônam aê sa ma ôjaŋgo aê su aŋga lau jaba lemenj.

Aŋga lau, tanj gêdôŋôlic sêšôm biŋ dansaŋ to
nêŋ anôŋa têtôc geo naŋ.

12 Aêac latuŋi lau matac têtôm ka balinj

ma aêac latuŋio têtôm andu ñajam-ñajam ñaalê
poc, tanj sepeŋ ñatalô naŋ.

13 Aêacma andu moŋa gêlôc laŋgwageŋ

ma angôŋ gêŋmasê ñaô geden tôngenj.

Aêacma domba sêsu ñalatu tausen to tausen

ma tentausen to tentausen seŋ gêŋ sêmoa oba.

14 Aêacma bulimakao sêsu ñalatu taêsam ma
gêŋwapac kêtap sa to sêjam ñalatu su atom.

Lau sêŋgôŋ sênam aucgenj, mago tanjiboa ênêc
nêŋ malacluŋ atom.

15 Aê aoc êôc lau, tanj sêmoa kêtôm biŋ, tec tasôm su
nec.

Aê aoc êôc lau, tanj Apômtau kêtu nêŋ Anôtô
naŋ.

*

145

Talanem Apômtau êtu nê moasiŋ to ñaclaiŋa

1 O ñoc kinj Anôtô, aê gabe jatoc aôm sa
ma jalanem nêm ñaê endeŋ tôngenj.

2 Aê gabe jalanem aôm êtôm bêcgeŋ
ma aoc êôc nêm ñaê endeŋ tôngenj.

3 Apômtau enj ñac kapôeŋ, tec talanem enj ñanômaŋ.

* **144:15:** Dawidnê teŋ.

Aêac ηamalac oc tapuc ênê ηam natatôm atom.

⁴ Gôlôac teŋ sêlanem aômnêm koleŋ êndêŋ gôlôac teŋ
sêŋô

ma sêšôm aômnêm ηaclai ηagêŋsêga lasê.

⁵ Èsêac oc sêšôm aômnêm ηawasi to waem kinja
lasê,

ma aê gabe jaŋga wê êpi nêm gêŋsêga.

⁶ Lau oc sêšôm aômnêm gêŋsêga ηaŋaclai lasê
ma aê gabe jawa aômnêm waem kapôeŋ sa.

⁷ Lau oc sêncac aômnêm moasiŋ teŋgeŋja ηamiŋ
to têtu samuc aômnêm biŋgêdêŋ toôndugeŋ.

⁸ Apômtau eŋ ηac moasiŋ to taê walô ηam.
Eŋ gêbiŋ tôŋ ma têtac gêwiŋ teŋgeŋja gêjam eŋ
auc.

⁹ Apômtau eŋ ηajam gêdêŋ ηamalac samob
ma eŋ taê labu gêŋ samob, taŋ kêkêŋ naŋ.

¹⁰ O Apômtau, gêŋ samob, taŋ kôkêŋ naŋ, sênam
daŋge aôm.

Ma nêm lau mansaŋ sêlanem aôm.

¹¹ Èsêac oc sêšôm aômnêm gamêŋ kinja ηawae lasê
ma sêncac aômnêm ηaclai ηamiŋ

¹² gebe ηamalacnêŋ latuŋi sêŋô aômnêm gêŋsêga
to aômnêm gamêŋ kinja ηawasi ηanô ηawae.

¹³ Aômnêm gamêŋ kinja ênêc teŋgeŋ
ma ônam gôliŋ gôlôac to gôlôac ηêŋgen êna.

Apômtau gêgôm nê biŋ samob ηanô kêsa

ma nê koleŋ samob gêwa ênê têtac gêwiŋ sa.

¹⁴ Apômtau kêpuc lau samob, taŋ seben naŋ tôŋ
ma gêjac èsêac samob, taŋ sêŋgôŋ sêpô
dêducgeŋ naŋ sa.

- 15** Lau samob mateŋ gêdinj aôm
ma aôm kôkêŋ êsêacnêŋ mo gêdêŋ ñanoc.
- 16** Aôm kôlaiŋ lêmamtapa ma gôlôm gêŋ mateŋ jali
samob
e gêôc êsêac tôŋ.
- 17** Apômtau gêgôm nê gêŋ samob gêdêŋgeŋ
ma gêgôm nê gêŋ samob tomoasiŋgeŋ.
- 18** Apômtau gêmoa êsêac, taŋ aweŋ gêjac eŋ naŋ
ŋagala
ma gêwiŋ êsêac samob, taŋ aweŋ gêjac eŋ
toŋjanôgeŋ naŋ.
- 19** Eŋ gêjam êsêac, taŋ têtêc eŋ naŋ, nêŋ sêpô lêna sa
to gêŋô êsêacnêŋ tanjiboa ma kêpuc êsêac tôŋ.
- 20** Apômtau gejob êsêac samob, taŋ têntac gêwiŋ eŋ
naŋ,
ma oc enseŋ lau alôb-alôb samob su.
- 21** Aoc êôc Apômtaunê wae
ma lau nomŋa samob sêlanem ênê ñaê dabunŋ
teŋgeŋ ma teŋgeŋ.

*

146

Talanem Apômtau êtu ênê kôm gêdêŋja

1 Aleluja.

O katuc tau, ôlanem Apômtau.

2 Aê gabe jalanem Apômtau êtôm ñoc bêc samob,
taŋ gaŋgôŋ matoc jali naŋ,
ma gabe janam wê êndêŋ ñoc Anôtô êtôm ñoc
têm, taŋ jamoa nom naŋ.

* **145:21:** Dawidnê wê lanemŋa teŋ.

- 3** Taêm êka laumata to ɳamalac teŋ
gebe ȫsêac têtôm gebe sênam lau sa atom.
- 4** Awenjaô embe ênac pep, oc têtu kekop êtiam
ma nêŋ biŋ, taŋ taêŋ gêjam naŋ, oc ênac pep
amboac tonanjeŋ.
- 5** Aê aoc êôc ɳac, taŋ Jakobnê Anôtô gêjam eŋ sa
ma kêkêŋ mata Apômtau Anôtôgeŋ naŋ.
- 6** Nac tonaj tec kêkêŋ undambê to nom ma gwêc to
ŋagêŋlêlôm samob.
Eŋ ɳac ɳaŋeŋ enden tõŋgeŋ.
- 7** Ènê mêtôc gêdêŋ gêjam ȫsêac, taŋ lau sêkônij ȫsêac
tõŋ naŋ sa
ma gêlôm ȫsêac, taŋ mo gêjô ȫsêac naŋ.
Apômtau kêgaboac lau kapoacwalôŋa su.
- 8** Apômtau kêkêŋ mateŋpec sêlic gamêŋ kêtiam ma
kêsa lau, taŋ sêpô dêducgeŋ naŋ sa.
Apômtau têtac gêwiŋ lau gêdêŋ.
- 9** Apômtau gejob lau jaba ma gêjam awêtuc to
mosêbu sa.
Mago eŋ gesenj lau alôb-alôb nêŋ intêna su.
- 10** Apômtau eŋ kinj tengeŋja.
O Sion, aômnêm Anôtô ênam gôliŋ enden
tõŋgeŋ.
- *

147

Anôtô kêtu ɳaclai to moasij ma mêtê ɳatau ɳamôkê

1 Aleluja.

Alanem Apômtau gebe tanam wê êndêŋ aêacnêŋ
Apômtau tonec gêŋ ɳajam.

* **146:10:** Aleluja.

- Lambinj tonanj ɳajam ma jagêdêŋ.
- ² Apômtau kêkwê Jerusalem sa kêtiam.
Enj gêjac Israel latuŋi, tanj sêmoa salinj-salinj naŋ sa.
- ³ Enj kêmoasinj êsêac, tanj ɳalêlôm popoc naŋ,
ma kêsabaŋ êsêacnêŋ kamoc ɳandaŋ.
- ⁴ Enj kêkêŋ utitalata kêtôm tau taê gêjam
ma kêsam êsêacnêŋ ɳaê samob tomalagenj.
- ⁵ Aêacnêŋ Apômtau enj ɳac kapôêŋ to ɳaclaisêga.
Ênê mêtê ɳadôŋ gêc atomanô.
- ⁶ Apômtau gêjam lau ɳasec sa
ma kêtij alôb-alôbwaga piŋpanj jasêc nom.
- ⁷ Apuc Apômtaunê wê danjeŋa sa.
Aŋgôm gêŋ wêŋa êtaŋ êndêŋ aêacnêŋ Anôtô.
- ⁸ Enj kêkêŋ tao gêzac umboŋ
ma kêkêŋ kom kêmålôm nom to kêkêŋ gêgwaŋ
kêpuc aŋga lôc.
- ⁹ Enj gêlôm bôc
ma kêkêŋ mo gêdêŋ aoco ɳalatu, tanj têtanj
gêdêŋ enj naŋ.
- ¹⁰ Enj têtac gêwiŋ hos ɳaclai atom
to gêlic ɳamalac, tanj labum ɳajaŋa naŋ ɳajam
atom.
- ¹¹ Apômtau têtac gêwiŋ lau, tanj têtêc enj naŋ,
to têtac gêwiŋ lau, tanj sêkêŋ mateŋ ênê têtac
gêwiŋ teŋgeŋna naŋ.
- ¹² O Jerusalem, ôlanem Apômtau.
O Sion, ônam wê êndêŋ nêm Anôtô.
- ¹³ Gebe enj kêmasaŋ nêm katam ɳajaŋa.

Enj gêjam mec nêm ɻapalê, taŋ sêmoa nêm
ɻalêlôm naŋ.

¹⁴ Enj kêbalaŋ nêm gamêŋ ɻamadiŋ auc ɻapep
ma gêlôm aôm gôŋgôŋ moasu ɻaôgenj.

¹⁵ Enj kêsakinj nê jatu kêsêp nom gêmêŋ
ma biŋ tau kêlêti gêjam nom aucgeŋ sep tagen
gêja.

¹⁶ Enj kêkêŋ sno kêtôm kapok
ma kêkêŋ nop kêtôm wao.

¹⁷ Enj kêpalip nê kompoc kêtôm poclô.
Asa oc êôc ênê malotêna tôŋ.

¹⁸ Enj kêkêŋ nê biŋ e gêŋ tau gêwê.
Enj kêkêŋ nê mu, tec ɻabu keseleŋ.

¹⁹ Enj gêwa nê biŋ sa gêdêŋ Jakob
ma kêsôm nê gôliŋ to biŋgêdêŋ lasê gêdêŋ Is-
rael.

²⁰ Enj kêmoasinj tenteŋlatu teŋ amboac tonanj atom.
Êsêac sêjala ênê biŋsu atom.

Aleluja.

148

Undambê to nom sêlanem Apomtau

¹ Aleluja.

Alanem Apômtau aŋga undambê.

Alanem ej aŋga lôlôc.

² Ênê aŋela samob, alanem ej.

Ênê lau totoŋ-totoŋ samob, alanem ej.

³ Oc to ajôŋ, alanem ej.

Amac utitalata samob, alanem ej.

⁴ Amac undambê to undambê, alanem ej.

Amac bu, tanj apoac umboj ñaô nañ, alanem ej.

⁵ Gêj samob tonaj ñai, alanem Apômtaunê ñaêmañ
gebe ej kêjatu, tec gêj tau ñanô kësa.

⁶ Gebe ej ketoc gêj tonaj ñai kêkô gebe êkô enden
tôjgej

ma kêkêj ñagôlij, tanj sêngêli atom nañ, gêdêj
êseac.

⁷ Amac gêj nomja, amac gêjsêga gwêcja to gwêc
ñagêdimlabuña samob nañ,
alanem Apômtau.

⁸ Aôm ja to kompoc, aôm sno to ômbij,
aôm mutêna, tanj gôgôm ênê biñ kêtû tôj nañ,
amboac tonajgej.

⁹ Amac lôc to gamêj ñabau samob,
amac gêjkaij to nip walañ samob,

¹⁰ amac bôc saleñja ma malacja samob,
amac gêj kêkêjja ma moc tomagê, alanem
Apômtau.

¹¹ Amac kiñ aña nom to tenteñlatu samob,
amac kasêga to gôlinjwaga nomja samob,

¹² amac ñacsêjom to awêtakij,
amac lau ñanô to ñapalê, alanem Apômtau.

¹³ Lau samob tonaj ñai sêlanem Apômtaunê ñaêmañ
gebe ênê ñaê tagen tec ñaê towae. Ênê ñawasi
kêlêlêc undambê to nomgej.

14 Eŋ kêkêŋ ŋaclai gêdêŋ nê lau gebe ênê lau
mansaŋ samob sêlanem eŋ
sêwiŋ lau Israel, taŋ têtu ênê gêŋ naŋ.

Aleluja.

149

Wê lambiŋŋa teŋ

1 Aleluja.

Anam wê wakuc êndêŋ Apômtau.

Awenj êôc eŋ aŋga ênê lau mansaŋ ŋalêlôm.

2 Israel têtu samuc nêŋ ŋac, taŋ kêkêŋ êsêac naŋ.
Sion latui awenj êôc nêŋ kiŋ toôndugeŋ.

3 Êsêac têtê wê sêlanem ênê ŋaâ
sêncac oŋ to gêŋ wêŋa êtaŋ.

4 Apômtau têtac gêwiŋ nê lau
ma kêkêŋ lau palê-palê sêku nêŋ ŋacjo tulu.

5 Anôtônê lau têtu samuc eŋ to sênam lasê to ôliŋ êpi
sêncêc nêŋ mê ma awenj êôc eŋ toôndugeŋ.

6 Êsêac sêlambiŋ Anôtô to awenj êpigeŋ
ma sêmêngôm siŋ ŋamata makeŋ-makeŋ

7 gebe sêkac nêŋ kamocgôc aŋga lau samuc nêŋ
ma sêkêŋ ŋagêjô êndêŋ tenterŋlatu.

8 Sênsô êsêacnêŋ kiŋ ŋa kapoacwalô tōŋ
ma sênsô nêŋ lau mata tōŋ ŋa kapoacwalô ki

9 gebe sêŋgôm biŋ, taŋ Anôtô kêkic wanêcgeŋ naŋ,
êtu tōŋ êpi êsêac.

Biŋ tonaj ketoc Anôtônê lau samob sa.

Aleluja.

150

Alanem Apômtau

¹ Aleluja.

Alanem Apômtau aŋga nê lôm dabuŋ.

Alanem eŋ aŋga undambê.

² Alanem eŋ êtu nê gênsêgaŋa
ma alanem eŋ êtu nê ɳaclai kapôêŋya.

³ Alanem eŋ ɳa dauc ɳaôndu.

Alanem eŋ ɳa gêŋ wêŋa to kalingwanj.

⁴ Alanem eŋ ɳa wê to oŋ.

Alanem eŋ ɳa gêŋ wêŋa to gasuc.

⁵ Alanem eŋ ɳa gegob êtaŋ.

Alanem eŋ ɳa gegob ɳakicsêa galaŋ-galaŋgenj.

⁶ Gêŋ samob, taŋ sêsê awenj naŋ, sêlanem Apômtau.

Aleluja.

BIBOLO DABUN
The Holy Bible in the Yabem language of Papua New
Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files
dated 31 Aug 2023

447e01c5-a375-5452-ae54-b3f890293eeb